






3000



५५५

५५५

५५५

॥ श्रीमद्भागवतैकादशस्कंधभाषा ॥



एकादश स्कंधः


जनकः



नवयोगिनः



यदुः

अवधूतदनः



ऐलः


उर्वशी



यादवस्त्रियः

श्रीकृष्णः

दारुकः



व्याधः

कृष्णपरियहः

अर्जुनः



॥ श्री ॥

सर्वेश्वरो विजयतेतराम्.

॥ अथ श्रीमद्भागवत भाषा एकादशस्कंधकी प्रस्तावना ॥



श्रीविष्णुभगवान्के अवतारभूत परमाचार्य श्रीवेदव्यासजीनें एक वेदका चार प्रकारमें विभागकरिके तिन वेदके वाक्यनकी व्यवस्थाअर्थ ब्रह्मसूत्ररूप उत्तरमीमांसा शास्त्रकूं रचिके वेदविषे अनधिकारी जो स्त्री शूद्र और द्विजबंधु (द्विजाधम) आदिक हैं तिनकूं वेदार्थका ज्ञान होवै इस हेतुसैं महाभारतादि इतिहास और अनेक पुराण अरु उदपुराणकूं रचते भये । तिनसैंभी जब असंतोषकूं प्राप्त भये तब नारदके उपदेशतै नारायण ब्रह्मा और नारदकी परंपरासैं प्राप्त सर्वपुराणोत्तम भक्तिवैराग्य और ज्ञानके अनेक प्रसंगों करिके युक्त धर्म अर्थ काम अरु मोक्षके बोधक और शुक परीक्षितके संवादकरिके युक्त श्रीमद्भागवत नामक पुराणकूं रचते भये । तिसके वृक्षके पडकी न्याई द्वादशस्कंध है । और वृक्षके शाखाकी न्याई तीनसैं पैंहेंतीस (३३५) अध्याय हैं और वृक्षके पर्णकी न्याई अष्टादश सहस्र (१८०००) श्लोक हैं । तिनके मध्य प्रथमस्कंधमें प्रसंगसहित शुकागमनरूप उपोद्धात है १ और द्वितीयमें मनुष्य कृत्यके प्रश्नका उत्तर और भागवतके संप्रदायसहित पुराणका लक्षण है २ ऐसैं ग्रंथका भूमिकारूप दो स्कंध कहिके पिछले दशस्कंधनमें पुराणके उक्त लक्षण योजना किये हैं । तिनविषै तृतीयस्कंधमें

महत्तत्त्वादिकनकी स्वरूपसँ और ब्रह्मारूपसँ सृष्टिरूप सर्ग है ३ चतुर्थमें चराचरभूतनकी उत्पत्तिरूप विसर्ग है ४ पंचममें उत्पन्न किये वस्तुनकी मर्यादाके पालनसँ भगवत्का उत्कर्षरूप स्थान (स्थिति) है ५ षष्ठस्कंधमें स्वभक्तनविषै भगवत्का अनुग्रहरूप पोषण है ६ सप्तममें हरिआराधनादि शुभकर्मकी वासनारूप युक्ति है ७ अष्टममें सत्पुरुषोंके धर्मरूप (१४) मन्वंतर हैं ८ नवममें ईश्वरावतारचरित्र और ताके भक्तनकी सत्कथारूप ईशानुकथा है ९ दशममें दुष्टराजनका संहाररूप निरोध (प्रलय) है १० एकादशममें अविद्याकरिकें आरोपित कर्ताभाव आदिककू छांडिके ब्रह्मस्वरूपसँ स्थितिरूप मुक्ति है ११ और द्वादशममें परब्रह्म परमात्मा इननामोंसँ प्रसिद्ध उत्पत्ति अरु प्रलयका आधाररूप आश्रय कहा है १२ इस रीतीसँ तृतीय आदिक दशस्कंधनमें पुराणके दशलक्षणोंकी योजना है ॥

जैसै द्वादश सूर्यनमें विष्णुनामक श्रेष्ठ है । तैसै तिन द्वादशस्कंधनमेंभी साधनसहित मुक्तिका प्रातिपादक होनेसे एकादशस्कंध श्रेष्ठ है ॥ यामें एकतीस (३१) अध्याय हैं । तिनमें पाहिले अध्यायविषे मुसलाख्यान है १ और द्वितीयसँ लेके पंचम अध्यायपर्यंत २-५ वसुदेव, नारद अरु जनक, नव योगेश्वरनका संवाद है ५ और षष्ठाध्याय विषे द्वारिकामें ब्रह्मादिदेवनकरि कृष्णकी स्तुति और कृष्णके प्रति उद्धवका प्रश्न है ६ और सप्तमसँ नवमपर्यंत ७-९ दत्तयदुका संवाद है और ७-२९ पर्यंत, श्रीकृष्णउद्धवका संवाद है ७-२९ और पिछले दो अध्ययनविषै यदुकुलसंहारपूर्वक कृष्णका स्वधामके प्रति गमन कहा है ३०-३१ ॥ इसके प्रत्येक अध्यायका अर्थरूप विषय, नीचे धरि अनुक्रमणिकाविषै स्पष्ट दिखाया है । यह ग्रंथ संस्कृतवाणीरूप होनेतँ सर्व जननकू सुलभ नहीं था । यह जानिके महात्मा श्रीचरण-

दासजीके शिष्यसंप्रदायमें प्रगट भये श्रीसंतदासजीके शिष्य और ज्ञान भाक्ति वैराग्यकरिके संपन्न साधु श्री चतुरदासजी भये हैं तिनोनें सरल श्रेष्ठ और अनुभवयुक्त दोहा चौपाईबद्ध यहभाषा एकादशस्कंध किया है ॥ यह ग्रंथ बहुत प्राचीन है, याको (२६५) वर्ष भये । याके प्रत्येक अध्यायके आरंभमें प्रत्येक अर्थका दोहा । श्रीधरस्वामी उक्त श्लोकनके अनुसार सलेमाबाद निवासी पंडितश्रीधरने रक्खे हैं ॥ सो परंपरासैं छपती आई है । अब टाइपके अक्षरोंमें याकी प्रथमावृत्ति अजमेर निवासी पण्डित रामलालात्मज हरिशंकरशर्मासे पदच्छेद व शुद्ध करवायके हमनें छपाई है ॥ अब ती द्वितीया वृत्तिमें पं. मनोहरलाल सुकुलसे अत्यंत शुद्धकरवायकर सुंदर चिकने कागजपर छापकर प्रसिद्ध किया है याके आरंभमें एक एक अध्यायके अर्थके वर्णनरूप अनुक्रमणिका रक्खी है ॥ सो देखनेमेंसैं अभ्यासीजननकूं इच्छित अध्यायके अर्थका जल्दीही लाभ होवैगा ॥ या ग्रंथका अर्थरूपविषय याके पीछे धरि अनुक्रमणिकामें स्पष्ट जनाया है ॥ यह ग्रंथ ब्रह्मवेत्ता गुरुके मुखद्वारा पढनेसे भक्तिसहित ब्रह्मविद्याका जनक होवैगा । यातैं उक्त गुरुके मुखसैं पढना चाहिये यह विशेष विज्ञप्ति है ।

आपका—हरिप्रसाद भगीरथजी,
कालकादेवोगेड—रामवाडी.
मुम्बई.

॥ श्रीकृष्णपरमात्मने नमः ॥

अथ श्रीमद्भागवतभाषा एकादशस्कंधकी अनुक्रमणिका ॥

एकतीस अध्यायनमें मुक्तिका कथन ।

अध्याय अंक.	विषय.	पृष्ठ.	अध्याय अंक.	विषय.	पृष्ठ.
१	भाषाकर्ताकृतमंगलाचरण, भागवतपरंपरा और विप्रशापके मिलकरि मुसलाख्यान.	१	४	जनकके प्रति द्रुमिल योगेश्वरकरि नारायणके अवतारनका कथन.	१०
२-९	वसुदेव, नारद और जनक, नवयोगेश्वरनका संवाद.		५	जनकके प्रति चमप और करभाजन इन दो योगेश्वरनकरि भक्तिहीन कर्मिष्ठ पुरुषनकी बहु-दोषपूर्वक दुर्गतिके औग युगयुगविषै पूजाविधि-के प्रश्नका उत्तर अरु दो संवादकी समाप्ति.	१२
२	वसुदेव, नारद और नवयोगेश्वर जनकके संवादके आरंभपूर्वक जनकके प्रति कवि और हरि इन दो योगेश्वरनकरि आत्यंतिक क्षेम अरु ताके साधन भागवत धर्म औ त्रिविध भक्तलक्षणका कथन.	२	६	द्वारिकामै ब्रह्मादिक देवनकरि कृष्णकी स्तुति औ कृष्णके प्रति उद्धवका प्रश्न.	१६
३	जनकके प्रति अंतरिक्ष, प्रबुद्ध, पिप्पलायन औ आविर्होत्र, इन चारी योगेश्वरनकरि माया, तिनका तरण, ब्रह्म और पूजादिकर्मका कथन.	६	७-२९	कृष्णोद्धवसंवाद ॥ ६-९ दत्तयदुसंवाद—	
			७	श्रीकृष्णकरि उद्धवके प्रति तत्त्वज्ञानका उपदेश	

अध्याय अंक.	विषय.	पृष्ठ.
	और उद्धवके द्वितीय प्रश्नके समाधानमें दत्तात्रेय मुनि अरु यदुके संवादपूर्वक पृथ्वी १ वायु २ आकाश ३ जल ४ अग्नि ५ चंद्र ६ सूर्य ७ कपोत ८ इन अष्टगुरुनकी शिक्षा. १९	
८	अजगर १ समुद्र २ पतंग ३ भ्रमर ४ मधुमक्षिका ५ हस्ती ६ मृग ७ मत्स्य ८ और पिंगला ९—१७ ॥ इन नवगुरुनकी शिक्षा. २४	
९	श्वेनपक्षी १ बालक २ कुमारिका ३ शरकार ४ सर्प ५ मकरी ६ भृंगीकीट ७ ॥ २४ ॥ और देह ८ ॥ २५ ॥ इन अष्ट गुरुनकी शिक्षा. २७	
१०	तत्त्वज्ञानके साधनसहित तत्त्वज्ञानपूर्वक आत्माकूं देहसंबंधतैं संसार है, स्वतः नहीं, यह अन्य मतके खंडनतैं निरूपण और उद्धवकृत बंधमोक्षका प्रश्न २९	
११	बन्ध और दो भांतिके मुक्तका, अरु हरिभक्तिका लक्षण और भक्तके (३०) लक्षणका अरु ताके कर्तव्यका कथन. ३१	
१२	सत्संगमहिमापूर्वक कर्मानुष्ठान और ताके त्यागकी व्यवस्था..... ३५	
१३	सत्त्वगुणकी वृद्धिसैं ज्ञानके उदयका क्रम और	

अध्याय अंक.	विषय.	पृष्ठ.
	हंसभगवानके इतिहाससैं चित्त और गुणके वियोगका वर्णन. ३८	
१४	भक्तिवियोगका महिमा और सधनासाहित ध्यानयोगका वर्णन. ४३	
१५	तेवीस सिद्धि और तिनते साधन तिनकी मोक्षमें विघ्नरूपताका कथन. ४७	
१६	ज्ञान, वीर्य और प्रभावके भेद तैं हरिकी प्रकृतायुक्त विभूतिनका वर्णन. ५०	
१७	भक्तिलक्षण धर्मके प्रश्नपूर्वक हंसयुक्त धर्म कथन वर्णाश्रमके उत्पत्ति अरु स्वभावपूर्वक ब्रह्मचारी और गृहस्थके धर्मका कथन. ५२	
१८	वानप्रस्थ और संन्यास आश्रमका धर्म अधिकारके भेदतैं आश्रमगत विशेषका कथन. ५५	
१९	आश्रमके धर्मतैं पूर्व निरूपण किये ज्ञानादिकनका ज्ञानीकरित्याग और ज्ञानविज्ञान भक्तिरूपधर्म वैराग्य और ऐश्वर्यके कथनपूर्वक यमानियमादिकके ३५ प्रश्नोंका उत्तर. ५८	
२०	गुणदोषकी व्यवस्था अर्थ अधिकारिके विभागतैं भाक्ति ज्ञान और कर्मरूप तीन योगनका कथन. ६२	

- २१ निष्काम कर्म, ज्ञान और भक्तिविषै अनधिकारी
सकामी पुरुषके निमित्त द्रव्य देश आदिकके
गुणदोषका वर्णन. ६५
- २२ तत्त्वकी संख्या अविरोधके प्रकारका और
पुरुषप्रकृति विवेकका अरु जन्ममृत्युके प्रकार
आदिकका कथन. ६८
- २३-२६ महान् पुरुषकूं दुःसह रूप दुर्जनोके उपद्रव
सहनका उपाय.—

- २३ भिक्षुगीतके प्रकारसैं कदर्यके आख्यानसैं बुद्धि-
करि मनके निरोधरूप तिरस्कारसहनके उपा-
यका कथन. ७३
- २४ सांख्य (प्रकृतिपुरुषके विवेक) करिके सर्व
तत्त्व (पदार्थ) नके उत्पत्ति अरु लयके चिंत-
नसैं आत्मा मनके मोहका निवारण. ७८
- २५ अपने निर्गुणभावके ज्ञान अर्थ चित्तविषै उत्पन्न
सत्त्वादिगुणकी वृत्तिका अनेक प्रकारसैं
निरूपण ८०
- २६ दुष्टके संगतैं योगनिष्ठाके भंगका अरु

- साधुसंगसैं योगनिष्ठाकी परम अवाधिरूप ऐल
गीतका कथन ८२
- २७ तत्काल चित्त प्रसन्नताका कर्ता और सर्व
कामोकी प्राप्ति हेतु हरिपूजारूप क्रिया यो-
गका अंग (साधन) सहित संक्षेपतैं कथन. ८४
- २८ पूर्व विस्तारसैं वर्णन किये ज्ञानयोगकाहीं फेर
संक्षेपसैं निरूपण. ८७
- २९ पूर्व विस्तारसैं निरूपण किये भक्तियोग-
का स्वभक्तके अर्थ फेर संक्षेपतैं कथन और कृ-
ष्णउद्धवके संवादकी समाप्तिपूर्वक उद्धवका बद-
रिकाश्रमप्रति गमन. ९२
- ३०-३१ यदुकुलसंहार और कृष्णका स्वधामके
प्रति प्रवेश—
- ३१ वैराग्यके लिये पूर्व कहे मुसलके मिषतैं स्व-
धामके प्रति गमनकी इच्छावाले कृष्णकरि, स्व-
कुलसंहार कथाकी समाप्तिविषै कथन. ९६
- ३१ इस लोकतैं स्वधामके प्रति गये भगवानके
पीछे प्रीतिसैं वसुदेवादि यादवनका देवलोकादि
स्थानविषै गमन. ९९

इति श्रीमद्भागवतगत भाषा एकादशस्कंधकी अनुक्रमणिका समाप्ता ॥

श्रीगणेशायनमः ॥ श्रीगोपालकृष्णायनमः ॥ अथश्रीएकादशस्कंधभाषालिख्यते ॥ दोहा ॥
 हरिगुरुभक्तप्रसादतैं, श्रीधरमिलतविवेक ॥ एकादशइकतीसमें, अधकएकतैं
 एक ॥ १ ॥ वेदव्यासकृतमूलपैं, चतुर्दासकृतसार ॥ सुगमजानसबनरगहैं, लहैं
 सुतत्त्वविचार ॥ २ ॥ श्रीधरपहलेध्यायमें, चतुर्दासकहिमान ॥ विप्रशापकेव्या
 जतैं, मूसलकौआख्यान ॥ ३ ॥ ॥ चौपाई ॥ संतदास सतगुरुके रचना ॥ तिनकौ
 गहौं सुदृढ करि शरना ॥ जातैं उपजै ज्ञान बिचारा ॥ छूटै भर्म कर्म व्यवहारा ॥ १ ॥
 बहुरों जगत जन्म नहि आउं ॥ तिनकौं निजानंदपद पाउं ॥ तिनकी आज्ञा हिरदै
 धरौं ॥ लोकहितारथ भाषा करौं ॥ २ ॥ श्रीभगवान विरंचिहिं भाष्यो ॥ सो विरंचि
 नारदसौं आष्यो ॥ सो नारद व्यास हि समुझायौ ॥ व्यास भासकरि शुक हि पढायौ
 ॥ ३ ॥ सो शुक कह्यौ परीळित आगे ॥ छूट्यौ द्वैत सुपन ज्यौं जागे ॥ सोइ सूत अजहुं
 विस्तरें ॥ सहस्र अठ्यासी ऋषि मन धरें ॥ ४ ॥ श्रीभगवान आप यह भाष्यौ ॥ तातैं नाम
 भागवत राष्यौ ॥ आप मिलनकौ पंथ बतायौ ॥ या मारग बहुतनि हरि पायौ ॥ ५ ॥ ॥
 ॥ दोहा ॥ व्यासदेव जो भागवत ॥ भाष्यो द्वादशस्कंध ॥ तिनमें एकादश
 कह्यौ ॥ नैन लहैं ज्यौं अंध ॥ ६ ॥ चौपाई ॥ एकादश इकतीस अध्याय ॥ तिनकौं बहुरों कहूं
 सुनाय ॥ यदुकुल नाश प्रथम में गायौ ॥ बहुत भांति वैराग्य उपायौ ॥ ७ ॥ हरिपुरिपंथ कह्यो पुनचारी ॥
 जनकहि जोगेश्वरानि बिचारी ॥ सो नारद वसुदेव हिं कह्यौ ॥ पायौ ज्ञान परम पद लख्यौ ॥ ८ ॥

ए. भा.

॥ १ ॥

छठे कृष्ण उधव प्रस्ताव ॥ तेइसकर निज ज्ञान सुनाव ॥ द्वै यादवविनाश विस्तार ॥ ए इलतीस
ज्ञान निजसार ॥ ९ ॥ श्रीशुकदेव करत आरंभा ॥ श्रोता नृपति अडिग तज अंभा ॥ तब शुकजी
यहाकियो विचारा ॥ ज्ञानबिना नार्ही उद्धारा ॥ १० ॥ तातैं ब्रह्म ज्ञान समझाऊं ॥ प्रथम हिं दृढ
वैराग्य उपाऊं ॥ पंषी ऊढे पंष द्वै जैसें ॥ ज्ञान विराग मिले हरि ऐसें ॥ ११ ॥ राजा सुनो जगत
सुख जैसें ॥ जिनसों लागी भ्रमत नर ऐसें ॥ भए कोटि छप्पन कुलयादव ॥ ज्यों घनघमडि
चहुं दिशि भादव ॥ १२ ॥ तिनकों बहुत भांति विस्तारा ॥ गनती करत लहें कोपारा ॥
भवन आपनौ कमला कियौ ॥ नवानिधि जहाँ बसेरा लियौ ॥ १३ ॥ बहुरि सुधर्मा सभा
मँगाई ॥ बैठें जहां न व्यापे काई ॥ तिनकी समता कौन बताउं ॥ तीन लोकमें कहीं न पाऊं
॥ १४ ॥ तिनकी बात कहत अब ऐसी ॥ पलकमांहि सुपनेंकी जैसी ॥ चार घरीमें सब
संघारे ॥ ज्यों बुदबुदा पपनके मारे ॥ १५ ॥ रामकृष्ण तहँ कौतिकहारा ॥ आपुहिं आप सकल
संहारा ॥ विप्रशापको कीनौ व्याजा ॥ ए सब कृष्णदेवके काजा ॥ १६ ॥ लोकनि कौं
वैराग्य जनायौ ॥ उद्धव या द्वारा समुझयौ ॥ प्रथम भीम अर्जुन द्वै अनी ॥ दुष्ट नृपति अरु
सेना हनी ॥ १७ ॥ या विधि भूकौ भार उताच्यो ॥ नाभ रूप यशकौं विस्तान्यो ॥ जाकौं
गहि पहुंचैं भवपारा ॥ आगें जन जे होहिं अपारा ॥ १८ ॥ बहुत भांति करि अद्भुतकर्मा ॥
थाप्यो जगत भागवत धर्मा ॥ या विधि सबके काज सँवारे ॥ तब हरिजी वैकुण्ठ पधारे ॥ १९ ॥
॥ दोहा ॥ ऐसी सुनि अद्भुतकथा, यदुकुलकौं द्विजशाप ॥ प्रश्न करी राजा
तहाँ, लखवै तिनकों पाप ॥ २० ॥ राजोवाच ॥ चौपाई ॥ ते तो विप्रभक्त थे

अ. १

॥ १ ॥

सारे ॥ परमदानि अरु सेवक भारे ॥ विप्रकोप कीनौ क्यों पूरण ॥ जातें नाश भए सब तूरण
 ॥ २१ ॥ कौन निमित्त शापसो कौना ॥ कहो कृपा करि करुणा भौना ॥ एकमना यादव ते
 सारे ॥ आपुहि आप कौन विधि मारे ॥ २२ ॥ श्रीशुकउवाच ॥ ॥ चौपाई ॥ भूको भार
 हरनेके काजा ॥ भूअवतार लीयो ब्रजराजा ॥ बहुविध भूको भार उतान्यौ ॥ तब मनमें
 गोपाल बिचान्यौ ॥ २३ ॥ ज्यों लगी हैं जादवकुल सारौ ॥ त्यों लगी नहिं भूभार उतान्यौ ॥
 मम आधीन रहें ए सारें ॥ तातें निजकर बनें न मारें ॥ २४ ॥ दूजो कोई सके न मारी ॥
 तातें कीजै यतन बिचारी ॥ ज्यों बह वांस बढें वनमांही ॥ पवन निमित्त पाई घर साही
 ॥ २५ ॥ आप आपुमें अग्नि उपावै ॥ तासों लग सकल जल जावै ॥ है त्यों इहां पवन द्विज
 शाप ॥ क्रोध अग्नि तहां आपहि आप ॥ २६ ॥ करि विस्तार होइ संघारा ॥ यह ठहरायो कृष्ण
 विचारा ॥ आए सकल ऋषीस्वरभवना ॥ निकट क्षेत्र करवायो गवना ॥ २७ ॥ कणव अंगिरा
 विश्वामित्र ॥ दुरवासा भृगु अत्रि अगस्त ॥ कश्यप वामदेव अरु नारद ॥ और बहुत ऋषी
 बहु विसारद ॥ २८ ॥ तहां सर्वे मुनि सुखसों बैठे ॥ जदुकुमार तहां छलकरी पेटे ॥ सांबहि
 बनिता भेष बनायो ॥ वस्त्रादिकनि उदर अधिकायो ॥ २९ ॥ अति बिनतीसों चरणानि
 लागे ॥ पूछे प्रश्न खरे तिन आगे ॥ यह बनिना पूछे द्विजराजा ॥ सनमुष होत लगै
 अतिलाजा ॥ ३० ॥ निकट प्रसव आयो हैं याकौ ॥ करौ विचार आपमें ताकौ ॥ तुम
 त्रिकालदरसी सब जानौं ॥ कहा जनहि सो हमहिं बषांनौ ॥ ३१ ॥ तब करी क्रोध वचन
 ते भनै ॥ कुलनासन मुसल ए जनै ॥ जातें तुम बहमदसों माते ॥ दुष्टबुद्धि होवो सब जातें

ए. भा.

॥ २ ॥

अ. १

॥ ३२ ॥ बैन सुनत अति भय मन आयौ ॥ तबही तहां उदर छटिकायौ ॥ देख्यो तहां लोहको
मुसला ॥ तब तिन जान्यो नार्हीं कुसला ॥ ३३ ॥ ते सब बहुत भांति पिछताये ॥ ले मूसल
राजापें आये ॥ उग्रसेन सों बोले बैना ॥ अतिमलीन नहीं जोरे नैना ॥ ३४ ॥ सुन्यो श्राप
अरु मूसल देख्यौ ॥ जीवन सबनि गयो करि लेष्यौ ॥ मूसल रेत चूरण करवायो ॥ कृष्ण न
पूछ्यो समुद्र बहायो ॥ ३५ ॥ तातें रेत रह्यो अतितुच्छा ॥ ताकौं निगल गयो
एक मच्छा ॥ ते चुरण लहरिनके मोरे ॥ आए तीर भए तृण सारे ॥ ३६ ॥ धीवर
एक जाल विस्तान्यो ॥ औरनिसंग मच्छसों पकन्यो ॥ ताके उदर लोहे सोपायौ ॥
व्याध एक सो बान बानयौ ॥ ३७ ॥ हरिजी बात सकल सो जानी ॥ बहुत
भली हिरदेमें मानी ॥ जद्यपि जोग अन्यथा करणें ॥ परि मनमांहि सकल संहरणें ॥ ३८ ॥
यहि विधि सकल आप मन भाई ॥ ताकौ फेरी सकै क्युं काई ॥ निश्चै ऐसी थापी व्यापू
यदुकुल षोडं द्विजके शापू ॥ ३९ ॥ ॥ दोहा ॥ यह वैराग्य निरूपयो, ज्ञानकाज
शुकदेव ॥ ज्ञान कहों अब ज्यों लह्यौ, नारद सो वसुदेव ॥ ४० ॥ इति श्रीभा-
गवते महापुराणे एकादशस्कंधे अष्टादशसाहस्र्यां संहितायां यदुकुलश्रापनिरूप-
णं नाम प्रथमोऽध्यायः ॥ १ ॥

॥ दोहा ॥ दूजै श्रीवसुदेवजी, पूछ्यो नारद पास ॥ नव योगेश्वर जनकप्रति,
कीनौ ज्ञान प्रकास ॥ १ ॥ श्रीशुक उवाच ॥ चौपाई ॥ द्वावती आप जहा पालक ॥

॥ २ ॥

तहां नहीं दक्ष श्राप कौ तालक ॥ नारद तहां निरंतर आवै ॥ कृष्णदेवके दरसन पावै ॥ १ ॥
 जीवनमुक्त भजे नित जाकौं ॥ बंध्यौ जीव तजे क्यों ताकौं ॥ जाकौं सकल लोकमें काल ॥
 जहां तहां निसिदिन बिहाल ॥ २ ॥ मानवतन इंद्रियनिसों राजा ॥ इतनि हरि सेवाके सजा ॥
 वंछे जांही ब्रह्मसुराजा ॥ कृष्णदेवसेवाके कजा ॥ ३ ॥ ऐसी देह भाग्यते पावै ॥ हरिकी
 सेवा क्यों छटिकावे ॥ पलमें काटे कालके पासा ॥ हरिकों पावै हरिकेदासा ॥ ४ ॥ एकवार वसु
 देवके भवना ॥ नारद कियो कृपा करी गमना ॥ तिन बहुविध पूजा विस्तरी ॥ ता पीछें तिन अस्तुति
 करी ॥ ५ ॥ वसुदेव उवाच ॥ हे प्रभुजी तुमरो आगमना ॥ सब देहिनकों सुषकौ भवना ॥
 उपमा तुमही कौनकी दीजे ॥ जिनके दरस सकल भय छीजें ॥ ६ ॥ और देव देवें सुखदुखकौ ॥
 तुमसें साधु प्रगट परसुखकौं ॥ जिनके हृदय विराजे रामा ॥ तिनते होइ कौन नहीं कामा ॥ ७ ॥
 ऐसे फलदाइक सबदेवा ॥ ते तो लहें जेतिकरें सेवा ॥ ज्यों कर ले दरपनकों कोई ॥ आप
 करें आभासे सोई ॥ ८ ॥ तुमसे साधु सदा सुखदाई ॥ जिनकी महिमा कही न जाई ॥ जद्यपि
 दरसमें भयो कृतारथ ॥ पूछों देव तथापि हितारथ ॥ ९ ॥ जो भागवत धर्मसुनि जीवा ॥ जनम
 मरण तजि पावे पीवा ॥ जिन आचर्णानि तुमकौं देवा ॥ हरि प्रसन्न सो भाषौ भेवा ॥ १० ॥ पूर्व जनम
 सेवा में करी ॥ माया मोह्यो समुझ न परी ॥ तब में हरि पुत्रकरी वन्यौ ॥ तांहिहु तें नहीं उद्ध
 यौ ॥ ११ ॥ तातें अब में तुमरी सरना ॥ सो कछु करौ मिटे ज्यों मरना ॥ कहालों कहों जग
 तके दुषा ॥ जामें सुपनमांही हुं नहीं मूषा ॥ १२ ॥ जहां जहां जाइ तहां तहां काल ॥ हरिबिन
 जीव सदा बिहाल ॥ ऐसे वचन मुनें जब नारद ॥ तब ते बोले परम विशारद ॥ १३ ॥

॥ दोहा ॥ परम बचन वसुदेवके, सुनिकैं भयो आनंद ॥ भागवत धर्म प्रका
शियो, बोले पूरनकंद ॥ १४ ॥ नारदउवाच ॥ चौपाई ॥ धन वसुदेव धन्य तुम
बानी ॥ जाकरी पूछें सारंगपानी ॥ कोई होइ सकलजगघातक ॥ विष्णुधर्मतें रहे न पातक
॥ १५ ॥ श्रवण कीरतन आदरध्याना ॥ अनुमोदनउ करें सयाना ॥ सो पुनीत होवें ततकाला ॥
बहुरी परें नहि जमके जाला ॥ १६ ॥ तुम यह कियो बडे उपकारा ॥ मोहिं सुमरायो सिरजन
हारा ॥ जाको श्रवण कीरतन एसौ ॥ अंधकारकौ मूरज जैसौ ॥ १७ ॥ तुमसौं कहों कथा इति
हासा ॥ जातैं छूटे भवके पासा ॥ ऋषभदेव सुत नवयोगेसा ॥ तिनतैं सुनीयो जनक नरेसा
॥ १८ ॥ सुनिके ब्रह्मपरायन भयो ॥ जन्म मरन संसार सब गयो ॥ अब उतपती कहत हों
तिनकी ॥ पूरण प्रीत रामसों जिनकी ॥ १९ ॥ स्वायंभुमनु नृपती सिरताजा ॥ ताकौं तनय
प्रियव्रतराजा ॥ ताकौं आग्नीध्र सुत भयौ ॥ नाभि जनम ताहीतैं लयो ॥ २० ॥ ताके ऋशभदेव
अवतारा ॥ जिन प्रगटायो ब्रह्मविचारा ॥ ताके पुत्र एक शत भए ॥ सकल वेदके पारहिं गए
॥ २१ ॥ तिनमे बडे भरतसे नामा ॥ जाके हृदय बसे नित रामा ॥ जातैं भरतवंड यह कह्यो ॥ तातैं
अजनाभ नामतैं लह्यो ॥ २२ ॥ प्रथम बोलहि भोगे भोगा ॥ समझ त्याग पुनि लीयो जोगा ॥ मन
क्रमवचन करी हरिभक्ति ॥ तीजे जनम लही तिन मुक्ति ॥ २३ ॥ तिनमें नव नव षंड नरेसा ॥
एक अरु असी करम उपदेसा ॥ नव ते महाभाग अधिकारी ॥ सब तजि सेवें चरण मुरारी ॥
॥ २४ ॥ तजि अनर्थ अर्थ विस्तारें ॥ या विधि जीव बहुत निस्तारें ॥ देह अतीत दिगंबर भेषा ॥
सदा हृदयमें एक अलेशा ॥ २५ ॥ कवि हरि अंतरिक्ष पिप्पलायन ॥ आविर्होत्र प्रबुद्ध परायन ॥

दुमिल चमस कर भाजन नामा ॥ इन नवनिको ब्रह्ममें धामा ॥ २६ ॥ आपहिं आदि संसार
 पसारा ॥ सबकौ जाने सिरजनहारा ॥ द्वैतभावकौ कीनों पंडा ॥ याविधि विचरे सकलब्रह्मंडा
 ॥ २७ ॥ सुर अरु साध्य सिद्ध गंधर्वा ॥ किन्नर जक्ष नाग नर सर्वा ॥
 सकस लोकमें इच्छाचारी ॥ आडरहित सबमें अधिकारी ॥ २८ ॥ निमिष नाम
 जनकके सत्रा ॥ एकवार तिन कीनी यात्रा ॥ रविसे सोभित जिनकी देहा ॥ आवत देखें
 नृपति विदेहा ॥ २९ ॥ राजा अमि विप्र उठि धाए ॥ आगे न्हे लेवेकों आए ॥ क्रम क्रम
 आना धरें सिंहासन ॥ क्रमहिं क्रमते बैठे आसन ॥ ३० ॥ तबहि ताहि क्रम पूजा कीनी ॥
 करि दंडोत प्रदक्षिणा दीनी ॥ श्रक आभरण वस्त्र बहुरंगा ॥ तो सब सोभे तिनके अंगा ॥ ३१ ॥
 ज्ञान विचार ब्रह्ममय ऐसे ॥ ब्रह्मपुत्र सनकादिक जेसे ॥ तब कर जोरि भयो नृप ठाढ़ौ ॥
 बोल्यो वचन प्रेम अतिबाढ़ौ ॥ ३२ ॥ दोहा ॥ तब नृपकों आनंद बढ्यो, कछु न
 रही संभाल ॥ प्रेम मगन है बोलियो, बानी परम रसाल ॥ ३३ ॥ विदेह उवाच
 ॥ चौपाई ॥ ॥ तुम पार्षद परम हरिजीकै ॥ मैं जाने सब इनमें नीकै ॥ जीवनिके उद्धरवे
 कारज ॥ सकल लोकमें विचरो आरज ॥ ३४ ॥ धनमें धन मेरी मेरी अवतारा ॥ जाते पायो दरस
 तुमारा ॥ नाना योनि जीव यह पावे ॥ मानुष तनसों कबहुक आवें ॥ ३५ ॥ या विधि
 नरदेह बहु गेहें ॥ दुरलभ साधु संग नव लेंहें ॥ जिनके संग मिटे भवबंधा ॥
 नैन अनंत लेंहें ज्यों अंधा ॥ ३६ ॥ प्राणनाथ हरि हृदे विराजें ॥ छूटे कर्म

ए. भा.
॥ ४ ॥

भरम भय भाजै ॥ आधोक्षण होवें सतसंगा ॥ सोइ करे जगतभयभंगा ॥ ३७ ॥ तातें
मम संदेह मिटावो ॥ परम क्षेम सो मोहि सुनावो ॥ भगवतधर्म कहो विस्तारि ॥ जो में हों
सुनबे अधिकारि ॥ ३८ ॥ जिनतैं मिटै जगतभय भारी ॥ बहुरि आपको देत मुरारी ॥
ए सुनि बचन सबनि सुष पाए ॥ तब हीं मान दे बैन सुनाए ॥ ३९ ॥ दोहा ॥ ॥ नृपके
मन आनंद भयो, भाग्यो भरम अंदेस ॥ तब राजाको प्रश्न करि, बोल्यो
कवि जोगेस ॥ ४० ॥ ॥ कविरुवाच ॥ ॥ चौपाई ॥ राजा प्रश्न कन्यो तुम एसो ॥
बडभागी पृच्छत हैं जेसो ॥ निरभय पद एक हैं देवा ॥ हरिके चरन कमलकी सेवा ॥ ४१ ॥
ताकों छोडि करें नर जोई ॥ दुखको मूल होत हैं सोइ ॥ जाई जहां तहां दुख भारी ॥ काल
पास कहुं टैं न टारी ॥ ४२ ॥ तातें कहौं भागवत धर्मा ॥ मिलें राम छूटें भवभर्मा ॥ श्रीमुख
श्रीभगवान सुनायो ॥ आप मिलनेको पंथ बतायो ॥ ४३ ॥ मूरखहु जे होवें कोई ॥ इन पंथन
हरिपावे सोई ॥ श्रम नहि होइ विलंब न लागें ॥ भर्म निसा सुतो ज्यों जागें ॥ ४४ ॥ आंखि
मूँदिउ ध्यावें कोई ॥ या हरिपंथ न कलु भय होई ॥ हरि मिलनको मारग एहा ॥ हरिभजि
मुक्त होइ यह देहा ॥ ४५ ॥ हरिकी भक्ति सबनितैं न्यारी ॥ कोटि विघनतैं टैं न टारी ॥
अजर नाम है भक्ति पियारि ॥ तापैं पार होई नर नारि ॥ ४६ ॥ हरि मिलनेको मारग कहौं ॥
तेरें उरकौ संसा दहौं ॥ मन क्रम बचन बुद्धि अरु चित्ता ॥ होइ सूभावहुतैं जो नित्ता ॥ ४७ ॥
सौ सब हरि ही समर्पन करैं ॥ यों भागवतधर्मनि विस्तारैं ॥ जब यह जीव हरि हि वीसन्थौ ॥
तब हरिकी माया आवन्थौ ॥ ४८ ॥ तब आपनो स्वरूप भुलायौ ॥ आप मानि तन में मन

अ. २

॥ ४ ॥

लायौ ॥ द्वैतभाव तब उपजे मनमें ॥ ताहि तें यह मरी मरी जनमें ॥ ४९ ॥ तातें बुध सेवे
 हरिचरना ॥ जातें मिटें जनम अरु मरना ॥ सोधि लेइ उत्तम गुरुदेवा ॥ हरिसौं जानि करै
 नित सेवा ॥ ५० ॥ सो ज्यौं ज्यौं आचरण बतावैं ॥ त्यों त्यों हरिसौं हेत लगावैं ॥ कपट न
 भजे तजे सब कामा ॥ छूटें जगत मिलें तब रामा ॥ ५१ ॥ द्वैत कछु है ये नहि राजा ॥ आभास्यो
 सो मनको काजा ॥ जेसैं मृषा मनोरथ सुपना ॥ मनहीं करितें दोनों उपना ॥ ५२ ॥ हे कछु
 नाहीं परिहे सोहैं ॥ ताके संग लागि सब मोहैं ॥ तो संकल्प विकल्प न कीजे ॥ मन दृढ राखि
 रामरस पीजे ॥ ५३ ॥ हरिके जनम कर्म गुण नामा ॥ सुने कहैं सुमरें सब जामा ॥ तजे लाज
 होबे निहसंगा ॥ मगन रहे नित हरिके रंगा ॥ ५४ ॥ ऐसैं भजत प्रेम अधिकावैं ॥ सब तन
 रोमाचित व्हैं आवैं ॥ गद गद शब्द अटपट बेंना ॥ द्रवें चित्त जल बरषें नेना ॥ ५५ ॥ रोवें
 हसैं उंचैं सुर गावैं ॥ कबहुं मौन गही रहिजावैं ॥ लोक बेद कुल लाज न जांनै ॥ ज्यौं उन
 मत्त विवस यौं ठानै ॥ ५६ ॥ दसदिसि सरित सिंधु नग नागा ॥ रवि शशि तारा हंसरु कागा ॥
 क्षिति जल पावक पवन अकाशा ॥ जो कछु देषे हरिके दासा ॥ ५७ ॥ हरिकौ रूप
 सकलको जानै ॥ जहां तहां पर नाम हिं ठानै ॥ कबहुं भूलन भासै आना ॥ भयो अनन्य
 भजें भगवाना ॥ ५८ ॥ ज्यौं ज्यौं बढैं कृष्ण अनुरागा ॥ त्यों त्यों ओर सकलको त्यागा ॥
 ज्यौं ज्यौं अनृभोजन प्रतिग्रासा ॥ तोष तोष अरु भूषविनासा ॥ ५९ ॥ या विधि करते साधन
 भक्ति ॥ हरिजीमूं बाढें अनुरक्ति ॥ तब कछु और भूलि नहीं भासैं ॥ तब हिरदेमें ज्ञान प्र-
 कासैं ॥ ६० ॥ ब्रह्म एक दसहुं दिशि देषें ॥ द्वैतभाव कर कदें न लेषें ॥ ऐसैं अंग भागवतमार्हीं ॥

सोहरि में हैं जगमें नहीं ॥ ६१ ॥ दोहा ॥ ए सुनि कविजीके वचन, कीनौ प्रश्न
 विदेह ॥ अब भाषो भागवतके, लच्छन करुनागेह ॥ ६२ ॥ विदेह उवाच ॥
 ॥ चौपाई ॥ प्रभुजी कहो भागवत लच्छन ॥ जिन बस होवें राम विलच्छन ॥ कोन धर्म हिरदें
 दृढ राखें ॥ क्यों आचरें कौन बिधि भाषें ॥ ६३ ॥ कौन सुभाव निरंतर तिनके ॥ द्वैतभाव नहीं
 उर जिनके ॥ बोले हरि जोगेश्वर दूजे ॥ नृपके वचन बहुत तिन पूजें ॥ ६४ ॥ हरि उवाच ॥
 ॥ चौपाई ॥ स्थावर जंगम सूक्ष्म थूला ॥ एक प्रकृति सकलको मूला ॥ सो इक आत्म के
 आधार ॥ सो आत्म अंस निराकार ॥ ६५ ॥ हरिजीतें उपजे ए दोई ॥ अंत लीन हरि
 हीमें होई ॥ तातें अबहू हरिको जाने ॥ द्वैतभाव कबहू नहीं आने ॥ ६६ ॥ ज्यों सागर
 बुदबुद तरंगा ॥ यों सब जगत जगतपतिसंगा ॥ याबिध जानी भयो जो थीरा ॥ सो हरि जन
 उत्तम हैं बीरा ॥ ६७ ॥ जाकौं हरिसौं निहचल प्रेमा ॥ अरु हरिजनसंगति नित नेमा ॥
 सब जीवनिपरि करुणा आने ॥ सब उद्धरें हृदें यो जानें ॥ ६८ ॥ जो कोउ तापरि दोषहीं
 ठानें ॥ कहाँ तजेके ज्यों त्यों छानें ॥ निसदिन रहें रामरंगराता ॥ सो हरिजन मध्यमही ताता
 ॥ ६९ ॥ जो मूरतिमें हरिकों जानें ॥ मन क्रमबचन आन नहि आने ॥ ताकौं पूजे हित चित
 लाई ॥ कछु न मागें सहज सुभाई ॥ ७० ॥ पैं हरि जन न भजे हरि जानी ॥ सतगुरुबिना नाहि
 पहिचांनी ॥ सर्वात्म हरिकों नहि जानें ॥ सो प्रकृत जन साधु बषांनै ॥ ७१ ॥ बहूरि कहूं
 उत्तम हरिभक्ती ॥ ताहि पुरुषहु जे आसक्तो ॥ दरसपरसतें कारज सारें ॥ ते हरिजन भवसागर
 तारें ॥ ७२ ॥ कृष्ण बसे जाके मनमाहीं ॥ और कछु सत जाने नहीं ॥ जो क

छु कहें सुने अरु देखें ॥ इंद्रियकृत माया सब लेखें ॥ ७३ ॥ सो हरिजन उत्तम नरदेवा ॥
 तातें मिलें निरंजन भेवा ॥ जो जन ब्रह्मविचारहि पायौ ॥ आप समझि सुखमांही समायौ ॥ ७४ ॥
 जनम मरन देहको जानें ॥ क्षुधा पिपासा प्राणहि मानें ॥ तृष्णा बुधि रु भय सो मनको ॥
 यह लच्छन उत्तम हरिजनको ॥ ७५ ॥ कर्मवासना अरु सब कामा ॥ तिनको भूलि न जाने
 नामा ॥ वासुदेवमें कीनौ वासा ॥ सो कहिए उत्तम हरिदासा ॥ ७६ ॥ जिनको जाति बरन
 कुलकर्मा ॥ लोक न वेद नही आसरमां । भूलिदेह अभिमान न आवें ॥ सो उत्तम हरिदास
 कहावें ॥ ७७ ॥ किसी वस्तुपरी ममता नहीं ॥ अरु तनको अभिमान न माहीं ॥ सब भूतनि
 परि समता आनें ॥ सो उत्तम हरिदास बखानें ॥ ७८ ॥ अष्टसिद्धि त्रिभुवन सुष आवें ॥
 परि सो कबहुं मन न डुलावें ॥ लवनिमिषार्द्ध तजें नहीं चरना ॥ गुणातीत निरभय पदसरना
 ॥ ७९ ॥ जाकौं शिव विरंचि अरु देवा ॥ तन मन लाई करें नित सेवा ॥ तेऊ जाके चरण न पावें ॥
 ताकौं जन क्यों करि छटिकावें ॥ ८० ॥ हरिके चर्ण चंद्रचित जाकौं ॥ ईहाताप ऊँठे क्यों ताकौं ॥
 एसो उत्तम हरिजन कहिए ॥ ताके संग परम पद लहिए ॥ ८१ ॥ जाकौं हरिजी निमिष न त्यागें ॥
 प्रेमदोरी बांधे क्यों भागें ॥ सो कहिए उत्तम हरिदासा ॥ कदें न तजिए ताकौं पासा ॥ ८२ ॥
 ॥ दोहा ॥ त्रिविध भक्त लच्छन कहैं, नृपसौं हरि योगेस ॥ तब मायाके जानबे,
 कीनों प्रश्न नरेस ॥ ८३ ॥ इति श्रीभागवते महापुराणे एकादशस्कंधे
 भाषायां द्वितीयोऽध्यायः ॥ २ ॥

दोहा ॥ कबिहरिके वचन सुनि, पृच्छत हैं नृपराय ॥ अंतरिक्ष प्रबुद्धमुनि,
 पिप्पलायन ऋषिराय ॥ १ ॥ आविहोत्र विचारते, कह्यो तत्त्व निजसार ॥
 श्रीधर तीजैध्यायमें, हैं योगेश्वर च्यार ॥ २ ॥ राजोवाच ॥ चौपाई ॥ अब करि
 कृपा कह्यो हरिमाया ॥ जिन यह सकल लोक भरमाया ॥ तुमरे मुषसरोजकी बानी ॥ हरिकि
 कथा अमृतमय जानी ॥ १ ॥ ताकौं पिवन तृप्ति नहीं मानौ ॥ सदा पोऊं ऐसि मन जानौ ॥ भव
 के ताप तपत जो देही ॥ ताकौं परम औषधी एही ॥ २ ॥ ऐसैं सुनी नृपतिके बेंना ॥ वक्ताको
 उपजावत बेंना ॥ तब बोले बानी अभिरामा ॥ तोजे अंतरिक्षसैं नामा ॥ ३ ॥ ॥ अंतरिक्ष
 उवाच ॥ ॥ चौपाई ॥ ॥ प्रथमाहि दूजो हुतो न नामा ॥ आपुहि आप बिराजे रामा ॥
 दयासिंधु मनमांहि बिचारा ॥ तब यह कन्यो सकल संसारा ॥ ४ ॥ पंचभूत करि रचि या
 देहा ॥ बांध्यो तहां आत्मा एहा ॥ जातैं पहिलें भोगवें भोगा ॥ बहुन्यो दुषित होई भवगोगा
 ॥ ५ ॥ तातैं मोसों चित्त लगावें ॥ मेरो निजानंद पदपावें ॥ मगन रहे मेरे आनंदा ॥ बहुरि
 नहीं पावें दुखद्वंदा ॥ ६ ॥ याहीतैं यह भव विस्तान्यौ ॥ भीतर अंस आपनो डान्यौ ॥ इंद्रिय
 दस अरु मन विस्तारैं ॥ बहु भांतीके विषय सवारैं ॥ ७ ॥ सो यह अंस इंद्रियानि मनसों ॥
 भोग भोगवें सब या तनसों ॥ आप भूलि भोग न मन दीनौ ॥ तब अभिमान देहकौ कीनौ
 ॥ ८ ॥ भोगनिमित्त कर्म विस्तारैं ॥ तिनके फल सुखदुख भए भारैं ॥ तिन कर्मनितैं जोनि
 अनंता ॥ जनम मरणकौ लहें न अंता ॥ ९ ॥ प्रलयअवधिलौ भ्रमैं निरंतर ॥ लीन होइ पुन
 माया अंतर ॥ सृष्टिसमय बहुन्यो तन पावें ॥ भवसागरकौ अंत न आवें ॥ १० ॥ भ्रमन भ्रमत

प्रलयअवधो आवैं ॥ तब सब नासकाल मन भावैं ॥ तब सब बरस न वर्षें जलधर ॥ तेज तपें
 तहा द्वादस दिनकर ॥ ११ ॥ बहुन्यों अग्नि शेषमुखनिसरें ॥ प्रलयपवन मिलि जहँ तहँ पसरें ॥
 सारो लोक भस्म तब करै ॥ बहुरों प्रलय मेघ संचरें ॥ १२ ॥ हाथी मूढधार जल वर्षें ॥
 यों अखंड वोते सत वर्षें ॥ तब होवें विराट्कौ नासा ॥ आत्म करे प्रकृतिमे वासा ॥ १३ ॥
 जो अभक्त होवें ब्रह्माहू ॥ तोहूँ ब्रह्ममांहि नहि जाहूँ ॥ जे हरिभक्तसु हरिकौ पावें ॥ ओर
 प्रकृतिमें सकल समावैं ॥ १४ ॥ पवन करे जब गंधही क्षीना ॥ भूमि होइ तब जलमें लीना ॥
 त्योंहीं रसकौ हरें समीरा ॥ तातें मिलें तेजमें नीरा ॥ १५ ॥ अंधकार जब रूपहि हरे ॥ तेज
 तबै पवन संचरें ॥ बहुरि स्पर्श हरे आकाशा ॥ पवन करे तब नभमें वासा ॥ १६ ॥ काल
 कीयो जब शब्दहि क्षीना ॥ तामस अहंकार नभ लीना ॥ तामस अहंकार मन मिलें ॥
 राजस अहंकार दोउगलें ॥ १७ ॥ इंद्रिय अरु राजस अहंकारही ॥ सत्त्व अहं
 कीनों अहारहीं ॥ बुधी हेव सात्विक अहंकारा ॥ महत्तत्त्व कीनों संहारा ॥ १८ ॥ मह-
 तत्त्व सो प्रकृतिहि मिलें ॥ याविधि काल सकलकौ गिलें ॥ ऐसी ही विधि बारंबारा ॥ उत्पति
 प्रलयन अंत न पारा ॥ १९ ॥ यह सब हरिकी माया करें ॥ उपजावें प्रतिपालें हरे ॥ मे तुमकों
 संक्षेप सुनाई ॥ बहुरी प्रश्न करो मन भाई ॥ २० ॥ ॥ दोहा ॥ ॥ ऐसी सुनि माया प्रबल,
 उपज्यो नृपके भीत ॥ तब पूछी आधीन है, ता तरवेकी रीत ॥ २१ ॥ विदेह
 उवाच ॥ ॥ चौपाई ॥ ॥ ऐसी प्रबल ईशकी माया ॥ जिन यह सकल लोक भ्रमाया ॥ ताकौ

ए. भा.

॥ ७ ॥

अ. ३

तुमसें ज्ञानी तैं ॥ हमसें देही क्यों निस्तैं ॥ २२ ॥ ताकों सुषें तरिए देवा ॥ सो करि कृपा बतावो
भेवा ए सुनि वचन नृपतिके सुधा ॥ तब बोले चोथे प्रबुधा ॥ २३ ॥ ॥ प्रबुद्ध उवाच ॥ ॥
चौपाई ॥ सकल मनुष्य सुषनिके काजा ॥ करें कर्म आरंभहिं राजा ॥ तिनतैं केवल दुख अधि-
कारा ॥ अबहुं अरु आगें विस्तारा ॥ २४ ॥ पाए हूं धन दुःख अपारा ॥ निशदिन चिंता कौ
अधिकारा ॥ सोउ अतिदुर्लभनहीं आवें ॥ जो आयो तो थिर न रहावें ॥ २५ ॥ त्योंहिं ग्रह
कुंठव सुतदारा ॥ पलकमांही ढइ जाइ पसारा ॥ ज्यों पंथमांही मिलना होई ॥ घरिमाही विछोई
सब कोई ॥ २६ ॥ जो कछु इहां कर्म कमावें ॥ तिनतैं ज्योनि ज्योनि दुष पावें ॥ इनमें कोई नही
छोडावें ॥ आप आपकौ सब कोइ जावें ॥ २७ ॥ याहिविधि नश्वर परलोका ॥ स्थिर न रहें बि-
धिहुंको ओका ॥ छोटे बड़े नीच बहु भांती ॥ तिनके मनकी मिटें न कांती ॥ २८ ॥ मद मत्सर
अरु चाहे मांन ॥ काम क्रोध अरु लोभ समाना ॥ तृष्णा बंधे कछु नही जाने ॥ आप आपुमें
जुधहिं ठाने ॥ २९ ॥ काल पाई उहांते परें ॥ बहुरि आई इहाँ अवतरें ॥ यों विचारि बैराग
उपावें ॥ तबहि सांधि गुरुसरणें आवें ॥ ३० ॥ ब्रह्म जानिता सेवा ठानै ॥ आलस कपट कामना
भांनै ॥ तातैं सीषें भक्तिके अंगा ॥ जिनतैं हरिजी तजे न संग ॥ ३१ ॥ शब्दब्रह्म सकल जो
भाषें ॥ परब्रह्म नित हृदये शेषें ॥ ऐसैं गुरुबिन ज्ञान न पावें ॥ तातैं सोधि गुरुपें आवें ॥ ३२ ॥
सबतैं मनको संग मिटावें ॥ उलटि साध संगतिसों लावें ॥ सम मित्र उत्तम बहु माने ॥ ब्रह्म
जानी सब पूजा ठाने ॥ ३३ ॥ सोच पाठ तप मौन तितिक्षा ॥ बहुविधि लेवें गुरुसौ शिक्षा ॥
ब्रह्मचर्य अरु कौमल रहना ॥ हिंसा त्यागि द्वंद्व सब सहना ॥ ३४ ॥ एकाकी आश्रम नहिं

॥ ७ ॥

बाँधें ॥ वस्त्र टूकके बलकल साधें ॥ जहां तहां आतमचेतन देषे ॥ परमात्मा नियंता लेषें ॥ ३५ ॥
 ग्रंथभक्तिकी श्रद्धा करें ॥ निंदा राग द्वेष परिहरें ॥ देहवचन अरु मनकों दंडें ॥ सम दम सत संतोष न
 छुड़ें ॥ ३६ ॥ जनम कर्म अरु गुण हरिजीकें ॥ सदा सुनें उधारणजीकें ॥ त्योंही कहें निरंतर ध्यावें ॥ सोई
 करें हरिहि जो भावें ॥ ३७ ॥ जप तप जोग जज्ञ व्रत दाना ॥ तन मन धन दारा सुत प्राणा ॥ जो
 कलु सो सब हरिहि निवेदें ॥ याविधि सकल कर्मकों छेदें ॥ ३८ ॥ थावर जंगम हरिमय जानें ॥
 परिसेवा संतनकी ठानें ॥ मिली परसपर हरिगुण गावें ॥ निसदिन कहत सुनत सुख पावें ॥ ३९ ॥
 पलपल प्रीति बढे हिय फूलें ॥ गुणनि संभारत तनकों भूलें ॥ दृजा भाव न कबहुं उपनैं ॥ प्रेम मगन
 जाग्रत अरु सुपनैं ॥ ४० ॥ ऐसैं प्रेमभक्तिकों पावें ॥ पलपल तन पुलकित रहे आवें ॥ कबहुं हरि चि
 तवनतें रोवें ॥ कबहुं हसैं आनंदित होवें ॥ ४१ ॥ कबहुं नाचें कबहुं गावें ॥ लजारहित ज्यों ज्यों मन
 भावें ॥ कबहुं सुमरिसुमरि मिलि जावें ॥ स्वासशब्द बाहर नहीं आवें ॥ ४२ ॥ याविधि लेवें गुरुसों
 शिष्या ॥ गुरुशिष्यनकी यह परिष्या ॥ ब्रह्मपरायन ता जन करें ॥ माया भूलिन आवें नरें ॥ ४३ ॥
 दोहा ॥ ए सुनि वचन विदेहके, हृदय बढयो आनंद ॥ प्रश्न करी तब ब्रह्मको, ज्यों
 छूटै भवफंद ॥ ४४ ॥ विदेह उवाच ॥ ॥ चौपाई ॥ ब्रह्मवेतनमें तुप अधिकारी ॥ तुम हो
 यह में हृदय विचारी ॥ तातें कहो ब्रह्मको रूपा ॥ जाने जाहि मिटे ग्रहकूपा ॥ ४५ ॥ परमात्म रु ब्रह्म
 भगवाना ॥ ए सब एक किधो हैं नाना ॥ सबजीवनकों अंति करुनायन ॥ तब बोले पंचमें
 पिप्पलायन ॥ ४६ ॥ पिप्पलायन उवाच ॥ ॥ चौपाई ॥ सुखम थूल सकल संसारा ॥ जाकी
 शक्ति सकल पसारा ॥ उत्पत्ति प्रयल करें वह याकों ॥ काहूंतें जनमनही ताकों ॥ ४७ ॥ जाग्रत

ए.भा.

॥ ८ ॥

अ. ३

सुपन सुषोण ते तुरिया ॥ चहुँमें सदा एक रस पुरिया ॥ इंद्रिय देह हृदय अरु प्राणा ॥ जातें चैत
न न्हे वस्तुता ॥ ४८ ॥ जैसें यह जड लोहावस्तें ॥ चुंबकसंग बहुत विधिनिस्तें ॥ सो भगवान
ब्रह्म पुनि सोई ॥ सो परमात्म जानें कोई ॥ ४९ ॥ मन अरु बुद्धि चित्त अरु प्राणा ॥ इंद्रि
य देह शब्द अभिमाना ॥ कोई तहां पहुंची नही सकै ॥ जात जातहि वैशरी थकै ॥ ५० ॥ जे
सैं पावक लह तपायौ ॥ पावकसमान तेज तिन पायौ ॥ सबप्रकासैं सबकौ जालैं ॥ परि पाव
कपर जोर न चालैं ॥ ५१ ॥ यौ सब इंद्रिय हृदय अचेतन ॥ ताके संगहुँतें सब चेतन ॥ और स
कल अर्थनिजौ जानै ॥ कौ न शक्ति जो ताही पछानै ॥ ५२ ॥ लेले अर्थ बखाने वेदा ॥
परि प्रत्यक्ष न जानें भेदा ॥ यह नहि यह नहि यह नहि होई ॥ यातें परें सत्य हैं सोई ॥ ५३ ॥
सूषम थूल न जावे बरनी ॥ गगन पवन पावक जल धरनी ॥ नहिं मन बुद्धि चित्त हंकारा ॥
चिदानंदमय सबके पारा ॥ ५४ ॥ नासो बाल बृद्ध नही जुवा ॥ नासों बिनसे ना सो हुवा ॥
त्रिया पुरुष अरु क्लीब न होई ॥ सुरनर नाग असुर नहीं सोई ॥ ५५ ॥ रक्त पीत अरु स्वेत न हरिता ॥
जाति बरन आश्रमनहि धरिता ॥ सीत उष्ण चंदनही सूर ॥ दिवस न रात निकट नही दूरा ॥
५६ ॥ सुखदुखरहित बसें सबमांही ॥ आपुहि आप लिपें कहूं नाहीं ॥ बंध्यो मावसों आत्मअं
सो ॥ सुन्य सरोवर विलसे हंसा ॥ ५७ ॥ गगन पवन पावक अरु नीरा ॥ धरनिबंध ए किए शरीरा ॥
पंचवस्तु ए पंचो बंधा ॥ शब्द स्पर्श रूप रस गंधा ॥ ५८ ॥ इंद्रिय दश अरु तिनके देवा ॥
सातिक राजस तामस भेवा ॥ मन बुद्धि चित्त महत्तत्त्व अहंकारा ॥ एकप्रकृतिकौ सकल पसा
रा ॥ ५९ ॥ एक ब्रह्म हैं ताको कारण ॥ विन इच्छा सबकौ विस्तारण ॥ ज्यों भुवमें बहु घट उप

॥ ८ ॥

जावैं ॥ भुवमें रहि भुवमाहि समावैं ॥ ६० ॥ ते सब घट दीसे विधिनाना ॥ परिभुव छोड कछू
 नहि आना ॥ त्यों सब जगत आहि मध अंता ॥ ओर न कछू एक भगवंता ॥ ६१ ॥ सो नहि
 उपजें बिनसैं नाहिं ॥ बालजुवादिक परें न छांही ॥ बटें न घटें चलें नहिं डोलें ॥ रौष न तोष
 मौन नहीं बोलें ॥ ६२ ॥ जहं तहं पूरण परम अनूपा ॥ चिदानंद बिज्ञान सरूपा ॥ देहभेद
 बहुधा सो सोहें ॥ ज्ञानबिना सारो जग मोहें ॥ ६३ ॥ जेसैं पवन एकहीं प्राणा ॥ दस इन्द्रिय
 संग दीसैं नाना ॥ उद्भिज स्वेद जरायुज अंडा ॥ चारि खान पूरन ब्रह्मंडा ॥ ६४ ॥ लिंगदेह
 जा देहहि जावैं ॥ प्राणवायु तहं आनि मिलावैं ॥ शब्द स्पर्श रूप रस गंधा ॥ मन अहंकार
 बुद्धि चित्त बंधा ॥ ६५ ॥ लिंगदेह इनही नवकों हैं ॥ इनके मिटैं निरंतर सोहें ॥ निद्राबस सुख
 पति जब आवैं ॥ तब यह लिंगदेह छटिकावैं ॥ ६६ ॥ अहंकार ममता कहूं नाहीं ॥ मन अहं
 बुधि चित सबजांही ॥ तब अद्वैत एक हैं सोई ॥ द्वैतभावकों नाम न कोई ॥ ६७ ॥ मन बुधि
 चित अहंकार न रहें ॥ जागें प्रथम बात जो कहें ॥ जो करनो तो जेतो कीयौ ॥ आगें पीछे
 लीनो दीयौ ॥ ६८ ॥ जातें सो हरि जाननहारा ॥ याविधि कीजें ज्ञानविचारा ॥ परिवासना
 सहितहि रहें ॥ तातें देह फेर करी गहें ॥ ६९ ॥ लिंग सरीर सहीत वासना ॥ तांहितें मिटे न
 भवसासना ॥ तातें हरिचर्णनि चित लावैं ॥ ओर सकल बंधन छटिकावैं ॥ ७० ॥ याविधि
 सकल चित्तमल नासैं ॥ रविसमान तब ब्रह्म प्रकासैं ॥ जो नर प्रथम भक्ति नहिं जानें ॥ तो
 वह कर्म जोगकों ठानें ॥ ७१ ॥ कर्मजोगतें उपजें भक्ति ॥ तब हरिचरण बढे आसक्ति ॥
 तातें होइ ब्रह्मप्रकासा ॥ छूटैं कालजाल भवपासा ॥ ७२ ॥ ॥ दोहा ॥ ए पिप्पलायन बेन

सुनि, कीन प्रश्न मिथिलेस ॥ कर्मजोग अब करि कृपा, कहो परम जोगेस
 ॥ ७३ ॥ ॥ जनकउवाच ॥ ॥ चौपाई ॥ ॥ कर्मजोग अब कहो गुसाई ॥
 में आयो तुमरी सरनाई ॥ जाके किए कटें सब कर्मा ॥ उपजें ज्ञान होई निह भर्मा ॥ ७४ ॥
 द्वुजी प्रश्न कहो तुम एहा ॥ याको मेरे अतिसंदेहा ॥ ब्रह्मपुत्र सनकादिक चारी ॥ ब्रह्मपरायन
 ब्रह्मविचारी ॥ ७५ ॥ एकवार कृपाकरि आए ॥ पितासमीप दरस में पाए ॥ यह प्रश्न में तिन
 सों कीनी ॥ उत्तर न दियौ हृदै धरीलीनी ॥ ७६ ॥ नही बोले सो कौनें कारन ॥ यह भाषो
 भवसागरतारन ॥ ऐसैं वचन नृपति जब भाषें ॥ आविरहोत्र छठे तब आपें ॥ ७७ ॥ ॥ आवि
 होत्रउवाच ॥ ॥ चौपाई ॥ राजा सुनहु कर्मगति गहना ॥ तातें जहां तहं बने न कहना ॥
 यह ज्यों हे त्यों वेद बषांनैं ॥ तातें याहि न कोई जानैं ॥ ७८ ॥ वेद प्रगट करता हरिदेवा ॥ ऋषि
 अरु पुरुष लहे को भेवा ॥ लहैं बिनु मिटे न मरनां ॥ लहे भेव पावै हरिचरनां ॥ ७९ ॥ जातें
 तुमहु हुतें तब बाला ॥ तातें कह्यो न कर्म बिसाला ॥ अबहिं कहों सुनो चित लाई ॥ जानें
 जाहि ज्ञान अधिकाई ॥ ८० ॥ कर्मजोग हैं तीन प्रकारा ॥ कर्म अकर्म विकर्म पसारा ॥ हरिनिमित्त सो
 कहिए कर्मा ॥ हरिबिहीन सो सकल विकर्मा ॥ ८१ ॥ सो अकर्म जो दोऊ त्यागें ॥ ज्ञान बिना सुख
 इहां न आगें ॥ कर्म करत छूटें सब कर्मा ॥ उपजें ज्ञान मिटें भवभरमा ॥ ८२ ॥ कर्म तजनको कर्म ग्रहा
 वें ॥ तातें बेद न समज्यौं आवें ॥ पहिलें स्वर्गादिक फल भाषें ॥ आगें सकल दूरी करि नाषें
 ॥ ८३ ॥ ज्यों कोई बालक रोगी होवें ॥ ओषध कटुक नाम सुनि नी रोवें ॥ ताको लाडू पिता दिखा
 वें ॥ ओषधकाज लोभ उपजावें ॥ ८४ ॥ ओषधको फल लाडू नाहीं ॥ ओषध पिये रोग सब

जाहीं ॥ त्यों स्वर्गादिक लोभं दिखावैं ॥ कर्मनासकों कर्म करावैं ॥ ८५ ॥ स्वर्गादिक फल पट्ट
 पित बानी ॥ तोरे पट्टप होते फलहानी ॥ तातें करें बेदके कर्मा ॥ हरिके हेत बडो यह धर्मा ॥ ८६ ॥
 और कछु फल भूलन जानै ॥ हरिके हेत कर्म सब ठानैं ॥ में करता यों कदे न भाषैं ॥ जो कछु सो
 हरिकौ करी राषैं ॥ ८७ ॥ याविधि प्रेमभक्ति उपजावैं ॥ तब सब कर्म आपुहीं जावैं ॥ तबही प्रगटें
 ज्ञानप्रकासा ॥ मिलें राम छूटें भवपासा ॥ ८८ ॥ बैदिक पंथ कह्यो में तोसों ॥ अब सुनि तंत्रिपंथ पुन
 मोसों ॥ हृदे गांठ काटी जो चहैं ॥ सो विधिसों यौ पूजा गहैं ॥ ८९ ॥ बेदमिलित भाषत हों
 पूजा ॥ जातें मिटें सकल भ्रम दूजा ॥ श्रीगुरुसों परसाद हिं पावैं ॥ सो ज्यों ज्यों सब विधिहिं
 बतावैं ॥ ९० ॥ जा मुस्तीपरि इच्छा होई ॥ हरि जानी करि पूजें सोई ॥ अतिपवित्र हुइ
 करे अस्नाना ॥ मनकी तजें वासना नाना ॥ ९१ ॥ वायु अपान छीकजंभाई ॥ आर
 पवन गुण उठे न काई ॥ सनमुष बेठि करें तनरिच्छा ॥ अंगन्यास मंत्र पढि इच्छा ॥ ९२ ॥
 आसन मुद्ध साज सेंवाकी ॥ सब ले बैठें तजें न बाकी ॥ विष्णुरूप प्रतिमामें आने ॥
 अर्ध पाद अरु विष्टर ठाने ॥ ९३ ॥ मूलमंत्रकरि सेवा करें ॥ और न कुछ वचन उचरे ॥
 सकल अंग हरिजीके ध्यावैं ॥ शंख चक्र गदा पदम निल्यावैं ॥ ९४ ॥ भूषन वसन
 पारषद सहिता ॥ हस्त बदन देखत दुखदाहिता ॥ विविध भांति असनान करावें ॥ करि
 तिलकादि वस्त्र पहिरावैं ॥ ९५ ॥ बहु सुगंधमाला पहिरावैं ॥ बहुभांति करि भोग लगावैं ॥
 गंध धूप आरती उतारें ॥ घंटाआदि शब्द विसतारें ॥ ९६ ॥ या विधि मंत्रनिसों
 सब करैं ॥ ता पीछैं अस्तुति विस्तरें ॥ बहुरि करें दंडौत प्रनामा ॥ पढ़ें मंत्र लेवें हरिनामा

ए. भा.

॥ १० ॥

अ. ४

॥ ९७ ॥ बाहिर वस्तु मिलें ते आंनैं ॥ ओरानि मनसो पूजा ठानें ॥ तन मन भए निरंतर
सेवें ॥ वह प्रसाद माथे करि लेवें ॥ ९८ ॥ बहुरि देवकों हिरदे धरी ॥ मूरतिसयन पोठरि क
री ॥ याविधि हरिको आतम जानें ॥ यथाशक्ति सब पूजा ठानें ॥ ९९ ॥ ज्ञानकाज ए-
साधन भक्ति ॥ ज्ञान पाय तब होवें मुक्ती ॥ उभे प्रतीमा हरिकी सेवा ॥ साधू प्रगठ सोइ हरि
देवा ॥ १०० ॥ ऐसे सेवें उपजें ज्ञाना ॥ बेगी आंन मिले भगवाना ॥ भवसागर हि तन्यो जो
चहैं ॥ सेवासहित प्रीत मन गहैं ॥ १०१ ॥ दोहा ॥ ॥ ए सुनि बचन बिदेहके, बा-
ढ्यौं मनमें प्यार ॥ तब गुणहि अरु कर्मसह, पूछें हरि अवतार ॥ २ ॥ ॥ इ-
तिश्रीभागवते महापुराणे एकादशस्कंधे विदेहप्रश्ने तृतीयोऽध्यायः ॥ ३ ॥
॥ दोहा ॥ नारायण अवतार सब, लीलाआदि अनाद ॥ श्रीधर चौथेध्यायमें,
द्रुमिलजनकसंवाद ॥ १ ॥ जनकउवाच ॥ चौपाई ॥ अब अवतारकथा विस्तारो ॥
गुण अरु कर्म सहित उच्चारो ॥ जे जे लिए लेहिजे आगें ॥ अबहीं सब भाषो अनुरागें ॥ १
ए सुनि नृपति जनकके बेनां ॥ कृपासिंधु करुणाके एनां ॥ तब सातमें द्रुमिलसें नामा ॥ बोले
वचन परम अभिरामा ॥ २ ॥ ॥ द्रुमिलउवाच ॥ ॥ चौपाई ॥ जे अनंतके गुण अवतारा ॥
तिनकों नृपति लहेको पारा ॥ भूमिरैनुकनिका कोई गनैं ॥ सोउ कहा सकल गुण भनैं ॥ ३ ॥
हरिके गुण अवतार अनंता ॥ बालबुद्धि जो चाहे अंता ॥ तातें कछुएक में भाषों ॥ तेरे हृदे
संसे नहिं राषों ॥ ४ ॥ पंचभूतनिर्मित ब्रह्मंडा ॥ राख्यो नीरमांहि ज्यों अंडा ॥ तामें अंस

॥ १० ॥

आपनो धारा ॥ सोहें आदि पुरुष अवतारा ॥ ५ ॥ तिनकी देहहुंते सबदेहा ॥ देहमाही बरते
 सब एहा ॥ तिनके अंगनितें सब अंगा ॥ इंद्रिय अहंबुद्धि बहुरंगा ॥ ६ ॥ सतरजतमें सकल
 पसारा ॥ उतपति अरु पालन संहारा ॥ प्रथमहि रजतें ब्रह्मा कियौ ॥ सात्विकी जन्म विष्णुकों
 दियौ ॥ ७ ॥ तामस करी शंकर उपजाए ॥ तिनसौं सकल लोकनिपजाए ॥ ब्रह्मारचें
 विष्णु प्रतिपालें ॥ हरे रुद्र यौ भवपथ चालें ॥ ८ ॥ बहुरि सुनो हरिके अवतारा ॥ भ
 वसागरके तारनहारा ॥ धर्म पिता अरु मूरति माता ॥ तहां नरनारायण विख्याता
 ॥ ९ ॥ आत्मज्ञान भक्ति विस्तारें ॥ यासौं लागि जीव निस्तारें ॥ अब कहों प्रगट करें आचरना
 ॥ नारदादि नित सेवें चरना ॥ १० ॥ एकवार सुरपति मन आन्यो ॥ ममलोक लेवें यों जा
 न्यो ॥ तब तिन आया कामहि दीनि ॥ कामसंग सेना सब लीनी ॥ ११ ॥ रंभादिक अप्सरा
 अपारा ॥ भिबिध पवन बसंत पसारा ॥ बदरीषंड सबें चलीआए ॥ नरनारायण बेठे पाए ॥ ११ ॥
 भरि भरि बांननि हनें शरीरा ॥ निहफल भए अग्नि ज्यों नीरा ॥ तबतें मनमथ बहुत हेरांनैं ॥
 श्राप अग्नि जीवनिगति मांनैं ॥ १३ ॥ हरि अपराध इंद्रकृत जांन्यो ॥ हासि बोलें तिनको भय
 भांन्यो ॥ मति भयकरो पंच सर वीरा ॥ देवनार भव प्राण शमीरा ॥ १४ ॥ बैठौ इहां अतिथ कर
 वावौ ॥ हम आश्रम सुफल करि जावौ ॥ ए सुनि अभय दानकें बेना ॥ ते सब जेरी सकें
 नहीं नेना ॥ १५ ॥ लज्जाभार नमाए सीसा ॥ बोलें वचन जांनि जगदीसा ॥ हे प्रभु यह कछु
 नाहिं अचंभा ॥ तुम हो प्रकृतिपुरुषके थंभा ॥ १६ ॥ निरिबिकार निरगुन निरभेदा ॥ जिनकों
 जानिसके नहिं वेदा ॥ निजानंदप्रण मुनि सारे ॥ ते सेवत हैं चर्ण तुमारे ॥ १७ ॥ तुमैर चर्णसरण

जो आवें ॥ तिनकों सुर बहुविघन उपावें ॥ तिनकों लोक दावि पग नीचें ॥ गए चहें तुमरें
 पद ऊंचें ॥ १८ ॥ तातें विघन करें सब देवा ॥ मिटती जानें अपनी सेवा ॥ और किसीको
 विघन न करही ॥ यातें तिनहिं दंड सब भरहीं ॥ १९ ॥ परितव जन नहिं विघ्न सतावें ॥ विघ्ननि
 सीस चर्ण देजावें ॥ जो त्रिभुवनपति तुम रषवारें ॥ कहाकरें तब विघ्न विचारें ॥ २० ॥ तातें तुमरें
 कहा अचंभा ॥ जातें मोहिसकी नहि रंभा ॥ ध्रुवा तृषा अरु आलस नीद्रा ॥ सीत उष्ण
 वषारितु तंद्रा ॥ २१ ॥ जिभ्याशिस्रादिक विस्तारा ॥ इनके गुणें जलधि अपारा ॥ ताकों
 बहुत कष्टकरि तरे ॥ गोपदक्रोध बूडि ते मरे ॥ २० ॥ तिनको तप सब मिथ्या होई ॥ दुहु
 लोकनिमें एक न कोई ॥ तातें सब साधन जो करें ॥ तुमरी भगति बिना नहि तैं ॥ २३ ॥
 या बिधि देवबचन उच्चरें ॥ तब हरि एक अचंभा करें ॥ अति अद्भुत छवि नारि अनेका ॥
 मनमोहनी एकतैं एका ॥ २४ ॥ ते सब सेवा करत दिखाई ॥ मानो रंभासखिसौं आई ॥ तिनकें
 गंध रूप सब मोहें ॥ चंद्रउदय उडुगन ज्यों सोहे ॥ २५ ॥ तिनसौं हरिजी बोले बेना ॥ इनमे
 एकले हो तुम मेना ॥ स्वर्गलोकको भूषणरूपा ॥ जाते ए सब परम अनूपा ॥ २६ ॥ तिन सब
 हरिकों कियो प्रनामा ॥ लीनी एक उरबसी नामा ॥ करि प्रनाम पुनि वांस्वार ॥ पहुँचे सकल
 इंद्रदरबारा ॥ २७ ॥ तिनही इंद्र प्रमंग सुनायौ ॥ विस्मय त्रास इंद्र मन आयौ ॥ बहुरि लियो हंस अवतारा ॥
 चारि भए सनकादि कुमारा ॥ २८ ॥ दत्तकपिल अरु पिता हमारा ॥ आठहु ब्रम्हरूप विस्तारा ॥
 हयग्रीव मधुप्राणनिवारे ॥ ताकरी हरिन बेद उधारे ॥ २९ ॥ सतव्रत राजाहीं हरिभक्ता ॥ तिनकों
 हरिजी कियो बिरक्ता ॥ बिनाहि प्रलय प्रलय दिखायौ ॥ मच्छरूप ज्ञानही समुझायौ ॥ ३० ॥

बहुरि वराहरूप हरि धान्यौ ॥ हिरण्याक्ष दुष्ट अति मान्यौ ॥ बहुरि मही हुती तलमांही ॥ सो
 उपर थापी पलमांही ॥ ३१ ॥ कूर्म हैं मंदगिरगिर धान्यौ ॥ अमृत काढि सुस्कारज सान्यौ ॥
 ग्राहग्रहो गजराज पुकांन्यौ ॥ तब हरि जीत तकाल उबांन्यौ ॥ ३२ ॥ बालखिल्य आदिक
 रिषिराजा ॥ समअंगुष्ठ अकार बिराजा ॥ कस्यपके काजें इकवारा ॥ समधि निकते बनहि
 सिधारा ॥ ३३ ॥ तहां गाइपगलसों भरिया ॥ तिनमें आपु आपु सब परिया ॥ हांसी करें
 इंद्र तहां खरौ ॥ तब तिन हृदे हरीसंभरौ ॥ ३४ ॥ जब आतमको कोई नांहीं ॥ तब तुम नाथ उधा-
 रणमांहीं ॥ तातें अब हम भए अनाथा ॥ करुनासिंधु गहो करहाथा ॥ ३५ ॥ इतनी सुनि
 आर्त्तकी बांनी ॥ तहां उठि धाए सारंगपांनी ॥ तहां करगहि हरि सबनि उधारा ॥ बालखिल्य उध-
 रन अवतारा ॥ ३६ ॥ ब्रह्महत्या भए इंद्र संभान्यौ ॥ तबहीं हरिजी प्रगट उधान्यौ ॥ सुर
 बनिता जब असुरनिहरी ॥ तबतें हरिशरण अनुसरी ॥ ३७ ॥ तबतें हरि जीते सकल उधारी ॥
 असुर मार सब विपति निवारी ॥ पुनि नरसिंह रूप तनधान्यौ ॥ असुर हिरन्यकसिपु जिन
 मान्यौ ॥ ३८ ॥ जनप्रह्लादहि लीनौ राख ॥ जाकी प्रगट कहे सब साखी ॥ जब जब असुर
 प्रबल अतिभए ॥ देवनीके अस्थल हरि लए ॥ ३९ ॥ तब तब सब मन्वंतर मांहीं ॥ विष्णुकला
 अवतार धरांहीं ॥ मारि असुर सब दुखनि मिटावें ॥ सरनागत सुरनर सुख पावें ॥ ४० ॥
 वामनरूप इंद्रके काजा ॥ भिक्षा छलहिछल्यो बलराजा ॥ तीनलोके ले इंद्रहि दए ॥ बलिकी
 भक्ति आप वस भए ॥ ४१ ॥ बहुरि अधरमी उपजे राजा ॥ परमराम प्रगटें तिहकाजा ॥ इक
 विसवार करी निहक्षत्री ॥ भुवमें कहुं न राख्यो क्षत्री ॥ ४२ ॥ बहुरि भए दशरथसुत रामा ॥

ए. भा.

॥१२॥

अ. ५

जेहें प्रगट लोक अभिरामा ॥ सायर उपरी सैल जिन तौरें ॥ रावन आदि दुष्ट जिन मारें ॥४३॥
आगें रामकृष्ण अवतारा ॥ भूकों प्रबल होंगें भारा ॥ यदुकुल जन्म कर्मते करिहें ॥ जिनसों
लागि जीव निस्तरिहें ॥ ४४ ॥ असुरदेखि यज्ञनिकें करता ॥ जीवनि मारि उदरके भरता ॥
बुद्धरूप हरिजी तब धरिहें ॥ यज्ञनिंद पाखंड विस्तरी हैं ॥ ४५ ॥ बहुरि धरेंगें कल्कीरूपा ॥ अति
अपराध करेंगे भूपा ॥ कलिके अंत सकल संहारि हैं ॥ बहुरि प्रवृत्त सतजुग करि हैं ॥४६॥ ऐसे विष्णु
कर्म अवतारा ॥ कोई कहत न पावें पारा ॥ कछु एकमें तुमसों कहे ॥ औरहि कोटि अनंत
नि रहे ॥ ४७॥ इनकों कहें सुने जो गावें ॥ प्रेमसहित निसवासर ध्यावें ॥ सो भवसागरमें नहि
रहें ॥ पावें ज्ञान मरम पद लहें ॥ ४८ ॥ ॥ दोहा ॥ ए बेंनासुनि द्रुमिलके, कीनी
प्रश्न नरेन्द्र, प्रभुजी तिनकी कौन गति, जे नभ जें गोविन्द ॥४९॥ इति श्री-
भागवते महापुराणे एकादशस्कंधे विदेहप्रश्ने चतुर्थोऽध्यायः ॥ ४ ॥ दोहा ॥
कर्म शुभाशुभ भजन विधि, साधन ज्ञानदृढां हि ॥ करभाजन अरु चमस
मुनि, कही पांचमै मां हि ॥ १ ॥ ॥ जनक उवाच ॥ ॥ चौपाई ॥ जे नही कराहि
हरिकी सेवा ॥ तिनकी कहो कोन गति देवा ॥ तिनके तृपति न सुपनें आवें ॥ निसदिन
तृष्णा अग्नि जलावें ॥ १ ॥ परि जो बहुविधि धर्म उपावें ॥ ते मोहि कहो कछु सुख पावें ॥ एकही
बचन जनक जब रहे ॥ अष्टमें चमस नाम तब कहे ॥ २ ॥ ॥ चमस उवाच ॥ ॥ चौपाई ॥
हरिजी बिप्र बदनते करे ॥ बहुनितें क्षत्री विस्तरे ॥ जंघनि है वैश्य उपजाए ॥ शूद्र तिमि

॥१२॥

चर्णनितें आए ॥ ६ ॥ याही भांति कीए आश्रमा ॥ तातें भजन सबानि कौ धर्मा ॥ तातें
 आपु करें प्रतिपाला ॥ आपुहि पोषें दीनदयाला ॥ ५ ॥ ऐसैं प्रभुकों जे बिसरें ॥ ते अपराध अपार
 नि करें ॥ ते गुरुद्रोही अरु मित्रद्रोही ॥ स्वामीद्रोही कृतघनि ओही ॥ ५ ॥ तिन अपराध अधम
 गति जावें कबहुं भूलि नहिं सुख पावें ॥ मूढ़जोषिता अंतजआदि ॥ तिनकों दूरि कथा श्रव
 नादि ॥ ६ ॥ ते मनमें अभिमान न धरें ॥ तात तुमसैं क्रिपाहि करें ॥ यातें इनकों होई उधारा ॥
 परि उंचनको वारनपारा ॥ ७ ॥ विप्र रु क्षत्री वैश्य त्रिवरना ॥ याकों यज्ञ विहितविधि करना ॥
 इन सबहिनके ते अधिकारी ॥ तातें बहुत सु भए विकारी ॥ ८ ॥ तातपर्यकों जानें नाहीं ॥ पहु
 पित बांनीमें भरमाहीं ॥ विष्णुभजन उत्तम अधिकारा ॥ पायो ताहि न लषें गवारा ॥ ९ ॥ कर्म
 अकर्म विकर्म न जानैं ॥ अतिकठोर आपहिं बहु मानैं ॥ हम पंडित यज्ञनिके कारक ॥ और बहुत
 कर्मनिविस्तारक ॥ १० ॥ आपु भ्रमे ओरनी भ्रमावें ॥ प्रिय बांनी बहुभांति सुनावें ॥ काम रु
 अर्थ अर्थ करि मानें ॥ पढि पढि वेद साखि बहु आनैं ॥ ११ ॥ बहु संकल्प करें मनमांही
 बहुत बहुरि आरंभ करांही ॥ त्योंहि त्यों राजस अधिकारा ॥ काम क्रोध लोभ अहंकारा ॥
 ॥ १२ ॥ दंभ कपट चतुराई आनैं ॥ हरि भक्तनिकी हांसी ठानैं ॥ आपु आपु मिली बेटे
 जवहीं ॥ ग्रहके सुषानि सराहें तबहीं ॥ १३ ॥ जिनमें आनंद क्षण है नाहीं ॥ दंभमानसों जज्ञक
 राहीं ॥ बहुत पसुनि मारें अज्ञानी ॥ तिन अपराध सकें नहि जांनी ॥ १४ ॥ इतनो धन
 आयो यह ये हैं ॥ एते मिलें ए तो तब है हैं ॥ कुलसंपति विद्या ठकुराई ॥ त्याग रूप बल कर्म
 बडाई ॥ १५ ॥ इनकों बल बाढ्यो अधिकाई ॥ तातें हृदय समुझ नहीं आई ॥ हरि भक्तनसों

ए. भा.

॥१३॥

अ. ५

ठाने हांसी ॥ मगहद मरे छांडि खल कांसी ॥ १६ ॥ थावर जंगम सब घटमांही ॥ हरि पूरण खाली
 कहुं नाहीं ॥ ज्यों आकास लिप्त नहिं होई ॥ त्यों हरि बेद कहत हैं सोई ॥ १७ ॥ परि वे मूढ न
 कबहुं जानें ॥ जातें हरि भक्तनि नहिं मानें ॥ बहुत मनोरथ निसदिन करें ॥ तृष्णा ताप जरत
 नहिं टैं ॥ १८ ॥ मद्य पान अरु मांस अहारा ॥ नारी नेह सहित जगसारा ॥ ताहि सकल के
 त्याग निमित्ता विधिमें वेद लगायो चित्ता ॥ १९ ॥ संग करे तो नारि बिबाहीं ॥ तांहुंमें
 बहुते थिति नाहीं ॥ बनिता कौं देवें रितुदानां ॥ प्रजानिमित्त चित्त नहिं आनां ॥ २० ॥ या विधि
 कर्म सकल छोडावैं ॥ बहुरि बेद सब त्याग करावैं ॥ ऐसे ही आमिष मद पानां ॥ यज्ञमांही नहीं
 कहुं आनां ॥ २१ ॥ बहुरि ऊंहांहुतैं छोडावैं ॥ एसो तातपर्यकौं पावैं ॥ हरिकी सरने आवे
 कोई ॥ सारि विध इक समझे सोई ॥ २२ ॥ के जो तिनकी सरने आवें ॥ अभिप्राय सारो सो
 पावैं ॥ वे हरि जन अरु हरिहि न जानैं ॥ आपुही कौं पंडित करि मानैं ॥ २३ ॥ तातें तातपर्य
 नहीं जानें ॥ पढि पढि वेद अनर्थनि ठानैं ॥ घन एसो जो करे उधारा ॥ सो धन खोवे वृथा गंवारा
 ॥ २४ ॥ जो धन हरिके काज लगावैं ॥ सो तब प्रेम भक्तिकौं पावैं ॥ तोतें होइ ज्ञान परकासा ॥
 तब हरि मिले मिटें भवपासा ॥ २५ ॥ एसो धन ते मूढ अजांना ॥ देह काज खोवें भ्रमांना ॥
 काल निरंतर हरतन देखें ॥ बहु मदमत्त दूर करि लेखें ॥ २६ ॥ मद्यमांस मषमे आनीजैं ॥ और भूलि
 कहुं नाम न लीजैं ॥ तहांउ आपु लेई ग्रानां ॥ खान पान तें अधगति जानां ॥ २७ ॥ त्यों बनीता
 रितुदानहीं देवें ॥ और भूलि कहुं नाम न लेवें ॥ सो जब लगी एक सुत होई ॥ सुत के भए
 त्यागि सोई ॥ २८ ॥ एसो सकल वरणको धर्मा ॥ ताकौं भूलिन पावे मर्मा ॥ मरमहीन श्रुति

॥१३॥

सुमृतिबखाने ॥ मूरख आपुही पंडितमाने ॥ २९ ॥ तातें बहुत कर्म आरंभै ॥ इंद्रिय मनहि कदें
 नहीथंभै ॥ द्रोहकरैं बहु जीवनी मारैं ॥ ते बहु जन्मनि नहिसंघारैं ॥ ३० ॥ थावर जंगम सब
 घटमाहीं ॥ एकहि हरिदूजा को नाहीं ॥ तिनको द्रोहकरैं तन पोषें ॥ दारासुतनि आनसंतोषें
 ॥ ३१ ॥ नहि मूरख नहि तत्त्वग्यानी ॥ पढि पंडिग्रंथहुहि अभिमानी ॥ ते असाध रोगी सबजांनी ॥
 तिनसों ज्ञान न मांडेंज्ञानी ॥ ३२ ॥ ते सब करें आपनो घाता ॥ सुपनेहुं न लहें कुसलाता ॥ कर्म
 पंथमें सुषको चाहें ॥ अमृतदे करि बिषहि वित्याहें ॥ ३३ ॥ नाना ताप तप्तजो रहें ॥ करें मनोरथ
 फलहि नल हैं ॥ बहुत भांति श्रम करि उपजाए ॥ सुत वित दारा सब मनभाए ॥ ३४ ॥ तिन सबनि
 को छोड इहांही ॥ वंधें आप जमद्वारें जांहीं ॥ जमके दूत नरक भोगावें ॥ तहांके दुःख कहेन
 हि जावें ॥ ३५ ॥ तिनको को नहिराखनहारा ॥ हरिरक्षक सो नहींसंभारा ॥ कहा कहां कछु
 कहेन जांही ॥ हरि बिन कहूं पलक सुखनाही ॥ ३६ ॥ ॥ दोहा ॥ चमसबचन सुनि
 भूपके, बाढ्यो त्रासरूप्यार ॥ तब जुग जुगको पूछियो, हरिको भजनप्रकार
 ॥ ३७ ॥ ॥ विदेह उवाच ॥ ॥ चौपाई ॥ कौन समेके सो अवतारा ॥ किसो वर्ण नाम
 आकारा ॥ केहि बिधि भजें वर्ण आश्रमा ॥ कहो ज्ञानके साधन धर्मा ॥ ३८ ॥ जिनतें ज्ञान लहें
 सब त्यागें ॥ नित हरिचरणकमल अनुरागें ॥ मुनि नृप बेंन भक्तिके साजन ॥ तब बोलें नवमें कर
 भाजन ॥ ३९ ॥ करभाजन उवाच ॥ ॥ ॥ चौपाई ॥ सत त्रेता द्वापर कलिकाला ॥ बहुत भांति
 भजिए गोपाला ॥ बहुविधि बरन बहुत आकारा ॥ बहुत नाम बहुभजन प्रकारा ॥ ४० ॥ सतजुग

सुकल बरन भुजचारी ॥ सीस जटा तन बलकल धारी ॥ कंठजनेऊ कर जपमाला ॥ दंड कमंडल
 अरु मृगछाला ॥ ४१ ॥ तब मनुष्य होवें सबसुद्धा ॥ समनिवर वैर सुहृदय परिबुद्धा ॥ अस्थिवर
 करि इंद्रिय मनप्रांना ॥ करें सबें नित हरिकों ध्याना ॥ ४२ ॥ हंससु परम धर्म जोगेश्वर ॥ नि
 रमल परमात्म अरु ईश्वर ॥ पुरुषोत्तम वैकुण्ठ अव्यक्ता ॥ ताके नाम होई यह व्यक्ता ॥ ४३ ॥
 रक्तवरण त्रेताजुगमांही ॥ त्रिगुण मेष लागले पहरांही ॥ पीतकेस सर्वादिक हाथा ॥ ऋग यजु
 साम त्रयमै नाथा ॥ ४४ ॥ तब तिन हेत यज्ञादिक करें ॥ वेद विहित कर्मनि विस्तरें ॥ सर्वदे
 वमय हरिकों जानैं ॥ तब सबयों हरिपूजा ठानैं ॥ ४५ ॥ प्रण्णीगर्भ उरु गायकहीजैं ॥ विष्णु
 वृषा कपिजज्ञ भनीजैं ॥ सर्ववेद उरु कृम विजयंत ॥ ऐसैं नाम कहें सब संत ॥ ४६ ॥ द्वापर
 पीतबसन घनस्यामा संपादिक आयुध अभिरामा ॥ चारिबाहु भृगुलत्ता धरना ॥ लक्ष्मी
 चिन्ह बहुत आभरना ॥ ४७ ॥ चामर छत्रआदि बहु सेना ॥ महाराज लच्छन सुखदेना ॥
 वेद तंत्र विधि सेवाकरें ॥ सब अरपन पूजा विस्तरें ॥ ४८ ॥ वासुदेव शंकरषणदेवा ॥
 प्रद्युम्नरु अनिरुद्ध अभेवा ॥ नारायण भगवान अनंता ॥ जिनकों कोई लहें नहि अंता ॥ ४९ ॥
 विश्वरूप विश्वेश्वर स्वामी ॥ सर्वात्मा सर्वांतरजांमी ॥ बहुत भांति अस्तुति विस्तरें ॥ विधिसों
 द्वापुर पूजाकरें ॥ ५० ॥ कलिजुग पीत पितांबरधारी ॥ कृष्णदेव घनस्याम सुरारी ॥ सहत
 पारषत बहु आभरनां ॥ श्रवन कीरतन पूजाकरनां ॥ ५१ ॥ इंद्रिय मन बहु भरे विकारा ॥ तिनते राखचर्ण
 तुमारा ॥ सबविधि सर्वतीर्थ कौ वासा ॥ मुमरसहीं पूरें अबआसा ॥ ५२ ॥ शिव विरंचि सुरनर
 मुनि ध्यावें जाकों भेद वेद नहीं पावें ॥ राषो लेत शरन जे आवें ॥ जनम मरण सब दुषनि

मिटावें ॥ ५३ ॥ केवल होत दीन उद्धरें ॥ भवसागरके पार उतारें ॥ ऐसे चरण तुमारें गायो ॥
 तार्की सरण दीन में आयो ॥ ५४ ॥ अतिसुख तजिसुर वंछे जाकौं ॥ ऐसो राज छोडि करि ता
 कौं ॥ दशरथ भगत बचन शत करना ॥ वनको गवन कियो जिन चरना ॥ ५५ ॥ हेममृग
 हि दयिता मनभायो ॥ जो ताके पीछे उठि धायो ॥ जो भगतनके यों आधीना ॥ ऐमें च
 रण शरण में लीनां ॥ ५६ ॥ ऐसी विधि कलि अस्तुति करें ॥ ब्रह्म विधि हरिनामनि उचरें ॥
 सुनें कहें सुमरें अरुध्यावें ॥ ते ततकाल तत्त्वकों पावें ॥ ५७ ॥ याविधि जें जुग जुग हरि सेवें
 ॥ तिन तिनको हरि ज्ञान हि देवें ॥ ज्ञान पाइ निज तत्त्व समावें ॥ जहां जाइ बहुरो नहीं आ
 वें ॥ ५८ ॥ जे कलजुगके गुणकों जानत ॥ ते बहु विधि अस्तुति कौं ठानत ॥ जेसो परम
 सार कलिमांहीं ॥ तैसो और जुगानि में नाहीं ॥ ५९ ॥ सतजुग ध्यान यग्यत्रेतामहि ॥
 द्वापर प्रतिमा पूजे रामही ॥ कलि केवल नामादिक गावें ॥ सो सो फल ततकालहि पावें
 ॥ ६० ॥ या भवसागरमांहि निरंतर ॥ दुखित जीव परें नहि अंतर ॥ तामें हरिगुन नाम उचा
 रन ॥ एक जहाज सकलकौ तारन ॥ ६१ ॥ पाप अघोर अपार कलिमांहि ॥ जामें पुन्यलेस
 कहूं नांहि ॥ यामें जे हरिगुणनि उचरें ॥ ते तरि आप और निकौं तौरें ॥ ६२ ॥ ते कृत
 कृत्य तेही बडभागी ॥ जे कलि हरि कीरत अनुरागी ॥ आपुसुमरी औरनिसुमरावें ॥ ते जग
 जनम बहुरि नहि आवें ॥ ६३ ॥ सतत्रेता द्वापर अवतरही ॥ ते कलजुगको वांछा करहीं ॥
 कली कछ साधन श्रम नाहीं ॥ हरिगुण गावत हरिहि समाही ॥ ६४ ॥ अरु कहूं को इक
 देश विसुद्धा ॥ द्रविडादि मानव तहां बुद्धा ॥ जे उपजें ते भक्ती करें ॥ तातें तहां बहुत उद्धरें

॥ ६५ अरु जातां मृपणिं कृतमाला ॥ कावेरी पयस्विनी विशाला ॥ अरु सरस्वती पछम वाहनी ॥
 गंगा आदि दुरो तदा हनी ॥ ६६ ॥ जे मानव जल पीवें इनको ॥ दूरि होय हृदें मल तिनको ॥
 ते सर्वथा होई हरिभक्ता ॥ साधन संग होवें आसक्ता ॥ ६७ ॥ भूत कुटुंब पितर ऋषि देवा ॥
 इनके रीति करें सब सेवा ॥ सोई नर नहि सेवा करें ॥ सो सबताजि हरिकों अनुसरें ॥ ६८ ॥
 जेविधिताजि हरि चरणें आवैं ॥ तिनके मल हरि दूरि बाहावैं ॥ सो मल उपजें नहि कोई ॥ उपजें
 कदें हरे हरि सोई ॥ ६९ ॥ तातें सब विधि को फल एका ॥ गहियें हरि पद छांडि
 अनेका ॥ सबकै प्रभु सबहिं सुषदाता ॥ सरनागत पालक विख्याता ॥ ७० ॥ जब
 जब जो जो सरनहिं आयौ ॥ तबहीं तब तिनही हरिपायौ ॥ तातें और सकल परि हरियें ॥ श्री
 भगवान चरण चित धरिये ॥ ७१ ॥ नारद उवाच ॥ चौपाई ॥ ऐसैं सुनि नवहूँके बैनां ॥ जन
 क हृदे उपज्यो अतिचैनां ॥ संसा मिट्यौ सकल भ्रम भाग्यो ॥ ब्रह्मजान सूतो जौ जाग्यो ॥
 ॥ ७२ ॥ तब तिनकी बहु पूजा कीनी ॥ विप्रनि सहित प्रदक्षिणा दीनी ॥ या विधि दरसन
 पाये सबही ॥ अंतरध्यान भये ते तबही ॥ ७३ ॥ जनक विदेह और सब त्याग्यो ॥ हरिके
 चर्ण कमल अनुराग्यो ॥ या विधि ब्रह्मपरायन भयो ॥ तरि भवसिंधु ब्रह्ममें गयो
 ॥ ७४ ॥ यहि विधि तुमहीं बढभागी ॥ व्हें हो हरि चरणनि अनुरागी ॥ और
 सकलकौ तजिहो संगी ॥ तब पावोगे ब्रह्म प्रसंगा ॥ ७५ अरु तुमतो देवकि वसुदेवा ॥ भयो
 कृतार्थ करि हरि सेवा ॥ तुमरें जश पून्यो जगसारा ॥ जिनके हरिलीनो अवतारा ॥ ७६ ॥
 दरसन आलिंगन आलापा ॥ आसन भोजन सयन मिलापा ॥ हरिसों पुत्र जानि चित दी

नौ ॥ तातें सकल भजन तुम कीनौ ॥ ७७ ॥ कपट वासुदेवरु शिशुपाला ॥ दंतवक्र सल्यादि
 कराला ॥ वैरभाव कृष्णहि चित धान्यौ ॥ तिनहुं कौ हरि देव उधन्यौ ॥ ७८ ॥ तो जे प्रेमप्रीत
 सौं सेवें ॥ तिनकौ क्यों न परम पद देवें ॥ अब तुम पुत्र बुद्धि मति आंनौ ॥ कृष्ण देवकौ
 ब्रह्महि जानौ ॥ ७९ ॥ माया करि धरि नरदेह ॥ परब्रह्म तुम जानो एह ॥ बढ्यो देषि भूमे
 अतिभारा ॥ भेटन काज धन्यो अवतारा ॥ ८० ॥ परम पुनीत जसहि विस्तरहीं ॥ जासौं ला
 गि जीव निस्तरहीं ॥ जे जे इनसौं हेत लगावें ॥ ते ते सकल परमपद पावें ॥ ८१ ॥ श्रीशुक
 उवाच ॥ चौपाई ॥ ऐसी सुनि नारदकी बांनी ॥ वसुदेव देवकि उर मांनि ॥ आपहु दुहू मुक्त
 रि जान्यौ ॥ हरिमैं भाव ब्रह्मको आंन्यौ ॥ ८२ ॥ यह इतिहास कथा जो भाषें ॥ सावधान सु
 नि हिरदे राषें ॥ सो सब भवबंधन छिटकावैं ॥ उपजैं ज्ञान परम पद पावें ॥ ८३ ॥ दोहा ॥
 ॥ भगवत धर्मरु भक्त चिन ॥ माया तरण उपाय ॥ ब्रह्मकर्म अवतार पुन ॥
 भजन क्रम युगगाय ॥ ८४ ॥ ए भाष्यो संक्षेपसौं ॥ हरि मिलनैको द्वार ॥
 हरि उद्धव संवाद अब ॥ बरनौ करि विस्तार ॥ ८५ ॥ इति श्रीभागवते महापु
 राणे एकादशस्कंधे वसुदेवनारदसंवादे पंचमोऽध्यायः ॥ ५ ॥
 ॥ दोहा ॥ छठें बरणी द्वारिका, श्रीधर सुख श्रीकृष्ण ॥ ब्रह्मादि स्तुति कर
 चले उद्धव कीयो प्रश्न ॥ १ ॥ श्रीशुक उवाच ॥ चौपाई ॥ बहुरि सुनो नृ
 आत्म विद्या ॥ जाकैं जाने मिटैं अविद्या ॥ मिटैं अविद्या ब्रह्महिं पावैं ॥ ब्रह्मपाई फेर

नहिं आवैं ॥ १ ॥ तब ब्रह्मा सनकादिक संगी ॥ नारदादि संगे हरि रंगा ॥ सकल
 प्रजापति भृगु मरिच्यादिक ॥ महादेव लीने भूतादिक ॥ २ ॥ सुर समूह संग ले सुरपति ॥ पव
 न अस्विनी सूत ग्रहपति ॥ वसु अंगीरा रुद्रगन देवा ॥ साध्यादिक अरु विश्वेदेवा ॥ ३ ॥ ऋ
 षि गंधर्व पितर अरु नागा ॥ चारन सिद्ध भये अनुरागा ॥ अप्सर अरु गुह्यक विद्याधर ॥ किन्नर
 जक्षादिक मायाधर ॥ ४ ॥ कृष्ण देखिवे कारज सारै ॥ आनंदित द्वारिका पधारै ॥ केई नाचै
 केई गावैं ॥ केई बाजैं बहुत बजावैं ॥ ५ ॥ केई जय जय शब्द उचारैं ॥ केई कृष्ण जसहिं वि
 स्तारैं ॥ या विधि करे बहुत उच्छाहा ॥ मगन भये हरि प्रेम प्रवाहा ॥ ६ ॥ श्रीभगवान मनुष त
 नधारी ॥ दरसन सब मन हरन सुरारी ॥ लोकनि मांहि जसहीं विस्तारैं ॥ श्रवनादिकनि सकल
 अघजारैं ॥ ७ ॥ निधि रिधि पूरण द्वारावती ॥ जाके सम नहिं अमरावती ॥ तामैं ब्रह्मादिक च
 लि आये ॥ कृष्ण देवके दरसन पाये ॥ ८ ॥ स्वर्ग ब्रक्ष फूलनिकी माला ॥ छादित कीन्हैं दीनदया
 ला ॥ पावत दरस त्रिपति नहिं होवैं ॥ चित्रलिषेसैं सन्मुख जोवैं ॥ ९ ॥ चित्रवत बंदन स्तुति क
 रैं ॥ उत्तम अर्थनि जैस बिसतरैं ॥ सहित बीनती अरु पर नामा ॥ दरस भये सब पूरन कामा ॥ १० ॥
 ॥ ब्रह्मा उवाच ॥ ॥ जौपाई ॥ हे प्रभु चर्णसरोज तुमारा ॥ मन क्रम बचन चित्त हंकारा ॥ इंद्रिय
 बुद्धि प्रानरु देहा ॥ वंदत हे हम प्रगटे एहा ॥ ११ ॥ जाकौ प्राण वचन मन सार्धे ॥ सावधा
 न निसदिन आराधैं ॥ भाव सहित अभि अंतरध्यावैं ॥ तेउ याविधि प्रगटन पावैं ॥ १२ ॥ धन धन
 हम धन भाग हमारा ॥ प्रगटहिं देखे वर्ण तुमारा ॥ जिनकैं ध्यान कीरतन श्रवण ॥ बहुरि न
 होवैं आवा गवन ॥ १३ ॥ तुम अद्वैत दैत यह कन्यौ ॥ अपनी माया सब विस्तन्यौ ॥ तुमही

तैं उपजै संसारा ॥ सदा रहें तुमरे आधारा ॥ १४ ॥ तुमहीं माहि लीन सब होई ॥ तुमसों परस
 सकै नहिं कोई ॥ राग रहित आनंद स्वरूपा ॥ अजित अमित चिद्रूप अनूपा ॥ १५ ॥ विद्याध्य-
 यन श्रवण अरु दाना ॥ किया उपासन तप असनाना ॥ त्याग जोग यज्ञादिक जेते ॥ आतम
 शुद्ध करें नहिं एते ॥ १६ ॥ तव गुण श्रवन परत अघ नासैं ॥ ज्यों तम मांही सूर्य प्रकासैं ॥ तातैं
 जन्म कर्म गुणधारौ ॥ दीनबंधु दीनन उद्धारौ ॥ १७ ॥ जो तव चरण कमल मुनि ध्यावैं ॥ भव भ-
 य भीतन पल छिटकावैं ॥ अरु निज भक्त निरंतर सेवैं ॥ भय नहिं समुझैं नहिं छुक लेवैं
 ॥ १८ ॥ अरु एके बैकुंठ निमित्ता ॥ हृदय धरंता चरणहि चित्ता ॥ बहुरि एक सेवैं सहकामा ॥ ए
 कभये चाहें निहकामा ॥ १९ ॥ जीवन मुक्त भए इक सेवैं ॥ प्रेम भावसों अति सुष लेवैं ॥
 एकैजज्ञादिक सों भजैं ॥ सर्व वेदमय तुमको यजैं ॥ २० ॥ एके वर्ण आदि आश्रमा ॥ तुमरे हेत
 करें सब धर्मा ॥ एके एक रूपकरि ध्यावैं ॥ द्वैत भाव कबहुं नहिं ल्यावैं ॥ २१ ॥ एके तुम
 प्रतिमाकौ सेवे ॥ एकैं नाम निरंतर लेवैं ॥ एकै श्रवन कीर्तन ध्याना ॥ कहां लागि कहिये
 जे विधि नाना ॥ २२ ॥ ज्यों जे जे तव चरणानि सेवैं ॥ ते ते सब वांछित फल लेवैं ॥ सो तव
 चरण प्रमट हम पायौ ॥ तातैं अब दीजैं मन भायौ ॥ २३ ॥ यह हम वांछा पूरन करो ॥
 अपने चरण कमल चित धरो ॥ भस्म करो दूजी वासना ॥ जिनतैं उपजैं भव सासना ॥ २४ ॥
 परम दयाल परम हितकारी ॥ इच्छा पूरक देव सुराशि ॥ इच्छा पूरण करो हमारी ॥ निहचल
 उपजैं भक्ति तुमारी ॥ २५ ॥ जो तव जन वनमाला करें ॥ प्रेम सहित तव आगैं धरें ॥ कम-
 ला देषि सपत्नी आने ॥ ताकौ आपस पतनी जाने ॥ २६ ॥ परि तुम ऐसे दीनदयाला ॥

ए. भा.

॥१७॥

भक्ति अधीन करत प्रतिपाला ॥ तब इंदीरा निगदर करौ ॥ वनमाला ता ऊपर धरौ ॥ २७ ॥
जो तब चरण भगत सुर कारन ॥ दुष्ट असुर सेना संहारन ॥ असुरनकोँ अधगतिके दाता ॥
सुरनि स्वर्ग दीनै विष्ण्याता ॥ २८ ॥ अभयदान अघनाशन ठानौ ॥ लोकवेद यह प्रगट बखानौ ॥
बांधी ध्वजा गंग तिहु लोका ॥ जाके दर्श मिटै भव सोका ॥ २९ ॥ ब्रह्मादिक सुर नर अधि-
कारी ॥ तुमरे चरण कमल वश चारी ॥ जो अति बली बैल मदभीना ॥ नाथें नाक धर्न
आधीना ॥ ३० ॥ जब जब असुरनतें दुष पावैं ॥ तब तब सरन चरनकी आवैं ॥ तबहीं सु-
ख उपजैं दुष भाजैं ॥ अपने अपने ठौर विराजैं ॥ ३१ ॥ प्रकृति पुरुष महत्तत्त्व नियंता ॥ तुम
इनके कारन भगवंता ॥ तुमतें पुरुष शक्ति जो पावैं ॥ प्रकृति मिली महत्तत्त्व उपावैं ॥ ३२ ॥
ताते उपजै इह ब्रह्मण्डा ॥ जल आधार तरे ज्यों अण्डा ॥ थावर जंगम विविध प्रकारा ॥ तातें होई
सकल विस्तारा ॥ ३३ ॥ तातें तुम या सबके करता ॥ उपजा बन प्रतिपालन हरता ॥ तुम
आधार सकलके स्वामी ॥ तुम फलदाता अंतर जामी ॥ ३४ ॥ जो कलु होई सकल जग मा
हीं ॥ तुम करता दूजा को नाहीं ॥ परिकहुं लिप्त होहु नहिं देवा ॥ कोउ लषी न सकैं तव
भेवा ॥ ३५ ॥ सोल सहस्र एक सत आठा ॥ जिनके हृदे प्रेम अतिकाठा ॥ हाव भाव सों प्री-
ति बढावैं ॥ मदन बान बहुभांति चलावैं ॥ ३६ ॥ तुम तो हू बसहो वो नाहीं ॥ निश्चल निजा-
नंद पद माहीं ॥ और छोड़ि जे बैठौ कोई ॥ करत बासना बंधें सोई ॥ ३७ ॥ ए द्वे नदी प्रगट
तुम कीनी ॥ जिनकी महिमा परें न चीन्ही ॥ एक भंग चरणानि कौ नीरा ॥ परसत निरमल करें
शरीरा ॥ ॥ ३८ ॥ दूजी तव कीरतिकी सरिता ॥ त्रिभुवन जहां तहां विस्तारिता ॥ श्रवन करत अंतर

अ. ६

॥१७॥

मल नासै ॥ निरमल हृदय ब्रह्म प्रकासै ॥ ३९ ॥ ब्रह्मप्रकाश भये भव नाही ॥ पेले एकमेक मिलि मांहीं ॥
इन द्वै नदिनिभ जे जे पंडित ॥ तिनकों काल करत नहि पंडित ॥ ४० ॥ तातें नाथ कृपा अब
कीजें ॥ साधु संग हमकों नित दीजें ॥ जिनमें कथा नदी हम पावें ॥ जातें तव चरणन चित
लावै ॥ ४१ ॥ ॥ श्रीशुक उवाच ॥ ॥ चौपाई ॥ यौले शिवशक्रादिक संग ॥ अस्तुति करी
बहुतप्रसंगा ॥ बहुन्यौ विधि ए वचन सुनाये ॥ जाके काज सकल हम आये ॥ ४२ ॥ ॥ ब्रह्मा
उवाच ॥ ॥ चौपाई ॥ हे प्रभु हम तुम बिनती कीनी ॥ धरनी भार भई जब चीनी ॥ तातें
तुम लीना अवतारा ॥ सकल उतान्यौ भुवकौ भारा ॥ ४३ ॥ मेदि अधर्म धर्म विसतान्यौ ॥
सब संतनकौ कारज सान्यौ ॥ और कीरति बहुविधि विस्तरि ॥ भवसागर तरवेको करी ॥ ४४ ॥
ले अवतार भूप जदुवंसा ॥ सकल जनन को मेठ्यौ संसा ॥ बहु विधि कीने कर्म अपारा ॥
जिसौ लागि जैहें भवपारा ॥ ४५ ॥ अरु जदुकुल द्विज श्राप बिनास्यौ ॥ नहि रहि है दिन
द्वै हैं भास्यौ ॥ तातें देव काज सब कन्यौ ॥ करिवैकुं कलु नाही उबन्यौ ॥ ४६ ॥ गई बरष
सत आव पचीसा ॥ तातें हम बिनवें जगदीसा ॥ अब करि कृपा चलो निजलोका ॥ करत
पुनीत हमारे ओका ॥ ४७ ॥ हम हैं दास तुमारे देवा ॥ निसदिन करें तुमारी सेवा ॥ ऐसी
मुनि ब्रह्माकी बानी ॥ तब हंसि बोले सारंगपानी ॥ ४८ ॥ ॥ श्रीभगवानुवाच ॥ ॥
चौपाई ॥ मैं सब सुनी तुमारी बानी ॥ तुमारो काज भयो मैं जानी ॥ परि यदुकुल यों ही
परिहरी ॥ तो नास सकल भूको मैं करौ ॥ ४९ ॥ ए सब जादव बहु मदमत्ता ॥ ए न रह सो मेरी
सत्ता ॥ मोहि तजें सब प्रलई गनै ॥ ज्यों सायर मरजादा भांनै ॥ ५० ॥ तातें नास हेत

उपजायौ ॥ श्राप सबनि विप्रन तैं पायौ ॥ अब इन सबहिनकौ बिनसाऊं ॥ पीछे तुम
 लोकनि में आऊं ॥ ५१ ॥ ऐसे सुनि हरिजीकें बैना ॥ हृदय बट्यौ सबनीकौ चैना ॥ करि
 प्रणिपात बीनती सारैं ॥ अपने अपने लोक सधारैं ॥ ५२ ॥ ॥ श्रीशुक उवाच ॥ ॥
 चौपाई ॥ तब नरपतिकी सभा मझारी ॥ बैठे यदुकुल सहित मुरारी ॥ द्वारावती उठे उत
 पाता ॥ तिनकौं देषि कही हरि वाता ॥ ५३ ॥ ॥ श्रीभगवानुवाच ॥ ॥ चौपाई ॥ ए
 उतपात उठैं चहुं ओरा ॥ अतिभय दायक दीसैं घोरा ॥ अरु द्विज श्राप भयो
 कुल मांही ॥ तातैं भली देखियत नहिं ॥ ५४ ॥ तातैं अब ईहां नहिं रहियैं ॥ तजीये
 बेगि जीयो जो चाहियैं ॥ अति पुनीत जु क्षेत्र प्रभासा ॥ तहां बेगि चलि कीजै वासा ॥ ५५ ॥
 एकवार दक्ष श्रापहि दयौ ॥ तब शशि दौं क्षयरोग हि भयौ ॥ जब सो शशी प्रभासहिं द्वायौ ॥
 छूट्यौ श्राप परम सुख पायौ ॥ ५६ ॥ तातैं अब प्रभास चलीजैं ॥ तहां जाइ असनान
 हि कीजैं ॥ तृपति देख पितरनकौं करिये ॥ विप्र भोजन बहु विधि विस्तरि
 यैं ॥ ५७ ॥ तिनकौं दान बहुत विधि दीजैं ॥ श्रद्धा सहित प्रणाम हि कीजैं ॥ तिन प्रसाद दुष
 नि परिहरियैं ॥ ज्यों नावनसौं सागर तरियैं ॥ ५८ ॥ ऐसी सुनि हरिजीकी बानी ॥ सब जाद
 वन भली करि मानी ॥ तब चलवेकौं सकल विचारैं ॥ अपने अपने स्थानि संवारैं ॥ ५९ ॥ तब
 उद्धव हरिको निज दासा ॥ देषि सकल बिधि भयौ उदासा ॥ चलि एकांत हरिजीपैं आयौ ॥
 चरणनि परिके वचन सुनायौ ॥ ६० ॥ ऊद्धव उवाच ॥ ॥ चौपाई ॥ देव देव ईश्वर जोगेश ॥ श्र
 वन कीरतन हरन कलेश ॥ यदुकुलकौं संधार हिं करिहो ॥ अब तुम मृत्युलोक परिहरिहो ॥ ६१ ॥

विप्रश्राप भेटन सामर्था ॥ नहिं मेढो सो यह है अर्था ॥ मेरे जीवन चरण तुमारा ॥ जैसे मी-
 न उदक आधार ॥ ६२ ॥ प्राणनाथ अब ऐसी कीजें ॥ संग आपने मौकों लीजें ॥ तुमरे सब
 आचरण अनुपा ॥ सबकों अति कल्याण स्वरूपा ॥ ६३ ॥ जिनकों पाइ और सब
 त्यागें ॥ त्रिभुवनके सुषदुषसे लागें ॥ आसन गमन असन असनाना ॥ जागत अरु सोवत विधि
 नाना ॥ ६४ ॥ सदा निरंतरको मैं दासा ॥ क्यों पलत जों तुमारौ पासा ॥ माया भय नहिं मेरे क-
 हुं ॥ तुम बिन अर्ध निमिष न बरहूं ॥ ६५ ॥ गंध बसन माला आभरना ॥ तुम उत्तीरनकों मैं
 धरना ॥ महाप्रसाद निरंतर पोष्यौ ॥ दरस परस बहुविधि संतोष्यौ ॥ ६६ ॥ ऐसो मैं निज सा-
 स तुमारौ ॥ माया करि है कहा हमारौ ॥ माया भय अरु तुमरे हेता ॥ होइ दिगंबर ऊर धरेता
 ॥ ६७ ॥ इंद्रिय देह प्राण मन साधैं ॥ सावधान तुमकों आराधैं ॥ ब्रह्म विचार सदा मन लावैं ॥
 ते निज रूप तुमारौ पावैं ॥ ६८ ॥ हम कछु कर्म अकर्म न जानैं ॥ हृदय ज्ञान वैराग न आनैं ॥
 तुमरे भक्तनिके मिलि संग ॥ भव तरियैं सुनि तव प्रसंगा ॥ ६९ ॥ तुमरे कर्म वचन परिहासा ॥
 आवन गवन रूप प्रकासा ॥ कहत सुनत सुमिरत सुष मांही ॥ भव सागर हम रहियैं नाही ॥ ७० ॥
 तातें माया भय नहिं आनौ ॥ आप हि सदा मुक्त करि मानौ ॥ परि तुम बिना प्राण तजि
 जाही ॥ तातें मोहिं छोडिये नाही ॥ ७१ ॥ ॥ दोहा ॥ ॥ ए उद्धव निज भक्तके, सुने
 वचन गोपाल ॥ तब करुणामय करि कृपा, बोले वचन रसाल ॥ ७२ ॥ इति
 श्रीभा० महापुराणे एकादशस्कंधे भगवदुद्धवसंवादे भाषायां षष्ठोऽध्यायः ६

॥ ॥ दोहा ॥ ॥ उद्धव प्रति श्रीकृष्णजी, कह्यो सात मैं ज्ञान ॥ दत्त यदू संवाद
 मैं शिक्षा आठ बखान ॥ १ ॥ श्रीभगवानुवाच ॥ ॥ चौपाई ॥ महाभाग
 उद्धव यह यौहीं ॥ ज्यों तुम कही बात है त्योंहीं ॥ शिव बिरंचि शक्रादि दिवेसा ॥ बछे म
 वैकुण्ठ प्रवेसा ॥ १ ॥ भूमें भार बढ्यौ जब भारी ॥ तब भू ब्रह्मापास पुकारी ॥ ब्रह्मादिक मि-
 ल बिनती करी ॥ ताते मानुष देह मैं धरी ॥ २ ॥ अब भूकौ सब भार उताय्यौ ॥ सकल सुर
 निकौ कारज सान्यौ ॥ अरु जसको कीनौ विसतारा ॥ जातें जीव जाहिं भवपारा ॥ ३ ॥
 जदुकुल श्राप लह्यौ द्विज पासा ॥ आपु आपुमें व्है हैं नासा ॥ आजहूं तें सप्त दिन मांहीं ॥ सिंधु
 द्वारिका राषे नाही ॥ ४ ॥ जबही मैं तजिहौ यह लोका ॥ तब पावेंगे दुष भय सोका ॥ कलि
 युग आनि अधिष्ठित होई ॥ तातें अघकरि हैं सब कोई ॥ ५ ॥ तातें उद्धव सुनि बडभागा ॥
 अब तूं कर सबहिनको त्यागा ॥ मोमें सदा चित्त थिर करौ ॥ सम दरसी व्है भूमें चरौ ॥
 ॥ ६ ॥ जो कलु कहन सुननमें आवैं ॥ मन अरु बुद्धि जहां लागि जावैं ॥ सो यह सब मन
 कौ कृत जानौ ॥ छिन भंशुर माया करि मानौ ॥ ७ ॥ जिन यह सकल सत्य करि जाना ॥
 तिनके भेद भयो हे नाना ॥ ता भेदिहि भ्रम करि नहिं जानैं ॥ विधि निषेध ताहितैं मानैं ॥
 ॥ ८ ॥ विधि निषेध जो भाषे वेदा ॥ सो ताकौं जाकौं है भेदा ॥ भेद मिटे बिनकरे न त्यागा ॥
 तातें ए द्वे किये विभागा ॥ ९ ॥ ज्यों ज्यों तजे सुषी त्यों होई ॥ तातें वेद बतावे दोई ॥
 आगे जाइ छुधावैं सारैं ॥ जे आपुहि हूतै विस्तारैं ॥ १० ॥ तातें ए सब मिथ्या जानौ ॥ ऊंच
 नीच गुण दोषन मानौ ॥ इंद्रिय अरु मन निहचल करौ ॥ अहंकार ममता परिहरौ ॥ ११ ॥

क्षम थूल सकल विस्तार ॥ एकहि आतमके आधार ॥ सो आधार ब्रह्मको मानौ ॥ ऐसी
 विध भवके भय मानौ ॥ १२ ॥ या विधि बेद अर्थकौ जानौ ॥ बहुरि हृदै निश्चल करि मानौ ॥
 दूहं लोककी आसा छांडौ ॥ या विधि अंतराय सब पांडौ ॥ १३ ॥ जितनी याकै आसा होई ॥
 ते तौ विघन कैर सब कोई ॥ ज्यों ज्यों तजतें जावें आसा ॥ त्यों त्यों मिटे विघनके पासा
 ॥ १४ ॥ जब हय होइ आतमारामा ॥ तब तहां नहिं आसकौ धामा ॥ तब विघननिके कर-
 ता देवा ॥ तेही उलटी करें ता सेवा ॥ १५ ॥ तातें विधि निषेध सब नापौ ॥ आसा छांडि हृदै
 हरि राखौ ॥ एक ब्रह्म करि सबकौ देखौ ॥ दूजो कबहुं भूलि न लेखौ ॥ १६ ॥ अरु जिन पायो
 ब्रह्म ग्याना ॥ तिनकौ विधि निषेध नहिं नाना ॥ परि तिनकें नितहिं विधि होई ॥ कदे निषे-
 ध न परसै सोई ॥ १७ ॥ वे सुष दुष गुणदोष न जान ॥ बालक सम आचरणनि ठानै ॥ परि विधि
 सारि सेवा करें ॥ अरु निषेध आपुहि परिहरें ॥ १८ ॥ सब परि सुहृद सदा अतिसांत ॥ ज्ञान
 विज्ञान सहित नित दांत ॥ सब जग ब्रह्म जानि थिर होई ॥ बहुरौ जन मन पावै सोई ॥ १९ ॥
 ऐसैं सुनि हरिजीके बैना ॥ अति दुष्कर अरु अति सुषदेना ॥ तत्त्व सुननाकि बाढ़ी प्यासा ॥
 तब बोले उद्धव निज दासा ॥ २० ॥ उद्धव उवाच ॥ चौपाई ॥ जोग स्वरूप जोग उपजावन ॥
 जोग दान जोगस्वर भावन ॥ तुम जो त्याग कह्यो मेरे हित ॥ सो दुष्कर आवैं नाही चित
 ॥ २१ ॥ क्यों होवे विषयनिको त्यागा ॥ पुत्र कलत्रादिक अनुरागा ॥ यह तन यह धन
 ए सुत मेरे ॥ यह बनिता यह ग्रह यह चेरे ॥ २२ ॥ या विधि मन अहंकार समुद्रा ॥ बूढ़ि
 रह्यो मे मति को क्षुद्रा ॥ तुमरी माया अति भ्रमायौ ॥ तातें ज्ञान हृदे नहिं आयौ ॥ २३ ॥

ए.भा.
॥२०॥

अ. ७

अब तुम मोहिं शिष्य उपदेसो ॥ मेरे उर कछु ज्ञान प्रवेसो ॥ ताते अब बहु विधि
समझावौ ॥ मम उर पूरन ज्ञान बढ़ावौ ॥ २४ ॥ जाते सब तजि तुमको पावौ ॥
बहुरो जगत जन्म नहि आवौ ॥ अरु दूजो ऐसो नहि कोई ॥ जाते लाभ ज्ञानको होई ॥
॥ २५ ॥ ब्रह्मादिक तन धारी जेते ॥ तव माया बस कीने ते ते ॥ ताते मायाहीको देखै ॥
कर्मरु भोग भले करि लैषै ॥ २६ ॥ ताते मैं जन तुमरी सरना ॥ सो कीजे पावुं तुम चरना ॥
तुमरो आदि अंत नहि पारा ॥ ज्ञान रूप सबहिन तैं न्यारा ॥ २७ ॥ सोई तैं गहो कर
जाकौ ॥ माया कछु न सके करि ताकौ ॥ तुमहीतैं उपजे यह जीवा ॥ जेसैं अमिहु तैं
बहु दीवा ॥ २८ ॥ सदा रहैं तुमरे आधार ॥ नित उठि पोषै सिरजनहारा ॥ ऐसैं प्रभुको सेवै
नाहीं ॥ ताते परे परम दुषमाही ॥ २९ ॥ या भवके दुष कहे न जाहीं ॥ पन्थो निरंतर में तिन
मांहीं ॥ अब मोको सरनागत जानौ ॥ देकरि ज्ञान सकल भय भानौ ॥ ३० ॥ भेरे तन मन
धन तुम चरना ॥ मन वच कर्म आयौ मैं सरना ॥ ऐसैं सुनि उद्धव के बैना ॥ हरि हँसि
बोले अंबुजनैना ॥ ३१ ॥ ॥ श्रीभगवानुवाच ॥ ॥ चौपाई ॥ उद्धव मैं कह देवों ज्ञाना ॥
सत्य कहत हौं नाहीं आना ॥ या जगसाधु भये हैं जेते ॥ आपुहि आप उद्धरें ते ते ॥ ३२ ॥
आपुहि भलो बुरो पहिचानैं ॥ छोड़े बुरो भलाको ठानैं ॥ गुरु आपुनो आपुहि होई ॥ पशु
पंछी भावे जो कोई ॥ ३३ ॥ परि नर तन ऐसौ हैं नीको ॥ ब्रह्मा आदि सबनि कोटीको ॥
जाते ब्रह्म विचार हि पावैं ॥ बहुरो जगत जन मनहि आवैं ॥ ३४ ॥ इक पद त्रय पद एका ॥
चौपादहि बहुपाद अनेका ॥ मैं बहु भांति सृष्टि विस्तारी ॥ तिनमें प्रिय नर देह हमारी

॥२०॥

॥ ३५ ॥ मुहिं पावें सो या करि पावें ॥ ओर सबनि सुष दुष भोगावे ॥ या में मेरो करें विचारा ॥
 सावधान व्हे बहुतप्रकारा ॥ ३६ ॥ भाई यह तौ जड है देहा ॥ इंद्रिय आदिक सकल सनेहा ॥
 अपनै अपनै अरथ निगहैं ॥ सोए शक्ति कों नकी रहैं ॥ ३७ ॥ अरु सौवत जब सुपना
 पावें ॥ तब तौ इंद्रिय तन छिटकावैं ॥ सुपन मांहि सुष दुष को लहैं ॥ जागे वात सकलकी
 कहैं ॥ ३८ ॥ तातें में तो यह तन नाहीं ॥ में तो वास कियौ या मांहि ॥ त्यों बनिता
 सुत बित परिवारा ॥ मेरो तो नहिं सकल पसारा ॥ ३९ ॥ एतौ सकल देह संग जा
 हीं ॥ सो यह देह कदे में नाहीं ॥ जातें सुपनमांहि नहिं कोई ॥ उहां सकल सो और हि होई
 ॥ ४० ॥ अरु भाई में तो वह नाहीं ॥ जो तन दीसैं सुपनामाहीं ॥ जातें उहहु थिर नर हावैं ॥
 वाकौं तजि यामें फिरि आवैं ॥ ४१ ॥ वातें यह यातें वह झूठी ॥ यह निज ज्ञान गह्यो
 मूठी ॥ जो इन दुहूं देहकों मेहै ॥ इंद्रियतें सब अर्थ निगेहै ॥ ४२ ॥ इंद्रिय बुद्ध्यादिक अरु
 बानी ॥ याकौं कोइ सके नहिं जानी ॥ सो में नित्य निरंतर एका ॥ उपजे बिनसे देह अनेका ॥
 ॥ ४३ ॥ भाई सो में कहां तैं आयौ ॥ किन तन दीनों किन उपजायौ ॥ अब तो में द्वै देह
 अधारा ॥ पलको रहन सकौं निरधारा ॥ ४४ ॥ ए दोउ तजि कहां में रहौं ॥ जोहैं सत्य ताहि
 दृढ गहौं ॥ ऐसे बहुविधि करें विचारा ॥ त्यागें देहादिक परिवारा ॥ ४५ ॥ सो जहां तहां तैं
 लेवे ज्ञाना ॥ कबहुं कछु न जानें आना ॥ या विधि आप आपकौं तारें ॥ लहें ब्रह्म भवदुःष
 निवारें ॥ ४६ ॥ यह विचार मानव तन होई ॥ दुजा भूलिन जानें कोई ॥ तातें तुम मानव तन पायौ ॥
 अरु कछु इकमें तोहि लखायौ ॥ ४७ ॥ तातें तजो सकलको संगी ॥ मन वच कर्म होइनिहसंगा ॥

सबतैं परैं आपकौं जानौ ॥ सो आधार ब्रह्मके मानौ ॥ ४८ ॥ जहा तहां देषो उपदेसा ॥ या
 विधि कगे ब्रह्म प्रवेसा ॥ ऐसे जहां तहां ले ज्ञाना ॥ बहुतक भये ब्रह्म परवाना ॥ ४९ ॥ तिनमें
 कहूं एक की बाता ॥ जो इतिहास कथा विख्याता ॥ दत्तदिगंबर अरु यदुभूषा ॥ तिनकौं हे संवाद
 अनूपा ॥ ५० ॥ दोहा ॥ ॥ सुनि उद्धव इतिहास अब, भाषौं परम अनूप ॥
 वक्ता दत्तात्रेय जहां, अरु पूछक जदुभूष ॥ ५१ ॥ ॥ चौपाई ॥ एक समैं भूपति
 यदुनामा ॥ गए सिकार छोडि निज धामा ॥ तब ता नगर निकट हैं सूता ॥ देख्यौ एक परम
 अवधूता ॥ ५२ ॥ निरभय निश्चल इच्छाचारी ॥ तेजनिधान तरुण तनधारी ॥ करि प्रणाम बहुत
 प्रकारा ॥ यदुभूषति तब वचन उचारा ॥ ५३ ॥ यदुरुवाच ॥ ॥ चौपाई ॥ हे प्रभु पूरण परम
 दयाला ॥ कहो क्रिया करि होहु कृपाला ॥ ऐसी बुद्धि कहां तुम पाई ॥ जातैं विचरौ सहज सुभई
 ॥ ५४ ॥ भये अकर्ता इच्छाचारी ॥ बालक सम सब चिंता टारी ॥ सब जग निशदिन एह विचारैं ॥
 धर्मरु अर्थ काम विस्तारैं ॥ ५५ ॥ सो नहिं उपजें बहु दुख पावैं ॥ तिन सौं लागि सब आयु गमावैं ॥
 तुम समरथ सबहीं विधि जानौ ॥ क्रिया निपुन प्रिय वैन बषानौ ॥ ५६ ॥ सब विधि सरस तरुण तन
 सुंदर ॥ तुष्ट पुष्ट कौं लिपे न दुंदर ॥ ना कलु बंछौ ना कलु करौ ॥ जड उन्मत्त गती जिमि विचरौ
 ॥ ५७ ॥ तूष्णा काम लोभदौ लागी ॥ सकल लोक दाझै तिन आगी ॥ तुम आनंद मय दाझौ
 नार्ही ॥ ज्यौं गजेद्र गंगोदक मांहीं ॥ ५८ ॥ देह अर्थ सबहि तुम त्यागै ॥ रहौ अनंदित शोक
 न लागै ॥ संग न कोई राषो देवा ॥ कोई लषिन सकैं तव भेवा ॥ ५९ ॥ तातैं कहो क्रिया
 करि नाथा ॥ भव जल बूडत पकरौ हाथा ॥ यौं जदुभूष विनती करी ॥ तब अवधूत गिरा

उच्चारि ॥ ६० ॥ ॥ अवधूत उवाच ॥ ॥ चौपाई ॥ सुन जदुभूप परम बड़भागी ॥ जाकी
 मति हरिसौं अनुरागी ॥ बहुतहि हैं मेरे गुरु देवा ॥ जिन तैं मैं जान्यौ सब भेवा ॥ ६१ ॥ परि
 में मत्तों आपतें लीनौ ॥ तिनमें मोसों किनहु न दीनौ ॥ ते गुरु सकल सुनौ तुम मोसों ॥
 हरिजन जान कहत हों तोसों ॥ ६२ ॥ धरनी गगन पवन अरु पानी ॥ अनल चंद्र रवि कपो
 त जानी ॥ अजगर सिंधु पतंगरु भृंगा ॥ कुंजर मधु हरतार कुरंगा ॥ ६३ ॥ मीन पिंगला
 कुररु बाला ॥ कन्या सर करता अरु ब्याला ॥ मकरी भृंगी ए चौबीसा ॥ इन तैं सिष्यों
 सुनो महीसा ॥ ६४ ॥ प्रथमें धरनीमें गुण देख्यौ ॥ सो में परम तत्त्व करि लेख्यौ ॥ सबैं रहैं
 धरनी आधारा ॥ ता परि मूढ करै अपकारा ॥ ६५ ॥ ठौर ठौर अति उत्तम अंगा ॥ ताकौं
 करैं बहुत विधि भंगा ॥ ताकैं परवत वृक्ष अनंता ॥ परउपकार सबैं वस्तंता ॥ ६६ ॥ पर अप-
 राध कछु नहिं जानै ॥ उलटि आप अपकारहि ठानै ॥ ऐसी शिष धरनीकी लेवैं ॥ जो जन
 हरिचरण निकौं सेवैं ॥ ६७ ॥ प्रथम गुरु ॥ १ ॥ ॥ चौपाई ॥ प्राणवाइ ज्यों लेहि अहारा ॥
 स्वाद कुस्वाद न कोई प्यारा ॥ त्यों हरिजन आहार हि लेवैं ॥ स्वाद कुस्वाद नहीं चित देवैं
 ॥ ६८ ॥ बिना अहार बिचार न आवैं ॥ स्वाद कुस्वाद न मन ठहरावैं ॥ तातैं एतो लेइ अहारा-
 जे तो होवे प्राण अधारा ॥ ६९ ॥ अरु ज्यों पवन फिरे जग माहीं ॥ शुद्ध अशुद्ध लिपें कहूं
 नाहीं ॥ नाना भेदनि में संचरें ॥ प्रिय अप्रिय गुण दोष न धरें ॥ ७० ॥ यों हि विषय निग्रह
 तैं जोगी ॥ मन वच कर्म न होवैं भोगी ॥ भेद अनेकनिमें अनुसरें ॥ परि कछु भेद हृदे न-
 हिं धरें ॥ ७१ ॥ अरु ज्यों पवन गंध संजोगा ॥ लिप्त भयों जौन सब लोगा ॥ परिसो पवन

सदा इकरूपा ॥ लिपें न कबहु सोइ अनूपा ॥ ७२ ॥ पंचभूत निर्मित त्यों देहा ॥ सकल
विकारनको ए गेहा ॥ तामें जोगी लिप्त न होई ॥ और लिप्त सब जाने कोई ॥ ७३ ॥ द्वि-
तीय गुरु ॥ २ ॥ चौपाई ॥ ज्यों सबहिनमें एक अकाशा ॥ अरु सबहिनको तामें वासा ॥
सब उपजें बिनसें वरतार्ही ॥ गगन न लिपें काल तिहु मांहीं ॥ ७४ ॥ त्यों बहुविधि सब
जगत पसारा ॥ मुनि देषें आतम आधारा ॥ जो कछु देषें जडहें सोई ॥ जा
हि संग तें चेतन होई ॥ ७५ ॥ ज्यों आतम देहनिमें देष ॥ त्यों परमातम जहां तहां
लेषें ॥ एक अनंत न कहूं आवरना ॥ लिपे न छिपे जन्म नहिं मरनां ॥ ७६ ॥ सो पर-
मातम आतम एका ॥ कदै न देषें भूलि अनेका ॥ ज्यों जो गगन घटनिमें होई ॥ बाहरहु
पुनि जहां तहां सोई ॥ ७७ ॥ कहिवेको देनांतर एका ॥ यों आतम अरु ब्रह्म विवेका ॥ ज्यों
बहु मेघ पवन दामनी ॥ वरषें बहु वासर जामनी ॥ ७८ ॥ परि नभ लिप्त कदे नहिं होई ॥
और लिप्त जानें सब कोई ॥ त्यों आतममें देह अनंता ॥ उपजें वरतें पावें अंता ॥ ७९ ॥ परि
आतमा लिप्त कहूं नार्ही ॥ साध विचारें यों मनमाहीं ॥ यह अंबर गुण तोहिं सुनायौ ॥ अब
भाषों जौं जलतें पायौ ॥ ८० ॥ ॥ तृतीय गुरु ॥ ३ ॥ ॥ चौपाई ॥ नित निरमल और
निमल हरैं ॥ ताप मेटि सीतलता करैं ॥ सब सुष दाइक हित रसवंत ॥ ए गुण जलके समिने संत
॥ ८१ ॥ ॥ चतुर्थ गुरु ॥ ४ ॥ ॥ चौपाई ॥ तेजवंत अरु दीपत जुक्ता ॥ क्षोभ रहित जहां
तहां निरमुक्ता ॥ स्वादरहित सब भक्षण करैं ॥ अग्नि न लिपें संच न हि धरैं ॥ ८२ ॥ त्यों ही
ज्ञानते जमय होई ॥ इंद्रियादि कृत दीपत सोई ॥ जद्यपि बहुविधि भोजन करैं ॥ स्वादरहित

गुण दोष न धैर ॥ ८३ ॥ काहुहुंते क्षोभ नहीं होई ॥ काहुके गुण मिले न सोई ॥ उदर प्रमान
 लेहि अहारा ॥ कछु न जानैं संचै सारा ॥ ८४ ॥ गुप्त रहैं नहीं भूल जनावै ॥ कीन्हें प्रकट है
 आवैं ॥ परइच्छा आहुतकों लेई ॥ तिनतें पाप रहे नहि देई ॥ ८५ ॥ त्यों सुनि गुप्त आपतें रहें ॥
 षोडि लेहि ताकों भ्रम दहें ॥ उत्तम भोजन आदिक होई ॥ परइच्छाते लेवे सोई ॥ ८६ ॥
 बहुन्यौ अग्नि एक रस एका ॥ बहुविधि दीसैं काष्ठ अनेका ॥ त्यों आतमा एक सब माहीं ॥
 भेद देह कृत संचे नाही ॥ ८७ ॥ दीप मसाल प्रगट ज्यों होई ॥ ज्वाला जात लषे सब कोई ॥
 परिते दीसैं त्योंके त्योंहीं ॥ प्रतिदिन देह जात हैं योंहीं ॥ ८८ ॥ ॥ पंचमोगुरुः ॥ ५ ॥ चौपाई ॥
 जैसें शशिके बाटें कला ॥ त्यों त्यों दिन दिन दीसे भला ॥ पूर्ण व्है करि दिन दिन नासैं ॥ सकल
 मिटै तब नहीं प्रकासैं ॥ ८९ ॥ त्यों बालादि अवस्था आवैं ॥ व्है करि तरुन क्रमहि क्रम जावैं ॥
 तब आतम देषियत नाही ॥ परिहैं सदा काल तिहु माहीं ॥ ९० ॥ गुरु छठे ॥ ६ ॥ ॥ चौपाई ॥
 ज्यों रवि किरणानि सौं जल लेवैं ॥ समय पाइ बहून्यौं सब देवैं ॥ परि कबहुं अभिमान न आनैं ॥
 लियो दियो आपु नहीं जानैं ॥ ९१ ॥ त्यों सुनि सुनें कहें अरु देषैं ॥ सकल अर्थ इंद्रियकृत
 लेषैं ॥ नित आतमा अकरता जानैं ॥ सब तजि ब्रह्म विचारहि ठानै ॥ ९२ ॥ ज्यों घट जल
 प्रतिबिंबित मूरा ॥ लिप्त देखियें परिहैं दूरा ॥ त्यों आतमा देह संबंधा ॥ थूल दृष्टि जानत
 हैं अंधा ॥ ९३ ॥ ॥ सप्तमगुरु ॥ ७ ॥ ॥ चौपाई ॥ अब कपोतकी कथा सुनाऊं ॥ तेरे
 मनको भ्रमाहि मिटाऊं ॥ एक कपोत कपोती संगी ॥ बनमें कीनो ग्रह प्रसंगा ॥ ९४ ॥ आपु
 आपु में अति आसक्ता ॥ आठ पहरमें पल न विरक्ता ॥ मनसों मन अंगनि सों अंगा ॥ नैन

नि नैन बढ्यो बहुरंगा ॥ ९५ ॥ आवन गवन असन अस्थाना ॥ सैन बैन सारी विधि नाना ॥
 मिलि सकल कर्मनिको करें ॥ निरभय जे न काहुतें डरें ॥ ९६ ॥ सो कपोत बनिता बस कीऔ ॥
 हाव भाव तन मन हरि लीऔ ॥ वनिता जो वंछे सो लावें ॥ कष्ट सहित जाही विधि पावें
 ॥ ९७ ॥ सोइ स्त्रीजित ज्यौ तुम राजा ॥ अपनौ लषे न काज अकाजा ॥ तनमय भयौ
 निरंतर चहैं ॥ प्राणहु तैं ताही प्रिय कहैं ॥ ९८ ॥ ताकी त्रिया अंड उपजाये ॥ तिनमें मन
 दोनों मिलि लाये ॥ तब हरि माया शिशु निरमये ॥ कोमल अंग रोम तब भये ॥ ९९ ॥
 तबहुं मिलि करि तिन कौं पोषें ॥ बहुतभांति ताकौं संतोषें ॥ कोमल वचन सुनें सुष दरसें ॥
 अपने अंग अंग सों परसें ॥ १०० ॥ हरिकी माया बहुत भुलाये ॥ आपु आपुमें सकल बंधाये
 पुत्र सनेह रहें अनुरागे ॥ सिरपर काल न लषे अभागे ॥ १०१ ॥ एकवार बालकके कारन ॥
 चारौ लेन गए ते आरन ॥ ताही सभै व्याध इक आयौ ॥ बालक देषि जाल विछार्यौ ॥ १०२ ॥
 देख्यौ कनिक न देख्यौ जाला ॥ बंधे आनि सकल षगबाला ॥ तब दोउ चारौकौं ल्याये ॥
 निज ग्रह मांहि न बालक पाये ॥ १०३ ॥ तब देषे माता ते बाला ॥ बंधे जाल मांहि बिहाला ॥
 तब सो तहां पुकारत धाई ॥ जाल मांहि सत हेत बंधाई ॥ १०४ ॥ तब कपोत देषे सब बंधे ॥
 हरि माया कीने अति अंधे ॥ तब बहुभांति करै विलापा ॥ लेषें बहुत आपने पापा ॥ १०५ ॥
 हाहा पाप कौन में कीने ॥ ऐसे दुख दैव मोहिं दीने ॥ जाकी यह पतिव्रता नारी ॥ पुत्रानि
 ले सुरलोक मिधारी ॥ १०६ ॥ मोहिं छोड़ि मूने ग्रहमाही ॥ सब मिलि आपु इंद्रपुर जाही ॥
 ना मै सुष भोगे यह लोका ॥ नहिं साधन पायो परलोका ॥ १०७ ॥ धर्म अर्थ काम सब जामैं ॥

कछुवै नहीं रह्यो ग्रह तामैं ॥ अब प्राननि राषों कछु नाहीं ॥ घरी घरीमें दुख अधिकाहीं ॥ १०८ ॥
 या विधि भयो बहुत बिहाला ॥ बंधे देषि अनिता अह बाला ॥ व्याकुल बुद्धि विचार न क्यौ ॥
 आपहुं आइ लाजमें पय्यौ ॥ १०९ ॥ सहित कुटुंब कपोत हिं पायौ ॥ तबहीं भयो व्याध
 मन भायौ ॥ ऐसी में कपोतकी देषी ॥ तब हि हूँ अपुने यह लेषी ॥ ११० ॥ यौहीं कुटुंब
 होवैं जाके ॥ तृष्णा राग बँदैं अति ताके ॥ जीवत अति आरंभनि करें ॥ सहित कुटुंब
 काल मुष परें ॥ १११ ॥ या विधि जो मानव तपावें ॥ सो तो द्वार ब्रह्मकैं आवें ॥ ताहुं परि
 जो ग्रह हित करें ॥ सो नर ब्रह्मद्वार चढ़ि परें ॥ ११२ ॥ तातें भोग कुटुंबरु गेहा ॥ तिन
 करि जीव लहें प्रतिदेहा ॥ एसौ मानव तन न गवैयें ॥ जा करि देव निरंजन पैयें ॥ ११३ ॥
 दोहा ॥ ॥ यह भाषी गुरु आठकी, शिष्या मैं तब पास ॥ अब औरनकी
 कहतहौं, ज्यों छूटे भव पास ॥ ११४ ॥ इति श्रीभागवते महापुराणे एकाद-
 शस्कंधे भवदुद्धवसंवादे अवधूतोपाख्याने सप्तमोऽध्यायः ॥ ७ ॥ ॥
 ॥ दोहा ॥ ॥ शिक्षा नवमी आदि ले, कही अ ठमैं मांहे ॥ ज्यों ज्यों भाषत
 दत्तजी, त्यों यदु मन हर्षाहि ॥ १ ॥ ॥ अवधूत उवाच ॥ ॥ बौगई ॥ जे इंद्रिय सुष
 कछु कहावे ॥ ते तो स्वर्ग न हूँ आवे ॥ ज्यों सूर कूहा सु मांहीं ॥ त्योंही देव और कछु
 नाहीं ॥ १ ॥ अरु जो सुष आपुहि तें आवें ॥ कर्म लिख्यो सो कोन भिद्यैं ॥ अह ज्यों कोइ दु
 खको नहि चहैं ॥ परि दुख आपु आपुहीं रहैं ॥ २ ॥ त्योंही सुष आपुहि ते आवैं ॥ तेन जान
 नर बहु दुख पावें ॥ तातें बुध सुख नाम न लेवें ॥ होइ अकरता हरिद सेवै ॥ ३ ॥ स्वाद

ए.भा.
॥२४॥

अ. ८

कुस्वाद बहुत के थोरा ॥ जो हरिजी पठवे तिस बोरा ॥ ताकों भक्षें रहें उदासा ॥ अजगर व्रति गहे
यह दासा ॥ ४ ॥ जो कबहुं अहार न आवे ॥ तो थिर रहै न कछु मन लावें ॥ कर्म अधीन दे-
हकों जानैं ॥ मन क्रम वचन न उद्यम ठानैं ॥ ५ ॥ अति समर्थ इंद्रिय मन देहा ॥ परि कछु
उद्यम करै न एहा ॥ निश्चल ब्रह्म निरंतर सेवैं ॥ यह शिष्या अजगर तैं लेंवै ॥ ६ ॥
गुरु नवमो ॥ ९ ॥ ॥ चौपाई ॥ दरसन परसन परम गंभीरा ॥ अधिक अगाध ज्ञान
सो नीरा ॥ वार पार कोई थाह न लहैं ॥ ए गुन मुनि सायरकै गहैं ॥ ७ ॥ ज्यों बरषा बहु नीर
प्रवेशा ॥ सायर कछु बड़े नहिं लेसा ॥ ग्रीष्ममें कछु हीन न होई ॥ सदा समृद्ध आपतें सोई ॥ ८ ॥
त्यों कोई बहुविधि अस्चावै ॥ भोजन वस्त्रादिक पहिरावै ॥ अस्तुति मानव डाई देवे ॥ ब-
हुतभांति बहु तैं मिलि सेवे ॥ ९ ॥ अरु एकै लै जाही उतारी ॥ निंदादिक इक ठानै भारी ॥ प-
रि नारायणमय मुनि मांही ॥ राग द्वेष कछु उपजें नाहीं ॥ १० ॥ ॥ गुरु दशमा ॥ १० ॥ ॥
चौपाई ॥ बनिता वस्त्र कनक आभरना ॥ बहुविधि मायाके उपकरना ॥ इनमें आइ परैं जो
कोई ॥ अग्नि पतंग समान सु होई ॥ ११ ॥ गुरु इग्यारमो ॥ ११ ॥ ॥ चौपाई ॥ ज्यों लगि मुनि
समझैं निज देहा ॥ जाचि अहार लेइ बहु गेहा ॥ यातैं बहु अनुशंग न बढैं ॥ यह शिष्या मधु
करतें पढ़ैं ॥ १२ ॥ छोटे बड़े बहुत विधि ग्रंथा ॥ तिनते सार गहै हरिपंथा ॥ ज्यों मधुकर बहु
फूलनि माहीं ॥ वास गहे फूलनिकों नाहीं ॥ १३ ॥ सो मधुकर द्वे विधको कहियैं ॥ दुहू पास
तैं शिष्या लहियैं ॥ बहुत ग्रहनितें लेइ अहारा ॥ उदर प्रमान एकहीं वारा ॥ १४ ॥ ॥ गुरु बा-
रहमों ॥ १२ ॥ ॥ चौपाई ॥ दूजे को कछु संचन धरे ॥ निरभय ब्रह्म विचार हीं करे ॥

॥२४॥

संग्रह भूलि करे जो कब हीं ॥ मधुमाषी ज्यों विनसें तब हीं ॥ १५ ॥ जो कोई धन
 संग्रह करे ॥ सो कोई और हि परिहरे ॥ ज्यों मधुमाषी मधु संग्रहें ॥ मधु आसो उद्य-
 म बिन लहैं ॥ १६ ॥ ॥ गुरु तेरमो ॥ १३ ॥ चौपाई ॥ पुतलि काष्ठहुं की जो होई ॥ पगहु
 बुद्धि परसौं मतिकोई ॥ परस करत होवे दृढ बंधा ॥ ज्यों करिंद करिनी संबंधा ॥ १७ ॥ मृत्यु जा-
 नि बनिता कौं तजै ॥ पंडित कबहुं भूलि न भजै ॥ भजते होवें करी समाना ॥ एकहि मि-
 लि मारे गज नाना ॥ १८ ॥ गुरु चउदमो ॥ १४ ॥ चौपाई ॥ हरि बिन सुने नहीं कछु औरा
 गयो चहै जे हरिकी ठौरा ॥ और सुनत गति होवे ऐसी ॥ व्याधगीत हरि नामकि जैसी
 ॥ १९ ॥ सुनो हरि न गति सुनिबहुरंगा ॥ शृंगी रिषि ज्यों गनिका संग्गा ॥ अबलाधीन
 मुक्त नहि होई ॥ तिनके शब्द सुनै नहि कोई ॥ २० ॥ गुरु पनरमो ॥ १५ ॥ चौपाई ॥ मु-
 नि जिब्हा आसक्त न करे ॥ स्वाद कुस्वाद सकल पर हरे ॥ जिब्हा रसतें होवे काला ॥ जैसें
 मीन मरे ततकाला ॥ २१ ॥ जे मुनि सब अर्थनि परिहरे ॥ जाइ एकांत सबकौं करे ॥ सहज
 इंद्रि सब होवें क्षीना ॥ परिसना न होइ आधीना ॥ २२ ॥ रसना सबकौं फेरे जीवावैं ॥ जबही
 रस संजोगहि पावैं ॥ यों सब इंद्रिय जीतें कोई ॥ परिसना करमें नहि कोई ॥ २३ ॥ त्यों लगि
 सकल ब्रथा करि जानो ॥ रसना जीति जीत करि मानो ॥ तातैं मुनि रसना वस करे ॥ और
 सकल साधन परिहरे ॥ २४ ॥ यों जे एक एक वस भयें ॥ तें सब जमके द्वारें गयें ॥ परिजो एक
 पंच सब होई ॥ ताके दुष जानेंगा सोई ॥ २५ ॥ गुरु सोलमो ॥ १६ ॥ चौपाई ॥ बहुरि एक
 गनिका पिंगला ॥ तातैं में शीष्यो गुन भला ॥ सो तुम सों भाषत हों राजा ॥ जातैं सरे तु-

मारे काजा ॥ २६ ॥ जनक विदेह पुरीमें वासा ॥ नाम पिंगला रूप निवासा ॥ एकवार श्रृंगार
 बनायौ ॥ धार्निक पुरुष मनमें ठहरायौ ॥ २७ ॥ बैठी निकासि भवनके द्वारा ॥ आगें चलयौ
 जाइ बाजारा ॥ कोई भलो आवतो देषे ॥ यह आवेगो यों करि लेषे ॥ २८ ॥ जब वे आगेंको
 चलिजावैं ॥ तब पिंगला ओर कों ध्यावैं ॥ औरौ आइ आइ चलि जाहीं ॥ त्यों यह दुष पावे
 मन माहीं ॥ २९ ॥ कबहुं उठि भीतरकों जावैं ॥ कबहुं व्याकुल बाहिर आवैं ॥ अर्द्धराति ऐसी
 विधि भयौ ॥ लोक बजार चलत रह गयौ ॥ ३० ॥ तब वह भ्रम मनोरथ भई ॥ चिंता दुःष
 अंतुल अनुभई ॥ अपनो तिरस्कार करि मान्यौ ॥ सब तैं हीन आपको जान्यौ ॥ ३१ ॥
 तब ताको कोई बडभागा ॥ जातें उपज्यो दृढ वैरागा ॥ ज्यों लगि नहि उपजै निखे-
 दा ॥ त्यों लागि नही मिटै भव पेदा ॥ ३२ ॥ या भवन षशिष दुःष अनेका ॥ तामें पर-
 म रत्न सुष एका ॥ बंधन बंध्यो जीव अपारा ॥ तिनको हरिजी रच्यौ कुठरा ॥ ३३ ॥
 ताकी महिमा कही न जावै ॥ जाके भाग बडे सो पावै ॥ जाकौ नाम कहै वैरागा ॥ सो
 तो हरिको दियौ सुहागा ॥ ३४ ॥ जाहि देई सोइ ए पावै ॥ भव भय छोडि ब्रह्ममें जावै ॥ ता
 तें मानव सब छिटकावे ॥ ज्यों त्यों करि वैराग उपावे ॥ ३५ ॥ तब पिंगलावचन उच्चारै ॥
 बहुत भांति आपुहि धिकारे ॥ गए दिननकों अति पछितावै ॥ सब तैं दृढवैराग बढावे ॥ ३६ ॥
 ॥ पिंगला उवाच ॥ ॥ चौपाई ॥ अहो एक मेरो अज्ञाना ॥ जाके हृदे बढ्यौ भ्रम नाना ॥ जल
 बुदबुद सम जो नर देहा ॥ तासों शुषहित कियो सनेहा ॥ ३७ ॥ पूरन सरवर तजि जल पासा ॥
 मृगजल धाइकरी जल आसा ॥ चार पदारथ दाइक देवा ॥ सदा निकटको लह्यौ न भेवा ॥ ३८ ॥

सत्य सदा सुष दाइक स्वामी ॥ सो छांड्यौ निजपति घननामी ॥ जूठे सदा काल सुष मांही ॥
 जातें दुःष सोक अधिकाही ॥ ३९ ॥ एसो पुरुष ताहिमें भज्यो ॥ आपहि दुःष आपको
 सज्यो ॥ देह बेचमें देहहि पोष्यो ॥ याहि भांति मनहीं संतोष्यो ॥ ४० ॥ स्त्रीलंपट तृष्णातें
 दाह्यो ॥ दुषित नरनसों मे सुष चाह्यो ॥ हाड मेद मज्ज अरु अंता ॥ मांस रुधिर त्वक रोम
 अनंता ॥ ४१ ॥ विष्ठा मूत्र स्वेद क्रमि एहा ॥ झरें द्वार नव ऐसी देहा ॥ तामें कइो रमित को
 होई ॥ मो सों मूढ और नहि कोई ॥ ४२ ॥ या पुर मांहि जनक नृप ऐसे ॥ सुर अधिकार
 सुरेस्वर जैसे ॥ तोहूं परिसब सुष कौं तजै ॥ है विदेह हरि चर्णनि भजै ॥ ४३ ॥ अरु सब
 प्रजा भजे हरि चरना ॥ जातें मिटै जन्म अरु मरना ॥ जाकौं भजै ब्रह्म शिव सेवा ॥ परिसो
 तिनहूं कदेन देषा ॥ ४४ ॥ ऐसैं प्रभुकों जे नर सेवें ॥ तिनकों रीझि आपको देवे ॥ एसो
 प्रभुमें नहि आराध्यो ॥ कियो अनर्थ अर्थ नहि साध्यो ॥ ४५ ॥ अबमें आप निवेद करौं ॥
 और सकल उरतें परिहरौं ॥ अपने पति हरजीके संग ॥ सदा रमौं ज्यौं श्रीअरधंगा ॥
 ॥ ४६ ॥ कहा और सुर नर प्रिय करिहै ॥ जे बापरे आपुही मरि है ॥ अरु ते सुष कोई थिर
 नाहीं ॥ देषत सकल पलकमें जाहीं ॥ ४७ ॥ मेरी दृष्टि दुषी सब आवै ॥ कालाधीन कहा सुष
 पावै ॥ तातें में यहनिश्चें जानी ॥ कृपाकरी हेसारंगपानी ॥ ४८ ॥ जिन मेरे वैराग उपायौ ॥
 अपने चर्ण कमल चित लायौ ॥ यह हरि कृपा विना नहि होई ॥ जो वैराग लहे नर कोई
 ॥ ४९ ॥ जाते भव बंधन सब नासैं ॥ हृदय रमापति आप प्रकासैं ॥ में तो मंद भागिनी
 ऐसी ॥ त्रिभुवन मांहि नहीं को जेसी ॥ ५० ॥ ताको किसो हरिको भजनौ ॥ केसो

काल जालकौं तजनौ ॥ परिते दीनबंधु गोपाला ॥ पतित उधारन परम दयाला ॥ ५१ ॥
 तिनहीं आप कृपा यह करी ॥ जिन मेरे उर ऐसी धरी ॥ अबलीया परसादहि सीसा ॥ निसदिन
 भजौं चरन जगदीसा ॥ ५२ ॥ जितनेया देहहि निखाहौं ॥ सो इनहीं आरंभ सबाहौं ॥
 सहज मांहि जो हरिजी ल्यावे ॥ ता करि या देहहि वस्तावे ॥ ५३ ॥ या भवकूप पन्यौ नित
 प्राणी ॥ विषय आवरन दृष्टि छिपानी ॥ ता परि अजगर काल गिरास्यो ॥ यौं नर बहुत पा र
 सौं पास्यो ॥ ५४ ॥ ताकौं हरि बिन कौन लुडावे ॥ आपहिकौं नहि छूट न पावे ॥ अरु आपहीं
 आपकौं राखै ॥ जब सब वस्तु हदैतैं नाखै ॥ ५५ ॥ जबहि हरिकरि सरनहि आवे ॥ तबहि आपहीं
 आपु छोडावे ॥ वे प्रभु निजानंदमय देवा ॥ कहा करै कोतिनकी सेवा ॥ ५६ ॥ परि सब जगत
 काल छिटिकावै ॥ हरिकी सरन आपु सुष पावै ॥ तातें और सकल कौं तजौं ॥ प्रेम भाव हरि
 चर्णनि भजौ ॥ ५७ ॥ या विधि आपुहि आप उधारौं ॥ आप नहीं भवसागर डारौं ॥ ॥
 ॥ अवधूत उवाच ॥ योंपिंगला परम गति पाई ॥ दूहूं लोककी आस मिटाई ॥ ५८ ॥ सीतल
 है सज्यामें गई ॥ परमानंद हि प्राप्त भई ॥ यह शिष्यामें तातें लीनी ॥ भली जानि उरमें
 स्थिर कीनी ॥ ५९ ॥ ज्यौं लगि आसकरे नर कोई ॥ त्यों लगि सुषी कदे नहिं होई ॥ जबहि
 सकल आसा छिटकावै ॥ तब ततकाल परम पद पावै ॥ ६० ॥ ॥ गुरु सतरंगो ॥ १७ ॥
 दोहा ॥ यह गुरु सत्रहकी कही, शिक्षा में समुझाई ॥ अब औरनकी कहत
 हौं, सुनियो हित चित लाई ॥ ६१ ॥ ॥ इति श्रीभागवते महापुराणे एकादश
 स्कंधे श्रीभगवद्ब्रह्मवैवर्तसंवादे अवधूतोपाख्याने अष्टमोऽध्यायः ॥ ८ ॥

दोहा ॥ श्रीधर नवमे ध्यायमें, शिक्षा कही अनूप ॥ गुण चौबीसों सुनतही,
 भयो क्रतारथ भूप ॥ १ ॥ अवधूत उवाच ॥ ॥ चौपाई ॥ जो जो हित करि संग्रह
 करें ॥ सोई सो अतिदुःख विस्तरे ॥ जब हीं हित संग्रह छिन्कावे ॥ तब अपार सुखसागर पावे
 ॥ १ ॥ कुर पंषि कहूं आमिष पायौ ॥ सोले उड्यौ बहुत हित लायौ ॥ तब बहुते कुररनि दुष
 दयौ ॥ आमिष तज्यौ सुषी तब भयौ ॥ २ ॥ यहमें शिष्य कुररते पाई ॥ ताते संग्रह करो न कोई ॥
 गुरु अठारमो ॥ १८ ॥ बहुरि शिष्य बालकते पाई ॥ मेरे उर जाते मति आई ॥ ३ ॥ न मे मान
 अपमान न जानों ॥ चिंता कछु चित्त नहिं आनों ॥ निशदिन रहो आतमा रामा ॥ कबहुं कछु
 न उपजे कामा ॥ ४ ॥ या भवमांहि देखों सुखहै ॥ और सकल जीवनि कौ दुखहै ॥ उद्यम रहित
 बाल मति हीना ॥ अरु जो गुणातीत पद लीना ॥ ५ ॥ गुरु उगणीसमो ॥ १९ ॥ चौपाई ॥
 एक विप्रके हुती कुमारी ॥ ता विवाहकी विप्र विचारी ॥ ताके मात पिता इक वारा ॥ और गाम
 कहु काम सिधारा ॥ ६ ॥ समाचार इक विप्रनि पायै ॥ व्याह काज तिनके घर आयै ॥ कन्या वचन
 किसीसों भाषे ॥ तिनते द्विज आदर करि राषे ॥ ७ ॥ तब तिनके भोजनकी धारि ॥ चावर पोदन लगी
 कुमारी ॥ तब ताके कर ज्यों ज्यों दोलें ॥ त्यों हीं त्यों कर कंकन बोलें ॥ ८ ॥ तिन लज्जित
 न्है सकल उतारै ॥ दे दे दुहु हाथनिमें धारै ॥ बहुरि लगी जब चावर छरनें ॥ तोहूं लगे
 शब्दते करनें ॥ ९ ॥ तब तिन एक एक हिं राष्यौ ॥ चुपकरि रहें बहुरि नहि भाष्यौ ॥ में
 विचरत हों इच्छाचारी ॥ ताते देषि हृदय में धारि ॥ १० ॥ बहुत निसंग बैठे बकबादा ॥
 दुजैहु तै होइ अनुवादा ॥ ताते रहें अकेला जोगी ॥ सदा विचार ब्रह्म रस भोगी ॥ ११ ॥ ॥

गुरु वीसमो ॥ २० ॥ ॥ चौपाई ॥ आसन प्राण देह मन बाधे ॥ दृढ वैराग हृदमें साधे ॥
 निहचल वहै नित ब्रह्म विचारै ॥ यों क्रम रज तमकों जारै ॥ १२ ॥ त्यों त्यों निहचल बढे
 समाधी ॥ तजते जावे सकल उपाधी ॥ तब ज्यों पावक ईधन हीना ॥ त्यों होवें निज पदमें
 लीना ॥ १३ ॥ तब कबहुं कछु दैतन जानै ॥ सिलास मान देह गुण भानै ॥ ज्यों आगे
 वहै नृपती गयौ ॥ सेना शब्द बहुत विधि भयौ ॥ १४ ॥ परि सरकारक भेद न पायौ ॥ या
 विधि सरमें चित्त लगायौ ॥ एसी शीष लई में यातैं ॥ निहचल बुद्धि भई मम तातैं ॥ १५ ॥
 ॥ गुरु एकवीसमो ॥ २१ ॥ ॥ चौपाई ॥ ज्यों लोकनितैं डरै भुजंगा ॥ बसैं गुहामें रहे
 असंगा ॥ सावधान अति थोरै बोले ॥ गत्यादिक अंतर नहि खोले ॥ १६ ॥ ग्रहारंभ सोदुषको
 मूला ॥ ते आरंभे जे नर भूला ॥ सरप पराए ग्रहमें रहै ॥ या विधि मुनि अहि शिक्षा गहै ॥
 ॥ १७ ॥ गुरु बावीसमो ॥ २२ ॥ चौपाई ॥ एकै आप निरंजन देवा ॥ जाको कोइ लहैं नहि
 भेवा ॥ आपहि तैं माया विस्तारै ॥ सत रज तम बहु भेद पसारै ॥ १८ ॥ बहुरि आपहीं सब
 संग्रहैं ॥ निजानंदमय एकैं रहैं ॥ तातैं ए सब मिथ्या जानौ ॥ याको करता सो सत मानौ
 ॥ १९ ॥ यह शिक्षा मकरीतैं लेवे ॥ बसतैं परें ब्रह्मकों सेवे ॥ ॥ गुरु त्रेवीसमो ॥ २३ ॥
 जहां जहां यह मनकों धारे ॥ निसिवासर कबहुं नहि टारे ॥ २० ॥ राग द्वेष भय क्यौ हीहोई ॥ होत रूप
 ताहीको सोई ॥ भृंगी कीटहु ते यह लीनों ॥ त्यों मन हरि चर्णनि थिर कीनों ॥ २१ ॥ गुरु चोवीसमो
 ॥ २४ ॥ चौपाई ॥ यह चोवीस गुरुनकी शिक्षा ॥ तोसों में भाषी दृढ दिक्षा ॥ अब तनते
 सीष्यो सो कहौ ॥ तेरे सब आज्ञानहि दहौ ॥ २२ ॥ मेरी देह मोहि समुझावै ॥ हृदय ज्ञान

वैराग उपावै ॥ ज्यों बालापन गयो बिलाई ॥ त्यों अब यह जोबनबी जाई ॥ २३ ॥ आवै
 जरा मरणता आगै ॥ बहु विधि दुःख देहकों लागै ॥ स्नान शृगालानि को यह भक्षा ॥ तिन सौं
 प्रीत न जोर दक्षा ॥ २४ ॥ पुत्र कलत्र अर्थ पशु गेहा कुल कुटुंब अरु सेवक जेहा ॥ तिन
 सौं मिलि जा देहहि सेवें ॥ सोई अंत महादुःख देवें ॥ २५ ॥ आगेकुं बह कर्म कमावै ॥
 अब जमकै दरबार पठावै ॥ रस निमित्त खेंचै नित रसना ॥ प्राण सदा चाए जल असना
 ॥ २६ ॥ नैन रूप अरु शब्दहि श्रवना ॥ इंद्रिय चहैं नारिको खना ॥ त्वचा परस नासिका
 गंधा ॥ चरन गवन कर करिहैं धंधा ॥ २७ ॥ या विधि सब मिलि छूटें ताकों ॥ बंध्यौ देहसु
 देषे जाकों ॥ तातैं नेहदेहकों तजियैं ॥ सदा निरंतर हरि कौं भजियैं ॥ २८ ॥ हरि जब मा-
 या गुण विस्तारैं ॥ तब नाना विधि देह संवारैं ॥ तिन तिन मन संतुष्ट न भयौ ॥ बहुच्यै
 मानव तन निरमयौ ॥ २९ ॥ ताकों देषि परम सुष पायौ ॥ तामें अपनो धाम बनायो ॥
 तब हरिजी बोलैं यह बानी ॥ जोइ प्रगट यह बेद बखानी ॥ ३० ॥ मोहि लहैं सो या करिलहै ॥
 या करि सब भव बंधन दहै ॥ जब मेरे हित करें उपाया ॥ तब मैं याकों करों सहाया ॥ ३१ ॥
 तातैं यह अतिदुर्लभ देहा ॥ श्रीभगवान रच्यौ निज गेहा ॥ अति दुर्लभ कहु जतन न
 पावे ॥ जो पावे तो थिर न रहावे ॥ ३२ ॥ प्रतिदिन मृत्यु निरंतर आसे ॥ एकदिना ततकाल
 बिनासे ॥ जरा रोग भय सोक निधाना ॥ जामें पलक सुषी नहिं प्राना ॥ ३३ ॥ तातैं ताहि
 पाई करि राजा ॥ करि लीजियैं आपनौ काजा ॥ जाते यह छूटें संसारा ॥ जाके दुषको वारन
 पारा ॥ ३४ ॥ निशादिन देव निरंजन भजियैं ॥ व्है भय भीत विषय सब तजियैं ॥ विषय

ए.भा.
॥२८॥

अ. ९

पान पान सुत दारा ॥ ए सब देहनि वारंवारा ॥ ३५ ॥ तातें त्याग सकलको कीजै ॥ हरिके
चरण कमल चितदीजै ॥ या विधि इनतें शिक्षा पाई ॥ तब मैं और सकल छिटकाई ॥ ३६ ॥
भुवमें बिचरौ नै निहसंगा ॥ या तनहुं कौ छान्छौ संगी ॥ सदा रहौ हरिचरण निवासा ॥
बहु विधि देषों सकल तमासा ॥ ३७ ॥ बहुत गुरुनि तें पूरण ज्ञाना ॥ जहं तहं लेवै साधु सु-
जाना ॥ छूटै अहंकार अरु ममता ॥ हिरदै आनि विराजै समता ॥ ३८ ॥ निरगुनसगुन
भेद पहिचानै ॥ सार असार अथि थिर जानै ॥ जहां तहां ले ले दृष्टांत ॥ संसे द्वैत मिटावे
सांत ॥ ३९ ॥ परि ए परमार्थ गुरु नाहीं ॥ ए सब गुरुहैं सतगुरु मांहीं ॥ सतगुरु तें सब ज्ञानहि
पावै ॥ तब सब जग अग्यांन मिटावै ॥ ४० ॥ तातें मेरे सदा आनदा ॥ हृदय बिराजै पर
मानंदा ॥ या विधि जे जे हरिकौ सेवै ॥ तिनकौ हरीचरण निज देवै ॥ ४१ ॥ ॥ श्रीभग
वानुवाच ॥ ॥ चौपाई ॥ ऐसैं यदुकौ वचन सुनायै ॥ मनके भ्रम संदेह गमायै ॥
राजा बहु विधि पूजा कीनी ॥ करि प्रणाम प्रदक्षिणा दीनी ॥ ४२ ॥ तब सजा
कौ करि सनमाना ॥ दत्तात्रै मुनि कियो प्रयाना ॥ राजा वचन धारी उरमांहीं ॥
सबकौ संगत ज्यौ क्षन मांहीं ॥ ४३ ॥ ब्रह्म दृष्टि सबहीं में आनी ॥ ऐसो भयो
परम विज्ञानी ॥ सो राजा जब बडो हमारो ॥ जिन अपनौ भव संकट टारो ॥ ४४ ॥
तातें उद्धव और न कोई ॥ गुरु आपुनो आपुहि होई ॥ आपुहि बुडै आपुहि तारे ॥ आपुहि
जन्मे आपुहि मारे ॥ ४५ ॥ ॥ दोहा ॥ यह भाष्यौ विज्ञानमय, सब अद्वैत उपाय
॥ अब तोसौं साधन कहौ, बहुत भांति समुझाय ॥ ४६ ॥ इति श्रीभाग-

॥२८॥

वतेमहापुराणेएकादशस्कंधेभगवदुद्धवसंवादेअवधूतइतिहाससमाप्तिर्नामनव-
मोऽध्यायः ॥ ९ ॥ ॥

दोहा ॥ ॥ होत देह संबंधतैं, याकौ संमृति काल ॥ श्रीधर दशमें ध्यावमैं,
वरणत कृष्ण कृपाल ॥ १ ॥ सामसु साधन बोधको, आतम तत्त्व विचार ॥
सो पुनि वरननहोयगो, उद्धव प्रश्नजुसार ॥ २ ॥ श्रीभगवानुवाच ॥ ॥

चौपाई ॥ शुन उद्धव अब साधन कहौं ॥ तेरो सब संदेहहि दहौं ॥ जातैं उपजे ब्रह्मज्ञाना ॥
छुटैं और सकल भ्रम नाना ॥ १ ॥ मम भक्तनि जे मारग भाषे ॥ ते सब हृदय बेठिमें आपे ॥
ते कहिये आतमके धर्मा ॥ और सबैं बंधनके कर्मा ॥ २ ॥ तिनको सावधान है जाने ॥ वर्णा-
श्रम कुल मिथ्यामाने ॥ जै जै बहु आरंभानि करैं ॥ सुख चाहैं निसदिन दुखभरैं ॥ ३ ॥ आगै
कौं बंधन उपजावै ॥ तिनहि संग जम द्वारै आवै ॥ यौ विचारि आरंभानि तजै ॥ है निहकामो
चरण मम भजै ॥ ४ ॥ जहां लगीहै नाना बुद्धी ॥ सो उद्धव सब जानि कुबुद्धी ॥ द्वैतभावसो
भ्रम करि जानौ ॥ सुपन मनोरथ श्रम करि मानौ ॥ ५ ॥ तातैं और कर्म सब तजो ॥ नित
नैमित्तिक कलु इक भजो ॥ तेउ कलु सत्य नहिं जानै ॥ करे तु करे नहीं तौ भावै ॥ ६ ॥
भक्ति मांहि जो अंतर परै ॥ तेतो भुलिन कबहुं करैं ॥ जो जा समय न अंतर जाने ॥
तो ता समय सहजमें ठाने ॥ ७ ॥ यमनि मांहि निहचल चित धरे ॥ नियमनि कौं भावै
तो करे ॥ ब्रह्म विज्ञ गुरु सरनहिं जावै ॥ जातैं भेद सकलको पावै ॥ ८ ॥ यम अरु नियम

कछु नहिं सेवे ॥ सदगुरु कहे शीष सों लेवे ॥ मान रहित मत्सर नहिं जानें ॥ तन मन अर-
 पे प्रीति कौं ठानें ॥ ९ ॥ जहँ तहँ तें ममता परिहरे ॥ सावधान आलस नहिं करे ॥ तजै असू-
 या वृथा न बोले ॥ तन मन निहचल कदै न डौले ॥ १० ॥ श्रद्धा सहित आशक्ति होई ॥
 गुरुचरणनि शिषसेवे सोई ॥ दारा सुत बित गेह कुटुंबा ॥ सकल भूत आत्म पितु अंबा
 ॥ ११ ॥ तिन सबहिन कौं सम करि देखें ॥ मैं मेरो करि कदैं न लेखें ॥ रहे उदास आस परि
 हरे ॥ निशादिन ब्रह्म विचारहि करै ॥ १२ ॥ सूक्ष्म स्थूल देह द्वे जेहें ॥ मर्म
 रूप मायाके तेहें ॥ इन दोनों तैं आत्म दूर ॥ स्वप्रकाश चेतन भरपूर ॥ १३ ॥
 स्थूल शरीर प्रगट जड एहा ॥ चेतन करै ताहि वह देहा ॥ सो वहहीं तन जड
 है अंगा ॥ चेतन होई आत्मा संग ॥ १४ ॥ सो आत्मा दुहूतें न्यारा ॥ दुहू प्रकासक
 दुहु आधार ॥ ज्यों इक काष्ठ अनल परिजरे ॥ सो दुजै परकासाहि करै ॥ १५ ॥ परिसो अन-
 ल दुहू तें न्यारा ॥ स्वप्रकाश आत्म आधार ॥ बहुधा सो बहु काठनि संग ॥ पावै उत्पति थि-
 ति अरु अंगा ॥ १६ ॥ त्यों द्वै तन हरि माया कियै ॥ ते आत्मा आपु करि लियें ॥ तिन संग
 जन्म मर्ण दुष पावै ॥ लहैं अनंद जबहि छिटकावै ॥ १७ ॥ ताते बहु विधि करै विचारा ॥ आत-
 म जानें सबतें न्यारा ॥ एक अजन्मा अरु अविनासी ॥ चैतन घन पूरण सुष रासी ॥ १८ ॥
 तन उपजैं बिनसैं बर ताहीं ॥ परम अशुद्ध शुद्ध नहिं काहीं ॥ सकल विकारनिकौसंघाता ॥
 प्रगटहि दीसे आवत जाता ॥ १९ ॥ मेरो यासो केसो संग ॥ मैं चेतन यह जड बहुंगा ॥ यौ
 विचारि त्यागे तन ममता ॥ आत्म दृष्टि सकलमें समता ॥ २० ॥ या विधि हृदय होइ थिर ज्ञाना ॥

मिलै ब्रह्म छूटै सब नाना ॥ प्रथम अराणि आस्थिर गुरु देवा ॥ दूजी शिष्यकरै तिन सेवा ॥ २१ ॥
 गुरुके बचन श्रवन मंथाना ॥ या विधि उपजै पावक ज्ञाना ॥ उपजै ज्ञान तनकै गुन दहै ॥ कर्मबीज
 कोई नहि रहै ॥ २२ ॥ तब ज्यों पावक तेज समावै ॥ इंधन विना न पलक रहावै ॥ त्यों आत-
 मा ब्रह्ममय होई ॥ इंधन कर्म भस्म करि सोई ॥ २३ ॥ अरु जे मूढन यह विधि जानै ॥ ते बहु
 विधि कर्मनि कौ ठानै ॥ ते कर्मनिकै फलनि भुगावै ॥ जन्म मर्णको अंत न आवै ॥ २४ ॥ ज-
 हां जाइ तहां तहां काला ॥ निशदिन रहे सदा बिहाला ॥ यह जगदीस त्यों को- त्योंही ॥ परि
 एकोपल रहे न योंही ॥ २५ ॥ औरै और होइ आकाश ॥ तिन संगति मन बहुत प्रकारा ॥ क-
 बहूं ज्ञान हूँ नहि आवै ॥ जन्म जन्म मरि मरि दुष पावै ॥ २६ ॥ कर्म निजो कर्मनि आचरै ॥
 सुष अरु जो दुष भोगनि करै ॥ ए चारौ दीसे परितंत्रा ॥ तातें सब तजिये यह मित्रा ॥ २७ ॥
 जै पंडित श्रुति स्मृति जानै ॥ तत्त्व लहै विनु कर्मनि ठानै ॥ ते मूरषहि देह अभिमानी ॥ आपु
 हि आप कहावत ज्ञानी ॥ २८ ॥ हरि जन संग न कबहूं करै ॥ तत्त्व न सुनै कर्म विस्तरै ॥ तिन
 तैं भले जे कछु नहि जानै ॥ तत्त्व वचन सुनि हृदये आनै ॥ २९ ॥ जद्यपि अंत सुषनि कौ
 जानै ॥ अरु क्षणभंगुर देहनि मानै ॥ परिसो तत्त्व न समझे तेऊ ॥ जातें लहै भक्तिको भेऊ
 ॥ ३० ॥ काल मृत्यु जाकौं नित ग्रासै ॥ ताकौं कहो कहां सुख वासै ॥ ज्यों कोई मारन कौ
 लजै ॥ मूली निकट पडो ले कीजै ॥ ३१ ॥ अरु ताकौं जो भोग भुगावै ॥ सो वह कहौ
 किसो सुष पावै ॥ अरु त्योंही न स्वर परलोका ॥ मद मत्सर निंदा भय सोका ॥ ३२ ॥ तिन-
 के हेत जतन बहु करै ॥ सिद्धन होई विघन अति परै ॥ ज्यों षेतीमें विघन अनेका ॥ त्यों स्वर्गादि

लहैको एका ॥३३॥ अरु जो लह्यौ तोहु थिर नहीं ॥ देषत बिनसि जाइ पल मांहीं ॥ ईहां यज्ञकरैं बहु
 कोई ॥ अरु जो अंतराय नहीं होई ॥ ३४ ॥ तब सो स्वर्ग लोक कौ जावैं ॥ है करि देव दिव्य
 सुष पावैं ॥ अपनैं पुन्यनिकौ उपजायौ ॥ उत्तम जाहि विमानहि पायौ ॥ ३५ ॥ बहु गंधर्व
 गानकौ करैं ॥ बहु सुंदर नारी मन हरैं ॥ इच्छा होइ तहां चलि जावैं ॥ सहित विमान विलंब
 न लावैं ॥ ३६ ॥ अमृत पान तहां नित करैं ॥ वस्त्राभरण देह बहु धरैं ॥ यौ नित मगन बहुत
 सुष पावैं ॥ परवेकी कछु चित्त न आवैं ॥ ३७ ॥ जेतो पुन्य इहांको होई ॥ ते तो रहे स्वर्गमें
 सोई ॥ पुन्य क्षीण पुनि होवे जबहीं ॥ काल तहां ते ढाहे तबहीं ॥ ३८ ॥ सो सुष कहो तज्यौ
 क्यों जावै ॥ ते सुषकी कछु कहन आवैं ॥ रह्यो चहै परियौ करि रहैं ॥ काल अधीन महादुष
 लहैं ॥ ३९ ॥ कोई सुष पावैं कहु जेतौ ॥ छीन लिये होवे दुष तेतौ ॥ सो तजि स्वर्ग भूमिमें आवै
 पीछैं जोनि अनंतनि पावै ॥ ४० ॥ यह भाषी विधिकी गति तासौं ॥ अब निषेधकी सूनि यौ
 मोझौं ॥ जो कुसंगमें प्राणी परे ॥ तो बहुभांति अधर्म निकरे ॥ ४१ ॥ वंछे काम इंद्रि आधीना ॥
 इस्त्रीलंपट लोभी दीना ॥ बहु जीवनकी हिंसा करैं ॥ भूत प्रेतगनकौ अनुसरैं ॥ ४२ ॥ मेंहीं एक
 बसौं सब माहीं ॥ तिनके द्रोह नरकमें जाहीं ॥ बहुरि आनिथा बरतन लहे ॥ जन्म जन्म बहु संकट
 सहे ॥ ४३ ॥ तातैं विधि निषेध जे करैं ॥ ते सब जन्म मरनने परै ॥ कर्म करे तिन तै तन धरे ॥ तन ध-
 रि धरि बहु दुष सों मरे ॥ ४४ ॥ तातैं प्रवृत्तिमें सुख नाही ॥ भावें ब्रह्मलोककि न जाहीं ॥
 लोकपाल सब लोकसमेता ॥ इतनो रहै ब्रह्म दिन जेता ॥ ४५ ॥ सोई ब्रह्मा अंतन रहे ॥ तीतर
 बाज काल त्यौ गहे ॥ आग्रि रहे मेरे भय माहीं ॥ पवन वहे निहचल पल नाही ॥ ४६ ॥ सूरज

चंद एक रस चलै ॥ मरजादा तैं सिंधु न टलै ॥ मृत्यु निरंतर सबकोँ ग्रासे ॥ मेरे कालरूपते
 त्रासे ॥ ४७ ॥ तातैं कहूं न सुष प्रवृत्ती ॥ सुष चाहे सो गहे निवृत्ती ॥ अरु ए इंद्रिय कर्म
 उपावैं ॥ तिनकोँ रज सत तम वरतावैं ॥ ४८ ॥ सो आतम इंद्रिय सब होई ॥ तातैं सुष दुष
 पावे सोई ॥ परि आतमा अकरता जानो ॥ भोग रहीत ताहि तैं मानो ॥ ४९ ॥ कर्मरु भोगा
 दिक है जेते ॥ इंद्रिय अरु गुण कृत सब ते ते ॥ ज्यों लागि यह इंद्रिय गुणबंधा ॥ त्यों लागि मिटें
 न गुण संबंधा ॥ ५० ॥ तन मन बंध मिटें नहि तालौ ॥ नानाभांति बहुत विधि जालौ ॥ नाना
 भाव रहै जब लगैं ॥ पराधीन आतम तब लगैं ॥ ५१ ॥ पराधीन जब लागि यह रहै ॥ तब लागि
 काल निरंतर गहैं ॥ तातैं जो प्रवृत्ति रत होवैं ॥ जुग जुग जन्म जन्म ते रोवैं ॥ ५२ ॥ प्रथमहु तो
 मे एक निरंजन ॥ ताही तैं उपज्यौ यह अंजन ॥ काल आत्मा लोकरु वेद ॥ धर्म सुभाव बहुत विधि
 भेद ॥ ५३ ॥ ए सब माया सत्य न कोई ॥ तातैं बुध अनुरक्त न होई ॥ एक निरंजन आतमजानै
 तब सब संकट भवके भानै ॥ ५४ ॥ लोकरु वेदवासना तजैं ॥ इंद्रिय देह विषे नहिं भजै ॥ मन
 पहुचे सो मिथ्या लेषैं ॥ मनातीत सो जहां जहां देखैं ॥ ५५ ॥ ब्रह्मरु आतम एक विचारैं ॥
 या विधि सकल उपाधि जारैं ॥ तबहिं एक ब्रह्मकोँ पावैं ॥ छूटै दैत बहुरौं नहिं आवैं ॥ ५६ ॥
 यह आतम देह विवेका ॥ याकोँ जानि एककोँ एका ॥ एसैं बचन कहे जब कृष्ण ॥
 उद्धव दास करी तब प्रण ॥ ५७ ॥ उद्धव उवाच ॥ ॥ चौपाई ॥ हे प्रभु जो यह सारौ भर्मा ॥
 इंद्रिय देह विषय गुण कर्मा ॥ अरु आतमा अनीह अबंधा ॥ ताकोँ कियो कौन विधि बंधा
 ॥ ५८ ॥ अरु जो बहुरि ज्ञान कोँ लहैं ॥ छोडि उपाधि देहमें रहैं ॥ सो बहुज्यौ क्यों लिख न

होई ॥ अरु क्यों करि जानी जैं सोई ॥ ५९ ॥ कैसे बिचरे कैसे रहे ॥ कैसे जीवे कैसे कहे ॥
 कैसे पहिरे कैसे सोवैं ॥ कैसे सुनें कोन विधि जोंवैं ॥ ६० ॥ अरु आतम एकै द्वे नाहीं ॥ एक
 मुक्त क्यों एक बंधाहीं ॥ एके बंधे एक क्यों मुक्ता ॥ एतो बहुत एक कौ उक्ता ॥ ६१ ॥ गुण
 अनादि आतमा अनादी ॥ तातैं यह तो बंधन आदी ॥ नित्य मुक्त क्यों कहियें देवा ॥ या
 कौ मोहि बतावो भेवा ॥ ६२ ॥ ॥ दोहा ॥ ॥ ए उद्धव निज भक्तकै, सुनि करि
 निर्मल बैन ॥ ताको प्रति उत्तर कह्यौ, हरिजी करुणा ऐन ॥ ६३ ॥
 ॥ इति श्रीभागवतेमहापुराणेएकादशस्कंधेश्रीभगवदुद्धवसंवादेभाषायांद-
 शमोऽध्यायः ॥ १० ॥ ॥

॥ दोहा ॥ ॥ बंध मोक्ष हरि भक्ति, भक्त इनके लक्षण सार ॥ कहे ग्यारहैं
 ध्यायमें, श्रीधर नंदकुमार ॥ १ ॥ ॥ श्रीभगवानुवाच ॥ चौपाई ॥ सुनि
 उद्धव अब परम ज्ञाना ॥ जातैं भेद मिटे तुम नाना ॥ बंधरु मुक्त तोहि समजाऊं ॥ तेरो सब
 अज्ञान मिटाऊं ॥ १ ॥ बंध मुक्त जो कहियैं कोई ॥ सो तो सकल गुणनितैं होई ॥ ते सब गुण
 मायाके जानौ ॥ इनतैं दूरि आतमा मानौ ॥ २ ॥ सौकरु मोह जन्म अरु सुख ॥ भय मरना-
 दिक अरु बहुदुःख ॥ ए सारै माया कृत केवल ॥ सदा एक आतमनिह केवल ॥ ३ ॥ ज्यों सुप-
 न सुखदुःख अनेका ॥ तिनमें आतमकौ नहीं एका ॥ ते सब बुद्धिरु मनकों होवे ॥ इंद्रिय देह
 प्रगटतैं सोवे ॥ ४ ॥ पुनि बुध्यादिक कलु नहिं रहै ॥ ताकौं प्रगट शुषोपति कहै ॥ तब आतमा

निरंतर होई ॥ परिताकों सुखदुख नहिं कोई ॥ ५ ॥ ज्यों सुषपति में आतमर कहैं ॥ त्यों व्यवहार पीछ-
 लें गहैं ॥ परिताकों कोई न विकारा ॥ ए सब मायाकै व्यवहारा ॥ ६ ॥ परि आतमा आप महि
 मानैं ॥ तातै सुखदुख बहु विधि जानैं ॥ परि आतमा एकरस नित्य ॥ बंध मोक्ष ए सकल अनित्य ॥ ७ ॥
 उद्धव जानौ एक आविद्या ॥ अरु दूजी जौ कहिए विद्या ॥ एहें दोऊ मेरी शक्ती ॥ इनमें सबहिन की
 आशक्ती ॥ ८ ॥ बंधन कन्यौ चहौ में जाकों ॥ प्रेरि आविद्या पठवों ताकों ॥ अरु जाकै बंधन हि
 मिटाऊं ॥ ताकों विद्या शक्ति पठाऊं ॥ ९ ॥ ए दोऊ मुक्ती अरु बंधा ॥ ते मम शक्तिनके
 संबंधा ॥ आतम हें सो मेरा रूपा ॥ सबते न्यारौ परम अनूपा ॥ १० ॥ ज्यों शशिकै प्रतिबिंब
 अनेका ॥ परिते बहुत नहिं सब एका ॥ अरु जा जाको घट बिन सोई ॥ सोई सो साशि
 माहि समाई ॥ ११ ॥ त्यों सब आतम मेरो अंसा ॥ परि घट संग लहैं दुष संसा ॥ घटकौ
 नासकरै सो तबहीं ॥ विद्या शक्ति जाहि द्यौं जवहीं ॥ १२ ॥ सोई सो तब मो कौ लहैं ॥ और
 सकल भवहि मे रहैं ॥ अरु प्रतिबिंब घटनि हूं माहीं ॥ सदा अलिप्त लिप्त कहूं नाहीं ॥ १३ ॥ प-
 रिघट संग लिप्तसैं होवैं ॥ अरु त्यों लिप्त और हूं जोवैं ॥ त्यों आतमा सकल तैं न्यारा ॥ सदा
 अलिप्त न लिपैं विकारा ॥ १४ ॥ परि यातनमें आप बंधना ॥ ताकै संग लहें दुख नाना ॥ अबमें
 बद्ध मुक्तकी कहों ॥ तेरे सब संदेहहि दहों ॥ १५ ॥ एक देहमें द्वैको वासा ॥ परमातम आतमकै
 पासा ॥ ज्यों द्वे पंषि रहें तरु माहीं ॥ तरुतें भिन्न लिप्त कहु नाहीं ॥ १६ ॥ दोऊ चेतन एक
 समाना ॥ सषा रूप एक अस्थाना ॥ आपहु तै तिन बासा कियौ ॥ तिनमें एक तरुहि चित
 दियौ ॥ १७ ॥ देह वक्षकै सुष फल खावैं ॥ तातै दुख आपुहितें आवैं ॥ तब ता काज कर्म

बहु करें ॥ तिनतें जुग जुग जनमे मरे ॥ १८ ॥ देह मरे मरनों करि जाने ॥ देह जन्मतें जन्मही
 माने ॥ ऐसें सदा बहुत दुष पावैं ॥ द्वे मैं सो आतमा कहावैं ॥ १९ ॥ परमातमा देह तरु मांही ॥
 सुष फल कबहुं खावैं नाहीं ॥ तातें कलु कर्म नहिं गहे ॥ निजानंदमय निहचल रहैं ॥ २० ॥
 यो परमातम आतम जानैं ॥ देह अतीत दुहुंको मानैं ॥ सुष फल अरु आरंभाने तजैं ॥ मुक्ति
 होइ परमातम भजैं ॥ २१ ॥ ज्यों तन माहि मुक्त परमातम ॥ विद्या पाइ बसैं त्यों आतम ॥
 तनमें है परितनमें नाहीं ॥ आपुहि जान भयो थिर मांहीं ॥ २२ ॥ सुपन देखि ज्यों जागे कोई ॥
 सो पुन सुपन चितारै सोई ॥ परि सो सुपन देहसो सुपना ॥ मिथ्या जानि भ्रमते उपना ॥ २३ ॥
 अरु जो सहित अविद्या होई ॥ सो तिनमें नहिं परि हैं सोई ॥ ज्यों सोवत सुपना तन पावैं ॥
 ताको आप जानि मन लावैं ॥ २४ ॥ तनमें बद्ध मुक्त जे जीवा ॥ बद्ध जीव मुक्तसो शीवा ॥
 बहुरि कहों मुक्तकै लक्षण ॥ जिनको जानी होइ विचक्षण ॥ २५ ॥ देखें सुने कहें कलु करै ॥ सो कलु
 कदे हृदे नहिं धरैं ॥ सकल अर्थ इंद्रिय कृत जानैं ॥ आपुहि एक अकरता मानैं ॥ २६ ॥ पूर्व
 कर्म आधीन शरीरा ॥ कर्म करें इंद्रिय मन सीरा ॥ तनमें वास कियो नहिं जानैं ॥ मूरख आपुहि
 करता मानैं ॥ २७ ॥ बहुरि मुक्त एसी विधि रहै ॥ अहंकार यातन कौ दहै ॥ आसन अट-
 न असन अरु सयना ॥ दरस परस अग्रानरु बयना ॥ २८ ॥ इनमें इंद्रियको वरतावै ॥ आपन
 कलुहू प्रीति लगावै ॥ रहै माहि परिलिप्त न होई ॥ ज्यों आकाश पवन रवि तोई ॥ २९ ॥
 विद्यानाम असी इक पाई ॥ दृढ वैराग सरान चढाई ॥ तासौ काटै संशय सारै ॥ जागि सकल
 भ्रम भेद निवारै ॥ ३० ॥ इंद्रिय प्राण बुद्धि मन माहीं ॥ कबहुं कलु वासना नाहीं ॥ सो जद्य

पितनहूं मैं दरसैं ॥ परिसो मुक्त तनहिं नहिं परसैं ॥ ३१ ॥ एक दुष्ट तन पीडा करें ॥ एक
 बहुत पूजा विस्तै ॥ परि बुध रोष तोष नहिं आनैं ॥ सकल देह कृत मिथ्या मानैं ॥ ३२ ॥
 विधि निषेध जो कोई करै ॥ किंवा कहैं ग्रंथ विस्तै ॥ मुनि कछु भलों बुरौ नहिं देषे ॥ गुन
 अरु दोष रहित सम लेषे ॥ ३३ ॥ विधि निषेध नाहीं कछु करें ॥ ना कछु कहैं नहिरे धरैं ॥
 निसदिन रहें ब्रह्म रस मत्त ॥ इछामैं ज्यों जड उन मत्त ॥ ३४ ॥ एसैं चिन्ह मुक्तमैं मानौ ॥
 अरु मुमुक्षुको साधन जानौ ॥ मुक्त भयौ जे चाहै कोई ॥ ए सब साधन साधे सोई ॥ ३५ ॥
 जिन सब शब्द ब्रह्महै जान्यौ ॥ परि निज तत्त्व नहीं पहिचान्यौ ॥ इन साधनानि माहि रत
 नाहीं ॥ तिनके श्रम सब मिथ्या जाहीं ॥ ३६ ॥ शब्द ब्रह्म ब्रह्मके काजा ॥ हरिजी हरिभक्त-
 नके साजा ॥ तातैं ब्रह्म विना श्रम ऐसै ॥ बंध्या गाइ सेइजें जैसै ॥ ३७ ॥ बंध्या गाइ दुग्ध
 बिन होई ॥ परार्थीन तन राषे कोई ॥ असति नारी पुत्र अन्याई ॥ धर्म बिहीनौ धन
 अधिकाई ॥ ३८ ॥ ज्यौ इनतें दिन दिन दुख होई ॥ कबहुं सुख पावै नहीं कोई ॥ मोहि बिना
 त्यों बहुविधि बानी ॥ केवल बंध नहीं को जानी ॥ ३९ ॥ मोतें जग उतपति संहारा ॥ सब
 प्रतिपालन विविध प्रकारा ॥ किंवा जन्म कर्म बहुतेरे ॥ जा बानीमें नाहीं मेरे ॥ ४० ॥ मेरे
 नाना विधि संबधा ॥ जा बानीमें नाहीं बंधा ॥ बंध्या बानी ताहि विचारैं ॥ निहफल जानि
 न पंडित धरैं ॥ ४१ ॥ या विधि जानी बहुत प्रकारा ॥ बहुत भांति करि बहुत विचार ॥
 जहां तहां तें मनहि निवारैं ॥ पूरण एक ब्रह्ममैं धरैं ॥ ४२ ॥ जो ताजि दूजे नाना अर्थ ॥
 मन धारणको नहीं समर्थ ॥ सो मम हेत कर्म सब करे ॥ प्रेम मगन फल जस परिहरे ॥ ४३ ॥

औरे कर्म अकर्म विकर्मा ॥ बंधन जानि तजे सब धर्मा ॥ जाही तैं उपजै मम भक्ती ॥ ताही
 में राषे अनुरक्ती ॥ ४४ ॥ श्रद्धा सहित सुने गुन मेरे ॥ जिनतैं कर्म न आवे नेरे ॥ गावे
 समरैं अस्तुति करैं ॥ प्रेम सहित निशादिन विस्तैरे ॥ ४५ ॥ जे कछु कर्म काम
 अरु अर्थ ॥ करै सकलतै मेरै अर्थ ॥ मम आधीन निरंतर रहे ॥ मन क्रम
 वचन आननहि गहे ॥ ४६ ॥ या विधे होवे निश्चल भक्ती ॥ और सकलतैं सहज
 विरक्ती ॥ तब मेरो निजरूपाहि जानै ॥ तातैं नाना भेदाहि भानै ॥ ४७ ॥ तब ताही प-
 द मांहि समावैं ॥ जातैं जन्म फिरी नहि आवैं ॥ परि यह सत संगत तैं होई ॥ सत संगति विनु
 लहे न कोई ॥ ४८ ॥ भक्तानि बिना भक्ति नहि पावैं ॥ भक्ति बिना नहि मो मैं आवैं ॥ ता तैं स-
 त संगतकूं करै ॥ दूजो जत सकल परिहरै ॥ ४९ ॥ दोहा ॥ ए सुनि हरजीके वचन, मन
 में वाढी प्यास ॥ तब भक्तन अरु भक्तिकैं, लंछन पूछैं दास ॥ ५० ॥ उद्धव उ-
 वाच ॥ ॥ चौपाई ॥ हे प्रभु पूरण परम अनंता ॥ या जग बहुत भांतिके संता ॥ जाको संत
 कहौ तुम देवा ॥ ताको मोहि बतावो मेवा ॥ ५१ ॥ अरु जो भक्ति कौन जो ठानैं ॥ जातै तब निज
 रूपाहि जानैं ॥ तब उद्धवको देबहु माना ॥ कृपासिंधु बोले भगवाना ॥ ५२ ॥ श्रीभगवानु-
 वाच ॥ ॥ चौपाई ॥ परम कृपाल द्रोह नहि जानै ॥ क्षमावंत अरु सत्य बषानैं ॥ निंदा रहित दंढ
 सब समता ॥ हृदै पर उपकार नहि ममता ॥ ५३ ॥ आए काम बुद्धि थिर रहै ॥ इंद्रिय जित कोमलता
 गहै ॥ सदाचार संग्रह नहि जानै ॥ लगु आहार नई हा ठानैं ॥ ५४ ॥ सीतल हृदै विचारहि करै ॥ धर्म

आपनै दृढता धरै ॥ सावधान अरु रहित विकारा ॥ धीरजवंत दया अधिकारा ॥ ५५ ॥ सोक मोह
 अरु क्षुधा पिपासा ॥ जरा मृत्यु जीतै षट पासा ॥ आपु मान अपमान न जानै ॥ औरनको बहु
 मानहि ठानै ॥ ५६ ॥ जो कोई सरणागत आवै ॥ ताको ज्यौं त्यों ज्ञान उपावै ॥ सबको मित्र
 शुभाशुभ जानै ॥ दृढ विस्वास सकल भ्रम भानै ॥ ५७ ॥ मम आधीन निरंतर रहै ॥ साधनको
 बलकदैन गहै ॥ मोही कौ करता करि जानै ॥ कबहुं भूलि न आपो आनै ॥ ५८ ॥ जह्मपि वेद
 रूपमें गाए ॥ वर्णाश्रम कुलधर्म बताए ॥ तोहुं विधि निषेध सब तजै ॥ दृढ निश्चल मम चर्णनि
 भजै ॥ ५९ ॥ इसौ भक्त निज भक्त कहावै ॥ ताकै संग भक्तिकौ पावै ॥ देसरु काल रहित
 सर्वातम ॥ चिदानंदमय प्रभु परमातम ॥ ६० ॥ एसो जानि जानि मुहि भजै ॥ और सकल
 संकलपहि तजै ॥ सौ मेरो कहियै निज भक्ता ॥ तासों नितहुं जै अनुरक्ता ॥ ६१ ॥ अरु जै
 एसो मोहि न जानै ॥ परि अत्यंत प्रीतिकौ ठानै ॥ ले करि मोहि सकल परिहरै ॥ ते जन
 मोहि आप बस करै ॥ ६२ ॥ ए भक्तनकै लच्छन कहिए ॥ मेरि कृपाहुं तैं ते लहिए ॥ तिनको
 पाइ भक्तिकौ पावै ॥ भक्ति पाइ मम चर्णनि आवै ॥ ६३ ॥ तातैं मोहि चहै जो कोई ॥ मम
 संतनको सेवे सोई ॥ अबमें कहौ भक्तिके अंगा ॥ जातैं होवें मेरो संग ॥ ६४ ॥ मम प्रति
 मामें मोको भजे ॥ मन क्रम वचन फलादिक तजे ॥ हितसौं दर्श पर्श परिचर्या ॥ अस्तुति
 अरु दंडोत सपर्या ॥ ६५ ॥ मेरी कथाविषे अति श्रद्धा ॥ मो बिनु कछु न करै पल अर्धा ॥
 मेरे जन्म कर्म गुन गावे ॥ सदा निरंतर मोको ध्यावे ॥ ६६ ॥ तन अरु तनके पीछे जे ते ॥
 मोको सकल समरपै ते ते ॥ जनमाष्टमी आदिजे पर्वा ॥ बहुत उछाह करै तै सर्वा ॥ ६७ ॥ नृत्य

गीत अरु बहुविधि वाजा ॥ मंदिर बहुत रूप विधि साजा ॥ कथा कीर्तन बहु विधि चर्चा ॥
जागर्णादिक बहुविधि अर्चा ॥ ६८ ॥ ऐसैं जानि बहुत उच्छाहा ॥ सब परवणि सब विधि निर-
वाहा ॥ मथुरादिक हरिधाम निजावैं ॥ बहुत भांतिकरि प्रेम बढावैं ॥ ६९ ॥ औरनिकों आ-
चरण सिषावैं ॥ ठैर ठैर प्रतिमा पधरावैं ॥ बहुविधि करै बाग फुलवाई ॥ क्रीडा थान सहित
चतुराई ॥ ७० ॥ पुर मंदिर बहुभांति करावैं ॥ ज्यों हरि अरु हरिभक्ति निभावैं ॥ आप माहि जो
शक्ति न होई ॥ तोहूं उद्यम ठाने सोई ॥ ७१ ॥ बहुविधि महिमा कहे कहावैं ॥ और नसौ
मिलि करै करावैं मंदिरादि बहुभांति बुहारैं ॥ बहुविधि सींचै धूल निवारैं ॥ ७२ ॥ चित्र वि-
चित्र चोक बिस्तारै ॥ ह्वे करि दास आप निस्तारै ॥ मान रहित कछु दंभन जानैं ॥ जो कछु करै
सो नहीं बखानैं ॥ ७३ ॥ मोकों करै आरती जासों ॥ और कछु नहि देखे तासौ ॥ मम प्रसाद प्री-
ति सौं लेवे ॥ प्रीती हीन जीव नहि देवे ॥ ७४ ॥ यौही ज्यों ज्यों उपजे प्रेमा ॥ त्यों त्यों
अधिक बढावे नेमा ॥ मम भक्तनिके रहै अधीन ॥ तन धन सोंपे नितले लीन ॥ ७५ ॥ अरु
एकादश ठोरनि भद्रा ॥ मम पूजा करि हरे अभद्रा ॥ सूर्य अग्नि विप्र अरु गाई ॥ भक्तवेष
आकाशरु वाई ॥ ७६ ॥ जल अरु धरनि आपमें त्योंही ॥ सबनि माहि मम पूजा योंही ॥
विद्या त्रय मूरजकी पूजा ॥ मोंकों छांडि न जाने दूजा ॥ ७७ ॥ वरषा राजस करि उपजावै ॥
सात्विक सीत सबनि वरतावैं ॥ तामस ग्रीषम सकल विनासे ॥ सकल जगतकों आपु प्रकासे
॥ ७८ ॥ तातें मेरी परम विभूती ॥ ऐसैं जानि करै अस्तूती ॥ पावक मांहि होम करि यजे ॥
विप्रनि अतिथि भावसों भजे ॥ ७९ ॥ त्रिण जलादि गाइकी पूजा ॥ भक्त भेषमें और न दूजा ॥

भक्त भेष निज बंधव जानैं ॥ अति प्रसन्न है पूजा ठानैं ॥ ८० ॥ ज्यों अपने बंधू संबंधी ॥ तिनसो
 प्रीति सब निहे बंधी ॥ तिनको बहुत भांति करि सेवे ॥ तन मन धन निहचल करि देवे ॥
 ॥ ८१ ॥ त्योंही भक्त आपने भाई ॥ ऐसैं जानि करे अधिकाई ॥ तन मन धनसों प्रीति
 बढ़ावैं ॥ जिनतें मेरे पदहीं पावैं ॥ ८२ ॥ हृदयकाश ध्यानसों सेवैं ॥ सब आधार पवन
 चित देवैं ॥ जलको जल अरु फुल फलादी ॥ अरु धरणी पूजे मंत्रादी ॥ ८३ ॥ भोगनि सों
 निज देहहि भजे ॥ मो बिज अंतराय सब तजे ॥ सब भूतनमें मोको जाने ॥ सम दरसन
 यह पूजा ठानैं ॥ ८४ ॥ इन सब ठौरनि पूजा करे ॥ मेरो रूप हृदेमें धरे ॥ रूप चतुरभुज
 आयुध चारी ॥ रयाम सरीर पितांबर धारी ॥ ८५ ॥ गीस मुकुट सुभ कुंडल करना ॥
 कौस्तुभादि बहुविधि आभरना ॥ ऐसो रूप सबनिमें ध्यावे ॥ सावधान व्है प्रीति बढ़ावे ॥ ८६ ॥
 या विधि वाइ कूप सर बागा ॥ जप तप दान दया वृत जागा ॥ मेरे हेत कर्म जो करै ॥ मो
 विन और हृदे नहिं धरै ॥ ८७ ॥ इन साधननि करे नर जोई ॥ प्रेम भक्ति मम पावे सोई ॥ ए
 साधन करहीं इन भांती ॥ साधु मिलाप होइ दिनराती ॥ ८८ ॥ तिनतें एसी जुत्की पावै ॥ जातें
 ज्ञान भक्ति उर आवैं ॥ तातें ज्ञान भक्ति कौ कारन ॥ एक भक्त भवसागर तारन ॥ ८९ ॥ तातें
 भक्तन सों हितलावैं ॥ जितनैं मेरी भक्तिहि पावैं ॥ तिनको बनिज भक्तिको निज ॥ कबहुं
 और न आवैं चित्त ॥ ९० ॥ मैं उनको मेरो हे सोई ॥ ऐसो भेद न जानै कोई ॥ जो कछु कहैं
 करों मैं सोई ॥ जद्यपि मेरे मन नहिं होई ॥ ९१ ॥ मोहि मिलनको एक उपाया ॥ बहुविधि षोज
 त और न पाया ॥ साधु संग मिलि भक्तिहि करहीं ॥ सोई एक जगत जल तरहीं ॥ ९२ ॥ भक्त

न विना भक्ति नहिं पावै ॥ भक्ति विना नहिं मोमें आवै ॥ मो विन और जहां जहँ जाई ॥ तहँ
तहँ काल निरंतर खाई ॥ ९३ ॥ यह अति गोप्य मतोहै मेरो ॥ मम आधीन चित्तहै तेरो ॥ तातैं
यों यह तोसों कह्यो ॥ आगैं कछु कहिवे नहिं रह्यो ॥ ९४ ॥ दोहा ॥ बहुरि गोप्य अपनो
मतो, तोहि कह्यो समुझाए ॥ जातैं छुटै जगत भय, मोमें रहे समाय ॥ ९५ ॥
इति श्रीभागवते महापुराणे एकादशस्कंधे श्रीभगवदुद्धवसंवादे भाषायां

एकादशोऽध्यायः ॥ ११ ॥

॥ दोहा ॥ ॥ महिमा संगतिसारतैं, कर्म फलनको त्याग ॥ कहीं बारमें
ध्यायमें, यथा व्यवस्था लाग ॥ १ ॥ श्रीभगवानुवाच ॥ चौपाई ॥ उद्धव गोप्य
मतो सुन मेरो ॥ पावैं मोहि मिठे भव फेरौ ॥ आप मिलनको पंथ दिखाऊं ॥ औरै सकल कुपंथ
मिटायूं ॥ १ ॥ जोग कहीजैं अष्ट प्रकारा ॥ सांख्य प्रकृतिअरुपुरुष बिचारा ॥ बहु विधि वर्णा-
श्रमके धर्मा ॥ सकल त्यागिं होवे निहकर्मा ॥ २ ॥ वेदादिक बहु विद्या पाठा ॥ जहां लगी
हैं तप अतिकाठा ॥ होम जज्ञ सरवापी कूपा ॥ इच्छा दान समय अनुरूपा ॥ ३ ॥ एकादशी
आदि व्रत जेते ॥ गुप्त मंत्रमें रहैं ते ते ॥ मम प्रतिमा पूजा आचरना ॥ तीरथ अटन नियम यम
करना ॥ ४० ॥ औरौ सम दस आदिक जेते ॥ साधन सकल मुक्तिके ते ते ॥ इन सबहिनतैं
मोहिन पावै ॥ साधू जन पल मांहि मिलवैं ॥ ५ ॥ उनतैं मनकौ संग न छूटै ॥ मम चरण-
निमैं चित न चहूटै ॥ तातैं मोहि न पावै उनतैं ॥ पावै वचन साधुके सुनतैं ॥ ६ ॥ साधू ऐसे

वचन सुनावैं ॥ शत्रु मित्र सुख दुःख जनावैं ॥ सार असार कालनिःकाल ॥ साधू दिषावैं
 सब ततकाला ॥ ७ ॥ सबतैं मनकौ संग मिटावैं ॥ मेरे चरणकमल लपटावैं ॥ ऐसी
 विधि भव सागर तारैं ॥ मेरे जन ततकाल उधारैं ॥ ८ ॥ जे ते तरे तरंगैं
 जेते ॥ अरु अबहुं तरतेहैं केते ॥ ते सब साधुसंगतैं जानौ ॥ दूजौ और उपाय न मा-
 नौ ॥ ९ ॥ षग मृग जातुधान असुरादिक ॥ चारण सिद्ध नाग गुह्यादिक ॥ अपसर विद्याधर
 गंधर्वा ॥ जिन जिन पायौ ते ते सर्वा ॥ १० ॥ बैस्य शूद्र अंतज अरु नारी ॥ बहु राजस ताम-
 स अधिकारी ॥ जुग जुग जे सत संगति आए ॥ तिन तिननहीं मेरे पद पाए ॥ ११ ॥ वृत्रासुर
 वृषपर्वा बाना ॥ बलि प्रह्लाद विभीषण जाना ॥ मय सुग्रीव ऋक्ष हनुमंता ॥ गज अरु गीध
 व्याध अघवंता ॥ १२ ॥ तुलाधार कुञ्जा वृजगोपी ॥ धर्मनकी सीमा जिन लोपी ॥ जज्ञवंत
 विप्रनकी बनिता ॥ पुरुषनकी कीनी अवमनिता ॥ १३ ॥ और अनेक कहालों कहियै ॥ कहत
 कहत कहु अंतन लहियै ॥ तिन कलु विद्या वेद न जानै ॥ सांख्यरु जोग नहीं पहिचानै ॥ १४ ॥
 जप तप यज्ञ वृता दिन कीनै ॥ और धर्म नहिं कौई चीनै ॥ परिसो साधु संगति न पाये ॥
 ते सब मेरे चरणनि आये ॥ १५ ॥ अरु तुम उद्धव यौ मति जानौ ॥ तिनकी संगति मेरी मानौ ॥
 उद्धव संतरुमें द्वे नाहीं ॥ मेंहीहों संतन उममांही ॥ १६ ॥ किनहुं मिलौ धारिकैं तनकों ॥
 मिलकर सोधों तिनके मनकों ॥ ऐसी विधि एकनिकों तारों ॥ एकनि साधुरूप उधारों ॥ १७ ॥
 साधुनि हूँ मनके मल हराँ ॥ सो मन अपने चर्णनि धरौ ॥ ऐसी विधि एकनि उद्धारों ॥ जहँ
 तारों तहँ मेहीं तारों ॥ १८ ॥ साधु संगसो मेरो संग ॥ साधु सकल हे मेरो अंगा ॥ तातैं दोउ

साधु संग जानौ ॥ केतो दो मेरो तन मानौ ॥ १९ ॥ गोपी गाइ वक्ष नग नागा ॥ औरों मूढ
 बुद्धि बडभागा ॥ मम सत संग प्रेम तिन बांध्यौ ॥ भाव भक्ति मोंकों आराध्यौ ॥ २० ॥ और
 कछु साधन नहि जान्यौ ॥ अरु नहि ब्रह्मरूप कार मान्यौ ॥ परि तिनको हित मोसों भयो ॥
 ताते सब मनको मल गयो ॥ २१ ॥ श्रम हीं विनति न मोंकों पायौ ॥ अति अपार भवदुःष
 मिटायौ ॥ जाकों जोग सांख्यव्रत दाना ॥ जज्ञ वेद विद्या विधि नाना ॥ २२ ॥ करि संन्यास
 बहुत दुष सहैं ॥ तेउ मोंकों कदैं न लहैं ॥ ताकों तिन सुषहीमै पायौ ॥ जे केवल मन मोसों
 लायौ ॥ २३ ॥ राम सहित सुहि पायौ जबहीं ॥ चले अकूर मधूपुरि तबहीं ॥ तब ते गोपी
 मेरै हेत ॥ पाइ मूरछा भई अचेत ॥ २४ ॥ बहुरि समझ महादुष पावै ॥ निसवासर मम चर्णनि
 ध्यावै ॥ मोहि छोडि सब दुषमय लेषे ॥ लोक वेद कुल कछु न पेसे ॥ २५ ॥ जे निसि मों संग
 पलसी बीते ॥ तेई तिनको कल्प व्यतीते ॥ मेरे गुणनि सुने अरु गावैं ॥ लीलारूप हृदमें
 ध्यावै ॥ २६ ॥ कबहुं विरह महादुष रोवैं ॥ कबहुं तपत दशो दिश जोवैं ॥ कबहु प्राण तजनकी
 भाषै ॥ मम दारसन आसातैं राषै ॥ २७ ॥ नीद भूष त्रस सकल गत्राई ॥ और देह गुण रह्यौ न
 कोई ॥ तिनके दुष तेई ते जानै ॥ ते में तीजो कहा वषानै ॥ २८ ॥ विरह प्रचंड अनल अधिका-
 रा ॥ सकल विकार भए जरि छारा ॥ प्रेम प्रवाह सकल मल छारै ॥ यों मो बिचको अंतर टारै ॥
 २९ ॥ तब यह उपजी परम अनूपा ॥ भूलि आप भई मम रूपा ॥ ज्यों जोगेस्वर ब्रह्महि ध्यावै ॥
 ह्वै करि ब्रह्म आपु विसरावै ॥ ३० ॥ अरु ज्यों सरिता सिंधु समावै ॥ नाम रूप गुण भेद गमा-
 वै ॥ त्यों वे भई रूप सब मेरो ॥ दैत भाव कहु रह्यो न नेरो ॥ ३१ ॥ पाप जोनि अबला ते सा

री ॥ अरु श्रुतिकी मरजादा टारी ॥ निजपति छोड कियो व्यभिचारा ॥ अरु तिन मोको जान्यो
 जारा ॥ ३२ ॥ ब्रह्मभाव कछु ए नहिं जान्यौ ॥ तिन पर पुरुष मोहि नित मान्यौ ॥ परितोहं
 भवसिंधु मिटायौ ॥ सतनि सहस्रानि मम पद पायौ ॥ ३३ ॥ तातैं उद्धव सुन बडभागा ॥ लो-
 कवेद सबकौ कर त्यागा ॥ जोहैं सुन्यो सुननको जोई ॥ प्रवृत्ति निवृत्ति जो कछु होई ॥ ३४ ॥
 सब तजि एक सरण मम आवौ ॥ द्वैत भाव मनतैं विमरावौ ॥ जहां तहां मम रूपहि देखौ ॥
 आपापर कछु और न लेषौ ॥ ३५ ॥ एसें हे करि मोकों पैहौ ॥ जातैं जगत जनम नहि ऐहौ ॥
 यों हरि जब बानी विस्तरी ॥ तब उद्धव आ संका करी ॥ ३६ ॥ ॥ उद्धव उवाच ॥
 ॥ चौपाई ॥ प्रभु तुम त्याग वेदकों कहौ ॥ सो मेरे उर संसा रह्यो ॥ तुमरी आग्या बेद कहावै ॥
 ताहि छोडि कैसें सुष पावै ॥ ३७ ॥ तुमहीं श्रुतिमें करणें भाषे ॥ तुमहीं ईहां दूरि करि नाषे ॥
 तातैं मन भरमतहे मेरौ ॥ थिर कीजैं अपनें जन करौ ॥ ३८ ॥ किधोंइ सत्य किधों ते देवा ॥
 याको मोहि बतावें भेवा ॥ तव गोपाल बचन उचारैं ॥ ज्यों रवि उदय मध्य अंधियारैं ॥ ३९ ॥
 ॥ श्रीभगवानुवाच ॥ ॥ चौपाई ॥ उद्धव अच सुन परम ज्ञाना ॥ तातैं तव छूटैं भ्रम नाना ॥
 प्रथमहि आप निरंजन एका ॥ और कछु नहिं हुतो अनेका ॥ ४० ॥ बहुरि कियौ माया
 विस्तारा ॥ रच्यो देह बहु अंग प्रकारा ॥ तामें आपु प्रवेसा कियौ ॥ प्राणरु शब्द संगकरि
 लियौ ॥ ४१ ॥ सो ता शब्द चक्र आधारा ॥ परानाम कीनो आगारा ॥ मणि पूरक पस्यती
 नामा ॥ चक्र विशुद्ध मध्यमा धामा ॥ ४२ ॥ बाहिर प्रगट वैषरा बानी ॥ जे इहलोक
 रु बेद बषानी ॥ स्वर लघु मातर अक्षर जे ते ॥ नाना भांति विस्तरैं ते ते ॥ ४३ ॥ लोक

मांहि थोरे विस्तारै ॥ वेद मांहि तिष्ठतहै सारै ॥ परि तिनको बहुविधि विस्तारा ॥
 जाको कोइ लहै नहिं पारा ॥ ४४ ॥ जैसें अनल काष्ठ मथि काढ्यौ ॥ इंधन संग पवन
 अति बाढ्यौ ॥ यौ मम बानीको विस्तारा ॥ जातें प्रगट्यौ सकल पसारा ॥ ४५ ॥
 यह विस्तार शब्दको सारौ ॥ जामें चेतन रूप हमारौ ॥ इंद्रिय उपजी दशहु प्रकारा ॥
 सूत्ररु मन बुधि चितहंकारा ॥ ४६ ॥ सतरजतम माया गुण जानौ ॥ सब विस्तार तिहुंको
 मानौ ॥ जो अद्वैत एक निरधारा ॥ तिन कीनो माया विस्तारा ॥ ४७ ॥ तिनमें बहुत भांति
 आभास्यौ ॥ उत्तम मध्यम नीच प्रकास्यौ ॥ विधि निषेध तातें करि लये ॥ सुष दुष द्वे तिनके
 फल भये ॥ ४८ ॥ इह संसार एकतें ऐसैं ॥ एक बीजतें बहु बन जैसे ॥ तातें यह सब एक
 अधारा ॥ परि एकहिको सकल पसारा ॥ ४९ ॥ जैसें वस्त्र तंतुमय होई ॥ ओत पोत दूजा नहिं
 कोई ॥ ऐसैं यह भव तरुहे एका ॥ द्वे फल फूलरु साष अनेका ॥ ५० ॥ यह सब मम चेतन
 आधार ॥ परि तोहू चेतनतें न्यारा ॥ सो चेतनहें मेरो अंसा ॥ यामें भूल न आनौ संसा ॥
 ॥ ५१ ॥ यह संसार वृच्छहे जेसौ ॥ मैं भाषतहों सुनियो ते सौ ॥ पापरु पुन्य बीज द्वे याकै ॥
 मूल अपार वासना ताकै ॥ ५२ ॥ आदिहिके त्रय गुण त्रय साषा ॥ तिनतें पंचभूत पर साषा ॥
 उप साषा मन अरु इंद्रिय दश ॥ शब्दादिक सर्वे पंचोरस ॥ ५३ ॥ कफ अरु वात पित्त त्रय
 बलकल ॥ सुष अरु दुःष प्रगटहैं द्वे फल ॥ तामै द्वे पंषीको वासा ॥ परमात्म अरु आत्म
 पासा ॥ ५४ ॥ जे मूरष यह भेद न जानैं ॥ ते बहु भांति वेद विधि ठानैं ॥ तिनतें होवै बहु विधि
 बंधा ॥ जुग जुग दुष पावै ते अंधा ॥ ५५ ॥ जो यह देह वृक्षकरि जानैं ॥ आपुहि पंषी न्यारौ

मानैं ॥ बेद स्मृति सब माया देखैं ॥ सकल अतीत आपुकों लेखैं ॥ ५६ ॥ तब यह विधि निषेध
 छटि कावैं ॥ सुष अरु दुषके निकट न आवैं ॥ सकल मांहि आपुहिकों जानैं ॥ भेद देह कृतमाया
 मानैं ॥ ५७ ॥ चेतन शक्ति ब्रह्मकरि देखे ॥ और सकल मायाकरि लेखे ॥ परि यह भेद सकल
 तब पावैं ॥ जब सतगुरुकी सरनै आवैं ॥ ५८ ॥ सतगुरु विना न पावै कोई ॥ ब्रह्मादिक भावै
 सो होई ॥ तातें गुरुकी सरणें आवैं ॥ दृढ उपासना भक्ति बडावैं ॥ ५९ ॥ गुरु सेवाको ईसो
 प्रभाव ॥ जातें उपजें मेरो भाव ॥ गुरुसेवातें पावैं भक्ति ॥ गुरुसेवातें सकल विरक्ति ॥ ६० ॥
 गुरुसेवातें ज्ञानहि लहैं ॥ गुरुसेवातें कर्म निदहैं ॥ गुरुसेवातें परम प्रकासा ॥ गुरुसेवा मम
 चरण निवासा ॥ ६१ ॥ मोहि मिलनको यहि उपाई ॥ गुरु सेवा बिन और न काई ॥ तातें
 गुरुकी सरनहि आवैं ॥ तन मन धन सों हेत लगावैं ॥ ६२ ॥ जातें उपजे ज्ञान कुठारा ॥ सब
 पासनकों काटन हारा ॥ त्रय गुण लिंग शरीर उपाधी ॥ जो आतमकों लागी व्याधी ॥ ६३ ॥
 ज्ञान कुठार सकलकों हरै ॥ या विधि आतम निर्मल करै ॥ पीछै ग्यान ध्यान सब
 त्यागै ॥ निशिदिन एकब्रह्म अनुरागै ॥ ६४ ॥ तबसो ब्रह्माहि मांहि समावैं ॥ बहुच्यौ जगत
 जन्य नहि आवैं ॥ तातें तुम साधन सब त्यागौ ॥ निसदिन एकब्रह्म अनुरागौ ॥ ६५ ॥
 ॥ दोहा ॥ ॥ यह उद्धव तोसो कह्यौ, भव मोचन मम ज्ञान ॥ अब बहुच्यौ सा-
 धन सहित, भाषौ परम निधान ॥ ६६ ॥ ॥ इति श्रीभागवते महापुराणे एकादश
 स्कंधे श्रीभगवदुद्धवसंवादे द्वादशोऽध्यायः ॥ १२ ॥ ॥ ॥ ॥ ॥

॥ दोहा ॥ ॥ होत सत्व गुण वृद्धिकर, ज्ञान उदय क्रम जान ॥ कह्यो तेरमें ध्या-
यमें हंस रूप आख्यान ॥ १ ॥ ॥ श्रीभगवानुवाच ॥ ॥ चौपाई ॥ ॥ सुन उद्धव
अब परम ज्ञाना ॥ जातें पावें परम निधाना ॥ जातें ज्ञान होइ सो कहौं ॥ या विधि तब अज्ञान
हि दहौं ॥ १ ॥ सात्विक राजस तामस जहैं ॥ उद्धव ते गुण माया केहैं ॥ सुख दुख सब तिनहींके
जानौं ॥ तिनतें परे आत्मा मानौ ॥ २ ॥ तातें नर सात्विककौं गहै ॥ सात्विक करि रज तमकौं
दहै ॥ पीछे ब्रह्म मांहि थिर होई ॥ सात्विककौं तब त्यागे सोई ॥ ३ ॥ ऐसी विधि तीनों गुण दहै ॥
तब ह्वै ब्रह्म ब्रह्ममें रहै ॥ ज्यों ज्यों होई मृत्यु अधिकारा ॥ त्यों त्यों प्रेम भक्ति वितारा ॥ ४ ॥
सकल वस्तु सात्विक जब भजे ॥ तबहीं सात्विक गुण ऊपजे ॥ सात्विक ज्यों ज्यों त्यों त्यों भक्ति
॥ त्योंहीं त्यों अन्यत्र विरक्ति ॥ ५ ॥ तब रज तम दोऊ मिट जावैं ॥ तातें तनके गुण नहिं
आवैं ॥ हर्षरु शोक मान अपमाना ॥ निद्रा आलस गर्व गुमाना ॥ ६ ॥ राग द्वेष आदि कहे
जे ते ॥ द्वंद्व सकल रज तमके ते ते ॥ तातें रज तम जबहीं जाहीं ॥ तब तिनके गुण उपजै
नाहीं ॥ ७ ॥ तातें सात्विक संगति करै ॥ रज तमकी संगत परिहरै ॥ मूल सकल कौ संगति
कारन ॥ संगति बोरे संगति तारन ॥ ८ ॥ पवित्र देश काल जल पान ॥ ग्रंथरु कर्म जन्म अरु
ध्यान ॥ गर्भाधान आदि संस्कार ॥ मंत्र जाप ए दसहि प्रकार ॥ ९ ॥ ए दस जाकौं होवैं जैसे ॥
गण विस्तारें ताकौं तैसें ॥ सात्विक तो सात्विक उपजावै ॥ राजस तो राजस अधिकवै
॥ १० ॥ तामस तो तामस विस्तारै ॥ जेसें ए दश तैसें करै ॥ जाही जामें जो गुण होई ॥

सो सो उत्तम जाने सोई ॥ ११ ॥ परि जो उत्तम साध बषानै ॥ सो वह सातिक उत्तम जानै ॥
 जो आतिनिंद्य तमो गुण सोहैं ॥ सो राजस कछु मध्यम जोहैं ॥ १२ ॥ तातैं ए दशसातिक
 सेवैं राजस तामस नाम न लेवैं ॥ राजस तामस जो हित होई ॥ तोहूं सब छिटकावै सोई ॥ १३ ॥
 सात्विक संगति उपजैं सत्व ॥ त्यों लहैं भक्तिको सत्व ॥ ज्यों लागि दृढ उपजैं विज्ञाना ॥ देखें
 एक सकल भगवाना ॥ १४ ॥ अरु दोनो देहनि भ्रम जानैं ॥ सब विस्तार सुपन सममानैं ॥
 तब यह ब्रह्ममांहि थिर होई ॥ सातिकहूं की बौर न जोई ॥ १५ ॥ ज्यों बांसनि तैं उपजे
 अनल ॥ अरु होवै मारुत तैं प्रबल ॥ सब बांसनिकौ दाहे सोई ॥ आपु बहूरि उपसम होई
 ॥ १६ ॥ त्यों साधन यातन तैं होवैं ॥ ह्वै प्रचंड यातनकों षोवों ॥ रुहुन्यौ आपुहि उपसम होई ॥
 साधन लेस रहे नहिं कोई ॥ १७ ॥ गुणातीत सो कहिये जोगी ॥ तीनों काल ब्रह्मस भोगी ॥
 सो बहुरौ भबमें नहिं आवे ॥ मोहि मिल्यौ मो मांहि समावे ॥ १८ ॥ तातैं सब साधन छटिकावौ ॥
 एक निरंजन मोकों ध्यावौ ॥ तब हरिकी सुनि अद्भुत बानी ॥ जन उद्धव यह प्रण बषानी ॥ १९
 ॥ ॥ उद्धव उवाच ॥ ॥ चौपाई ॥ हे प्रभुहां ऐसो कहियैं ॥ ज्ञानादिक हित जे सुष लहियैं ॥
 परिजे विषय सुषनि कौं चाहैं ॥ तातैं बहु आरंभ सबाहैं ॥ २० ॥ ते बापुैर सदा दुख सहैं ॥ क
 बहूं भूलिन सुखकों लहैं ॥ परिते तो विषयनि दुष जानैं ॥ जानबूज क्यों उद्यम ठानैं ॥ २१ ॥
 ज्यों बकरा मारनकों लीजैं ॥ ले छेलिनि मे ठाढ़ी कीजैं ॥ वह निर्लज कछु लाज न जानैं ॥ ति-
 निसौं मिलि विषयादिक ठानैं ॥ २२ ॥ अरु जैसैं गर्दभ अरु कुत्ता ॥ तिरष्कार ते सहे बहुत्ता ॥
 सुषेक हेत सबनि आधीना ॥ दुर्बल सदा हृदय अतिदीना ॥ २३ ॥ वेतो मूढ कछु नहिं जानैं ॥

तातैं विषयनि उद्यम ठानैं ॥ यह तो नर जानैं सब वाता ॥ देखे जगत चलयौ सब जाता ॥ २४ ॥
 प्रथमेतो सुख आवे नाहीं ॥ जो आवेतो थिर न रहाहीं ॥ अरु जो दिन चारी रहिजावे ॥ काल
 हु ते तौ पान न पावे ॥ २५ ॥ काल निरंतर ग्रस ते जावे ॥ एकदिना जमद्वार पठावे ॥ तहां
 नरक है बहुत प्रकारा ॥ जिनकै दुखको वार न पारा ॥ २६ ॥ एसी सब विधि मानव जानैं ॥
 तोहूं क्यों आरंभनि ठानैं ॥ आपु आपु जमद्वार पठावैं ॥ आपु आपुको दुख उपजावैं ॥ २७ ॥
 आगैं चौगामी भय भारै ॥ विषयनिकौ बहुदुख विस्तारै ॥ या भव जलके दुःख अपारा ॥ कहों
 कहांलों वार न पारा ॥ २८ ॥ सो यह सकल किपा करि कहौ ॥ मेरे उसको संसा दहौ ॥ यों
 कहिकैं उद्धव जव रहै ॥ तब हरिजी प्रति उत्तर कहै ॥ २९ ॥ ॥ श्रीभगवानुवाच ॥ ॥ चौपाई
 उद्धव यह आतम अविनासी ॥ ज्ञान स्वरूप परम सुषरासी ॥ सो जबहीं यातनमें आवैं ॥ तब
 स्वाधीन विषय सुष पावै ॥ ३० ॥ बहुन्यौ तिन हित उद्यम गहै ॥ नहिं पावे दुखको लहै ॥
 या विधि सुख दुख जबहीं जानै ॥ तबहीं देह आपु करि मानै ॥ ३१ ॥ ऐसैं बटैं देहहंकारा ॥
 तबहीं राजसकौ अधिकारा ॥ राजस सहित जबहि मन होई ॥ तब यह सुख दुख जानै सोई ॥
 ३२ ॥ तब संकल्प विकल्पनि करे ॥ निशदिन हृदय विषै सुखधरे ॥ जब जा सुषहि सुनें अरु देखैं ॥
 तब वश ह्ने निज सुख करि लैषैं ॥ ३३ ॥ तबहि हृदयमें बाढे काम ॥ ज्ञान विचार न राधे नाम ॥ तातैं
 बहु राजस अधिकारा ॥ राजस तें मग गहे बिकारा ॥ ३४ ॥ तब राजसको वेग प्रचंडा ॥ ज्ञानहि मारि करै
 सत पंडा ॥ तातैं ज्ञान सुनै अरु जानै ॥ अरु औरनि सौं आप बषानै ॥ ३५ ॥ परि सो काम नहीं
 ठहरावै ॥ लेकर पकरी करम करावै ॥ परि जद्यपि या नरकी बुद्धी ॥ रज तमते नहिं पावे सु

छी ॥ ३६ ॥ तोहूं निशदिन दोष विचारे ॥ उरतैं सकल कामना टारे ॥ सावधान आलस नहिं
 करै क्रम क्रम मम चर्णनि चित धरै ॥ ३७ ॥ आसन जीति करे बस प्राना ॥ निशदिन उर
 राषे मम ध्याना ॥ अरु मम शिष्य चार सनकादि ॥ सकल तत्त्व ज्ञानिनकी आदी ॥ ३८ ॥
 तिन विचार करि जोगहि भाष्यौ ॥ सोतो इहै ओर सब नाष्यौ ॥ ज्योंही ज्यों मन दूजो
 तजे ॥ अरु ज्यों ज्यों मम चर्णनि भजै ॥ ३९ ॥ याही तैं सब मिटैं धिकार ॥ याही तैं छूटै
 संसार ॥ याहोतैं मम चर्णनि पावे ॥ बहुरी जात जन मनहि आवे ॥ ४० ॥ तातैं परम
 जोग यह राष्यौ ॥ जातैं मेरें शिष्यानि भाष्यौ ॥ जब यह वानी बोलै कृष्ण ॥ तब उद्धव जन
 कीनी प्रण ॥ ४१ ॥ ॥ उद्धव उवाच ॥ ॥ चौपाई ॥ हे प्रभु कौन समे या रूपा ॥ तुम भाष्यौ
 या ज्ञान अनूपा ॥ सनकादिकनि कौन विधि लह्यौ ॥ क्यों पूछ्यौ कैसें तुम कह्यौ ॥ ४२ ॥
 ज्ञान सहित सब मोकों कहो ॥ मेरे उरको संसय दहो ॥ जब यह उद्धव कीनी प्रण ॥ तब बोले
 करुणामय कृष्ण ॥ ४३ ॥ ॥ श्रीभगवानुवाच ॥ ॥ चौपाई ॥ ब्रह्मपुत्र सनकादिक चारी ॥
 मनतैं उपजे ब्रह्म विचारी ॥ जन्महि ते तिन गहि निवृत्ती ॥ मनवच क्रमसों तजी प्रवृत्ती ॥
 ॥ ४४ ॥ प्रण करी तिन ब्रह्मा आगैं ॥ इसो भेद सोवत ज्यों जागैं ॥ अति सुषम जानी
 नहिं परै ॥ उत्तर कहो कोन विधि करै ॥ ४५ ॥ ॥ सनकादय ऊचः ॥ ॥ चौपाई ॥ हे प्रभु
 ब्रह्म ब्रह्ममय देवा ॥ याको हमहि बतावौ भेवा ॥ विषय वासना चित्ताहि गह्यौ ॥ चित्त प्रीति
 करिकैं मिल रह्यौ ॥ ४६ ॥ दोउ मिलै आपुमैं एसैं ॥ नीरु पीर परस्पर जैसैं ॥ भिन्न भिन्न विनु
 मुक्त न होई ॥ क्यों करि भिन्न होय ए दोई ॥ ४७ ॥ यह वानी ब्रह्मा उरधारी ॥ उतर देनकी

बहुत विचारी ॥ परितोहूं उत्तर नहीं आयौ ॥ जातें कर्मनि सौ मन लायौ ॥ ४८ ॥ तब ब्रह्मा यह
 बुद्धि विचारी ॥ जाहि न कोई ताहि मुरारी ॥ तातें कज्यौ चितवन मरौ ॥ हंसरूपमें प्रगट्यौ
 नेरौ ॥ ४९ ॥ हंसरूप तातें दिषायौ ॥ जातें यह आशय समझायौ ॥ के जो हंसवृत्तिकौ
 गहै ॥ सोई याकै भेवाहि लहै ॥ ५० ॥ तब तिन देषि मोहि सुष पायौ ॥ ब्रह्मा मिले उठि माथौ
 नायौ ॥ करि विनती तब वचन बषानै ॥ हे प्रभु तुमकौं हम नहीं जानै ॥ ५१ ॥ तब तिनसौं जो में
 कछु कह्यौ ॥ तिनके उरका संसा दह्यो ॥ तेई वचन कहों अब तोसों ॥ सावधान है सुनियो मोसों
 ॥ ५२ ॥ तुमको होयूं पूछ्यौ जबहीं ॥ कह्यौ ज्ञान उत्तरमें तबहीं ॥ मनकौ संसे सबहि मिठायौ ॥ विद्यमा-
 न परब्रह्म बतायौ ॥ ५३ ॥ हंस हरी जब हंसकर बोले ॥ कृपानिधी तब अंतर खेले ॥ हंस उ-
 दाच ॥ चोपाई ॥ विप्रहु प्रण करी तुम ऐसी ॥ करने नहीं संभवे तैसी ॥ वस्तु विचारे द्वैत न
 कोई ॥ तो याको उत्तर क्यों होई ॥ ५४ ॥ अरु जो देह रूपहूं कहियैं ॥ तोहूं कछु द्वैत नहीं ल-
 हियैं ॥ पंचभूत निर्मित तन सारै ॥ जो कछु जहां लगै विस्तारै ॥ ५५ ॥ तातें सकल एक द्वै
 नाहीं ॥ दूजो कौन विचारो मांहीं ॥ पुरुष दृष्टि देषे ते एका ॥ प्रकृती दृष्टिहु नहीं अनेका ॥
 ॥ ५६ ॥ तातें करी प्रण तुम ऐसी ॥ बहु तन मांहि करी जैं जेसी ॥ अरु जो दीसे तत्त्व विचारा ॥
 तो नहीं प्रकृति पुरुष विस्तारा ॥ ५७ ॥ जो कछु दीसे सुनिय कहियैं ॥ मन अरु बुद्धि जहां
 लों लहियैं ॥ सो सब मैहीं दूजो नाहीं ॥ ऐसो ज्ञान धरौ मनमांहीं ॥ ५८ ॥ नाम रूपते सकल
 विकारा ॥ आदि अंत मध माटी सारा ॥ त्योंहीं आदि अंत मधमाहीं ॥ मैहों एक द्वैत कछु
 नाहीं ॥ ५९ ॥ द्वैत दृष्टिसो दुषको कारण ॥ ब्रह्मदृष्टि निज सुषविस्तारण ॥ लगै तरंगनि सौ

दुष लहै ॥ तब सुष जबहीं तजि जल गहै ॥ ६० ॥ त्योंहीं द्वैत दृष्टिसो दुःषा ॥ एकदृष्टि साहे
 निज सुःषा ॥ अरु तुम प्रवृण विरंचिसौं करी ॥ सोमें हृदय आपुने धरी ॥ ६१ ॥ विषयानि मांहि
 चित मिलि रह्यौ ॥ अरु विषयनि चितहीं दृढ गह्यौ ॥ हेपुत्रहु यह ग्रौही सत्य ॥ परिते आतम
 मांहि असत्य ॥ ६२ ॥ विषय चित्त ए दोउ माया ॥ आतम ब्रह्म निरंजन राया ॥ विषयनिसौं
 जब चित्त लग्यौ ॥ तबहि चित्त तिनमें सुष पायौ ॥ ६३ ॥ तब विषयनिको ध्यानहि करै ॥
 तिनकै हेत कर्म विस्तरै ॥ तातैं एकमेक मिलि रहै ॥ ऐसैं जन्म जन्म दुष सहै ॥ ६४ ॥ तातैं
 आतम मैौ अंसा ॥ मेरी सरण ग्रहे तजि संसा ॥ बाहिरहुतें विषय परिहरै ॥ अरु चित्तैं
 चितवन नहिं करै ॥ ६५ ॥ विषयरु चित्त वृथा करि जानै ॥ तिनतैं परे आपुकों मानै ॥ ब्रह्म-
 रूप एक अविनासी ॥ ज्ञान रूप चेतन सुष रासी ॥ ६६ ॥ मन अरु बुद्धि चित्त हंकारा ॥ इंद्रिय
 विषय देह विस्तारा ॥ ए भ्रम रूप सकल है माया ॥ भूली आतम आपु बंधाया ॥ ६७ ॥ ऐसैं
 जानि सकल छटिकावै ॥ आपुहि मोहि एक करि ध्यावै ॥ जाग्रत स्वप्न सुषुप्ति बखानो ॥ ते
 आचर्ण बुद्धिकै जानो ॥ ६८ ॥ तिनतैं परे आतमारूप ॥ सदा एक रस परम अनूप ॥ साति-
 कहुं तैं जाग्रत होई ॥ राजस सुपन लहैं सब कोई ॥ ६९ ॥ सुखपति तामस गुणतें आवे ॥ मन
 अरु बुद्धि तिहुंकों पावे ॥ एकरूप आतम तिहुमाहीं ॥ साक्षीभूत लिपै कहु नाहीं ॥ ७० ॥ तातैं
 तिहुं गुणनितें न्यारौ ॥ निजानंदमय रूप हमारौ ॥ तामैं स्थित है करै विचारा ॥ सहजहि
 छूटै त्रिगुण पसारा ॥ ७१ ॥ देहविषे बंध्यो अभिमाना ॥ तातैं भेद उठ्यौ यह नाना ॥ तातैं
 निजानंद विसरायौ ॥ काल असख्य महादुख पायौ ॥ ७२ ॥ ऐसैं जानि तजे अभिमाना ॥

कदे न करै सुखनिको ध्याना ॥ तिहुं गुणनितैं करै विरक्ती ॥ चौथे पद बाधे आशक्ती ॥ ७३ ॥
 तब सहजै मो मांहि समावै ॥ बहुन्यौ कदे देह नहिं पावै ॥ अरु जो सकल ग्रंथ विस्तै ॥ वे-
 द धर्म नाना विधि करै ॥ ७४ ॥ प्रवृत्तिमांहि बहुत विधि जागै ॥ परिजो जानि द्वैत नहिं त्यागै ॥
 सो नित सोवत जागत जानौ ॥ ताकौ मैं दृष्टांत बखानौ ॥ ७५ ॥ जैसें सयन करै नर कोई ॥
 सोवत सुपन लहै पुनि सोई ॥ बहुतहि भांति करै व्यवहारा ॥ लेन देन जल पान अहारा ॥ ७६ ॥
 बहुरौ रैन भएतें सोवै ॥ दिवस भए त्योंहीं उठि जोवै ॥ ऐसी विध केई दिनवितैं ॥ सोवत जा-
 गत सकल व्यतीतैं ॥ ७७ ॥ बहुरो वह ऐसी मन आनै ॥ रातिहु दिनकी निद्रा भानै ॥ कदे
 न सोवत जागत रहै ॥ सावधान आलश नहिं गहै ॥ ७८ ॥ ऐसें काज आपनों करै ॥ चोरादि
 क धनकों नहिं हरै ॥ परि जब इहां जागि करि देखै ॥ तब वह सकल वृथा करि लैषै ॥ ७९ ॥
 सोवत जागत सब व्यवहारा ॥ जाकै हित जागै सो सारा ॥ आपुहि सब मिथ्या करि जानै ॥
 कबहुं भूलि सत्य नहिं मानै ॥ ८० ॥ त्योंहीं वेदधर्म आचरना ॥ अरु ते सुष जिनके हित करना ॥
 ते सब स्वप्नरूप व्यवहारा ॥ पंडित छोडे सकल पसारा ॥ ८१ ॥ भ्रमनें देह धन्यौ अभिमाना ॥ तातैं
 वर्णाश्रम विधि नाना ॥ तातैं करे बहुत विधि कर्मा ॥ सुख निमित्त विस्तारै धर्मा ॥ ८२ ॥ परिते सकल
 वृथा करि जानौ सुपन जागरण सम करि मानौ ॥ जो देहादिक सकल पसारा ॥ चेतन करि
 वरतावन हारा ॥ ८३ ॥ सुष दुष भोग करै अरु जानै ॥ आपुहि सुखी दुखी करि मानै ॥ बहून्यौ जबहि
 सुपनको पावै ॥ बहु व्यवहारनिसौं मन लावै ॥ ८४ ॥ तबहुं जानै सकल पसारा ॥ आपापर
 सुषदुष व्यवहारा ॥ बहुरि सुषोपति मैं सब जाई ॥ मन बुद्धि चित हंकार न काई ॥ ८५ ॥ तब

आतमा निरंतर रहै ॥ जागे सकल बात जो कहै ॥ लियौ दियौ अरु आयौ गयौ ॥ जहा लगी पीछे
 अनुभयौ ॥ ८६ ॥ सो आतमा एकरस रहै ॥ तिहुं कालकी बातनि कहै ॥ यौं अविनासी
 आतम एक ॥ दूजे माया भेद अनेक ॥ ८७ ॥ तीन अवस्थाहै ये मनकै ॥ मनमें आभासेहैं तिन-
 कै ॥ तिन तिनको तीनों गुण जेहैं ॥ तीनो गुण मायाके तेहैं ॥ ८८ ॥ ऐसी विधि निश्चैसों जा-
 नैं ॥ निशदिन हृदय विचारहि ठानैं ॥ सकल उपाधिनको आगारा ॥ ज्ञान षड्ग काटै हंकारा
 ॥ ८९ ॥ हृदय माहि मैं ताकौं भजौं ॥ सावधान है कंदेन तजौं ॥ यह सारौ जग भ्रंकरि जानौ ॥ मनको
 कृत मिथ्याकरि मानौ ॥ ९० ॥ ज्यों एकनिकौ उपजत देखै ॥ अरु एकनिकौं बिन सत पेवै ॥ सोई रीत
 सकलकी जानै ॥ स्वप्न समान हृदयमें मानै ॥ ९१ ॥ अग्नि सहित ज्यों लकरी होई ॥ बालक लकरि
 फिरावे कोई ॥ और भांतिहे दीसे और ॥ थिर परि चंचल लहै न ठौर ॥ ९२ ॥ त्यों यह जगत रहे
 थिर नित्य ॥ परि अति चंचल सकल अनित्य ॥ एक ब्रह्ममें सब आभास्यौ ॥ त्रिगुण पाई बहु
 भेद प्रकास्यौ ॥ ९३ ॥ स्वप्न रूप गुणमें ज्यों भोगी ॥ यों बहु भांति विचारे जोगी ॥ तातें
 जगते दृष्टि उतारै ॥ साचो जानि हृदय नहि धारै ॥ ९४ ॥ तृष्णा छोडी निश्चल रहै ॥ मन वच
 क्रम कछु कर्म न गहै ॥ ईहा रहित ब्रह्मरस भोगी ॥ निजानंदमय होवे जोगी ॥ ९५ ॥ ऐसे
 वृथा जानि सब त्यागै ॥ निहचल हृदे ब्रह्मनुरागै ॥ सो जब रहे देहहूं मांहीं ॥ तोहूं फिरि
 भ्रम उपजै नाहीं ॥ ९६ ॥ जो यह देह जाइ कहु आवैं ॥ बैठे उठे पिए अरु षावैं ॥ और हु
 कछुक करे व्यवहार ॥ परिसो सिद्ध न जानै सारा ॥ ९७ ॥ निश्चल रहे निरंजन मांहीं ॥
 देहादिक कछु जानै नाहि ॥ ज्यों कोई तन वस्त्रनि धरे ॥ बहु-यों सुरा पान कहु करै ॥ ९८ ॥

सो तिन वस्त्रनि जाने नाही ॥ प्रथमाहि बंधे ते नहिं जाहीं ॥ कर्म रहें या तनकै जोलों ॥
 सहीत इंद्रिय बरते तोलों ॥ ९९ ॥ कर्मनि ताकै तनकों पोषे ॥ पान पानसों नित संतोषे ॥
 जोगी ब्रह्म माहि थिर रहै ॥ देहादिककी शुद्ध न लहै ॥ १०० ॥ जेसैं स्वप्न देखि करि जागै ॥
 ता सुपना सुनही अनुरागै ॥ तेसैं मोह निसातें जाग्यौ ॥ बहुरि लिपे ब्रह्म अनुराग्यौ ॥ १०१ ॥
 देह थकां ब्रह्माहि मिल रह्यौ ॥ भावकौ सकल बीज तिन दह्यौ ॥ सो बहुरौ भवमें नहिं आवै ॥
 ब्रह्म मिल्यौ सो ब्रह्म समावै ॥ २॥ तातें देह आदि विस्तारा ॥ भ्रम करि तजो त्रिगुणमय सारा ॥
 त्रिगुणातीत ब्रह्मकौ सेवौ ॥ विषयनिको कछु नाम न लेवौ ॥ ३ ॥ विषय चित्त दोऊ भ्रम जा-
 नौ ॥ ब्रह्म मांहि रहि दोनूं भानौ ॥ सकल अतीत आपुकौ देखौ ॥ सब घट एकहि द्वेत न लेवौ ॥ ४ ॥
 ब्रह्मरूप आपु एक करि मानौ ॥ द्वेत भाव कबहुं जिन आनौ ॥ निशिदिन ब्रह्म विचारहि करौ ॥
 परि बल मेरौ हृदये धरौ ॥ ५ ॥ मम आधीन निरंतर रहौ ॥ या विधि जगत बीज सब दहौ ॥
 यातें बहुरि न भवमें आवौ ॥ ब्रह्मरूप है ब्रह्म समावौ ॥ ६ ॥ यह में तो सों कह्यो विचारा ॥ सांख्यरु
 जोग सकल कौ सारा ॥ मेरो गुह्यमतों अति जानौ ॥ बहुतहि भांति हृदयमें आनौ ॥ ७ ॥ तुमारो
 हित मन मांहि विचार्यौ ॥ मेंहों विष्णु हंस तन धार्यौ ॥ में हो ब्रह्म सकलको ईस ॥ मो-
 बिन औरें सकल अनीस ॥ ८ ॥ सांख्यरु सत्य तेज तप जोग ॥ प्रिय सम दम श्री की-
 रति भोग ॥ औरैं वस्तु जहालौ सार ॥ ते समस्त मेरे आधार ॥ ९ ॥ तातें जो मम
 शरणहि आवै ॥ उत्तम वस्तु सकल सो पावै ॥ मौबिन बहु साधनहीं गहै ॥ तोहूं कदै नहिं
 सुखकौ लहै ॥ ११० ॥ मैं निरगुण परि सब गुण सेवौ ॥ मैं निरपेक्ष सकलचित देवों ॥ कछु न

चहों करों उपकार ॥ सबकौ हित सबकौ आधार ॥ ११ ॥ सब उपजावौ सब प्रतिपारौ ॥ सब
 पोषौ सब संकट दारौ ॥ तातैं मोहि तजै दुख पावै ॥ तबहीं सुखी सरण जब आवै ॥ १२ ॥
 सरणागतकों वेगि उधारौ ॥ आपु मिलाऊं भव भय दारौ ॥ तातैं सब तजी मोकों भजो ॥
 पावो मोहि जगत भय तजो ॥ १३ ॥ उद्धव यहमें ज्ञान सुनायौ ॥ सनकादिकनि परम सुख
 पायो ॥ हृदय रह्यो संदेह न काई ॥ मोहि मिलनकी सब विधि पाई ॥ १४ ॥ बहुत भांति मम
 पूजा करी ॥ बहुत भाति अस्तुति विस्तरी ॥ मेरो भजन हृदेमें धर्यौ ॥ और सकल ततकाला
 निवाच्यौ ॥ १५ ॥ आप कृतार्थ तिन करि मान्यौ ॥ द्वैतभाव तजि ब्रह्म पिछान्यौ ॥ तब
 तिनकै अस्तुति करतेहीं ॥ अरु ब्रह्मा देखत आगेहीं ॥ १६ ॥ सबहीनकों आनंद बढ़ायौ ॥
 तबमें अपने धाम सिधायौ ॥ तातैं उद्धव यह तुम जानौ ॥ अपने परम भाग करि मानौ ॥
 ॥ १७ ॥ सनकादिक समान तुम किये ॥ तेई वचनमें तुमकों दिये ॥ तातैं इहै ज्ञान उरधारौ ॥
 ब्रह्म जानि सब द्वैत निवारौ ॥ १८ ॥ मम आधीन सदाही रह्यौ ॥ दूजी सकल वासना दहो ॥
 एसैं है निज पदकों पैहौ ॥ जातैं जग बहुरौ नहिं ऐहौ ॥ १९ ॥ ॥ दोहा ॥ ॥ यह
 उद्धवतोसों कह्यौ, परम ज्ञान निज सार ॥ जाकों गहि निज पद लहै, छूटै
 सब संसार ॥ १२० ॥ हंस गीत जो जन पढ़े, अरु सुनहीं चित लाय ॥ सो
 पावै निज तत्त्वकों, सदा कृष्ण तिहि साय ॥ १२१ ॥ ॥ इति श्री
 भागवते महापुराणे एकादशस्कंधेश्रीभगवदुद्धवसंवादे भाषायां हंसगीतायां त्रि-
 योदशोऽध्यायः ॥ १३ ॥

दोहा ॥ ॥ श्रीधर चवदै ध्यायमैं, भक्ति श्रेय कल्याण ॥ ध्यान योग हरि
 कहतहैं, साधन सहित प्रमाण ॥ १ ॥ ॥ श्रीशुकउवाच ॥ ॥ चौपाई ॥ ऐसे
 सुनि हरिजीसों ज्ञाना ॥ भक्ति उधारक भ्रम सब हाना ॥ यह उद्धव दृढ करि उर धरी ॥ परि
 कछु प्रश्न कृष्णसों करी ॥ १ ॥ उद्धव उवाच ॥ ॥ चौपाई ॥ परम दयाल दयानिधि देवा ॥ मोकों
 बडौ बतायो भेवा ॥ भक्तिहुतें पहियें तुम चरना ॥ छूटैं जगत जन्म अरु मरना ॥ २ ॥ परि अब
 एक प्रणसो कहौ ॥ मेरे या संदेहहि दहौ ॥ जे बहु विधि श्रुति समरति जानैं ॥ ते तौ बहु साधननिन
 खानैं ॥ ३ ॥ मुक्ति हेत बहु पंथनि कहैं ॥ अरु तेऊ बहुतें मिलि गहैं ॥ ताते तेऊ पंथ असेष ॥ भक्ति
 समानकि कछु विसेष ॥ ४ ॥ जा जा पंथ तुमें प्रभु पड़्यै ॥ बहुरो भवसागर नहिं ऐयै ॥ सो सो पंथ कृपा
 करि कहौ ॥ मेरी सकल मूढता दहौ ॥ ५ ॥ तुम विन दूजो नहिं कहै ॥ ज्ञान लहे सो तुमसों लहै ॥ उद्ध
 व एसी पूछी बानी ॥ तब उद्धवकी प्रण बखानी ॥ ६ ॥ श्रीभगवानुवाच ॥ ॥ चौपाई ॥ उद्धव
 कल्प समय जब भयौ ॥ तब यह तत्व लीनन्है गयौ ॥ पुनि में सृष्टि समय यह ज्ञाना ॥ ब्रह्मासों श्रुति
 तत्त्व बखाना ॥ ७ ॥ सोई श्रुती पुनि ब्रह्म पढायौ ॥ भृगवादिकहि स्वयंभू पायौ ॥ सप्त महारिषि
 भृगु जिन अदि ॥ अरु स्वयंभु मनु मन्वादि ॥ ८ ॥ तिन अष्टनितें यह बिस्तारा ॥ नाना भांती भेद
 अपारा ॥ सुरनर असुरसिद्ध गंधर्व ॥ विद्याधर यक्षादिकसर्व ॥ ९ ॥ सप्तद्वीपनर बहुतप्रकारा ॥ किन्नर किं
 पुरुषादि अदारा ॥ सत रज तम तिनकी उत्पत्ती ॥ तातैं बहु विधि भई प्रवृत्ती ॥ १० ॥ तिनतें
 भये बहुत विधि भेद ॥ तिन तेसैंही जाने वेद ॥ वेद तत्वसो कितहूं रह्यौ ॥ आपु सुभाव समा
 तिन कह्यौ ॥ ११ ॥ ज्यों ज्यों तिनके भये सुभाव ॥ त्यों त्यों जान्यों श्रुतिकों भावा ॥ त्योंहि त्यों

आचरणणि करै ॥ त्यों त्यों आपु स्मृति विस्तै ॥ १२ ॥ परंपराजे तिनतें होवैं ॥ ते तिन कृतहि
 स्मृतिनकुं जोवैं ॥ तिनतें आपु करै बहु ग्रंथा ॥ नाना भांति चलावैं पंथा ॥ १३ ॥ एसी विधि
 उपजैं पाखंडा ॥ ज्ञानरु धर्म होई सत खंडा ॥ मम माया करि मोहित होवैं ॥ तातें तत्त्व पंथ
 नहिं जोवैं ॥ १४ ॥ अपनी अपनी रुचि अनुमाना ॥ करें कर्म अरु भाषैं ज्ञाना ॥ नाना विधि
 साधननि सुनावैं ॥ तिन तिनतें कल्याण बतावैं ॥ १५ ॥ एकै बहु विधि धर्मनि भाषै ॥ तिनतें
 भुक्ति मुक्तिकों आपैं ॥ एकै कहै जसहि विस्तरियैं ॥ जातें सकल दुख नितैं तरियैं ॥ १६ ॥ जा-
 कौ जय या जगमें जोलैं ॥ सो नर रहे स्वर्गमें तालैं ॥ एक इहांके काम बखानैं ॥ आगैं स्व-
 र्ग नरक नहिं जानैं ॥ १७ ॥ जो तन ईहां करे भोगनिकों ॥ ईहां छोडि जाई ता तनकों ॥ आगे
 सुष लहै न कोई ॥ तातें भोग करो सब कोई ॥ १८ ॥ एसें ग्रंथनि कहि भ्रमावैं ॥ धर्म राय
 की खबर न पावैं ॥ एक कहें सम दम अरु सत्य ॥ दूजो साधन सकल अनित्य ॥ १९ ॥ जोग
 ग्रंथ बहु साख बखानैं ॥ तिनतें मूढ मुक्तिकों जानैं ॥ सामरु दाम दंड बहु भेद ॥ इनकों गहैं
 एक पढिबेद ॥ २० ॥ न्याय सहित सब उद्यम करें ॥ उत्तम धर्म जानि उर धरैं ॥ दान भोग उ-
 त्तम करि भाखैं ॥ यह मुक्ति साधन करि राखैं ॥ २१ ॥ एकै जज्ञ दान तप गहैं ॥ एकहि जमरु
 नियम संग्रहैं ॥ एकहि तीरथ व्रत मन धरैं ॥ कहूं कहांलें बहुविधि करैं ॥ २२ ॥ तिनतें स्वर्गा-
 दिक सुख पावैं ॥ छिन भये ईहां फिर आवैं ॥ बहुन्यौ नीच जोनि बहु लहैं ॥ नरकनिमै केई
 जुग रहैं ॥ २३ ॥ अरु जब रहें स्वर्गहूं मांहीं ॥ तबहूं कछु सुख पावैं नाहीं ॥ काम क्रोध निंदा आपमा-
 ना ॥ राग द्वेष इच्छा अभिमाना ॥ २४ ॥ इत्यादिक निग्रसो नित रहैं ॥ तातें कौन भांति सुख लहैं ॥ भक्ति

विना विधि लोकहि जावैं ॥ काल तहातैं उलट दहावैं ॥ २५ ॥ तातैं उद्धव भ्रमहैं सारा ॥ मुख
 मम चर्णानिकै आधार ॥ जिन मेरें चर्णानि चित धन्यो ॥ साधन साध्य सकल परिहन्त्यो ॥
 ॥ २६ ॥ तिनको उद्धव जो सुख होई ॥ सो सुख कहूं न पावैं कोई ॥ सो सुख कह्यौ सुन्यौ न-
 हिं आवै ॥ सोईपैं जानैं जो पावै ॥ २७ ॥ सो पावे जो मो सों मागै ॥ ओर सकल आसाको
 त्यागै ॥ मम आधीन निरंतर रहै ॥ दूजी सकल कामना दहै ॥ २८ ॥ सकल वस्तुको कीनों
 त्याग ॥ अंतःकरण खरौ वैराग ॥ सम दरसी नित सीतल चित ॥ मम चित न हृदये दृढव्रत ॥
 ॥ २९ ॥ ताको दशोदिसा सुखरूप ॥ सो सुख जो अति परम अनूप ॥ जो जन मेरै सुखको
 जानै ॥ ताको मन कितहूं नहिं मानै ॥ ३० ॥ ताकै सब आधीनहिं रहैं ॥ परि सो मो विन
 कलु नहिं गहैं ॥ ब्रह्मलोकको कदें न लेवैं ॥ इंद्रलोक पर चित न देवैं ॥ ३१ ॥ सब भूराज
 नैन नहिं देखैं ॥ सब पताल सुख त्रण करि लेखैं ॥ जोग सिद्धि अणिमादिक अष्ट ॥ जोगी
 जिन हित साधे कष्ट ॥ ३२ ॥ तिनहुको कबहूं नहिं लेई ॥ आपुहुतें तिन सेवैं तेई ॥ मुक्ति
 कटहीं रहै सदाई ॥ परि मेरो जन लुखै न काई ॥ ३३ ॥ मेहीं एक सदा प्रिय ताको ॥ मम
 वरणनि चित रातो जाको ॥ ताहीं तै मेरे प्रिय सोई ॥ ता बिन और नहीं प्रिय कोई ॥ ३४ ॥
 त्यों मेरो सुत विधि नहिं प्यारै ॥ नहिं संकर जो रूप हमारै ॥ नहिं प्रिय त्यों संकर्षण भाई ॥
 श्रीअर्धगा त्यों नहिं साई ॥ ३५ ॥ यों नहिं प्रिय मेरे देह ॥ जेसो तुमसों परम सनेह ॥ तुमसै
 भक्त महाप्रिय मेरै ॥ ताकै रहौ निरंतर नेरै ॥ ३६ ॥ इच्छा रहित अरु सीतल हृद ॥ सम निखै-
 र सबनि परि सुहृद ॥ ब्रह्मदृष्टि देखे सब मांहीं ॥ ब्रह्म विचार तजै पल नाहीं ॥ ३७ ॥ मैं ताको

प्रथम यों करौ ॥ त्रिगुण पास बंधन विस्तरौ ॥ परि ताकौ ऐसो बल भारी ॥ काटी माया शक्ति हमारी ॥ ३८ ॥ एते परि सब औगुण तजै ॥ उलटि आइ मम चरणनि भजै ॥ अरु सब सुख ताकै बस रहैं ॥ सो ताजि मोहि कछु नहिं गहैं ॥ ३९ ॥ बहु तनके भवबंधदहै ॥ नाम प्रगट करि मेरौ कहै ॥ तिन तिनकों मम चरननि ल्यावै ॥ सदा सबनितैं आपु छिपावै ॥ ४० ॥ अहंकार ममता नहिं आनै ॥ मोहि छोडि दूजो नहिं जानै ॥ गुणातीत ता जनके पाछै ॥ यह तन धारि फिरोमें आछे ॥ ४१ ॥ सातिक गुणधारी यह दैह ॥ करौ सुद्धता चरणनि पेह ॥ निह कंचन तनहुं नहिं रक्त ॥ मोही सौ तिनहीं अनुक्त ॥ ४२ ॥ सीतल हृदय विगत अभिमाना ॥ कृपावंत सब एक समाना ॥ केहुं काम चलै नहिं बुद्धी ॥ मोही सेइ पाइ अतिसुद्धि ॥ ४३ ॥ मुक्ति हुतैं नितनि स्पृह रहै ॥ ते जन मेरे सुषकौ लहै ॥ तासुखकौ सुख जानै तेई ॥ और सकल समझै नहिं केई ॥ ४४ ॥ निस्पृह जननी सुख पावै ॥ स्पृहावंतके निकट न आवै ॥ विषय सुषनि बस मानव होई ॥ इंद्रिय जीत सकै नहिं कोई ॥ ४५ ॥ परि आधीन होई मम जवहीं ॥ विषय कछु न सकैं करि तबही ॥ विषय शत्रुमें सकल निवारौ ॥ आप मिलाऊं भव भय टारौ ॥ ४६ ॥ पावक प्रकट कण्ठो ले अस्म ॥ होइ प्रचंड करै सब भस्म ॥ त्यों मम भक्ति प्रकट जो होई ॥ जौरे पाप रहैं नहिं कोई ॥ ४७ ॥ बहुरि पापकौ निकट न आवैं ॥ भक्ति प्रताप मोहिसो पावैं ॥ साधै सिद्ध जोग अष्टांग ॥ बहुविधि जज्ञ होई जो सांग ॥ ४८ ॥ सांख्य विचार सकल जो जानैं ॥ बेद पढ़ैं देवें बहु दानैं ॥ तपहिं करें इंद्रिय मन बाधैं ॥ और सकल धर्मनिकौ साधैं ॥ ४९ ॥ तोहु मोहि कदैं नहिं पावै ॥ भक्ति मोहि ततकाल मिलावै ॥ एक मोहि भक्ती बसकरै ॥

दूजेतें अति अंतर परै ॥ ५० ॥ श्रद्धा सहित करे मम भक्ती ॥ तासों मेरी अति आसक्ती ॥
 में ब्रह्मादि सकलको इस ॥ मो बिन औरे सकस अनीस ॥ ५१ ॥ सो में भक्तनके आधीन ॥
 ते मोसों ज्यों जलसों मीन ॥ जो चंडाल भक्तिमें आवै ॥ ताही तन निरमलता पावै ॥ ५२ ॥
 वर्णाश्रम सब बंदन करै ॥ ता पदरेणु सीसपर धरै ॥ तीनों भवन दास सब ताकै ॥ मेरी भक्ति
 विराजै जाकै ॥ ५३ ॥ विद्यापटै धर्म बहुकरै ॥ जीवदया बहुविधि विस्तारै ॥ सत्यवंत अरु दृढ
 संतोष ॥ कबहुं कहूं करै नहिं रेष ॥ ५४ ॥ कष्ट सहित पूरण तप साधै ॥ मन इंद्रिय देहादिक
 बाधै ॥ तीरथ वृत्तनि आदिदे जेतै ॥ सब आचर्ण करे जो तेतै ॥ ५५ ॥ परिजो मेरी भक्ति न
 होई ॥ तो निरमल नहिं होवै कोई ॥ बिन रोमांच द्रवें विनचित्त ॥ आनंदाश्रु कला बिन निच
 ॥ ५६ ॥ तौलों साध भक्ति नहिं कहैं ॥ भक्ति विना उरसुद्ध न लहैं ॥ द्रवै प्रेमतो जाकौ चेत ॥
 कबहुं रोवे मेरे हेत ॥ ५७ ॥ कबहुं गदगद बाणी होई ॥ कबहुं ऊंचे गावे सोई ॥
 कबहुं मधुर सुर गावैं ॥ कबहुं प्रेममगन रहिजावै ॥ ५८ ॥ कबहुं नृत्य प्रेम
 वस करै ॥ कबहुं हसे गुणनि विस्तारै ॥ लोकवेदकी लाज न जानै ॥ ज्यों उनमत्त सकल यों
 ठानै ॥ ५९ ॥ जे एसो मेरो जन होई ॥ त्रिभुवन सुद्ध करत है सोई ॥ सकल भुवनके पापनि-
 वारे ॥ सकल भुवनको सो जनतारै ॥ ६० ॥ जेसैं हेम मलिनता होई ॥ बहुजल मांहि धोइजें
 सोई ॥ औरहि जगत बहुत विधि कीजै ॥ हेमहि बहुत कसोटी दीजैं ॥ ६१ ॥ परिकेई
 बिधि शुद्ध न होई ॥ कोटी जगत करै जो कोई ॥ सोई हेम अग्निमें दीजैं ॥ देकरि फूंक तस
 अतिकीजैं ॥ ६२ ॥ तातैं कोई मल नहिं रहैं ॥ अपने सुद्धरूपको गहै ॥ त्योंही जतन

करै बहुकोई ॥ परिआतम निरमल नहिं होई ॥ ६३ ॥ मेरी भाक्ति मांहि जब आवै ॥
 तब सबकर्म मेल छिटकावै ॥ निरमल होइ लहे निजरूप ॥ पावै मोहि तजै भव
 कूप ॥ ६४ ॥ ज्यों ज्यों मेरी भक्तिहि करै ॥ मेरे गुणनि हृदयमें धरै ॥ श्रवन कीरतन सुमर
 ठानै ॥ ज्यों ज्यों और वासना भानै ॥ ६५ ॥ त्यों त्यों हृदय प्रकाशे ज्ञान ॥ देषे ब्रह्म मिटै सब
 आन ॥ द्वैतभाव कितहुं नहि रहै ॥ निरभय निजानंद पद लहै ॥ ६६ ॥ नैननि मांहि रोगज्यों
 होई ॥ तातै कलु न देखे सोई ॥ पुनि ज्यौ ज्यौ ओषदहि लगावै ॥ त्यों त्यों दृष्टि होत नितआ-
 वै ॥ ६७ ॥ त्यों त्यों वस्तु सकलकौ देखै ॥ आपुहि परम सुखी करि लैषै ॥ तातै भक्ति रूप दृढ
 अंजन ॥ जातै देषे देवनिरंजन ॥ ६८ ॥ जो संसार सुखनिकौ ध्यावै ॥ सो संसार मांहि वहिजा-
 वै ॥ अरु जो ध्यावै मेरे चरना ॥ पावे मोहि मिटे भव मरना ॥ ६९ ॥ तातै सब साधन भ्रम जा-
 नो ॥ सुपन समान द्वैत सब मानो ॥ मनक्रमवचन सकलकौ त्यागौ ॥ निशदिन ममचरणनि
 अनुरागौ ॥ ७० ॥ जो या भवहि चहै छटिकायौ ॥ अरु चाहै मम चरणनि आयौ ॥ ते तिनकी
 संगति परिहरै ॥ जे नर जुवातिसौं बाताहि करै ॥ ७१ ॥ जुवती सुखनि सुनै नहिं श्रवना ॥ नैनन
 देखे करे न गवना ॥ कबहुं भूलि हृदय नहिं आनै ॥ मनक्रमवचन निरंतर भानै ॥ ७२ ॥ ऐसे
 बंधन कहूं न होई ॥ कोटी संग करे जो कोई ॥ ज्यों जोषित अरु जोषित संगी ॥ बंधन करे होत
 प्रसंगी ॥ ७३ ॥ तातै तिनकी संगति तजै ॥ सावधान मम चरणनि भजै ॥ निरभय ठौरकरै अ-
 स्थाना ॥ मो बिन संगतजै सब आना ॥ ७४ ॥ मेरो ध्यान निरंतर करै ॥ प्रेमसहीत हृदयमें
 धरे ॥ कृष्णवचन सुनि हृदये राखै ॥ उद्धव और प्रणकीं भाषै ॥ ७५ ॥ उद्धव उवाच ॥ ॥ चौपा

ई ॥ हेप्रभु तुमहि कौन विधि ध्यावै ॥ कौन रूपमें चित्त लगावै ॥ मेंतो सुगत सेइ तुमचरना ॥
 पगिजो चहै मिठायौ मरना ॥ ७६ ॥ कृपासिंधु तुम करुणा करौ ॥ ध्यान जोग बानी बिस्तारौ ॥
 सुनि उद्धव निजजनकी बानी ॥ श्रीहरिजी आपु बखानी ॥ ७७ ॥ ॥ श्रीभगवानुवाच ॥ ॥
 चौपाई ॥ उद्धवतोकोँ ध्यान सुनाऊं ॥ जोग सहित सब अंग बताऊं ॥ जोगसहित जो ध्यानहि
 करै ॥ तो मन बेग रजहि परिहरै ॥ ७८ ॥ सम आसनमें आस्थिर होई ॥ जंघनि परि राषे कर दोई
 देह समान चले नहिं दोलै ॥ नासा दृष्टि कछु नहिं बोले ॥ ७९ ॥ इडा पुरि कुंभक थिरधरै ॥
 पुनि रेचक पिंगुला निसारै ॥ बहुरौ पुरि पिंगुला द्वारा ॥ इडा निसारे वाखंवा ॥ ८० ॥ इंद्रिय
 अर्थ सकल परिहरै ॥ मेरौ हेत हृदमें धरै ॥ उद्धव द्वै विधि जोग कहावै ॥ ताको भेद गुरुतैं पावै ॥ ८१ ॥
 मंत्र सहितसो नाम सगर्भ ॥ मंत्र बिनासौं कहैं अगर्भ ॥ तातैं सो सगर्भसैं नाम ॥ सो उत्तम
 हें प्राणायाम ॥ ८२ ॥ परै राषे रेचक करै ॥ ॐकारमंतर ऊर धरै ॥ घंटा नाद तुल्य उर
 ध्यावै ॥ तासौ मिलि करि प्राण चलावै ॥ ८३ ॥ यों त्रिकाल अभ्यासे कोई ॥ प्राण मासहीमै
 स्थिर होई ॥ बहुरौ हृदय कमलको ध्यावै ॥ अष्ट पांसरीसों विकसावै ॥ ८४ ॥ ऊंघै सुखसौं
 उद्ध विकरै ॥ ताके मध्य सूर्यहीं धरै ॥ सुरजमै पूरण ससि आनै ॥ शशिमें अनल तेजमय
 जानै ॥ ८५ ॥ अनल मध्य ममरूपाहि ध्यावै ॥ परम प्रीतिसौ मनहि लगावै ॥ अंगुष्ठ समहि
 चतुर्भुजरूप ॥ अतिसीतल सुखदान अनूप ॥ ८६ ॥ नूतन सजल मेघतन स्याम ॥ तडिततु
 ल्य अंबर रुचि धाम ॥ मंदहास सोभानिधि आनन ॥ मकराकृत कुंडल सुभ कानन ॥ ८७ ॥
 कंठै कौस्तुभमाणि वनमाला ॥ उर भृगुलता लक्ष्मी विशाला ॥ शंख चक्र गंदा अरु पद्म ॥ हस्त

चार सोभा अति सन्न ॥ ८८ ॥ हेम मुकुट हीरामनि जन्मौ ॥ अति सोभायमान सिर धन्यौ ॥
 भालतिलक अंबुज वर नयन ॥ भक्तप्रसाद सुधाको अयन ॥ ८९ ॥ कर कंकन अंगद मुद्रिका ॥
 पग नूपुर कटिमै धुद्रिका ॥ अंकुश वज्र ध्वजा अरविंद ॥ चिह्नित चरण हरण दुष द्वंद ॥ ९० ॥
 नष मणि गणकी प्रभा प्रकास ॥ उर अज्ञान अंध तमनास ॥ और सकल अंगति सब भूषन ॥
 जिनकैं ध्यान मिटैं सब दूषन ॥ ९१ ॥ वय किसोर परमहि सुकुमार ॥ नष शिख ध्यावै वारंवार ॥
 चरणनिते प्रति अंगहि ध्यावै ॥ एकगहै एकहि छटिकावै ॥ ९२ ॥ यौले नषतें शिष परजंत ॥
 निसदिन हृदये ध्यावै संत ॥ और वासना सब परिहरै ॥ मेरोरूप अडि गमन धरै ॥ ९३ ॥
 याविधि मन जब निहचल होई ॥ तब फिर अंगन ध्यावे कोई ॥ अतिसुन्दर सुषमै मन धारै ॥
 और सकल चितवनहि निवारै ॥ ९४ ॥ याविधि मन अपने वस होई ॥ तब विराटमैं धारै
 सोई ॥ सकल विराटरूप मम जानै ॥ मोतैं भिन्न कछु नहि मानै ॥ ९५ ॥ यौ विराट ममरूपहि
 जानी ॥ निहचल भयो भेदको भानी ॥ तब ताहूंतें मनहि निवारै ॥ शुद्ध निरंजन ब्रह्म विचारै
 ॥ ९६ ॥ ब्रह्मविचार निरंतर करे ॥ सब आकार दूरि परिहरे ॥ आतम ब्रह्म एक करि देखे ॥
 चेतन रूप अखंडित लेखे ॥ ९७ ॥ निजानंद निहचल निरधारा ॥ सत्य स्वरूपवार नहि पारा ॥
 एक अजन्मा आपैं आप ॥ सुखदुख रहित पुन्य नहिपाप ॥ ९८ ॥ काल न धर्म जीब नहि
 माया ॥ आपैं आप निरंजन राया ॥ जैसें अग्नि अखंडित होई ॥ तातें उठें पतंगा सोई
 ॥ ९९ ॥ बहुरि अग्नी मांहि समावैं ॥ तबहि पतंगा नाम गवावैं ॥ ऐसें आतम ब्रह्म
 विचारै ॥ एक जानि करि द्वैत निवारै ॥ १०० ॥ ऐसी भांति विचारहि करतै ॥ निसदिन

ब्रह्म मांहि मन धरै ॥ त्रिगुणाकार सकल भ्रम भागै ॥ होइ ब्रह्म सोवत ज्यों जागै ॥
॥ १०१ ॥ ह्वै करि ब्रह्म ब्रह्ममिलि जावै ॥ जहांहुतें बहुरी नहि आवै ॥ ऐसी विधि भव
दुःखनि दहै ॥ मेरो निजानंद पद लहै ॥ १०२ ॥ ॥ दोहा ॥ ॥ यह पैडो तोसो
कह्यौ जाकरि हरिपुरि जाइ ॥ परियामैं बहु विघनहैं ते भाषौं समुझाइ ॥ १०३ ॥
इति श्रीभागवतेमहापुराणेएकादशस्कंधे श्रीभगवदुद्धवसंवादेभाषायांचतुर्द-
शोऽध्यायः ॥ १४ ॥

॥ दोहा ॥ ॥ कह्यो पंदरहीं ध्यायमैं सिद्धि धारणाधार ॥ परम ज्ञानमैं ऊ-
पजै, अंतराय तिनलार ॥ १ ॥ ॥ श्रीभगवानुवाच ॥ ॥ चौपाई ॥ ॥
उद्धव जागे पंथ समुझाऊं ॥ तामें बहुतें विघ्न बताऊं ॥ जो इंद्रिय मन प्राणहि बाधैं ॥ सावधा-
नहै जो गहि साधैं ॥ १ ॥ मोमें धैर अपनों चित्त ॥ ताकौं सिद्धि विघ्नहैं निच ॥ जोतिन
सिद्धिनिकौं परिहरै ॥ सो मम चर्णनिकौं अनुसरैं ॥ २ ॥ तिनसौं कबहुं रहैं भुलाई ॥ तो श्रम
सकल वृथाहीं जाई ॥ ऐसैं कृष्णबचन उरधारैं ॥ उद्धव कीनों प्रण विचारैं ॥ ३ ॥ उद्धव
उवाच ॥ ॥ चौपाई ॥ केइ प्रकार धारण देव ॥ अरु सिद्धिनिकौं कइ विधि भेव ॥ तिनके
नाम कृपाकरि कहौं ॥ जोगिनिकेविघ्ननिकौं दहौं ॥ ४ ॥ तुमआधीन सिद्धिहे सकल ॥ तुमरि
कृपातैं होई अकल ॥ उद्धव प्रण हृदमें धारी ॥ तब बोले गोपाल मुरारि ॥ ५ ॥ श्रीभगवा-
नुवाच ॥ ॥ चौपाई ॥ उद्धव सिद्धि अठारह कहियैं ॥ मम धारणा करतैं लहियैं ॥ तिनमैं

अष्टसिद्धि प्रधान ॥ दश मध्यमते करौ बषान ॥ ६ ॥ अथ अष्ट प्रधान सिद्धि ॥ जातैं देहरूप
 अणु होई ॥ कितहुं नहीं आवर न कोई ॥ अणिमा सिद्धि नाम यह जानौ ॥ महा मोहनी
 माया मानौ ॥ ७ ॥ १ ॥ जो तन करै महा विस्तार ॥ जहां तहां कछु वारन पार ॥ महिमा
 नाम सिद्धिसो कहियै ॥ कबहुं ताकौ भूलिन गहियै ॥ ८ ॥ २ ॥ जो यह देहहि अति लघु
 करै ॥ मुष्टि न आवै दृष्टि न परै ॥ सो यह लघिमा सिद्धि कहावै ॥ मम जन याकैं निकट न
 आवै ॥ ९ ॥ ३ ॥ जे जे इंद्रिय भोगनि करै ॥ जहां विषयनि विस्तारै ॥ तिन सब भोग निजा
 करि लहियै ॥ प्राप्ती नाम सिद्धिसो कहियै ॥ १० ॥ ४ ॥ एक ठौरही बैठोरहै ॥ देषे सुने सक-
 लकी कहै ॥ ताहि अंगोचर रहे न काई ॥ सो प्रकाशक सिद्धि कहाई ॥ ११ ॥ ५ ॥ इंद्रिय
 देह बुद्धि मन प्रान ॥ तिहुंलोक जिनको अस्थान ॥ तिनको त्यों परे ज्यों जानै ॥ ताहि ईशि-
 ता सिद्धि बषानै ॥ १२ ॥ ६ ॥ विषय सुषनिकों कदै न गहै ॥ जातैं अति आनंदित रहै ॥ वसिता नामक
 सिद्धि कहावै ॥ मेरो भक्त निकट नहिं आवै ॥ १३ ॥ ७ ॥ जो जो इच्छा मनमें ल्यावे ॥ सो सो सकल पल-
 कमें पावे ॥ नाम अवसिता सिद्धिहि सोई ॥ मेरो जन आदरै न कोई ॥ १४ ॥ ८ ॥ अष्टसिद्धि ए अती प्रधा-
 न ॥ इनतें मध्यम भाषों आन ॥ अथ दश गुण हेतु सिद्धि ॥ तनके गुण व्यापें नहिं कोई ॥ नाम अनुरमी
 कहिये सोई ॥ १५ ॥ १ ॥ दूर विश्रवन सुने सब बैन ॥ २ ॥ दूरसरस देषे सबनैन ॥ ३ ॥ मनके बेग मनो
 जव धावै ॥ ४ ॥ कामरूप बहुरूप बनावै ॥ १६ ॥ ५ ॥ परके तनमें करे प्रवेस ॥ सिद्धि छठी
 परकाय प्रवेस ॥ ६ ॥ निज इच्छातैं तजै शरीर ॥ सो स्वच्छंद मृत्यु है वीर ॥ १७ ॥ ७ ॥ मिलै
 अप्सरनि विजरे देवा ॥ पैंपै तिनहि लहें सब भेवा ॥ सो सुर क्रीडा परसन कहियै ॥ मिथ्याफल

हे कदै न गहियै ॥ १८ ॥ ८॥ जो संकल्प करे सो होई ॥ जथा संकल्प कहियै सोई ॥ ९ ॥
जहा गयौ चाहै तह जावै ॥ अप्रतिहतगति सिद्धि कहावै ॥ १९ ॥ १० ॥ ए दशमिलि अष्टा-
दश कहियै ॥ औरौ पंच तुच्छ नहिं गहियै ॥ अथ पंच तुच्छ सिद्धि ॥ वर्तमान अरु भूत
भविष्य ॥ सब कछु जाने लष्य अलष्य ॥ २० ॥ यहहै सिद्धि त्रिकाल ज्ञान ॥ आगे सिद्धि
वषानैं आन ॥ १ ॥ सीत उष्ण आदिक जे द्वाद्व ॥ तिनहि निवारै सो अद्वाद्व ॥ २१ ॥ २ ॥
परके मन आदिककूं जाँनै ॥ सो अभिज्ञता सिद्धि बखानै ॥ ३ ॥ विष अरु अग्नि सूर्य जल
थंभा ॥ जातैं हेवे इसो अचंभा ॥ २२ ॥ प्रतिष्ठंभ सो सिद्धि कहावै ॥ हरिजन ताके निकटन
आवै ॥ ४ ॥ काहू सौ जीत्यो नहिं जाई ॥ सो अपराजय सिद्धि कहाई ॥ २३ ॥ ५ ॥ वै अष्टा-
दश अरु ए पंच ॥ मिलितेईसे सकल प्रपंच ॥ ऐसैं मूलरूप उच्चारी ॥ साषा बहुत नहीं
विस्तारी ॥ २४ ॥ २३ ॥ मम धारणा करतैं आवैं ॥ जोगिनकौं बहुविधी चलौवैं ॥ जो तिनतैं
वेचलेन कबहीं ॥ तो मम चर्णनि पावै तबहीं ॥ २५ ॥ जाहिधारणातैं जो आवै ॥ ऐसैं जोगीकूं
विचलावे ॥ सो सब उद्धवतोसों कहौं ॥ जोग पंथके विघ्नानि दहौं ॥ २६ ॥ सगुणरूप जो कछु विस्तारा ॥
सो नानाविधि रूप हमारा ॥ ताही ताहि मांहि मन लावै ॥ तैसी तैसी सिद्धिहि पावै ॥ २७ ॥
अथ सिद्धि साधन तेवीस ॥ २३ ॥ शब्द स्पर्श रूप रस गंधा ॥ पंचभूतके सूक्ष्म बंधा ॥
तिनमें जा जामें मनलावै ॥ ता ताके रूपहि मिलि जावै ॥ २८ ॥ महत्तत्त्वमें मनहि लगावै
पंचभूत साष करि ध्यावैं ॥ जा जा साषांमें मनधारै ॥ ताही ता समदेह बधारै ॥ २९ ॥ २ ॥
पंचभूतके जे परमानू ॥ तिनमें जोगी धारैं ध्यानू ॥ ता ता सम लघु देहाहि करै ॥ काहंसों

कहु गहौ न परै ॥ ३० ॥ ३ ॥ सातिक अहंकार मन धारै ॥ ताकौ मेरो रूप विचारै ॥ तबजे
 इंद्रिय भोगनि करै ॥ बहुत भांति विषय विस्तारै ॥ ३१ ॥ ते ते सुख ए जोगी पावै ॥ सो वह प्राप्ति
 सिद्धि कहावै ॥ ४ ॥ मेरो सूत्ररूप मन आनै ॥ तातैं त्रिभुवनकी गति जानै ॥ ३२ ॥ ज्योंकर दीवाले
 घर देखै ॥ यों त्रिभुवन आचर्णनि पेखै ॥ ५ ॥ मेरे कालरूप मन धारै ॥ सब व्यापक सब ईस वि-
 चारै ॥ ३३ ॥ तातैं सिद्धि ईशिता पावै ॥ त्रिभुवन जाने त्यों वरतावै ॥ जाही सौं जोई करवावै ॥
 ताके अंतर त्यों उपजावै ॥ ३४ ॥ ६ ॥ आदिपुरुष जो मेरो रूप ॥ तामे धारे चित्त अनूप ॥
 तातैं वासिता सिद्धि पावै ॥ विषयनि विन आनंद बढ़ावै ॥ ३५ ॥ ७ ॥ निरगुण ब्रह्म-
 मांही मन धारै ॥ सब करता सब ईस विचारै ॥ तातैं सिद्धि अबसिता लहै ॥ सोई सो पावै
 जो चाहै ॥ ३६ ॥ ८ ॥ शुद्ध सत्त्वमय मोहि विचारै ॥ तामैं जोगी मनको धारै ॥ तातैं सुद्ध
 आपुहीं होई ॥ षट उरमि व्यापे नहिं कोई ॥ ३७ ॥ ९ ॥ गगन धार प्राण मन धारै ॥ शब्द
 रूप उर मांही विचारै ॥ तब जहँ लगे पवन आकाश ॥ सुने तहां लौं वचन निवाश ॥ ३८ ॥
 ॥ १० ॥ नैननिमै सूरजको धारै ॥ अरु सूरजमें नैन विचारै ॥ अपरिच्छन्न मोहिकों लेषे ॥ तब
 सो तिहुं लोकको देषे ॥ ३९ ॥ ११ ॥ पवनसाहित मोमें मन धारै ॥ जहां तहां मम रूप विचारै ॥
 ऐसैं मनको जहां चलावै ॥ मनके वेग तहां ऊजावै ॥ ४० ॥ १२ ॥ सारे मेरे रूप विचारै ॥ तिन-
 ही तिनमें मनको धारै ॥ चाहै भयो रूप तब जोइ ॥ वानर लागै होवे सोई ॥ ४१ ॥ १३ ॥
 कन्यो प्रवेसाहि चाहै जामै ॥ ध्यान आपुनौ आने तामैं ॥ तब ता तनमें जावे एसैं ॥ भृंग
 फूलतें फूलाहि जेसैं ॥ ४२ ॥ १४ ॥ मूल द्वार पग बंध लगावै ॥ प्राण चलाइ सीसमे ल्यावै ॥

ब्रह्मरंध्रमें गमनहि करै ॥ जो मन होइ तांहि अपुसरै ॥ ४३ ॥ १५ ॥ स्वर्ग देव सुर बनिता
 ध्यावै ॥ मेरो रूप जानि मन ल्यावै ॥ तबते सहित विमानहि आवै ॥ ते जोगीकूं सुख उप-
 जावै ॥ ४४ ॥ १६ ॥ जो जो वस्तु हृदमें धारै ॥ ता ताको प्रभु मोहि विचारै ॥ सोई सो पावे
 ततकाल ॥ जबहीं चाहे काल अकाल ॥ ४५ ॥ १७ ॥ सकल नियंता सबको ईस ॥ नित स्वा-
 धीन सकलके ससि ॥ जोगी एसो मोकों ध्यावै ॥ ताकी आणन कोइ मिटावै ॥ ४६ ॥ १८ ॥
 ज्ञान रूप सब अंतरजामी ॥ ध्यावै मोहि सकलको स्वामी ॥ अपनी जानै जन्म मरनकी ॥
 ज्ञान त्रिकाल सबके मनकी ॥ ४७ ॥ १९-२० ॥ प्रकृति गुणनितैं न्यारो जानै ॥ अरु तिन-
 को स्वामी करि मानै ॥ ध्यावै मोहि अद्वंद्व ॥ तब कोई नहिं व्यापै द्वंद्व ॥ ४८ ॥ २१ ॥ सबमें
 व्यापक सकल अतीत ॥ लिपे न मूर अग्नि जल सीत ॥ एसो मोको ध्यावै कोई ॥ एसो
 लक्षण पावै सोई ॥ ४९ ॥ २२ ॥ जे मेरे आवतारनि ध्यावै ॥ आयुध छत्र चमर मन ल्यावै ॥ ता-
 को कहु न पराजय होई ॥ सबहिन मांहि विराजे सोई ॥ ५० ॥ २३ ॥ यों धारणा
 करै मम जोई ॥ सिद्धिनि पावै जोगी सोई ॥ परिण अंतरायहें सारै ॥ मेरे भक्तनि
 दूरि निवारै ॥ ५१ ॥ मोतैं ए इनतैं में नाहीं ॥ तातै मम जन निकट जाहीं ॥ मो-
 हि न लहैं नहि जे लेवैं ॥ मोहि भजैं तिनको ए सेवैं ॥ ५२ ॥ मोहितैं उतपति सब इनकी ॥
 में प्रतिपाल करौं तिन तिनकी ॥ मम आधीन सिद्धि अरु जोग ॥ सांध्यरु ज्ञान धर्म धन भोग
 ॥ ५३ ॥ सबको जनक सकलको स्वामी ॥ मैं सब इनको अंतरजामी ॥ सबमें बाहिर भीतर
 एक ॥ मोमें वरतै सकल अनेक ॥ ५४ ॥ पंचभूत सब भूतनि मांहीं ॥ बाहिर भीतर दुजा

नाहीं ॥ त्यों सबमेंहीं नाहीं आन ॥ आनदृष्टि सोई अज्ञान ॥ ५५ ॥ तातें द्वैत भाव नहिं
 आनै ॥ मेरो रूप सकल करि मानै ॥ साधन सिद्धि सकल भ्रम तजै ॥ मेर चर्ण निरंतर भजै
 ॥ ५६ ॥ मम प्रसाद मम चर्णनि पावैं ॥ अति अपार भवदुःख मिटावैं ॥ यह में तासों भाष्यौ
 ज्ञान ॥ यातें और सकल अज्ञान ॥ ५७ ॥ दोहा ॥ एक ब्रह्म करि देषनौ, यह सुनि
 दुष्कर ज्ञान ॥ पूछी विष्णु विभूति तब, उद्धव परम सुजान ॥ ॥ इति श्रीभाग-
 वतमहापुराणे एकादशस्कंधे श्रीभगवदुद्धवसंवादे भाषायां पंचदशोऽध्यायः १८
 ॥ दोहा ॥ कहत सोलमैं ध्यायमैं, प्रगट रूप इह देश ॥ ज्ञान वीर्य प्रभाव सब,
 वर्णन करी विशेष ॥ १ ॥ उद्धव उवाच ॥ चौपाई ॥ तुमहो परम ब्रह्म अविनासी ॥
 चिदानंद विज्ञान प्रकासी ॥ आदिरु अंत मध्य नहिं जाकौ ॥ कोई भेद लहे नहिं ताकौ ॥ १ ॥
 तुमही सकल जगत उपजावौ ॥ तुम प्रतिपालौ तुम विनसौ ॥ तुम सब बाहिर अरु सब
 मांही ॥ सदा अलिप्त लिपौ कहु नाहीं ॥ २ ॥ जहां तहां तुमहींहो एका ॥ इह सब भ्रम जो
 दृष्टि अनेका ॥ हे प्रभु यह जग अति विस्तारा ॥ ऊंच नीच बहु विविध प्रकारा ॥ ३ ॥ अरु
 या जीव सत्य करि मान्यौ ॥ विषयनिसों बहुभांति बधान्यौ ॥ याकै एक दृष्टि क्यौ आवै ॥
 कैसें सकल ब्रह्म करि ध्यावै ॥ ४ ॥ ज्ञानवंत तव जनहें जेतें ॥ ब्रह्म दृष्टि देखतहें ते तें ॥ तातें अब
 तुम करुणा करौ ॥ निजविभूति मोंसों विस्तरौ ॥ ५ ॥ तिनमें देखि सबनिमें देषौ ॥ तब अद्वैत
 ब्रह्म करि लेषौ ॥ सुनि उद्धवके उत्तम बैन ॥ बोले हरिजी करुणा ऐन ॥ ६ ॥ श्रीभगवानुवाच ॥

चौपाई ॥ उद्धव प्रण भली तुम कीनी ॥ जातें परै परमगति चीनी ॥ यहि प्रण अर्जुनने
 करी ॥ तासों जामें विधि उचारी ॥ ७ ॥ तेही विधि अब तोहि सुनाऊं ॥ ऐसैं ब्रह्म दृष्टि
 उपजाऊं ॥ कौरव अरु पांडव कुरुषेत ॥ जबहि जुरै भारतकै हेत ॥ ८ ॥ तब अर्जुन कौरवहूं
 विषै ॥ सकल बंधु अपने करि लिषै ॥ इन सबहिनकों जो में मारों ॥ आपुहि आप नरकमें
 डारों ॥ ९ ॥ ऐसी विधि आन्यौंहंकार ॥ आपुहि मान्यौं मारनहार ॥ तबमें ताहि
 ज्ञान समुझायौ ॥ ताकौ तब अज्ञान मिश्रायौ ॥ १० ॥ प्रणकरी अर्जुन तब एसी ॥ तुम
 मासों कीनीहै जैसी ॥ तातें उत्तरकौ उचरौ ॥ या विधि ब्रह्मदृष्टिकौ करौ ॥ ११ ॥ उद्धव में
 सबहिनको स्वामी ॥ अरु सबहिनको अंतरजामी ॥ आपहुनैं सबकौ उपजाऊं ॥ सब पापों सब
 कौं वरताऊं ॥ १२ ॥ सकल रहै मेरे आश्रित ॥ मोहीमें सब होवैं लीन ॥ तातें सब में दूजा ना-
 हीं ॥ यौं विभूति जानो मन मांहीं ॥ १३ ॥ परितोसों विशेषसों कहौ ॥ तेरी दैत दृष्टिकौ दहौ ॥
 सब रक्षकनि मांहि में रक्षक ॥ तिनमें काल सकल जे भक्षक ॥ १४ ॥ सोमें प्रकृति गुणनिकी
 आदी ॥ पंचभूतमें में भूतादी ॥ सूत्रहि सकल गुणिनिमें जानौ ॥ बडे मांहि महत्तत्वाहि मा-
 नो ॥ १५ ॥ सूक्ष्मनि मांहि जीव सुहि देषो ॥ सब दुर्जयनि मांहि मन लेषौ ॥ बेदनिमें ब्रह्मा
 सुहि जानौ ॥ ॐकार मंत्रनिमें मानौ ॥ १६ ॥ छंदनिमे गायत्रीछंद ॥ में अकार अक्षरके वृंद ॥
 में सबदेवनि मध्य पुरंदर ॥ सकल वसुनमें में वैश्वानर ॥ १७ ॥ नीलकंठ एकादश हरमें ॥
 विष्णुनाम द्वादश दिनकरमें ॥ तिनमें भृगुजे सप्त महाऋषि ॥ तिनमें मनुजै सबै राजऋषि ॥
 ॥ १८ ॥ देवऋषिनिमें नारद जानौ ॥ कामधेनु धेनुनमें मानो ॥ सिद्धनिमें में कपिल स्वरूप ॥

पंखी माही गरुड मम रूप ॥ १९ ॥ प्रजापतिनमें मेंहों दच्छ ॥ तिनमें मकर जहांलौं मच्छ ॥
 वादनिमें अध्यातम वाद ॥ सब असुरनिमें मे प्रह्लाद ॥ २० ॥ तप्तप्रकासक मांहि दिनेस ॥
 जक्ष रक्ष गण मांहि धनेस ॥ तिनमें सोम सकल जे उडुगन ॥ सब धातुनमें मेंहों कंचन ॥ २१ ॥
 गजनिमांहि में गज ऐरावत ॥ में अनंग जे मृष्टि उपावत ॥ तहा वरुग जे सब जलजंत ॥
 नागनिमें मम रूप अनंत ॥ २२ ॥ नरनिमांहि मम रूप नरेस ॥ सर्पमांहि वासुकि सर्पस ॥
 उच्चैश्रवा हयनिमें जानौ ॥ दंडधारि तिनमें जम मानौ ॥ २३ ॥ सकल मृगनिमें में मृगराज ॥
 सरितनिमें गंगा सरिताज ॥ सब आश्रमनि मांहि संन्यास ॥ वर्णनिमांहि विप्र मम वास
 ॥ २४ ॥ सकल सरनमें रूप समुद्र ॥ सकल धनुषधारिनमें रुद्र ॥ मेंहो धनुष आयुधानि मांहीं ॥
 परम निवास मेरु मो मांहीं ॥ २५ ॥ जे अति गहन हिमालय तिनमें ॥ में पिप्पल सब वनस्प-
 तिनमें ॥ में पुरोहितानि मांहि वसिष्ठ ॥ तहां बृहस्पति जे ब्रह्मिष्ठ ॥ २६ ॥ सेनापतिन माहि
 सेनानि ॥ धरम प्रवृत्तक ब्रह्मा जानि ॥ सकल औषधिनमें जंव जानौ ॥ पितरनि मांहि
 अर्यमा मानौ ॥ २७ ॥ ब्रह्मयज्ञ सब यज्ञनि मांहीं ॥ वृत अद्रोह समाको नार्हीं ॥ वायु अग्नि
 जल सूर जबानी ॥ अरु मन ए षट सोधक जानी ॥ २८ ॥ चतुगनि मांहीं आत्मविचार ॥
 ब्रह्मचारीमें सनतकुमार ॥ इच्छिनिमें सत रूपा रानो ॥ पुरुषनिमें स्वायंभू जानी ॥ २९ ॥
 सावधान तिनमें संवत्सर ॥ अभय ठौर तिनमें उर अंतर ॥ मेंहों धर्म अभयको
 दान ॥ गुह्यनमें प्रिय मौन समान ॥ ३० ॥ त्रिया पुरुष संजोगी जे ते ॥ ब्रह्मा-
 हुतें उरें सब ते ते ॥ सकल बानरनिमें हनुमंत ॥ ऋतुनि माहि मम रूप वसंत ॥ ३१ ॥ मार्ग-

शीर्ष मासनिम जानौ ॥ नक्षत्रनिमें अभिजित मानौ ॥ देवलअसित रहित जे दुंदर ॥ कमल
कोस सबहिनमें सुंदर ॥ ३२ ॥ जुगनि मांहि सतजुगसैं नाम ॥ वेदनिमांहि वेदमें साम ॥ व्या-
सनिं माहि व्यास द्वैपायन ॥ तिनमें तुमजें विष्णु परायन ॥ ३३ ॥ कविनि मांहि कवि शुक्र
हि जानौ ॥ सक्तिवंत मम यह तन मानौ ॥ विद्याधरनी मांहि सुदर्शन ॥ पद्मराग तिनमें जे
मणिगण ॥ ३४ ॥ सब तृण जातिनिमें कुस जानौ ॥ होम वस्तुमें गोघृत मानौ ॥ तिनमें धनजे
सब व्यवसाय ॥ जय मारग सब तिनमें न्याय ॥ ३५ ॥ अंग समाधि जोग अंगनिमें ॥ मेंहों
क्षमा क्षमावंतनिमें ॥ धीरजमें जे धीरजवंत ॥ में बल तिनमें जे बलवंत ॥ ३६ ॥ छलहि मां-
हि छलमेंहों जूष ॥ मेरे हेत कर्म मम रूप ॥ वासुदेव संकर्षण वीर ॥ प्रद्युम्न अनिरुद्ध सरि
॥ ३७ ॥ नारायण हयग्रीव महीधर ॥ नरहरि अरु जमदग्नि पुत्रवर ॥ व्यूहार्चन नब पूजा
जानौ ॥ वासुदेव तहैं मोकों मानौ ॥ ३८ ॥ तिनमें थिरता जे सब भूधर ॥ पूरव चित्ति नाम-
क ते अप्सर ॥ मेंहो विस्वावसु गंधर्व ॥ धरणीमांहि गंधमें सर्व ॥ ३९ ॥ रस जल मांहि
शब्द आकास ॥ रवि शशि तारनिमें परकास ॥ तेजस्विनिमें पावक जानौ ॥ विप्र भक्तातीनि
में बलिमानौ ॥ ४० ॥ वीरनि माहीं अर्जुन सार ॥ में सब उत्पति थिति संशर ॥ इंद्रिय मन
बुद्ध्यादिक जे ते ॥ मेरी शक्ति प्रवृत्तें ते ते ॥ ४१ ॥ सबहेतूबहै अर्थनि गहौ ॥ ते जड तिनमें
चेतन रहौ ॥ शब्द स्पर्श रूप रस गंध ॥ तिनमें पंचभूत संबंध ॥ ४२ ॥ इंद्रिय मन महत्तत्त्व
हंकार ॥ त्रिगुण सहित ए प्रकृति विकार ॥ प्रकृति पुरुष जहां कछु जेतौ ॥ मेरो रूप सकलहै
तेतौ ॥ ४३ ॥ मो बिन कहूं कछुहैं नाहीं ॥ मेहीं प्रगट रहौ सब माहीं ॥ जो परमाणु गिणोंमें

जबहीं ॥ तो तीन पारन पावों तबहीं ॥ ४४ ॥ परी मम निरमित जे ब्रह्मंड ॥ तिनकों गितन
परे नहिं खंड ॥ तातें कहौ विभूति कहाँलौ ॥ जो कलु मैरोरूपरातहांलौ ॥ ४५ ॥ औरहु जुग-
ति विभूती कहौ ॥ द्वैत दृष्टि एसी विधि दहौ ॥ लज्जा तेज क्षमा धन दान ॥ सुंदरता ऐस्वर्य
रु ज्ञान ॥ ४६ ॥ बल सौभाग्य धैर्य जद जहां ॥ ममविभूति जानौ तह तहां ॥ एविभूति तोसों
कलु कही ॥ अति अपार कहिवेकों रही ॥ ४७ ॥ मन थिर काजकरि यह जानौ ॥ इह अज्ञान
कदै मतिमानौ ॥ इंद्रिय देह बुद्धि मन प्रान ॥ निश्चल करि देखो भगवान ॥ ४८ ॥ मनतें सब
आकार उतारौ ॥ चेतन मेरो रूप विचारौ ॥ एक अखांडित जहँ तहँ सोई ॥ आपापर दूजा
नाह कोई ॥ ४९ ॥ ऐसौ ज्ञान ब्रह्मको पावौ ॥ ब्रह्महि पाइ जगत नहि आवौ ॥ तन मन इं-
द्रिय बुद्धि प्राना ॥ थिर करि जिनन न धन्यौ मम ध्याना ॥ ५० ॥ ताके बहुत भांति आचरना ॥
जप तप व्रतादिक करना ॥ काँचै कलस भन्यौ जल जैसे ॥ पल पल श्रवि जावै सबतैसैं ॥ ५१ ॥
तातें वचन काय मन प्रान ॥ सबकों बंधकरें मम ध्यान ॥ मोहि ध्याइ मो मांही समावै ॥ ता
संसार मांहि नहिं आवै ॥ ५२ ॥ दोहा ॥ ॥ ज्यों उद्धव तोसों कह्यौ, यह विभूतिकों
ज्ञान ॥ त्योंहीं सूषम थूल सब, देषो श्रीभगवान ॥ ५३ ॥ इति श्रीभागवते महा-
पुराणे एकादशस्कंधे श्रीभगवदुद्धवसंवादे विभूतिवर्णने षोडशोऽध्यायः ॥ १६ ॥ ॥
॥ दोहा ॥ ॥ हंस उक्त स्वधर्म पुनि, भक्ति लक्षणा प्रीत ॥ कही सतरमें ध्याय-
में, वर्णाश्रमकीरीत ॥ १ ॥ श्रीशुक उवाच ॥ ॥ चौपाई ॥ दासनिमें उद्धव निज दास ॥

ए. भा.
॥५२॥

अ. १७

जाके हृदय ज्ञान प्रकास ॥ जिन जीवनकी हित मनधरी ॥ ताँतें प्रण कृष्णसों करी ॥ १ ॥
॥ उद्धव उवाच ॥ ॥ चौपाई ॥ प्रभु तुम कल्प आदि उच्चाऱ्यौ ॥ भक्ति निमित्त धर्म विस्तार्यौ ॥
वर्णाश्रम आदिक नर जेते ॥ तिन धर्मनिसों लागे ते ते ॥ २ ॥ तिनमें कोई भक्तिहि पावै ॥
कोई करम सिंधु बहि जावै ॥ ताँतें तुम करुणामय देवा ॥ भाषो नर धर्मनिको भेवा ॥ ३ ॥
धर्म करत ज्यों उपजे भक्ति ॥ तुमरै चर्ण बढे अनुक्ति ॥ छूटै काल जाल भव कूप ॥ लहे
तुमारों ब्रह्मस्वरूप ॥ ४ ॥ जद्यपि तुम विधिसों विस्तार्यौ ॥ जब प्रभु हंसरूप तन धार्यौ ॥
परिबहु काल कहें भयौ ॥ ताँतें धर्म लीन ह्वै गयौ ॥ ५ ॥ हें कलु और करे कलु ओर ॥ जाँतें
जविन पावै ठौर ॥ ताँतें तुम करुणा करि भाषौ ॥ बहे जाततै जीवनि राषौ ॥ ६ ॥ अरु यह तुमहीं
जानै देवा ॥ तुम बिनऊ दूजो लहै न भेवा ॥ तुमहीं कहौ सुनो उर धरौ ॥ तुमहीं राखौ तुमही करौ ॥ ७ ॥
ब्रह्माहंकी सभा मझारी ॥ वेदजहां नित मूरतिधारी ॥ तहांहु यह कोई नहीं जानै ॥ ज्यों बंधे
त्यों सबे बखानै ॥ ८ ॥ अरु यह कैसे करि मन आवै ॥ कर्मकरे तें भक्तिहि पावै ॥ अरु तुम
याही कौं मन धारौ ॥ जाँतें निज धर्मनि विस्तारौ ॥ ९ ॥ जो वैकुण्ठ प्रयाणो करि है ॥ यह निजधर्म
ता पीछे कोई नहि कहै ॥ यह निज धर्म गुप्तहीं रहै ॥ १० ॥ ताँतें अब तुम करुणा करौ ॥ यह
निजधर्म वेगि विस्तारौ ॥ ऐसी सुनि उद्धवकी बानी ॥ आपुहि बोले सारंगपानी ॥ ११ ॥ श्री-
भगवानुवाच ॥ चौपाई ॥ धन्य धन्य उद्धव जन मेरे ॥ दूजो नहीं बराबर तेरे ॥ मेरो निज जन
कहियै सोई ॥ हेत पराए वरते सोई ॥ १२ ॥ ताँतें तुम परकारज कन्यौ ॥ मोतें परम
धम विस्तार्यौ ॥ उद्धव परम धरम मम भक्ती ॥ और सकलतै करै विरक्ती ॥ १३ ॥

॥५२॥

भक्ति विना जोई जो धर्म ॥ सो सब जानौ परम अधर्म ॥ जबमें कियौ प्रथम संसार ॥ तब नाहि
 होतो विना कर्म बिस्तार ॥ १४ ॥ जेई जे मानव तन धरै ॥ मोही सेईते ते उधरै ॥ ह्वै कृतकृत्य लहै
 मम धाम ॥ तातें सो कृत जुगसैं नाम ॥ १५ ॥ तब अँकार रूप सब वेदा ॥ ऐसैं कलुनहूते
 भेदा ॥ सब इंद्रिय मन निहचल करै ॥ मेरो ध्यान निरंतर धरै ॥ १६ ॥ ऐसैं पापनि परि
 हरै ॥ सब मेरेचरणनि अनुसरै ॥ त्रैता विषे भए मतिमंद ॥ विषयनितें मानैं आनंद ॥ १७ ॥
 तिन निमित्त बहु उद्यम करै ॥ राजस तें पापनि बिस्तरै ॥ तब तिन हेत बेद विस्तरै ॥ बहुत
 भांतिके कर्म निवारै ॥ १८ ॥ वर्णाश्रमके भेद उपाये ॥ न्यारे न्यारे कर्म ग्रहाये ॥ अपनौ धरम
 त्याग जो करै ॥ सो नर जाई नरकमें परै ॥ १९ ॥ ऐसैं बहुविधि भय दिषलायौ ॥ थोरे कर्म
 निमें ठहरायौ ॥ तामें भाष्यौ उत्तम भजन ॥ मोविन सकल कर्मकौ तजन ॥ २० ॥ बहुरो बहु
 आरंभनि चहै ॥ राजसतें नहिं निश्चल रहै ॥ तिनके हेत यज्ञ उपजायौ ॥ विष्णुरूप कहि
 सबनि सुनायौ ॥ २१ ॥ विष्णु जजन कीजैतामाहीं ॥ द्वैत दृष्टि आनीजैं नाहीं ॥ मैं मुषहूतें
 विप्र उपायो ॥ क्षत्रिय बाहुनितैंहि बनायो ॥ २२ ॥ जंघन बैस्य पदनतें सुद्रा ॥ पदनीचे और
 सब क्षुद्रा ॥ पुनि गृहस्थ जंघनतें कियो ॥ ब्रह्मचर्य उर संभव लीयौ ॥ २३ ॥ वक्षस्थल उप-
 ज्यौ बनवास ॥ मस्तकहुतैं रच्यौ संन्यास ॥ तातें पिता सकलमें एक ॥ मोतें उपज्यौ सकल
 अनेक ॥ २४ ॥ तातें मोहि मेटि जोकरै ॥ सो सब जाइ बंधनमें परै ॥ जा जा अंगहुतें जो
 उपज्यो ॥ त्यों त्यों ताको लक्षण निपज्यो ॥ २५ ॥ ऊंचे अंगहुतें तो ऊंचौ ॥ नीचे अंगहुतें
 सो नीचौ ॥ तिनकै बहुविधि भये सुभाव ॥ तातें उपजैं नाना भाव ॥ २६ ॥ सम दम सत्य

क्षमा संतोष ॥ सदोदयाल न उपजै रोष ॥ तप अरु सौच न भ्रम भक्ती ॥ इन लक्षणन
 विप्र अनुरक्ती ॥ २७ ॥ क्षमा तेज बल उद्यम धीर ॥ सूर उदार अचल गंभीर ॥ विप्र भक्त मेरो
 दृढभाव ॥ ए क्षत्रीके भए सुभाव ॥ २८ ॥ बुद्धी आस्तिक दान अदंभ ॥ विप्रभक्त उद्यम
 आरंभ ॥ वैश्य भयो लीनेए लक्षण ॥ मंदबुद्धि परि महा विचक्षण ॥ २९ ॥ गाई अरु ते
 वर्णकों सेवै ॥ तिनैतै कछु मिले सो लेवै ॥ सम संतोष कपटता नाहीं ॥ ऐसे लक्षण सूदनि
 मांहीं ॥ ३० ॥ मिथ्यावादरु हिंसा चोरी ॥ बुद्धि नास्तिक हृदय कठोरी ॥ काम क्रोध अरु
 लोभ विकारा ॥ वर्ण नीचके यही प्रकारा ॥ ३१ ॥ काम क्रोध मद तृष्णा रहित ॥ सत्य क्षमा
 परमारथ सहित ॥ जीवदया अरु तजै अधर्म ॥ यह सबकों साधारण धर्म ॥ ३२ ॥ ब्रह्मचर्यके
 धर्मनि कहौ ॥ जातैं भक्ति उपाई चहौ ॥ विप्र क्षत्रि अरु वैश्य त्रिवरना ॥ इनकों सकल
 वेद विधि करना ॥ ३३ ॥ गर्भाधानादिक संस्कार ॥ तिहुं बरणकों यह आचार ॥ जबते बहुरि
 जनेऊ पावै ॥ तबते गुरुकै निकट रहावै ॥ ३४ ॥ बहुविधि गुरुकी सेवा करै ॥ वेदपढै अर्थनि
 उरधरै ॥ जनेउ मेषला कर जपमाला ॥ दंड कमंडल अरु मृगछाला ॥ ३५ ॥ दंत वस्त्र तन मल
 न निवारै ॥ सीस जटा हस्तनि कुशधारै ॥ आसन चंचल कदैं न करै ॥ लोक वारता हृदे न
 धरै ॥ ३६ ॥ मूत्र पुरीष त्याग आसनाना ॥ होमरु जप भोजन जलपाना ॥ इनमें बचन नहीं
 उच्चरै ॥ नष केसादिक दूर न करै ॥ ३७ ॥ सदा निरंतर दृढव्रत धरै ॥ कबहुं भूलि बिंदु नहिं
 डारै ॥ जो आपहुतैं जावै कबहीं ॥ बहुत भांति पिछतावै तबहीं ॥ ३८ ॥ करि असनानरु प्रा
 णायाम ॥ जापकरै त्रिपदीसैं नाम ॥ अग्नि अर्क गुरु विप्ररु गाई ॥ सुरमुनि ब्रह्मनिन मन

कराई ॥ ३९ ॥ संध्योपासन करै त्रिकाल ॥ वचनन बोले हालन चाल ॥ गुरुकों मेरी रूपहि
जानै ॥ नरकी बुद्धि कदै नहिं आनै ॥ ४० ॥ सर्वदेवमय गुरुकों लैषै ॥ तनके कलु आचरण
न देखै ॥ भिक्षा आदि और कलु जोई ॥ गुरुकों आनि समर्पे सोई ॥ ४१ ॥ जब गुरु ताकी
आज्ञा देखै ॥ तबै प्रसाद आपुहीं लैवै ॥ बैठै ठाढ़े आवत जात ॥ भोजन सयनरु राति प्रभात ॥ ४२ ॥
नीच भांति गुरुसेवा करै ॥ अंजलिसौं पीछै अनुसरै ॥ ऐसें ब्रतहि अखंडित धारै ॥ मनहूंमें
नहिं भोग विचारै ॥ ४३ ॥ ऐसें गुरुकुल वरतै सोई ॥ ज्यों लगि वेद समापति होई ॥ पुनि
ब्रह्माके लोकहि चहैं ॥ तो गृहस्थते नहिं संबाहैं ॥ ४४ ॥ गुरुकों देह समर्पण करे ॥ वेदविचार
हृदेमें धरे ॥ गुरु अरु अग्नि आप सब मांहीं ॥ सैवै मोहि अवर कलु नाहीं ॥ ४५ ॥ जुवाति अरु
जुवातिके संखी ॥ इनको कदै न होई प्रसंगी ॥ दरस परम बानी परहास ॥ त्यागे दूरि मानि अतित्रास
॥ ४६ ॥ सौच आचमन अरु असनान ॥ संध्योपासन गत अभिमान ॥ तीरथ सेवा जप तप मि-
च्छा ॥ तजै दरस संभाषण इच्छा ॥ ४७ ॥ मन अरु वचन देह वसकरै ॥ मेरे चर्ण हृदेमें धरै ॥
अरु मम भजन सबनिकौ धर्म ॥ भजन विना सब धर्म अधर्म ॥ ४८ ॥ ऐसें ब्रह्मचर्य ब्रतधारी ॥
दृढ तप निशदिन वेदविचारी ॥ विगत पाप एसी विधि होई ॥ मेरी भक्ति लहै तब
सोई ॥ ४९ ॥ ऐसी विधि भवसागर तजै ॥ मेरै परम रूपकों भजै ॥ अरु जो कबहीं होई सकाम ॥ तब
सोकरै जुवाति अरु धाम ॥ ५० ॥ केनहि काम गहै वनवास ॥ के अधिकार पाइ संन्यास ॥ अरु जो उपजी
मेरी भक्ति ॥ तो नहीं करे कहूं आसक्ति ॥ ५१ ॥ यह हे ब्रह्मचर्यको धर्म ॥ यातें दूजो सकल अधर्म ॥
अब गृहस्थको धर्म सुनाऊं ॥ सकल गृहस्थनिकों समुझाऊं ॥ ५२ ॥ ब्रह्मचर्य जो नहीं ठहरावै ॥ तो

गृहस्थ आश्रममें आवै ॥ गुरुते वेदपढ़ै सब जबहीं ॥ गुरु दक्षिणा देय पुनि तबहीं ॥ ५३ ॥ गुरुते आ-
 ग्याले उरधरै ॥ तब विधिसौं आश्रमहीं करै ॥ देखै उत्तम कुललक्षण ॥ करै विवाह त्रिया विचक्षण
 ॥ ५४ ॥ ज्यों देखै अपनों अधिकार ॥ त्यौही करै विवाह विचार ॥ विप्र विवाहैं चारों वरना ॥
 विप्र छोडि छत्रीकों करना ॥ ५५ ॥ वैस्य विवाहे वैस्य रु सुद ॥ शूद्र एकहीं ऊंच न क्षुद्र ॥ उत्तम
 सो जो एकहि करै ॥ बहुतानि कष्ट नहीं विस्तरै ॥ ५६ ॥ श्रुति अध्ययन जज्ञ अरु दान ॥ तिहूं
 वर्णकों एक समान ॥ दान ग्रहन जज्ञ करवा वन ॥ अधिक विप्रकों वेद पढावन ॥ ५७ ॥ परि
 ए तीन वृत्तिहै ऐसैं ॥ अग्नि मध्य जल वर्षे जैसैं ॥ इनते ब्रह्मतेज नहिं रहै ॥ तातैं इनैकों विप्र
 न ग्रहै ॥ ५८ ॥ करि शिल उंच देह निरवाहै ॥ तातैं अधिककों नहिं सवाहै ॥ विप्र देह पूरण
 तप पड़यें ॥ विषयनि लागि सुनहीं गवड़यें ॥ ५९ ॥ बहुत भांति कष्ट तप करियें ॥ हरिभजि
 हरिहींकों अनुसरियें ॥ शिलोछ व्रतकरि राखै देह ॥ नहिं ममता जुवती सुत गेह ॥ ६० ॥
 अतिथि पालनौ रज तम नाही ॥ मोहीकों देखै सब मांहीं ॥ जोवन्मुक्त होइ सो विप्र ॥ मेरे
 चरणनि पावे क्षिप्र ॥ ६१ ॥ जो कोई मम भक्तिहि करै ॥ ताकों कछु आपदा परै ॥ सो आपदा
 मिटावै कोई ॥ सोमेरो हितकारी होई ॥ ६२ ॥ ताकों में उद्धारै ऐसैं ॥ नावनसौं अंभोनिधि
 जैसैं ॥ परिक्षत्री निजधर्म विचारै ॥ सकल पालना हिरदै धारै ॥ ६३ ॥ क्षत्री सबके दुःखनिहरै ॥
 सकल जीव प्रतिपालन करै ॥ सोक्षत्री सुखो कहि जावै ॥ वासव सहित महासुख पावै ॥ ६४ ॥
 जो आपदा विप्रकों परै ॥ तोसो बनिज वृत्तिकों करै ॥ जद्यपि षडग वृत्तिहै ऊंची ॥ परिसो अति
 हिंसातें नीची ॥ ६५ ॥ जो क्षत्रीकों परै विपत्ती ॥ तोसोगहै वनिजकी वृत्ती ॥ किंवा विप्रवृत्तिकों

गहै ॥ अथवा मृगया करि निरबहै ॥ ६६ ॥ वैस्यहि पुरै आपदा जबहीं ॥ शूद्रवृत्तिसो धरै
 तबहीं ॥ अरु जो विपत्ति शूद्रकों पुरै ॥ तोप्रतिलोमज वृत्तिहि करै ॥ ६७ ॥ याविधि जबहीं मिटै
 विपत्ती ॥ तबहीं गहै आपनी वृत्ती ॥ पंचजज्ञ ए प्रतिदिन करणें ॥ गृहस्थकों नाहीं परिहरणें ॥ ६८ ॥
 करिकैं पाठ ऋषिनकों भजै ॥ करि कछु होमहि देवानि जजै ॥ भूतानि बलि स्वधा सौं पितर ॥
 जलअन्नादि सकलसो देनर ॥ ६९ ॥ तिन सबनीमें मोकों जाने ॥ और सबानि परकरुणा आनै ॥
 जोही कछु सहज धन पावै ॥ किंवा न्यायतेंहि उयजावै ॥ ७० ॥ तासों लोग अपनो पोषै ॥ ओर यज्ञ
 करि मोहि संतोषै ॥ जेती लागत घरमें होई ॥ ते तोही धन राषे सोई ॥ ७१ ॥ और सकल मम हेत लगा-
 वै ॥ भूलिन दूजै मारग जावै ॥ जद्यपि रहै कुटुंबहु मांहीं ॥ तोहूँ लिपै कदे कहु नाहीं ॥ ७२ ॥ निश
 दिन हृदये करै विचार ॥ मिथ्या जानै सब परिवार ॥ इसी पुत्र बंधु सब एसैं ॥ जलके निकट
 बटाउ जेसैं ॥ ७३ ॥ ए सबयों प्रतिदेहहि आवै ॥ ज्यों निद्रा प्रति सुपना पावै ॥ ज्यों ज्यों जागे
 वारंवार ॥ त्यों त्यों मिटै सुपन व्यवहारा ॥ ७४ ॥ यौही प्रतिदेतहि ए आवै ॥ देह तजै सब
 जित तित जावै ॥ अरु यौही स्वर्गादिक लोक ॥ पाये हर्ष गए अतिसोक ॥ ७५ ॥ तातैं सकल
 वासना दहै ॥ अतिथि समान भवनमें रहै ॥ अहंकार ममता नहि आनै ॥ सब माया बंधन
 करि मानै ॥ ७६ ॥ सब कर्मणि मेरे हितकरै ॥ मोविच अंतराय परिहरै ॥ प्रेमभाव दृढ उरमें
 राषै ॥ औरहि सकल हृदयें नाषै ॥ ७७ ॥ एकहि पुत्र भए बन जावै ॥ किंवा गेहहि मांहि
 रहावै ॥ एसो ग्रही मुक्तकरि मानौ ॥ और कछु हृदये नहि आनौ ॥ ७८ ॥ अरुजौ होइ भवन
 आशक्ती ॥ जुवति सुतादिक सौं अनुरक्ती ॥ विषय सुलंगट तृष्णा आतुर ॥ ज्ञानरहित कर

मनमें चातुर ॥ ७९ ॥ आपुहि परम सताहि न जानै ॥ औरनकी चिंता उर अनै ॥ भाई वृद्ध
पिता हे मेरो ॥ मो बिन दुःख लहै बहुतेरो ॥ ८० ॥ यह अबला लघु संतति जाकी ॥ मोबिन
होइ कहा गति ताकी ॥ ए अनाथ मोबिन सबबाला ॥ क्यों करि जीवें अती विहाला ॥ ८१ ॥
मोबिन इनहि कौन प्रतिपालै ॥ कौनहिं विविध दुखानिकों टालै ॥ ऐसैं निशदिन अनैचिंता ॥
कबहुं नहिं होवै निहचिंता ॥ ८२ ॥ कदेन सुष पावे यालोक ॥ ग्रस्यौ रहै चिंता भयसोक ॥
या विधि चिंता करत अपारा ॥ नरकहि जावै वांवासा ॥ ८३ ॥ दोहा ॥ ब्रह्मचर्य ग्रह-
चर्यकौ, में भाष्यौ इहधर्म ॥ जातैं उद्धव और सो, कछु सब जान अधर्म ॥
॥ ८४ ॥ इति श्रीभागवते महापुराणे एकादशस्कंधे श्रीभगवदुद्धवसंवादे भाषा-
यांसप्तदशोऽध्यायः ॥ १७ ॥ ॥

दोहा ॥ ॥ अष्टादशवें अध्यायमें, वानप्रस्थ संन्यास ॥ अधिकार विशेष
कर, तद्गत करत प्रकास ॥ १ ॥ ॥ श्रीभगवानुवाच ॥ ॥ चौपाई ॥ अबमें
कहों धर्म बनबास ॥ अरु अधिकार सहित संन्यास ॥ जातैं मेरी भक्तिहि पावै ॥ भक्तिपाइ
ममचरणनि आवै ॥ १ ॥ बरष पचासहुतैं उपरांत ॥ तब बनजाइ रहे एकांत ॥ नारि सुतनमें
रहनें देई ॥ जोविधि बनें संगतो लेई ॥ २ ॥ कंदमूल फल वृत्तिहि करै ॥ वलकल मृगछाला
तनधरे ॥ त्रणपत्ताकी सजा संवारै ॥ इंद्रियके सब अर्थनि वारै ॥ ३ ॥ केस रोम नष दूर
न करै ॥ देह दंत मल नहिं परिहरै ॥ भूमि संयन त्रिकाल अस्नान ॥ मलन उतारै मुसल समान ॥

॥ ४ ॥ ग्रीष्म ऋतु पंचामी साधे ॥ बरषामें छाया नहिं बाधे ॥ सीस सकल जल धारास
 है ॥ सीतकाल जल सायर रहैं ॥ ५ ॥ एसी भांतिकरै तप हुष्कर ॥ द्वंद्व न व्यापे ज्यों
 जल पुष्कर ॥ अग्नि पक्क रितु पक्क फलादी ॥ भोजन लघु पवित्र अन्नादी ॥ ६ ॥ मूसल ऊषलके
 पाषाण ॥ केदंतनिसौं षोढे धान ॥ देह जीविका आपुहि आनै ॥ अधिक नग्रहै संच नहिं जानै
 ॥ ७ ॥ तिनहीं तिनसों मौकों जजे ॥ और जज्ञ वनवासी तजे ॥ अग्निहोत्र अरु पूरणमास ॥
 त्योंहीं दरशरु चातुरमास ॥ ८ ॥ इन सबहिनकों मम हित करै ॥ मौंविन और हृदे नहिं धरै ॥
 यों तपकरि मौकों आराधे ॥ प्राणदेह इंद्रिय मन बाधे ॥ ९ ॥ यों हैं सुद्ध लहै मम भक्ति ॥ और
 त्रिगुन विस्तार विरक्ती ॥ यों तबहीं मम चरणनि पावै ॥ केक्रम ब्रह्मलोक है आवै ॥ १० ॥
 अरु जो एसें कष्टहि करै ॥ परि कामना हृदेमें धरै ॥ ता सम मूरख दूजा नहिं ॥ ताके वृथा
 सकल श्रम जाहीं ॥ ११ ॥ यों पंचोत्तर वरषनि पाछै ॥ ग्रहें सुद्ध संन्यासहि आछै ॥ सकल
 क्रियाकों त्यागहि करै ॥ मनसों मम सेवा अनुसरै ॥ १२ ॥ कर्मराचित सब लोकनि जानै ॥
 तातैं छिनभंगुर करि मानै ॥ ताहींहुतें करे सबत्याग ॥ मन वच क्रमसों दृढवैराग ॥ १३ ॥
 वेदविहिता विधि मौकों जजे ॥ ऋत्विजकों सर्वस दै तजे ॥ जब कोई संन्यासहि करै ॥ तब
 सुर बहुत विघ्न विस्तरै ॥ १४ ॥ परि यह विघ्न गणें कलु नहिं ॥ मेरे चरणधरै उरमांहीं ॥ जो
 कबहीं कलु वस्त्रहि राखै ॥ तो कोपिन और सब नाखै ॥ १५ ॥ दंड कमंडलु कर्म धारै ॥ ज्यों
 मल त्यों नहिं और विचारै ॥ देषि देषि धरणी पग धरै ॥ वस्त्रछानि चल पानहि करै ॥ १६ ॥
 सत्यवत बानीकों बोले ॥ हृदय विचार कदे नहिं डोले ॥ मौन धारि बानीको दंडे ॥ अरु का-

याके कर्मनि षंडे ॥ १७ ॥ प्राणायाम मनहि सबकरै ॥ सब इंद्रिय अर्थनि परिहरै ॥ अरु ए चिन्ह
 नहीं जा मांहीं ॥ भेषहु धरे जतीसो नाहीं ॥ १८ ॥ भिक्षा करे सप्त घर विप्र ॥ औरहि कहूं गहै
 नहिं विप्र ॥ सोऊ विप्र चतुर विध जेते ॥ जानी रहे विप्रकों ते ते ॥ १९ ॥ विप्र कहिजे दशहु
 प्रकार ॥ तिनको तुमसौ कहौ विचार ॥ देवविप्र ऋषिविप्रहि जानो ॥ विप्रविप्र अरु क्षत्रीमानो
 ॥ २० ॥ वैश्य सूद्र अरु एक बिडाल ॥ पशु अरु म्लेच्छ विप्र चंडाल ॥ भिक्षा नित अरु पढ़ै
 पढ़ावै ॥ सकल अर्थ अरु तत्त्व बतावै ॥ २१ ॥ इंद्रिय जीतरु सील संतोष ॥ देवविप्र सो निर्गत
 रोष ॥ तप अरु सत्य न हिंसा करै ॥ दिनदिन षट्कर्मनि अनुसरै ॥ २२ ॥ काल लोप कबहुं
 नहिं होई ॥ ऋषि ब्राह्मण कहिय तुहे सोई ॥ बिन हिंसा फलफुलनि त्यावै ॥ तिनहींसौ देह
 वस्तावै ॥ २३ ॥ वरषा साति उष्ण सब सहे ॥ विप्र विप्र नित श्रद्धा गहे ॥ अश्वादिकनिकरे
 आरोह ॥ रणमें सूरत जेतन मोह ॥ २४ ॥ नीति सहित टाने आरंभ ॥ क्षत्री विप्र हरे नहिं दंभ ॥
 जो उद्यम बानिजकों करै ॥ पशु राषे पेती विस्तरै ॥ २५ ॥ सो वह वैश्य ब्राह्मण कहियें ॥ तातें ले भि
 क्षा नहिं गहियें ॥ तेल लून घृत दूधरु लक्षा ॥ तिल अरु नील मही मधु मक्षा ॥ २६ ॥ इनकों
 बनिज करतुहे जोई ॥ शूद्र विप्र कहिय तुहे सोई ॥ सब भूतनिके द्रोहहि करै ॥ सबकै छिद्रनि
 देषत फिरै ॥ २७ ॥ प्रतिदिन हिंससों अधिकार ॥ विष्ट कहावे सो मंजार ॥ भक्ष अभक्ष अका
 रज कारज ॥ गम्य अगम्य न लषे अनारज ॥ २८ ॥ कृतघन सकल पशुनके लक्षण ॥ सो पशु
 ब्राह्मण कहें विचक्षण ॥ वापी कूप तलाव फुडावै ॥ वन बागादिक नास करावै ॥ २९ ॥ संध्या अरु
 अस्नान न जानै ॥ एसो विप्र म्लेच्छ बखानै ॥ निंदक लोभी परधन हरे ॥ निरदय क्रूर पिशुनता

करे ॥३०॥ सो चंडाल विप्र करि मानै ॥ ऐसैं दशविध विप्रनि जानै ॥ तातैं उत्तम भिक्षा करै ॥
 औरै सकल दूरि परिहरै ॥ ३१ ॥ सात घरनितैं भिक्षा लावे ॥ ताहि करि संतोष उपावे ॥ सो
 ले जोवे नदी तडाग ॥ तातैं कछुक करे विभाग ॥ ३२ ॥ कोई मांगे ताकों देई ॥ के जलमांहि
 प्रवाह करेई ॥ बिचरै धरणी होइ निसंगा ॥ कदे कलु न संवारै अंगा ॥ ३३ ॥ तन मन इंद्रिय
 निग्रह करै ॥ मेरो रूप हृदमें धरै ॥ निशदिन रहे अतमाराम ॥ विषय सुखनिको सुने न नाम
 ॥ ३४ ॥ समदरसी अरु धीरजवंत ॥ सदा रहे निरभय एकंत ॥ मेरो भाव भयो अतिसुद्ध ॥
 परम विवेकी ज्यों जलदुध ॥ ३५ ॥ आपुहि मोहि विचारे एक ॥ कदे न देषे भूलि अनेक ॥ आत-
 म अंस ब्रह्मकों जानौ ॥ बंधमुक्ति दोऊ भ्रम मानौ ॥ ३६ ॥ बंधन जब इंद्रिय वस होई ॥
 मुक्ति इंद्रिय बंधे सोई ॥ ऐसैं जानी इंद्रिय जीते ॥ मोहि सुमरिते काल व्यतीते ॥ ३७ ॥
 दुहुं लोकतें होइ विरक्ती ॥ तनहुं नहिं होवे आसक्ती ॥ पुर ग्रामादि आइ जो परै ॥ भिक्षा
 अर्थ प्रवेसहि करै ॥ ३८ ॥ देस पवित्र सैल बंन सरिता ॥ वामप्रस्थ जहां आचरता ॥ तहां
 तहा नितहीं चलि जावै ॥ तिन आश्रमनी भिक्षा पावै ॥ ३९ ॥ तिनसों लहै सिलाकौ
 अन्न ॥ तातें होवे मनहि प्रसन्न ॥ ताहीतें निरमलता गहै ॥ उपजै ज्ञान सकल मल दहै ॥ ४० ॥
 इंद्रिय अर्थनि सत्य न देषे ॥ छिन भंगुर सबन स्वर लेषे ॥ तातें सबतें ग्रहे विरक्ती ॥ नहिं उद्यम
 न विषे आसक्ती ॥ ४१ ॥ यह सब अहंकार कृत जानै ॥ आतम विषे सुपन सम मानै ॥ कदै न
 हृदये चिंतवन करै ॥ मन बच कर्म दूरि परिहरै ॥ ४२ ॥ ऐसी विध जब उपजे ज्ञान ॥ होई
 विरक्त तजै सब आन ॥ मेरी भक्ति हृदमें आवै ॥ तब सब वर्णाश्रम छिटकावै ॥ ४३ ॥ विधि

निषेध दोउ भ्रम जानै ॥ वेदस्मृतिकी संकन मानै ॥ अतीबुद्धि बालक सम रहै ॥ विधि
 निषेध कलु कहे न गहै ॥ ४४ ॥ सब जाने परि जो उनमंत ॥ चेतनमय दीसे जडवंत ॥
 पुष्पित बानी स्तनहिं होई ॥ कबहुं बाद न ठाने सोई ॥ ४५ ॥ बाहिर मध्य एक सम रहै ॥ क-
 बहुं कोइ पक्ष नहिं गहै ॥ ज्यों ज्यों कहे सुने त्यों त्योंही ॥ उत्तमता नहिं त्यागे क्यों ही ॥ ४६ ॥
 काहूतें उद्वेग न आनै ॥ अरु काहूके आपु न ठानै ॥ निंदा आदि सुने दुर बैन ॥ अंतरधरे
 निरंतर चैन ॥ ४७ ॥ काहुंको अपमान न करे ॥ मन वच कर्म मान बिस्तरे ॥ पशु समान वैरा
 दि न जानै ॥ सकल विकार देहके भानै ॥ ४८ ॥ ज्यों आतम अपने तन मांहीं ॥ सोई सबमें
 दूजा नाहीं ॥ ज्यों बहु घटनि मांहि ससि एक ॥ घटनि संग जानिये अनेक ॥ ४९ ॥ तातें
 इष्ट अनिष्टहि करे ॥ सो सब आपुहिकों विस्तरे ॥ तातें आतम बुद्धिहि राषे ॥ भेद देह कृतसो
 सब नाषे ॥ ५० ॥ असमे समे भोजनहि आवे ॥ तोहुं कलु नहिं मनमें ल्यावे ॥ कर्मचित
 सब देहति जानै ॥ तिनहीतें सब दुख सुख मानै ॥ ५१ ॥ ते सब सुखदुख कर्म सरिरा ॥
 यों आतममें ज्यों मृग नीरा ॥ केवल आहारहिं नहिं नाषे ॥ उद्यमहुं करि प्राणनि राषे
 ॥ ५२ ॥ प्राणनि राषे होइ विचारा ॥ लहे मोहि छूटै संसारा ॥ जो मेरी इच्छातें आवे ॥
 उत्तम मध्यम जो कलु पावै ॥ ५३ ॥ यौहि असन वस्त्रादिक चहै ॥ जेसो आवे तेसो गहै ॥
 प्रिय अप्रियकी बुद्धि न आनै ॥ ए दोऊ मिथ्याकरि मानै ॥ ५४ ॥ कोई टेक न मनमें धरै ॥
 मोबिन और सकल परिहरै ॥ सोच आचमन अरु अस्नाना ॥ और कलु आचणाहि नाना
 ॥ ५५ ॥ ते कलु संकातें नहिं करै ॥ जो कलु सो इच्छा आचरै ॥ ज्यों मेरे श्रुतिको भय नाहीं ॥

दोऊ भ्रम जानतहों मांहीं ॥ ५६ ॥ परि तथापि कर्मनि आचरौ ॥ लोकनिके हित मनमें धरौ ॥
 त्यों ज्ञानी विधि किंकर नाहीं ॥ विधिनिषेध भ्रम जानै मांहीं ॥ ५७ ॥ परि इच्छा अपनी
 आचरै ॥ लोकनिको हित मनमें धरै ॥ ताकों भेद दृष्टि कहु नाहीं ॥ ज्ञानदृष्टि देखतहैं मांहीं ॥ ५८ ॥
 पूरव संसकारहे जौलौ ॥ देहमांहि सो वस्तैं तौलौ ॥ बहुरो सो भवमें नहीं आवै ॥ मेरो निज
 निर्मल पद पावै ॥ ५९ ॥ अरु जाकों उपजे वैराग ॥ कन्यौ चहे या भवको त्याग ॥ परि मम
 भजन जुक्ति नहिं पावै ॥ सो सतगुरुकी सरणहि आवै ॥ ६० ॥ श्रमही बिना लहे सो जुक्ती ॥
 पावै मौहि लहे भवमुक्ती ॥ गुरुको ब्रह्मरूप करि देषे ॥ मानव बुद्धि कदे कहिं लेषे ॥ ६१ ॥ श्रद्धा
 सहित अमूया तजे ॥ मन वच कर्म निरंतर भजे ॥ ज्यों लागि ब्रह्मविचारहि पावै ॥ त्यों लागि
 गुरु तजि कहूं न जावै ॥ ६२ ॥ पीछैं ज्यों जानें त्यों रहैं ॥ परमहंसके धर्म निगहै ॥ परिजिनषट्-
 रिपु जीते नाहीं ॥ इंद्रिय अर्थ विचारत मांहीं ॥ ६३ ॥ चंचल बुद्धि न ज्ञान विराग ॥
 ताके सकल वृथा हे त्याग ॥ भेषदिखाइ जीवका करे ॥ ताको दोष कह्यौ नहिं परे ॥ ६४ ॥
 देवपितर ऋषि भूलिन नाषे ॥ तिनको रिण अपने सिर राषे ॥ अंतरगतिमें ताहि छि-
 पावै ॥ आपहि वंचे बंध उपावै ॥ ६५ ॥ सो सुखकहु न लहे यालोक ॥ अरुयों भ्रष्ट होइ परलोक ॥
 एहैं वर्णाश्रमके धर्म ॥ इनतैं भक्ति लहे देहिकर्म ॥ ६६ ॥ अब चान्योके धर्म प्रधान ॥ न्यारे
 न्यारे करो बखान ॥ समरु अहिंसा संन्यासीको ॥ तप इज्या यह वनवासीको ॥ ६७ ॥ ग्रहमें
 दया यजन यह कर्म ॥ द्विज आचारज सेवाधर्म ॥ ब्रह्मचर्य तप सौच संतोष ॥ सकल सुहृद
 कितहुं नहिं रोष ॥ ६८ ॥ मेरो भजन सकल मम कारण ॥ यही धर्म सबके साधारण ॥ ग्रही देइ

वनिता ऋतुदाना ॥ भूलि न गमन करै दिन आना ॥ ६९ ॥ याविधि अपने अपने धर्म ॥ मेरे
 हेत करै सब कर्म ॥ सबमें जाने मेरो भाव ॥ काहू पर नहिं धरै अभाव ॥ ७० ॥ सोपावै मेरी दृढभक्ती ॥
 और सकलतें करे विरक्ती ॥ तातैं उपजे मेरो ज्ञान ॥ देखे मोहि मिटे सब आन ॥ ७१ ॥ ऐसो
 न्है पावै ममरूप ॥ बहुरि न आवै या भवकूप ॥ जेई सकल वर्ण अरु आश्रम ॥ तिनके एसें भाषे
 धर्म ॥ ७२ ॥ भक्ति सहित ए मोहि मिलावैं ॥ भक्ति विना भवसिंधु बहावैं ॥ ऐसो तत्त्व लहै
 सो तैरे ॥ और सकल नित जन्मेमरे ॥ ७३ ॥ ॥ दोहा ॥ ए उद्धव तोसों कह्यो, वर्णाश्र-
 मको धर्म ॥ यातें ममभक्ती लहै, छूटै बंधन कर्म ॥ ७४ ॥ ॥ इति श्रीभागवते
 महापुराणे एकादशस्कंधे श्रीभगवदुद्धवसंवादे अष्टादशोऽध्यायः ॥ १८ ॥
 दोहा ॥ ॥ पूर्वहि आश्रम धर्मतैं, निणर्य ज्ञान सुभाग ॥ उनबिंशति अध्यायमें,
 ज्ञानादिकतैं त्याग ॥ १ ॥ ज्ञान विज्ञानरु भक्तिहु, ताके लच्छन सार ॥ प्रणो-
 त्तर पचतीसजू सामसु भलेप्रकार ॥ २ ॥ ॥ श्रीभगवानुवाच ॥ चौपाई ॥ उद्धव
 एहि वर्ण अरु आश्रम ॥ तिनके मैं भाषे सबधर्म ॥ इनमें रहि ममभक्ति उपावै ॥ तातैं मेरो
 ज्ञानहि पावै ॥ १ ॥ ज्ञानहि पाइ सकल भ्रमजानै ॥ वर्णाश्रम मिथ्या करि मानै ॥ सब साधन
 ताजि मोकों ध्यावै ॥ और कछु हृदये नहिं ल्यावै ॥ २ ॥ ज्ञानीको मैही हौं साधन ॥ अरु मेरो
 नितकरे अराधन ॥ मोहि करी मोकों आराधै ॥ तन मन इंद्रिय मोसों साधै ॥ ३ ॥ मोबिन
 स्वर्गादिक नहिं लेई ॥ मेरेहीं चर्णनि चितदेई ॥ मोबिन मुक्ति कदै नहिं गहै ॥ मोबिन सकल

वासना दहे ॥ ४ ॥ मोसों हितमें ताकों प्रीय ॥ मोबिन और सकल अप्रीय ॥ जेहैं सहित ज्ञान
 विज्ञान ॥ तेही जानें मोहि सुजान ॥ ५ ॥ ज्ञानीते मेरे प्रिय नहीं ॥ सदा बसे मेरे मनमांहीं ॥
 में ताको मेरोहैं सोई ॥ दूजो नहिं परसपर कोई ॥ ६ ॥ जप तप तीरथ व्रत अरु दाना ॥ कहौं कहांलौं
 जेविधि नाना ॥ जेविधि करे नहीं फल एसो ॥ ज्ञान कलातें होवै जेसो ॥ ७ ॥ तातें ज्ञान हृदमें धरौ ॥
 औरै साधन सकल निवारौ ॥ सबमैं रूप आपनौ जानौ ॥ मोहि जानि प्रभुसेवा ठनौ ॥ ८ ॥ व्है
 करि लाहित ज्ञान विज्ञान ॥ देषे सकल एक भगवान ॥ बहुरी मम निजरूप समावै ॥ जहां
 जाइ कबहुं नहिं आवै ॥ ९ ॥ जबहीं प्राणी ज्ञानहि पावै ॥ तबहीं मम निजरूप समावै ॥ ज्ञानविना
 नहिं पावै मोही ॥ यह निजमतो कहतहों तोही ॥ १० ॥ उद्धव तोमैं विविध विकारा ॥ जन्म
 मर्ण सुखदुःख अपारा ॥ ते समस्त या तनके जानौ ॥ सो तन माया भ्रमकरि मानौ ॥ ११ ॥
 आपुहि सुद्ध निरंजन देषौ ॥ द्वैत अतीत एककरि लेषौ ॥ ए जे प्रगट सकल देहादी ॥ ते आ-
 तममेंहु ते न आदी ॥ १२ ॥ अरु अंतहुं रहे कलु नहीं ॥ अब आज्ञानहुतें बरताहीं ॥ ज्ञान दृष्टि
 कर बरते जबहीं ॥ त्रिगुण रहित आपु हेत बहीं ॥ १३ ॥ जैसैं रज्जुमांहि अति कहै ॥ आदि
 न हुतौ अंत नहिं रहै ॥ भ्रमते मध्य मंदमति मानै ॥ हेनाहीं परिहै सो जानै ॥ १४ ॥ त्यों
 देहादि सकल भ्रमदेषौ ॥ आपुहि सदा ब्रह्ममय लेषौ ॥ एसो सुनि हरिजीसों ज्ञान ॥ उद्धव
 जन पूछ्यौ भगवान ॥ १५ ॥ उद्धव उवाच ॥ चौपाई ॥ हेप्रभु ज्ञान कृपाकरि कहो ॥ मेरे
 नाना भ्रमकों दहो ॥ अरु त्योंही भाषो विज्ञान ॥ भक्ति आपनी परम विधान ॥ १६ ॥ जाकों
 चाहै सकल महंत ॥ जातें होइ जगतको अंत ॥ याबिन ज्ञान ध्यान कलु नहीं ॥ सकल साधन

वृथाही जाहीं ॥ १७ ॥ याकों पाइ मुक्तिनहिं लेवे ॥ और सुखनिपर दृष्टि न देवे ॥
 एसी भक्ति क्रिपाकरि कहो ॥ अपने जनहि और निर्बहो ॥ १८ ॥ यह भवसागर
 बिकट अनंत ॥ जामैं भ्रमत न आवे अंत ॥ तापरि तपें त्रिविध संताप ॥ तिनमें परे आपहीं
 आप ॥ १९ ॥ तातैं जीव महादुष पावे ॥ सुखठानै सो दुखहुइ आवै ॥ तातैं दूजो रक्षक नाही ॥
 में विचारि देख्यौ मनमांहीं ॥ २० ॥ तुमरे चर्ण छत्रासिर धारै ॥ सो समस्त संताप निवारै ॥
 ताकों दसदिशि अमृत वर्षे ॥ ताके दरश और सब हर्षे ॥ २१ ॥ ज्यों कोहू कंगालहि लीजैं ॥
 ताके सीस छत्रधरि दीजै ॥ सोन्हे भूप महीसुख पावै ॥ अरु औरनिकै दुःख मिटावै ॥ २२ ॥
 त्यों तुम चर्ण छत्रासिर धारै ॥ सो अपनै सबदुःख निवारै ॥ सोभे तीनोलोक मांहीं ॥ ता सम
 और कहूं को नाही ॥ २३ ॥ अरु जेताके सरणाहि आवै ॥ ते ते सकल परम सुख पावै ॥ या भव
 कूपहि पन्यौ विहाल ॥ तापर डस्यो महा आहिकाल ॥ २४ ॥ तातैं विषयि सुख जाँन ॥
 तिन निमित्त बहु उद्यम ठानै ॥ तातैं सदा अमित दुख पावै ॥ जाकों कबहूँ अंत न आवै ॥ २५ ॥
 ताकों कृपा पीयूष पिआवौ ॥ काढि कूपतें मृतक जिआवौ ॥ वचनामृतकी बरखा करौ ॥ अपने
 गुणनि बांधि उद्धरौ ॥ २६ ॥ तुमही जगतपिता जगस्वामी ॥ जगपालक जगअंतरजामी ॥
 एसें बचन सुने भगवान ॥ तब उद्धवसों भाष्यौ ज्ञान ॥ २७ ॥ श्रीभगवानुवाच ॥ ॥ चौपाई ॥
 उद्धव प्रणकरी तुम जोई ॥ धर्म पुत्रकी नीती सोई ॥ सर सज्यामैं भीषम परे ॥ हमरे सुतनत
 उच्चरे ॥ २८ ॥ तेई अबमें तुमहि सुनाऊं ॥ भक्ति ज्ञान विज्ञान बताऊं ॥ प्रकृतिपुरुष मह ततहं
 कार ॥ शब्दादिक जे पंच प्रकार ॥ २९ ॥ त्रय गुण अरु इंद्रिय दश एका ॥ पंचभूत मिलि भए

अनेका ॥ थावर जंगम विधि प्रकारा ॥ इन अट्ठाइसको विस्तारा ॥ ३० ॥ इन विन ओर
 कहूं कछु नहीं ॥ एकदृष्टि देखे सबमांहीं ॥ जाकरि सकल एकही जानै ॥ ताकों साधु ज्ञान
 बखानै ॥ ३१ ॥ अरु जब एह अट्ठाइस तत्त्व ॥ माया जाने सकल अतत्त्व ॥ आत्म ब्रह्म एक
 करि जानै ॥ देहादिक सब मिथ्या मानै ॥ ३२ ॥ रज्जु जानि ज्यों सर्प निवारै ॥ त्यों सम-
 स्त मम रूप निवारै ॥ जैसे दिसा मोह मिटजावै ॥ आठोदिसकी खबरहि पावै ॥ ३३ ॥ करत
 निरंतर ज्ञान विचारा ॥ देखे ब्रह्म मिटै विस्तारा ॥ ताकों कहिय तुहै विज्ञान ॥ जातें लहै मोहि
 तजि आन ॥ ३४ ॥ आदिहु तो जो रहिए अंत ॥ सोईहै अबहुं बरतंत ॥ वरणाकार प्रगटहैं
 जैते ॥ आदिरु अंत नहींहैं ते तै ॥ ३५ ॥ तातैं अबहुं मिथ्या देखै ॥ तिहुंकाल मोहीकों लेखै ॥
 जेसैं तिहुंकालमें धरणी ॥ घट नामादिक मिथ्याकरणी ॥ ३६ ॥ श्रुतिकौ मतौ हृदमें आनै ॥
 नेति नेति श्रुति सदा बखानै ॥ नामाकर वेद भ्रममाषै ॥ ब्रह्मसत्य दूजो सब नाखै ॥ ३७ ॥
 सकल घटनिमें एक बतावै ॥ ऊंचनीच सब भेद मिटावै ॥ एसी भांति विचारै वेद ॥ जानै मो-
 हि मिटावे भेद ॥ ३८ ॥ अरु त्योंही प्रगट सबलेखै ॥ सप्तधातुकै सब तनदेखै ॥ देखै सब उपज-
 त विनसंत ॥ योंही प्रतक्ष विचारे संत ॥ ३९ ॥ अरु सतपुरुष भएहैं जे ते ॥ तिनकैं बचन विचारै
 ते ते ॥ एकहि मतो सबनिकौ देखै ॥ जाने मोहि भेद भ्रमलेखै ॥ ४० ॥ अरु त्यों अनुभव
 हृदय विचारै ॥ चेतन राषि अचेतन टारै ॥ सबदेखै चेतन आधारा ॥ इंद्रिय देह विविध विस्ता-
 रा ॥ ४१ ॥ चेतनतें जड अर्थनि गहैं ॥ चेतन विना कोइ नहीं रहैं ॥ यों वेदांत तथा दृष्टांत ॥
 अनुभव अरु त्योंही सिद्धांत ॥ ४२ ॥ इन चारहुको मतो विचारै ॥ मोहि जानि सब भेद निवारै ॥

सकल दृश्यते होइ विरक्ती ॥ चेतन ब्रह्मसदा अनुरक्ती ॥ ४३ ॥ कर्मरचित सब मिथ्यामानै ॥
 ब्रह्मलोककों न ईश्वरजानै ॥ देष्यौ सुन्यौ हृदमें आवै ॥ सो सब बंधन जानि बहावै ॥ ४४ ॥
 मेरी भक्ति हृदमें धरै ॥ जिनतैं भक्तिहोइ ते करै ॥ भक्तरु भक्ति हेतहैं जे ते ॥ तुमसौ पीछैं
 भाषे ते ते ॥ ४५ ॥ अब बहुरो तव हेत विचारौ ॥ भक्त भक्ति साधन उचारौ ॥ मेरी कथा सुने
 अरु कहै ॥ प्रीति सहित उर अंतर गहै ॥ ४६ ॥ पूजामें अतिनिष्ठा धारै ॥ बहुत भांति अस्तुति
 बिस्तारै ॥ वंदनकरै प्रदक्षिणा देई ॥ अरु अष्टांग प्रणाम करेई ॥ ४७ ॥ सब भूतनमें मोकों
 जानै ॥ परि मम जन मेरो तन मानै ॥ मम भक्तिनिकों बहुविधि सेवै ॥ तन मन धन तिनहाकों
 देवै ॥ ४८ ॥ मेरै हेत करे जो करै ॥ मोचिन और सकल परिहरै ॥ मेरे गुणनि कहै उर धारै ॥
 दूजि कामना सकल निवारै ॥ ४९ ॥ मेरे अर्थ अर्थ सबत्यागे ॥ सुख अरु भोगनितैं वैरागे ॥ जप
 तप जोग जज्ञ व्रत दाना ॥ सयनासन भोजन जलपाना ॥ ५० ॥ इत्यादिक सब ममहित
 करै ॥ यातैं अंतर सब परिहरै ॥ सदा आपुकों मोहि निवेदै ॥ प्रेम शस्त्र उर ग्रंथिहि भेदै ॥ ५१ ॥
 ऐसैं जब ममभक्तिहि लहै ॥ तब अवसेष कछु नहि रहै ॥ साधन साध्य लहै सो सकल ॥ काल
 कर्मतैं होवै अकल ॥ ५२ ॥ जब मोविषे चित्तकों धारै ॥ तब ह्वै सातिक रज तम टारै ॥ धर्मैश्वर्य
 ज्ञान वैराग ॥ इनकों सहज लहै बडभाग ॥ ५३ ॥ अरु जो मेरी भक्ति न पावै ॥ देह गेहसों
 चित्त लगावै ॥ तब होवै रज तम अधिकारा ॥ बढे अधर्म परै संसारा ॥ ५४ ॥ बंध मुक्तिको
 चित्तहै कारण ॥ बोरे चित्त चित्तहै तारण ॥ मोमें धारै मोकों लहै ॥ भवमें धारै भवमें वहै ॥ ५५ ॥
 तातैं धर्म ज्ञान वैराग ॥ ईश्वरता आदिक जेभाग ॥ ते समस्त मेरे आधीन ॥ तातैं होवै ममले

लीन ॥ ५६ ॥ सेवत मोहि सकल ए पावै ॥ मोबिन कोई निकट न आवै ॥ मेरी भक्ति कहावै
 धर्म ॥ उद्धव दूजो सकल अधर्म ॥ ५७ ॥ एक ब्रह्म दरसन सो ज्ञान ॥ या बिन और सकल
 अज्ञान ॥ अरु उद्धव सोहै वैराग ॥ जो समस्त विषयनिको त्याग ॥ ५८ ॥ अरु ऐश्वर्य सिद्धि आणि
 मादी ॥ मम सेवककी सेवक आदी ॥ तातें जे मम सरणाहि आवै ॥ तेई भुक्ति मुक्ति सुखपावै ॥ ५९ ॥
 दोहा ॥ ऐसैं अद्भुत बैन जब, कहे कृपाकरि कृष्ण ॥ तब उद्धव जन हरषि
 करि, कीनो हरिसौ प्रण ॥ ६० ॥ ॥ उद्धव उवाच ॥ ॥ चौपाई ॥ हे प्रभु
 पूरण कृपा व करौ ॥ ज्योंहै त्यों बहुविधि विस्तारौ ॥ जो तुम धर्म भक्ति कृत भाष्यौ ॥ ब्रह्म
 दृष्टिकों ज्ञानहि राख्यौ ॥ ६१ ॥ अब वैरागादिक समुझावो ॥ मेरे सब संदेह मिटावो ॥
 जांहीं सकल तत्त्वसो भाषौ ॥ होई अतत्त्व दूरि करि नाषौ ॥ ६२ ॥ यम कहिये सो केइ प्रकार ॥
 अरु त्यों कहो नियम बिस्तारा ॥ अरु सम कौन कौन दम देवा ॥ कौन क्षमा अरु धृति को
 भेवा ॥ ६३ ॥ कौन मूरता तप अरु दान ॥ कौन सत्यको ऋतहि बषान ॥ कौन त्याग
 कौन धन इष्ट ॥ कौन जज्ञ दक्षिणा वरिष्ट ॥ ६४ ॥ बल अरु भगको लाभरु सुख ॥ चिद्या लज्जा
 सोभा दुःख ॥ पंडित मूरख पंथ कुपंथ ॥ स्वर्ग नरक बंधु ग्रह ग्रंथ ॥ ६५ ॥ कौन दरिद्र कौन
 धनवंत ॥ कौन कृपन कोई स्वखंत ॥ अरु इनतैं उलटे हैं जे ते ॥ असम अदम आदिक हैं ते ते ॥ ६६ ॥
 मोसों देव कृपाकरि भाषौ ॥ राखौ तत्त्व अतत्त्वाहि नाषौ ॥ यों सुनि बहु उद्धवके प्रण ॥ तबहि
 कृपाकरि बोले कृष्ण ॥ ६७ ॥ श्रीभगवानुवाच ॥ चौपाई ॥ हिंसा रहित सत्य अस्तेय ॥ संग
 विवर्जित सबको हेय ॥ लज्जा मौनरु आस्तिक थीर ॥ ब्रह्मचर्य अरु क्षमा गंभीर ॥ ६८ ॥ ए

द्वादश यम गहै निवर्ती ॥ अरु त्यों द्वादशनियम प्रवर्ती ॥ सौचरु कपट रहित धरमादर ॥
जप तप अरु दम पूजा सादर ॥ ६९ ॥ तीरथ अटन अतिथिकों पोष ॥ गुरुसेवा अरु दृढ
संतोष ॥ परउपकार होम विस्तारै ॥ भुक्ति मुक्ति चाहै सो धारै ॥ ७० ॥ सम जो मोमें
निष्ठाबुद्धी ॥ दम इंद्रिय निग्रह मन शुद्धी ॥ जो दुखनी उपजावै कोई ॥ तिनतैं जाकै दुःख
न होई ॥ ७१ ॥ सकल सहै कछु मन नहिं आनै ॥ ताकों मम जन क्षमा बखानै ॥ जिभ्या
इंद्रिय चंचल होई ॥ तिन दोनोंको त्यागे सोई ॥ ७२ ॥ रस अरु अबलाकों नहि गहै ॥
ताकों मम जन धृतिहि कहै ॥ भूतद्रोह त्याग सो दान ॥ भोग तजनसों तप नहिं आन ॥ ७३ ॥
सोई सूर जो जिते स्वभाव ॥ सोई सत्य सकल मम भाव ॥ मोकों लिये बचन सो सत्य ॥
मो बिन बोले सकल असत्य ॥ ७४ ॥ कर्मनिमें जो होइ असंग ॥ सो वह परमसौ चहै अंग ॥
सोहै त्याग तजै फल कर्म ॥ सो धन इष्ट परम मम धर्म ॥ ७५ ॥ यज्ञ रूपमें हों नहिं आन ॥
सो दक्षिणा देइ मम ज्ञान ॥ प्राणायाम परम बल कहियैं ॥ जाकरि बडो शत्रु मन गहियैं ॥ ७६ ॥
मम ऐश्वर्य भाग्य जो पावै ॥ चेतन निजानंद है आवै ॥ मेरी भक्ति एक इहलाभ ॥ भक्ति
विना सो सकल अलाभ ॥ ७७ ॥ जातैं भेद मिटे सो बिद्या ॥ उद्धव दूजी सकल अविद्या ॥
लज्जा मानि अकर्म न गहे ॥ मम जनताकों लज्जा कहे ॥ ७८ ॥ निहकिंचन निरपेक्ष न लोभा ॥
इत्यादिक जे गुणते सोभा ॥ सो सुष जो सुखदुःख अतीत ॥ पुन्य न पाप उष्ण नहिं सीत
॥ ७९ ॥ विषयनकी इच्छा दुख जानौ ॥ गुणसंपन्न आढ्यसो मनौ ॥ बंध मुक्तकी युक्तिहि
जानै ॥ मम जन पंडित ताहि बखानै ॥ ८० ॥ अहंकार जाके जग आदी ॥ अपने कहे देह

गेहादी ॥ सो समस्त मूरखही जानौ ॥ यातैं और भांति मतिमानौ ॥ ८१ ॥ जाकरि मोहि
 लहै सो पंथ ॥ जो प्रवृत्ति सो सकल कुपंथ ॥ नित संतोषी सीतल हृदय ॥ सात्विक चित्त
 सबनि पर सुहृदय ॥ ८२ ॥ सोइ स्वर्ग जो सुखभंडार ॥ नरकनिमें तामस अधिकार ॥ सतगुरु
 एक बंधुकरि जानौ ॥ और सकल बैरी करि मानौ ॥ ८३ ॥ सतगुरु हैं सो मेरो रूप ॥ जातैं जीव
 तजैं ग्रहकूप ॥ सतगुरु बिना बंधु नहिं कोई ॥ सतगुरु बिन सब बैरी होई ॥ ८४ ॥ मानव तन
 सोई ग्रह कहियैं ॥ ताकै ग्रहै ग्रही ह्वे रहियैं ॥ सो दरिद्र जो तृष्णावंत ॥ कृष्ण इंद्रियनि बस
 बरतंत ॥ ८५ ॥ विषयनि अनाशक्त सो ईस ॥ विषयति वसते सकल अनीस ॥ इतनी प्रणकही
 में तोसौं ॥ जा जा विधि तुम पूछी मोसौं ॥ ८६ ॥ विधिनिषेधकै लक्षण जेसैं ॥ महापुरुष
 जानतहै तेसैं ॥ विधिनिषेधकों जालौं जानै ॥ ऊंच नीच बहुभेदनि मानै ॥ ८७ ॥ सो यह
 सकल निषेधहि जानौ ॥ भेद दृष्टिमें विधि मतिमानौ ॥ विधि निषेध निषेधहि देषौ ॥ दुहुतैं
 परैं तांहि विधि लेषौ ॥ ८८ ॥ विधि निषेध पसु मानव माने ॥ पंडित कदे हृदै नहिं आने ॥
 तातैं विधि निषेध भ्रम जानौ ॥ मेरो रूप सकल करि मानौ ॥ ८९ ॥ ॥ दोहा ॥ ॥ विधि
 निषेध भ्रम जाननौ, ज्ञान कह्यौ जब कृष्ण ॥ वेदवचन तब सुमरि करि, उद्धव
 कीनी प्रण ॥ ९० ॥ ॥ इति श्रीभागवते महापुराणे एकादशस्कंधे श्रीभगवदुद्ध-
 वसंवादे भाषायां एकोनविंशतितमोऽध्यायः ॥ १९ ॥

दोहा ॥ कहत बीसमैं ध्यायमैं, भाक्ति क्रियात्मक ज्ञान ॥ अधिकारीहु विभा-

गतैं सुलभ योग त्रय जान ॥१॥ उद्धव उवाच ॥ चौपाई ॥ हे प्रभुजी तुम करुणा
 करौ ॥ मेरो यह संसे परिहरौ ॥ तुमरी आज्ञा कहियें बेद ॥ ताहींमें दीसतुहै भेद ॥ १ ॥ विधि
 निषेध सो वेद भखानै ॥ ताहींतें सबको कोई मानै ॥ तुमरी आज्ञा क्यों भ्रम लेषे ॥ जातैं विधि
 निषेध नहिं देखे ॥ २ ॥ अरु यह प्रगटहि दीसैं देव ॥ विधिनिषेधके बहुविधि भेव ॥ प्रगटहि
 विधि वर्ण अरु आश्रम ॥ तिनके विधि भांति विधि कर्म ॥ ३ ॥ तिनके प्रगटहि फल स्वर्गादी ॥
 अब कोनहिं यह पंथ अनादी ॥ अरु निषेध प्रगटहि प्रतिलोम ॥ अंबष्टादिक जे अनुलोम ॥ ४ ॥
 वर्णनिमें शंकरहि जे ते ॥ अरु तिनहिंके कर्म पुनि ते ते ॥ तिनके प्रगटहि फल नरकादी ॥
 कहैहु ते फल जाइ न बादी ॥ ५ ॥ जाके फलहि वेद ज्यों कहै ॥ ताकों करि नर त्योंही लहै ॥
 अरु त्यों द्रव्य देस वय काल ॥ प्रगटहि विधि निषेध गोपाल ॥ ६ ॥ अरु जो विधि निषेध
 नहिं सत्य ॥ तो सुख दुख अरु फलहि असत्य ॥ कोई स्वर्ग नरक नहिं जावै ॥ तो बहुश्रम
 करि विधि न करावै ॥ ७ ॥ अरु का कहियैं वांस्वारा ॥ तुमरै वचन अनेक प्रकार ॥ यह तो
 कह्यौ तुमारे वेद ॥ जातैं विधिनिषेध भेदके ॥ ८ ॥ देव पितर मुनि मानव जे ते ॥ वेद नयन
 देखतहै ते ते ॥ विधिनिषेध तिनके फल जानैं ॥ अरु त्योंही त्यों तेऊ ठानैं ॥ ९ ॥
 सकल तुमारी आज्ञा मांहीं ॥ ज्यों ज्यों थापे त्यों वरताहीं ॥ सो मिथ्या क्यों कहियै वेद ॥
 याकों मोहि बतावो भेद ॥ १० ॥ द्वै विधि वचन बटै संदेह ॥ वेहैं सत्य किधों प्रभु एह ॥
 यह पूरण संदेह मिटावौ ॥ एक भांतिके वचन सुनावौ ॥ ११ ॥ या विधि परम ज्ञान विस्तारौ ॥
 अपनैं स्वे जीव निस्तारौ ॥ सुनि उद्धवकी ऐसी बानी ॥ तब बोले श्रीसारंगपानी ॥ १२ ॥

॥ श्रीभगवानुवाच ॥ ॥ चौपाई ॥ उद्धव परम ज्ञान अब कहौं ॥ तेरे सब संदेहहि दहौं ॥ मैं
 भाषेहैं तीन उपाई ॥ कर्मरु भक्ति ज्ञान समुझाई ॥ १३ ॥ ज्यों जाकौ देख्यो अधिकार ॥ ताकौ
 तेसो कियो बिचार ॥ जोभाषों सबहिन सों ज्ञान ॥ तो ते विष इतजैं नहिं आन ॥ १४ ॥ तातैं
 कर्म अकर्म छुडाऊं ॥ लेकरि ज्ञान मध्य ठहराऊं ॥ तातैं वचन सकल मम सत्य ॥ विधिनिषेधसो
 नहिं असत्य ॥ १५ ॥ परिण सकल ज्ञानके कारण ॥ ज्ञान लहेतैं सकल निवारण ॥ ए तुम सेढि
 ब्रह्मकी जानौ ॥ तातैं कछु संदेह न आनौ ॥ १६ ॥ जिन भव सुख ज्योंहे त्यों जान्यौ ॥ ब्रह्मलोकलौं
 नस्वर मान्यौ ॥ तातैं तिनकै उद्यम दहै ॥ और सकल तजि थिर है रहै ॥ १७ ॥ तिनकों ज्ञान
 जोग अधिकार ॥ थिर है करनो ब्रह्मविचार ॥ अरु जिन विषयनि सुष नहिं जानै ॥ अरु
 तिनके उद्यम नहिं भानै ॥ १८ ॥ परि मम गुणनि सुनी सुखमानै ॥ मेरो भजन भलौ करि
 जानै ॥ ताकों भक्ति जोग हितकारी ॥ ऐसैं जानै तत्त्व विचारी ॥ १९ ॥ अरुजे वियषनिके
 आधीन ॥ तिनके उद्यमसौलौं लीन ॥ कथा सुननको नहिं अवकास ॥ अरु मम प्रीति नहिं अभ्या
 स ॥ २० ॥ तिनकों कर्म जोग सुखदाई ॥ इनतैं औरन श्रेय उपाई ॥ ए तीनों भाषतहौं तोसों ॥
 निश्चल चित है सुनियो मोसों ॥ २१ ॥ प्रथमहि कर्म जोग विस्तारौं ॥ विषयी जीवनिकों निस्तारौं ॥
 मेरे बहुविधि गुण विस्तार ॥ कथाप्रसंगहि विविध प्रकार ॥ २२ ॥ तिनमें प्रीति न उपजै तोलौं ॥ मम
 जन संगकरै नहिं जोलौं ॥ अरु जोलौं न बढै वैराग ॥ विषयनिकौ नहिं होवै त्याग ॥ २३ ॥
 तोलौं कर्म जोग नहिं तजै ॥ कर्मनि करि नित मोकों भजै ॥ अपने धर्म मांहीथितिरहै ॥ कबहुं
 भूलि निषेध न गहै ॥ २४ ॥ यज्ञ महोत्सव बहुविधि करै ॥ सकल कर्म मम हित विस्तरे ॥ मनतैं

ए. भा.
॥६३॥

इच्छा सकल मिटावै ॥ सो नर स्वर्ग नरक नहिं जावै ॥ २५ ॥ ऐसैं ज्ञान भक्तिकौ लहै ॥ तातैं
कर्म काल सबदहै ॥ उद्धव इह मानव तन ऐसौ ॥ सकल सृष्टिमांहीं नहिं जैसौ ॥ २६ ॥ स्वर्ग
नरकके वछैं जाकौ ॥ परिक्यौही नहिं पावैं ताकौ ॥ ज्ञान भक्ति यातन करि लहै ॥ और सबनि
करि भव जल वहै ॥ २७ ॥ जो एसो मानव तन पावै ॥ सो समस्त कामना मिटावै ॥ तजै
निषेध सकलही कर्म ॥ अरु कामना हेत जे धर्म ॥ २८ ॥ अरु फिरि नहिं वंछे नर देहा ॥ परम
स्तन नहिं षोवे एहा ॥ जद्यपि बहुरो नर तन पावै ॥ पखिजानादिक कलु न रहावै ॥ २९ ॥ मातपिता
भाई कुललोग ॥ ज्ञान मिटावैं करि संयोग ॥ खान पान आदिक बहु साधैं ॥ बालपन
सौं ताकौं बाधैं ॥ ३० ॥ तातैं ज्यौं लगि नाहीं मरे ॥ त्यौं लगि जतन निरंतर करे ॥ या तनकौं
मिथ्या करि जानौ ॥ अरु सो ब्रह्मदानि करि मानौ ॥ ३१ ॥ तातैं जतन निरंतर करैं ॥ साव-
धानता हिरदै धरै ॥ या तनमें आशक्त न होई ॥ करे उपाया मुक्तिको सोई ॥ ३२ ॥ ज्यौं पंखी
तरु वासा करै ॥ तामैं तीति मान मन धरै ॥ अरु ता वृक्षहि काटे कोई ॥ जिनके हृदे दया
नहिं होई ॥ ३३ ॥ वृक्ष संग जो पंखी परै ॥ तो तिनकै वस वहै करि मरै ॥ परिसो प्रथम वृक्षहि
त्यागे ॥ काटत देषि आप उठिभागे ॥ ३४ ॥ आपुहि ऐसी भांति बचावै ॥ पीछे तहा रहै जहँ
भावै ॥ त्यौंही नर तन तरु आधार ॥ अतम पंखी किय आगारा ॥ ३५ ॥ ताकौं निशदिन
करे प्रहार ॥ सदा निरंतर वारंवार ॥ ऐसो देषि धरै तन त्रास ॥ प्रथमहि त्यागैं तरुको वास
॥ ३६ ॥ मोमें आइ बसेरा करै ॥ तातैं बहुरि न जन्मे मरै ॥ मानव तन भवसागर नावा ॥
मेरि कृपाहुतैं यह पावा ॥ ३७ ॥ जामैं गुरु षेवट सुखदाई ॥ सानुकूलमें पवन सहाई ॥ तोहूँ

अ. २०

॥६३॥

आपुहिं जो नहिं तारे ॥ नाव छोडि भवसागर डारे ॥३८॥ ताकौं आतम घाती मानौ ॥ दूजो
 आतम घाति न जानौ ॥ अरु जो भवतें होइ विरक्ती ॥ दुखमय जानिनहो वैरक्ती ॥ ३९ ॥
 सो समस्त इंद्रिय वस करे ॥ मन निश्चल करि मोमें धरे ॥ जो मन धारत अचल न होई ॥ तोहूं
 आतुर होई न कोई ॥ ४० ॥ एकहि वार न सकल निवारै ॥ क्रम क्रम सकल उपाधिहि ठारै ॥
 कलु इक आसा पूरे मनकी ॥ हृदये राषै मूलषऊनकी ॥४१॥ देवै सो तजवेके हेत ॥ सावधान
 नित रहे सुचेत ॥ आगे फलकी अवधि बतावै ॥ दोष दिषाइ विरक्ति उपावै ॥ ४२ ॥ एसें क्रमहि
 क्रम मन डारै ॥ क्रम क्रम सकल विकार निवारै ॥ इंद्रिय गुण हृदये नहिं आनै ॥ स्वास जीति
 मनकी गतिभानै ॥ ४३ ॥ मन जीतनकौ परम उपाई ॥ जातैं मन गति जानी जाई ॥ जेसें अवस
 तुरंगहि होई ॥ अस्ववार वस होइ न सोई ॥ ४४ ॥ तब तापर चढिकरि अस्वार ॥ हठ नहिं करै
 एकही वार ॥ कलु हयकौं रुष सहित चलावै ॥ पीछें दे चाबुक दोरावै ॥ ४५ ॥ ऐसी विधि
 याकौं बसकरै ॥ त्यों जोगी क्रम क्रम मन धरै ॥ सांख्य विचार निरंतर करै ॥ या विधि यह जग
 जन्मेमैरै ॥ ४६ ॥ तत्त्वनकी उत्पत्ति विचारै ॥ ज्यों ज्यों बिनसे त्यों मन धारै ॥ सकल उपाधि
 उरेकी देखै ॥ आपुहि परे सकलतें लैषै ॥ ४७ ॥ याविधि जों लगि मन बस होई ॥ तों
 लगि करै विचारहि सोई ॥ ऐसी विध जब सांख्य विचारै ॥ गुरुके वचन हृदयमें धारे ॥ ४८ ॥
 तब सबहीतें होई विरक्ती ॥ मन मोमें होवे अनुरक्ती ॥ जोग पंथजे अष्टप्रकारा ॥ अरु यह-
 आतम देह विचारा ॥ ४९ ॥ अरु मम श्रवन कीरतन ध्यान ॥ मन जीतनकौ पंथन
 आन ॥ जोगरु भाक्त सांख्य ए तीन ॥ सब ग्रंथनिमें लीने बीन ॥ ५० ॥ इनतें चोथो

नहीं उपाई ॥ तातैं मन मोंमें ठहराई ॥ तातैं चोथे कलु नहिं करणौ ॥ इन पंथानि मोंकों अनु
 सरणौ ॥ ५१ ॥ अरु जो कदै पाप है आवै ॥ सावधान ता उर न रहावै ॥ तोहूं और न करै
 उपाई ॥ सो सो पाप इनहितें जाई ॥ ५२ ॥ और करै नानाविधि जोई ॥ सो सो अधिक
 अधिक मल होई ॥ विधिनिषेध सबहीं मल जानौ ॥ कबहुं कलु उत्तम मतिमानौ ॥ ५३ ॥
 विधिनिषेध ऐ कीने दोई ॥ जातैं बंधरहें सबकोई ॥ भयतैं बहु आरंभनि करैं ॥ अपनैं आपनैं
 विधि आचरैं ॥ ५४ ॥ ता पीछे सब बंध जनाऊं ॥ करौ अबंध सकल छोडाऊं ॥ सकल न त्यागै एकहि
 वारा ॥ तातैं कीनै बहुत प्रकारा ॥ ५५ ॥ तातैं विधिनिषेध नहिं करणा ॥ सकल त्यागि मोंमें
 मन धरणा ॥ विधिनिषेध जन मिथ्या जानै ॥ अरु भव सुख सब दुखकरि मानै ॥ ५६ ॥ परि
 समर्थ तजिवेंकों नाहीं ॥ प्रबल ज्ञान प्रगट्यौ नहिं मांहीं ॥ ताकों भक्ति जोग अधिकार ॥
 सहजै छूटै सकल विकार ॥ ५७ ॥ मेरी कथा निरंतर सुनै ॥ हृदय मांहि मेरे गुन गुनै ॥ दृढ
 विश्वास हृदयें राखै ॥ मेरे गुण नामहित नित भाषै ॥ ५८ ॥ यों जद्यपि विषयनिमें रहै ॥ परि
 मन वच क्रम त्यागहि चहै ॥ सो नित भक्ति जोगसों भजै ॥ मोविच अंतराय सब तजै ॥ ५९ ॥
 तंत्रपंथ पूजा विस्तारै ॥ ममहित जो कलु सों सब करैं ॥ याविधि सकल वासना नासे ॥ मेरो
 रूपहि हृदय प्रकासे ॥ ६० ॥ तातैं ब्रह्मरूप करि जानै ॥ द्वैतभाव मिथ्या करि मानै ॥ संसय
 कर्म भर्म सब भागै ॥ अहंकार तजि सोवत जागै ॥ ६१ ॥ जहां तहां मोहींकों देखै ॥ मोबिन
 और कछु नहिं लेखै ॥ ऐसो ह्वे ममरूप समावै ॥ याही जन्म और नहिं पावै ॥ ६२ ॥ तातैं
 जाकौ मेरी भक्ती ॥ निशदिन ममचरणनि अनुरक्ती ॥ तातैं जद्यपि नाहीं ज्ञान ॥ अरु नाहीं

वैरागनिदान ॥ ६३ ॥ तोहूं सो मोकों अनुसरै ॥ अति दुस्तर भवसागर तरै ॥ वर्णाश्रमकै
 धर्मनि करै ॥ बहुत भांति तपकों आचरै ॥ ६४ ॥ निशदिन सांख्यहि ज्ञान विचारै ॥ गहि वैराग
 सकल अघजारै ॥ साधे जोगहि अष्ट प्रकारा ॥ दान वृतादिक बहु विस्तारा ॥ ६५ ॥ ए सब
 आपुहितें चलि आवै ॥ मम जनके आधीन रहावै ॥ मेरी भक्ति सकल सिरताजा ॥ जैसे सकल
 नरनिमें राजा ॥ ६६ ॥ भुक्ति भुक्ति पल नहिं परिहरै ॥ मम जनकी नित सेवा करै ॥ अरु
 में जद्यपि बहुविधि कहौं ॥ भुक्ति मुक्ति कछु दीनी चहौं ॥ ६७ ॥ परि मेरो निजजन नहिं
 छै ॥ सकल त्यागि ममचरणनि सेवै ॥ निरपेक्षता परम है श्रेय ॥ मोबिन सकल वस्तुकौ हेय
 ॥ ६८ ॥ निस्पृहता यह सुखहि अपार ॥ जहां न काल कर्म अधिकार ॥ में निस्पृह निस्पृह जो होई ॥
 मेरो भक्त कहींजै सोई ॥ ६९ ॥ मेरेशम लक्षणहैं जाँमें ॥ मेरो रूप जानियै तामें ॥ सबतें निस्पृह
 नित ममभक्त ॥ में निस्पृह तासों अनुक्त ॥ ७० ॥ तातें निस्पृहता सुख ऐसौ ॥ सकल विस्वमें
 नाहीं जैसौ ॥ निस्पृह जन मेरो सुख पावै ॥ स्पृहावंतके निकट न आवै ॥ ७१ ॥ जे एकांत
 भक्तहैं मेरे ॥ तिनके पुन्य पाप नहिं ने रे ॥ रागद्वेष वर्जित सम दरसै ॥ त्रिगुणातीत ब्रह्मकों
 परसै ॥ ७२ ॥ जोगरु भक्ति सांख्य ए तीन ॥ तीनों एकै कहैं प्रवीन ॥ इनकों पाई मोंकों पावै ॥ एबिन
 पाइ न मोंमे आवै ॥ ७३ ॥ ए साधनहैं तीनों नीकै ॥ इन बिन और न तारक जीकै ॥ ए
 साधनहैं मेरो रूप ॥ इनतें तत्व न और अनूप ॥ ७४ ॥ मेरो गोप्य रहस्यहि जोग ॥ जीव
 ब्रह्मकौ क्षिप्र संजोग ॥ छूटै सकल अविद्या भोग ॥ काल जाल नहिं संसे रोग ॥ ७५ ॥ ऐसैं
 तीन पंथ विस्तारै ॥ इन करि बहुत जीव निस्तारै ॥ जेई जे जन इनमें आवै ॥ तेई ते मेरो

पदपावै ॥ ७६ ॥ दोहा ॥ जे इन पंथनिकों तजै, करे कर्म अविकार ॥ तिनपशु
जीवनिकों कहै, विधि निषेध विस्तार ॥ ७७ ॥ इति श्रीभगवतेमहापुराणे
एकादशस्कंधे श्रीभगवदुद्धवसंवादेभाषायांविंशतितमोऽध्यायः ॥ २० ॥
दोहा ॥ ॥श्रीधर श्रीलक्ष्मीनृसिंह परानंद संदोह ॥ तिनकी ऋपाकटाक्षतै
दुर होत मन मोह ॥ १ ॥ ज्ञान क्रिया हरिभक्तिमैं जिनकों नहि संतोष ॥
तिन काम्यौके हित कहै, द्रव्य देश गुण दोष ॥ २ ॥ ॥श्रीभगवानुवाच ॥
चौपाई ॥ ज्ञान भक्ति अरु कर्म उपाई ॥ आप मिलनकों दिए बताई ॥ परिजे अतिहीं पशु
अज्ञान ॥ इनकों छोड़िकै कछु आन ॥ १ ॥ बहुत कामना हृदये धरै ॥ तिन हित बहुकर्मनि
विस्तरै ॥ ते पशुदुःख निरंतर पावै ॥ भव प्रवाह मांहि बहि जावै ॥ २ ॥ तिन हित विधिनिषेध
उच्चरै ॥ तिनकै बहु आरंभ निवारै ॥ अपनौहूं आपनौ अधिकार ॥ तामें वरतैं तजि विस्तार ॥ ३ ॥
ऊंचौ नीचौ सब परिहरै ॥ अपने कर्म मांहि अनुसरै ॥ सो सो तिन तिनकों विधि जानौ ॥ तातैं
और निषेधहि मानौ ॥ ४ ॥ एकलु वस्तु बुद्धि मति देखौ ॥ पशुजीवनकों बंधन लेखौ ॥ उपजी
वस्तु समस्त असुद्ध ॥ परि कहि भाषै सुद्ध असुद्ध ॥ ५ ॥ कर्म सकल छोडा वन कारण ॥ मैं यह
कियो वेद उच्चारण ॥ पाप छुडाई धर्म ग्रहवाजं ॥ याबिधि बहु आरंभ छुडाजं ॥ ६ ॥ यह
समस्त जगको व्यवहार ॥ यातैं जगको वार न पार ॥ क्षिति जल पावक पवन आकास ॥ सब
जग पंचभूत परकास ॥ ७ ॥ ब्रह्मादिक थावर परजंत ॥ पंचभूत करि सब वरतंत ॥ अरु

एकहि आतम सब मांहीं ॥ तातैं भेद कहुं कछु नाहीं ॥ ८ ॥ परि तथापि में भाष्यो वेद ॥ ताकरि
 कीने नाना भेद ॥ तिनके स्वारथ सुखके हेत ॥ विधि उच्चारै फलानि समेत ॥ ९ ॥ देश का-
 ल गुण द्रव्य सुभाव ॥ इनके भाषे नाना भाव ॥ एक निषेध एकविधि भाषै ॥ यौ संकोच मांहि सब
 राषै ॥ १० ॥ जाही देश कृष्ण मृग नाहीं ॥ अरु जह द्विजसेवा न करांही ॥ अरु जो कृष्ण मृग-
 हि जब रहै ॥ परि मिलेछ तहँ वासा गहै ॥ ११ ॥ अरु जद्यपि तुरकउ तहँ नाहीं ॥ परि मघ हद
 आदिनके मांहीं ॥ अरुजो मगधादि परिहरै ॥ परि कदरजता दूर न करै ॥ १२ ॥ अरु कद
 रजता मेटी होई ॥ परिजो उपर होवे सोई ॥ सो सो देस निषेध कहीजैं ॥ तिनमें वासादिक
 नहिं कीजैं ॥ १३ ॥ तिनतें और देस सुचि जानै ॥ तिन मांही वासादिक ठानै ॥ अरु जो काल
 कर्मको नाहीं ॥ सूतक आदि भये जा मांही ॥ १४ ॥ सो सो काल निषेध कहीजै ॥ उत्तमसो
 जामें विधिकीजै ॥ वस्त्रादिकहि जलादिक सुद्ध ॥ मूत्रादिकतें होइ अशुद्ध ॥ १५ ॥ सुद्ध
 असुद्ध वचनतें त्योंहीं ॥ मूँघेतें पुष्पादिक योंहीं ॥ तवहीं पाक कन्यौ सो सुद्ध ॥ बहुत कालतें
 होइ असुद्ध ॥ १६ ॥ कहियै भूमि मसान असुद्ध ॥ बहुत कालतें कहियै सुद्ध ॥ भूमें जब
 वरषा जल होई ॥ बहुत कालतें शुद्धहि सोई ॥ १७ ॥ ऐसी भांती ओरहु जानौ ॥ शुद्ध अशुद्ध
 भेद पहिचानौ ॥ विनास्नान सुद्ध बालादिक ॥ स्नानादिकतें शुद्ध जुवादिक ॥ १८ ॥ जीरण
 वस्त्र अधनकों सुद्ध ॥ द्रव्यवंतकों परम असुद्ध ॥ औरों सकल शक्ति अनुमान ॥ शुद्धअशुद्ध
 हि कियो बखान ॥ १९ ॥ सो सब देस काल अनुसार ॥ विधिनिषेधकों कह्यौ विचार ॥ धन
 अरु पात्र बस्त्र गजदंत ॥ तेलरु घृत हेमादि अनंत ॥ २० ॥ काल अग्नि जल माटी वाई ॥

जथा जोग है सुद्ध कराई ॥ अरु जो कछु लाग्यौ दुर्गंध ॥ ज्यों लागि धोए मिटे न गंध ॥२१॥
 त्यों लागि जानि अशुद्ध न गहियै ॥ गंध गएतें निर्मल कहियै ॥ शक्ति अवस्था तप अस्नान ॥
 संस्कार सुभकर्मरु दान ॥ २१ ॥ मम सुमरगणतें होवै सुद्ध ॥ करे अन्यथा होइ अमुद्ध ॥ मेरो
 मंत्रलियै विधि जानौ ॥ मंत्रविहीन निषेधहि मानौ ॥ २३ ॥ अर्पे थोहि सुद्ध सबकर्म ॥ करे
 विपर्जय होइ अधर्म ॥ देशरु काल कर्म अरु करता ॥ द्रव्य मंत्र ए खट आचरता ॥ २४ ॥
 ए जो सुद्ध होइ तो सुद्ध ॥ ए अमुद्ध तो होइ अमुद्ध ॥ अरु कहु होवे शुद्ध अशुद्ध ॥ कहु
 अशुद्धही होवै शुद्ध ॥ २५ ॥ सुद्ध अमुद्ध भेदहै जाके ॥ राग दोष होवेगो ताके ॥ जोईहै
 ऊंचेको धर्म ॥ नीचेको है ऊंच अधर्म ॥ २६ ॥ अरुजो कछु धर्म नीचेकूं ॥ सोईहै अधर्म ऊंचेकूं ॥
 ताहीतें दोऊ भ्रम जानै ॥ मेरोभक्त कदे नहिं मानै ॥ २७ ॥ जो कबहुं विष अमृत लीजै ॥
 ले ऊंचे नीचेकूं दीजै ॥ तो तिनमें तो भेद न होई ॥ मरनों अमर एक सम दोई ॥ २८ ॥ योंही
 विधिनिषेधहु होवैं ॥ ऊंच नीचकी ठौर न जोवै ॥ परिण दोऊ हे कछु नाहीं ॥ आपविचारौ
 अंतर मांही ॥ २९ ॥ नीचै नीचकर्म आचरैं ॥ मदिश पानादि कहूं करै ॥ तोहुं इनकों दूषण
 नाहीं ॥ सो नितहीहै दूषण मांहीं ॥ ३० ॥ अरुजो ग्रही करतुहै संग ॥ ऋतुकै समय जुवति
 प्रसंग ॥ तो ताकों कछु दूषण नाहीं ॥ सो नितहीहै दूषण मांहीं ॥ ३१ ॥ ज्योंही पिण्यौ धरणीपर
 कोई ॥ ताहि न परनैकों भयं होई ॥ परिजे कछु चढेहैं ऊंचे ॥ संकरी ढहिआवैं नीचे ॥ ३२ ॥
 तातैं तिनको संग न करणो ॥ मन बच कर्म संग परि हरणो ॥ ज्यों ज्यों प्राणी छोडे कर्म ॥
 त्यों त्यों छूटे पावै मर्म ॥ ३३ ॥ क्षेम धर्म सब नीको एह ॥ मिटहिं सोक मोह संदेह ॥ या

निमित्तमें भेद सुनाये ॥ थोरे थोरेमें ठहराये ॥ ३४ ॥ पीछें भ्रम कहि सकल निवारै ॥ ऐसी भांति
 जीव निस्तारै ॥ जब नर विषयनि उत्तम जानै ॥ तब तिनमें आशक्तिहि ठानै ॥ ३५ ॥ तातें
 हृदये उपजै काम ॥ तातें तहां कलहको धाम ॥ ताहीहुतें क्रोध उपजावै ॥ तब अविवेक आपुही
 आवै ॥ ३६ ॥ सो अविवेक हरै सब ज्ञान ॥ तातें प्राणी मृतक समान ॥ तातें काज अकाज
 न जानै ॥ निशदिन बहुविधि चिंता ठानै ॥ ३७ ॥ सब पुरुषार्थ होवै छीन ॥ निशदिन रहै
 दुखित अरु दीन ॥ तातें समुझै आपु न आन ॥ मिथ्या जीवै वृषभ समान ॥ ३८ ॥ ज्यों होवे
 लुहारकै षाल ॥ स्वासलेत यो षोवे काल ॥ अरु पुनि कहै कर्म फल जे ते ॥ स्वर्गादिक नाना
 विधि ते ते ॥ ३९ ॥ ते ते कहि करि रुचि उपजाई ॥ मेटि निषेधानि विधि करवाई ॥ जैसैं औषध कटु
 कषवावै ॥ बालकको लड्डाहि दिषावै ॥ ४० ॥ औषधको फल लाडू नाहीं ॥ औषधपिये रोग
 सब जाहीं ॥ स्वर्गहेत जो कर्मनि करै ॥ पुनि सुनि तत्त्व फलहि परिहरै ॥ ४१ ॥ तब अनर्थ
 ताजि अर्थहि आवै ॥ मोमें न्है निह कर्म समावै ॥ अरु यह जबतै जन्माहि पावै ॥ तबतें आपुहि
 विषय कमावै ॥ ४२ ॥ पुत्र कलत्र कुटुंबरु प्राणा ॥ इनके हेत चहै सुखनाना ॥ आपु आपुको करै
 अनर्थ ॥ तिनको मूरख जानै अर्थ ॥ ४३ ॥ ऐसैं या भवमें नित भर्में ॥ कदें न जाने सुखके
 मर्म ॥ अरु तिनको जो भ्रमते देखै ॥ सदा निरंतर दुखित हु लेषै ॥ ४४ ॥ सो तिनको कबहुं न
 बहावै ॥ अर्थरु काम न कदे दृढावै ॥ तातें मेंतो सबविधि जानौं ॥ कैसैं कामरु अर्थ बषानौं
 ॥ ४५ ॥ परिजे कछु श्रुतिमांही सुनायै ॥ अर्थ धर्म अरु काम बतायै ॥ ते ते सकल
 छुडावन कारण ॥ हेत बिचार कियो उच्चारण ॥ ४६ ॥ ऐसो वेदतत्त्व नहि जानै ॥

मूरख पुष्पित बनै बषानै ॥ फलनि हेत आरंभे कर्म ॥ तिनको कदे न छूटै भर्म ॥ ४७ ॥
 कामी कृपण लोभ अधिकारी ॥ तृष्णा आकुस सदाधिकारी ॥ फूलहि माहीं फल करिमानै ॥
 कामनि लागि तत्त्व नहि जानै ॥ ४८ ॥ में तिनके नित हृदेमें माहीं ॥ परि
 तोहूं ते जानै नाहीं ॥ जातैं यह सब जगत पसारा ॥ अरु समस्त जाके आधार ॥ ४९ ॥ जा-
 की शक्ति पाई सब वर्त्ते ॥ चुंबक संग लोहज्यों नर्त्ते ॥ जाकी आज्ञा सबहीं मानै ॥ कोई मर
 जादा नहि भानै ॥ ५० ॥ ऐसो हे सबहिनमें ईस ॥ जेसैं सकल देहमें सीस ॥ परिते काम कर्म
 तें अंध ॥ मोहि न देखैं अर्थनि बंध ॥ ५१ ॥ जैसैं नयन रोगमय होवै ॥ आगै होती वस्तु न
 जोवै ॥ यौ अज्ञान अंध कर्मिष्ट ॥ देखैं नहीं निकटमें इष्ट ॥ ५२ ॥ ते मो बिन मम मतो न
 जानै ॥ हनि जीवनि जज्ञादिक ठानै ॥ ते फिर तिनहिं हतें परलोक ॥ जन्म जन्म पावैं
 भय सोक ॥ ५३ ॥ जब याकै बहुहिंसा देखी ॥ हनि हनि जीव जीवका पेखी ॥ तिनके हेत
 कही यह बानी ॥ हिंसा जज्ञहि मांहि बखानी ॥ ५४ ॥ पसुवध एक जज्ञमें भाष्यौ ॥ और सम-
 स्त दूरिकरि नाष्यौ ॥ जब प्राणी तामें ठहरावै ॥ तब पुनि वेदहि सकल छुड़ावै ॥ ५५ ॥ वा-
 निमित्त पसु हिंसा भाषी ॥ सो मूरखनि तत्त्व करि राषी ॥ तातैं बहुविधि कर्मनि करै ॥ बहुत
 काम हृदेमें धरै ॥ ५६ ॥ पसुहिंसा करि करि व्यवहार ॥ जे जे पावैं बहुत प्रकार ॥ देव पितर
 भूतनको यजै ॥ उरतें सुख इच्छा नहिं तजै ॥ ५७ ॥ सुपन तुल्य स्वर्गादिक भोग ॥ तिन
 को सुनि उत्तम या लोग ॥ तिनकी इच्छा हृदये धरै ॥ द्रव्य पशवि कर्मनि बिस्तरै ॥ ५८ ॥
 विघ्न होइ बहुकर्मनि माहीं ॥ स्वर्गादिकहू पावैं नाहीं ॥ ज्यों को सायर पारहि जावै ॥ धन

हित ग्रहकै धनहि लगावै ॥ ५९ ॥ पाछैं परैं विघ्न जो कोई ॥ ता दोन्योतिं जावे सोई ॥ यों जे
 बहुविधि कर्म उपावैं ॥ ते पसु दुहंलोकतैं जावैं ॥ ६० ॥ सातिक जे ते देवानि भजैं ॥ जक्षादि-
 ककों राजस जजैं ॥ तामस भूत प्रेत बहु सेवैं ॥ तन मन धन तिन तिनको देवैं ॥ ६१ ॥ इहां
 यज्ञहु बहुविधि कीजैं ॥ विप्रानि बहुत दक्षिणा दीजैं ॥ तातैं स्वर्गादिक सुख पड़्यैं ॥ तहां बहुत
 विध भोग भुगड़्यैं ॥ ६२ ॥ पुनि जब होवे तिनको अंत ॥ तबहुं जें भुवमें धनवंत ॥ ऐसी
 भांति कामना करै ॥ तिन निमित्त कर्मनि विस्तारै ॥ ६३ ॥ तिनको मेरी बात न भावे ॥
 भक्ति कहातैं हृदये आवे ॥ जद्यपि वेद कर्म उचारै ॥ धर्मरु अर्थ काम विस्तारै ॥ ६४ ॥ परि
 तथापि ब्रह्महीं बतावै ॥ क्रम क्रम दूजो सकल छुडावै ॥ परि श्रुतिको आसय नहिं जानैं ॥
 है कलु औरै और बषानैं ॥ ६५ ॥ शब्द ब्रह्म महादुर्बोध ॥ पंडितहुं नहिं पावै सोध ॥ सूक्ष्म
 थूल रूप द्वे जाके ॥ मोबिन भेद लहे को ताके ॥ ६६ ॥ प्राणस्वरूप परासैं नाम ॥ पस्यंती
 को मनमें धाम ॥ तीजी कंठ मध्यमा मूल ॥ चोथी प्रगट वैषरी थूल ॥ ६७ ॥ भेदहि
 तिनको कोइ न जानै ॥ तातैं औरै और बषानै ॥ अंत पारको ईनहिं पावै ॥ ज्यों सायर
 थाह्यौ नहिं जावै ॥ ६८ ॥ अति गंभीर अर्थहे जाकौ ॥ कोई भेद न जाने ताकौ ॥
 मैं सबहिनमें अंतरजामी ॥ शक्ति अनंत सकलको स्वामी ॥ ६९ ॥ सर्वहि व्यापक ब्रह्मरूप ॥
 लिप्तन कबहुं परम अनूप ॥ सोईहै व्यापक सब मांहीं ॥ शब्द रूप दूजाको नाहीं ॥ ७० ॥
 कमल नालमें तंतू जैसैं ॥ शब्द रूप सबमें मैं ऐसैं ॥ सोई प्रगट्यौ बहुविस्तार ॥ मन करि
 हृदयहुतैं मुषद्वार ॥ ७१ ॥ ज्यों मकरी तंतू बिस्तारै ॥ करि विस्तार बहुरि संहारै ॥ त्यों मम

ए.भा.
॥६८॥

अ. २१

वेद भयो विस्तार ॥ ॐकार इक मूलाधार ॥ ७२ ॥ तातैं अक्षर बहुत प्रकारा ॥ तिनतैं छंद वार
नहिं पार ॥ चार चार अक्षर अधिकाहीं ॥ छंद होत एसी विधि जाहीं ॥ ७३ ॥ एकहुतैं यों
होइ अनेक ॥ बहुगै सकल एकके एक ॥ गायत्री अक्षर चोवीस ॥ उष्णिक छंद अष्ट अरु बीस
॥ ७४ ॥ जो बत्तीस अनुष्टुप सोहै ॥ बृहती नाम तीस षटकोहै ॥ पंक्ति नाम अक्षर चालीस ॥
त्यौंही त्रिष्टुप चंवालीस ॥ ७५ ॥ जगतीछंद अष्ट चालीस ॥ कहत पार नहिं कोट वरीस ॥
याविधि प्रगट्यौ बहु विस्तार ॥ जाको कछु वार नहिं पार ॥ ७६ ॥ कहा न्हदेंमें कहा बतावै ॥
ले कहि अंत कहा ठहरावै ॥ ऐसो मतो न जानें कोई ॥ मोबिन भावें विधि किन होई ॥ ७७ ॥
जज्ञरूप कहि मोकों राखै ॥ सकल देवमय मोकों भाषै ॥ मेरे हेत कर्म करवावै ॥ मोतैं
उपज्यौ सकल बतावै ॥ ७८ ॥ अंत सकलको भाखे नास ॥ मोकों कहै सुनित्य प्रकास ॥
नानारूपनि वृथा जनावै ॥ एकब्रह्म कहि सकल सुनावै ॥ ७९ ॥ जेसैं साप जेवरी मांहें ॥ यों
सब जगत बतावे नाहीं ॥ मोकों नित्य निरंजन भाखै ॥ अंजन सकल दुरि करि नाखै ॥ ८० ॥
तातैं श्रुति नित मोहि बतावै ॥ परि यह तत्त्व न कोई पावै ॥ सो पावै जो मम आधीन ॥ हुइ
निहकाम रहे लै लीन ॥ ८१ ॥ ॥ दोहा ॥ यों सुनि करि श्रुति तत्त्वकों, उद्धव
लिये आनंद ॥ प्रष्णकरी पुनि कृष्णसौ, ज्यों छूटे भव फंद ॥ ८२ ॥ इति
श्रीभागवतेमहापुराणेएकादशस्कंधे श्रीभगवदुद्धवसंवादेएकविंशोऽध्यायः २१
दोहा ॥ तत्त्व गणित बावीशमें, कह्यो भेद सब एक ॥ जन्म मृत्यु विधि
आदि, प्रकृतीपुरुष विवेक ॥ १ ॥ उद्धव उवाच ॥ चौपाई ॥

॥६८॥

हे देवेश तत्त्वहैं केते ॥ कहो कृपाकरि मोसों ते ते ॥ जिनको रचित सकल संसार ॥ जो दीसै
 नाना विस्तार ॥ १ ॥ तुमती अष्टाविंसति कहैं ॥ तेमें दृढकरि मनमें गहैं ॥ परि बहुतें मिलि
 बहुविधि कहैं ॥ अरु तिनतें सुनि त्योंही गहैं ॥ २ ॥ कैइ कहतहैं तत्त्व छवीस ॥ अरु त्यों कोई
 कहैं पचीस ॥ कैइ षट् अरु कैइ चार ॥ कैइ भाषें शप्त विचार ॥ ३ ॥ कैइ नवको करै विवेक ॥
 कैइ भाषें दश अरु एक ॥ कैइ तत्व बतावें षोडश ॥ अरु त्यों एक कहैं त्रयोदश ॥ ४ ॥
 कैइ भाषें दश अरु सात ॥ ए गिषिमते स्मृति विख्यात ॥ कौन प्रयोजन ले ले भाखें ॥ यों अपने
 अपने मत राखें ॥ ५ ॥ कृपाकरौ निज बेन सुनावौ ॥ सत्य मतो सो मोहि जनावौ ॥
 सुनि उद्धवकै बैन रसाल ॥ कृपासिंधु बोले गोपाल ॥ ६ ॥ ॥ श्रीभगवानुवाच ॥ ॥
 चौपाई ॥ हे उद्धव ज्यों ज्यों सब भाखैं ॥ जितनें जितनें तत्व निराखैं ॥ ते ते तुम सब मानो
 सत्य ॥ तत्व विचारै सबै असत्य ॥ ७ ॥ मायादेषि कहें जो जे ते ॥ मायामांहि सत्यहैं ते ते ॥
 मोहिदोखि जो तिनकों देखे ॥ तो समस्त मिथ्याकरि लेषे ॥ ८ ॥ मायामांहीं जुक्त विचारे ॥
 अपनों अपनों मतो उचारे ॥ यह योंहीं यह योंहीं नाहीं ॥ कहें सबें मिलि आपु न मांही ॥ ९ ॥
 यह योंहीहै जोमें भाखौ ॥ तेरी कही सत्य नहिं राखौ ॥ याविधि मम माया भरमाए ॥ तिन
 नानाविधि पंथ चलाए ॥ १० ॥ मम मायाकी शक्ति अनंत ॥ तिनके पंथनिको नहिं अंत ॥
 जब सम दम उर अंतर आवैं ॥ तब ए सकल भेद छट्किवैं ॥ ११ ॥ जे ते तत्त्व सकल मायाके ॥
 जिनतें भए सकल ता ताके ॥ कम कम तत्त्व उपजते गए ॥ त्यों त्यों भेद बहुत विधि
 भए ॥ १२ ॥ जैसें एक वृक्ष विस्तार ॥ ताकी संपाति बहुत प्रकार ॥ कलु साखा बहुतें पर साखा ॥

अरु तिनके बहु विधि उपसाखा ॥ १३ ॥ तिनको बहुत भांति विस्तार ॥ पान फूल फल
विविध प्रकार ॥ अरु ता वृक्षहि बरनें कोई ॥ ज्यों ज्यों सत्य त्यों होई ॥ १४ ॥ थोरे होइ
ज्यों जो साखा ॥ बहुते होइ मिलि पर साखा ॥ उपसाखा मिलि बहुविधि होवैं ॥ ते सब पंथ
सत्य सब जोवैं ॥ १५ ॥ यों संसार वृक्ष विस्तार ॥ माया मूलहि सकल प्रकार ॥ तत्त्व सकल
साखा पर साखा ॥ अरु तिनके बहुविधि उपसाखा ॥ १६ ॥ ताते ज्यों वर्ण त्यों सत्य ॥ परि
सब माया सकल असत्य ॥ ज्योंही ज्यों जिनके मन आयौ ॥ त्योंही त्यों तिन बरनि सुनायौ
॥ १७ ॥ माया करि बंध्यो सो आतम ॥ ताते छोडै सो परमातम ॥ ए दोहू अरु जड चोवीस ॥
तिनकों मिले सकलहि छवीस ॥ १८ ॥ अरु जे बंध मुक्तहैं दोई ॥ दे भ्रम माया सत्य न कोई ॥
ताते जीव ब्रह्म द्वै नाहीं ॥ यों पचीस जानौ मन माहीं ॥ १९ ॥ सत रज तम ए गुणहैं जेते ॥
जड सरूप मायाके ते ते ॥ रज उत्पति सातिक प्रातिपाल ॥ तामस रूम असतहै काल ॥ २० ॥
राजसहुते कर्म अधिकार ॥ तामस ते अविवेक अपार ॥ सातिक गुणते उपजे ज्ञाना ॥ एहें
मायाके गुण गाना ॥ २१ ॥ इनते परे आतमा मानौ ॥ ताते ब्रह्मरूप करि जानौ ॥ पंचवीस
ताहीते कहैं ॥ त्योंही ते सुनि और उगहैं ॥ २२ ॥ सोहे काल गुणनि विस्तारै ॥ सो सुभावते
शक्ति पसारै ॥ ताते कालरूप हरि जानौ ॥ अरु सुभाव महत्तत्त्वहि मानौ ॥ २३ ॥ ताते तत्त्व अधिकन
गहियें ॥ पंचवीस छहवीसहि कहिये ॥ प्रकृति पुरुषमह ततहंकार ॥ तन मात्रा ए पंचप्रकार ॥ २४ ॥
श्रोत्ररु त्वचा नेत्र जिव घ्राणा ॥ ए पंचौ इंद्रियहैं ज्ञाना ॥ पायु उपस्थ चरणकर बानी ॥ पंचकर्म
इंद्रिय यह शानी ॥ २५ ॥ मन दशहूं इंद्रियकौ राजा ॥ जाकी शक्तिकरैं सब काजा ॥ शिति

जल पवन तेज आकास ॥ ए अठाइस तीन गुण पास ॥ २६ ॥ गति उत्सर्ग ग्रहन अरु बचना ॥
ए पांचौ इंद्रिय फल रचना ॥ तातैं अष्टाविंशति तत्त्व ॥ अधिक न भाषैं ज्ञानी सत्त्व ॥ २७ ॥
सृष्टिआदि थी माया एक ॥ पुरुष शक्ति तें भई अनेक ॥ तनमात्रा मह तत हंकार ॥ एहें कारण
नवे प्रकार ॥ २८ ॥ पंचभूत मन अरु इंद्रिय दश ॥ कारजरूप विकृती षोडश ॥ सत रज तम
गुण तीन प्रकार ॥ तिनतें रच्यौ सकल विस्तार ॥ २९ ॥ कारण करण प्रकृती जानौ ॥
पुरुष निमित्तहि साक्षी मानौ ॥ इच्छा सक्ति पुरुषतें पावैं ॥ मिलि समस्त तब सृष्टि उपावैं ॥ ३० ॥
सप्तधातुकौ सब विस्तारा ॥ आतम दृष्टाके आधारा ॥ सकल तत्त्व सप्तमें आये ॥ तातें एकनि
सप्त बताये ॥ ३१ ॥ पंचभूत आपहि उपजाये ॥ तिनके बहुविधि देह बनाये ॥ आपु प्रवेश
कियौ हरि तिनमें ॥ चेतन दीसतुहै जिन जिनमें ॥ ३२ ॥ ऐसी विधि षट्कौ विस्तार ॥ आपु
मांहि सबकरें विचार ॥ पृथिवी आप तेज त्रय तत्त्व ॥ अरु आतम निर्मित सबसत्त्व ॥ ३३ ॥
याविधि चार तत्त्व विस्तार ॥ ऊंचौ नीचौ सब संसार ॥ पंचभूत तन मात्रा पंच ॥ पंचइंद्रिय
सब परपंच ॥ ३४ ॥ मन आतमा मिलि दशसात ॥ तत्त्व सप्तदश जानो तात ॥ मन आतमा
एककरि जानैं ॥ ते जन षोडश तत्त्व बखानैं ॥ ३५ ॥ पंचभूत अरु इंद्रिय पंच ॥ ब्रह्म जीव
मनको परपंच ॥ ऐसी विधिकरि पंथ चलावैं ॥ तेरहको सब जगत बतावैं ॥ ३६ ॥ इंद्रिय
पंच पंच पुनि भूत ॥ आतम मिलि सब जन उद्भूत ॥ ऐसी विध एकादश कहैं ॥ जुक्ति वि-
चार हृदमें गहैं ॥ ३७ ॥ पंचभूत मन बुधिहंकार ॥ आतम मिलि नवको विस्तार ॥ ऐसी विधि
बहु मारग कहैं ॥ जुक्ति विचार हृदमें गहैं ॥ ३८ ॥ प्रकृति पुरुषको लहैं विवेक ॥ इनको जानि

एकको एक ॥ ऐसो सुनि तत्त्वनिको ज्ञान ॥ उद्धव पूछयो परम सुजान ॥ ३९ ॥ उद्धव उवा-
च ॥ चौपाई ॥ हे प्रभुजी यह ज्ञान सुनावौ ॥ मेरे उसको भ्रमहि मिटावौ ॥ चेतन ज्ञान रूप अ-
विनासी ॥ सुद्धानंद परम परकासी ॥ ४० ॥ ऐसैं आतम तुमरो रूप ॥ परे गुणनिर्ते परम
अनूप ॥ जड विना समय परम अशुद्ध ॥ दुःखरूप पल सुख नहिं सुद्ध ॥ ४१ ॥ ऐसी
प्रकृति पुरुषते न्यारी ॥ तोहूं भई परस्पर प्यारी ॥ प्रकृति मांहि आतम मिलि रह्यो ॥
अरु आत्मा प्रकृतिकरि गह्यो ॥ ४२ ॥ इनमें भेदन जान्यो परे ॥ एकमेक व्है सब
अनुसरे ॥ इनमें प्रकृति कहालों कहियैं ॥ कोन आतमा जो दृढ गहिय ॥ ४३ ॥ करि
करुणा बानी विस्तरो ॥ वचन बान संसय परिहरो ॥ तुम माया बंध्यो संसार ॥ तुमहींहुतै
होई उद्धार ॥ ४४ ॥ तुमहीं मायाकी गति जानौ ॥ कृपाकरौ तब तुमहीं भानौ ॥ बानी
सुनी भक्त अपनेकी ॥ तब बोले श्रीकृष्ण विवेकी ॥ ४५ ॥ ॥ श्रीभगवानुवाच ॥ ॥
॥ चौपाई ॥ हे उद्धव यह ज्ञान अगाध ॥ कोई एक लहे मम साध ॥ सो यह ज्ञान सुनाऊं तोही ॥
तूहै सदा अनुवृत्त मोही ॥ ४६ ॥ उद्धव प्रकृति रचे संसार ॥ सूक्ष्म थूल विध परकार ॥
उपजैं वरतैं होइ विनास ॥ तामैं आतम नित्य प्रकास ॥ ४७ ॥ उद्धव यह हे मेरी माया ॥
तिन सत रज तम गुणजाया ॥ तिनकौ त्रिविध सकल विस्तार ॥ जाको कछु वार नहिं
पार ॥ ४८ ॥ त्रिविध कहनकौ परि कहूं भेद ॥ तिनतैं जीव लहै नितपेद ॥ अध्यात्म अधि-
दैव अधिभूत ॥ त्रिविध रूप सब जग उद्भूत ॥ ४९ ॥ दृग अध्यात्मरूप अधिभूत ॥ रवि
अधिदैव मिलि अदभूत ॥ तीनौ मिले परस्पर जबहीं ॥ तिनकौ कारज सीझै तबहीं ॥ ५० ॥

तीनों बिना कछू नहिं होई ॥ तीनी मिलि वरते सब कोई ॥ त्वचास्पर्श पवन त्यों जानौ ॥
 कर्णरु शब्द दिशायों मानौ ॥ ५१ ॥ नासार्गंध अस्वनी सूता ॥ जिह्वा रसरु बरुण जलजूता ॥
 चित्त चेतना अंतरजामी ॥ बुद्धि बोधना ब्रह्मास्वामी ॥ ५२ ॥ अहंकार हंकारता रुद्र ॥ मन
 मानवो देवता चंद्र ॥ याविधि त्रिविध प्रपंच पसार ॥ सकल परे आतम निज सार ॥ ५३ ॥
 इन तीनों बिन जगत न होई ॥ ते आतम बिन रहे न कोई ॥ आदि सकलके आतम एक ॥
 जातें चेतन होह अनेक ॥ ५४ ॥ आतम स्वप्रकास अविनासी ॥ चेतन रूप सकल सुखसा-
 सी ॥ ए सब आतमके आधार ॥ अरु आतमा सकलके पार ॥ ५५ ॥ विन आतमा कछू
 नहिं होई ॥ अरु आतम नहिं जानें कोई ॥ मह तततें उपज्यौ हंकार ॥ तिहूं गुणनिकौ त्रिवि-
 ध प्रकार ॥ ५६ ॥ सो अज्ञान मूलकरि मानौ ॥ जाको कियौ जगत भय जानौ ॥ सो आ-
 तमा आपही लियौ ॥ भव भय आपु आपुकों कियौ ॥ ५७ ॥ आतम सदा एकहीं रूप ॥
 अहंकारतें परे अनूप ॥ सो जब रूप आपनौ जानै ॥ तबहीं सकल उपाधी भानै ॥ ५८ ॥ सो
 कछु होई नहीं उपाधी ॥ परि आतमा लेइकरि व्याधी ॥ समुझे जबही आपनौ रूप ॥ तब
 आतमा तजे भवकूप ॥ ५९ ॥ अरु तब रूप आपनौ जानै ॥ जब मम चरण हृदमें आनै ॥ ज-
 यपि मिथ्या सब संसार ॥ जो कछु दीसे विविध प्रकार ॥ ६० ॥ परि जोलों नहिं मोकों भजै ॥
 तोलों निज अज्ञान न तजै ॥ जबहीं मेरे सरणहि आवै ॥ तबहीं आतम ज्ञानहि पावै ॥ ६१ ॥
 ॥ दोहा ॥ ऐसै श्रीमुष बैनसुनि, प्रकृतिपुरुषको ज्ञान ॥ उद्धव कीनो प्रण
 तब, हरि जन परम मुजान ॥ ६२ ॥ उद्धव उवाच ॥ चौपाई ॥ तुम करि रहित बुद्धिहै

जिनकी ॥ कहियें देव कोन गति तिनकी ॥ सकल व्यापी आतम एक ॥ क्योंकरि
 पावै देह अनेक ॥ ६३ ॥ अरु शुभ अशुभ कर्महैं जे ते ॥ त्रिगुण रचित कहियें सब
 ते ते ॥ तिन कर्मनि निह कर्म बंधावै ॥ क्योंकरि जोनि अजोनी पावै ॥ ६४ ॥
 अमर मरे कैसें करि देवा ॥ याकौ मोहि बतावो भेवा ॥ यह तुम विना न कोई जानै ॥ जद्यपि
 विद्या बेदबषानै ॥ ६५ ॥ जो कछु पढे बंध सो होई ॥ तातें तत्त्व न जानै कोई ॥ याविधि उद्धव
 पूछ्यो ज्ञान ॥ तब हसि बोले श्रीभगवान ॥ ६६ ॥ ॥ श्रीभगवानुवाच ॥ चौपाई ॥ उद्धव यह
 मन परम विकारी ॥ सब इंद्रियनि मांहि अधिकारी ॥ इंद्रिय मिल मनहीं सब करै ॥ सुखद्वित
 बहु उद्यम विस्तारै ॥ ६७ ॥ सो तन तजि दूजै तन जावै ॥ तहां तहां आतमही आवै ॥ जिन
 जिन सुखनि सुने अरु देखे ॥ तिन तिनको उत्तम करि लेखे ॥ ६८ ॥ तिनको सो मन निश
 दिन ध्यावै ॥ यह तन छीनभए तहँ जावै ॥ वह तन पाइ बिसारें याकौ ॥ जन्ममरण कहिये
 तुहे ताकौ ॥ ६९ ॥ जा तनमें बांधें अभिमान ॥ छोडै पूरव तन गहि आन ॥ जन्म मरण
 आतमको सोई ॥ दूजो जन्ममरण नहिं कोई ॥ ७० ॥ जैसें सुपन मनोरथ जावै ॥ यह तन
 छोडी औरहि पावै ॥ तब या तनकी सुद्धि न रहै ॥ वाही तनको आपुहि कहै ॥ ७१ ॥
 जन्मरु मरण स्मृतिकों होई ॥ आतम जन्म मरणहै सोई ॥ और कछु आतम नहिं मरे ॥ अरु कबहुं
 नाहीं अवतारै ॥ ७२ ॥ यौ तनमें मनको अभिमाना ॥ तातें तन उपजतहैं नाना ॥ ते सब
 आतमके आधारा ॥ तन मन बुद्धि चित्त हंकारा ॥ ७३ ॥ जिन संगति आतमको दुःख ॥
 तिनहित जे बिन पलनहि सुख ॥ उद्धव सकल देहहैं जे ते ॥ सदा सकल विनशतहैं ते ते ॥

॥ ७४ ॥ काल नदी प्रवाह प्रचंड ॥ ताकरि पलक परत नहिं षंड ॥ जैसे नदी निरंतर बहै ॥
 परि देषनकों त्योंहीं रहै ॥ ७५ ॥ अरु ज्यों अर्चि निरंतर जावै ॥ परि दीपकद्युति त्योंहि रहवै ॥
 अरु जैसे सब वृक्षनिकै फल ॥ दीसैं त्यों परि थिर नहीं पल ॥ ७६ ॥ त्योंही सब देहनिकों
 जानौ ॥ कालहि प्रसत निसी दिन मानौ ॥ जद्यपि अवस्था जातीलैषै ॥ बालकुमार जुवादिक
 देखै ॥ ७७ ॥ परितोहं मुरष नहिं जानै ॥ में वह ईहोंयों करि मानै ॥ यह आतम सो सदा
 अजन्म ॥ देह संगते पावे जन्म ॥ ७८ ॥ अरु त्यों अमर निरंतर जानौ ॥ देह संग मरतोसो
 मानौ ॥ जैसे अग्नि दारुके संग ॥ सदा लहे उत्पति अरु भंग ॥ ७९ ॥ ज्यों लागि तनकी
 संगति रहै ॥ त्योंलगी आतम अतिदुष सहै ॥ गर्भ प्रवेस वद्धि अवतार ॥ बाल अवस्था तथा
 कुमार ॥ ८० ॥ जौवन मध्य जरा अरु मरना ॥ नवहि अवस्था देह अवरना ॥ आतम
 एक रूप सबहिनमैं ॥ कबहुं नहीं लिपे तिन तिनमें ॥ ८१ ॥ ऐसे जानि मुक्ति तब होई ॥ मेरी
 सरणागत जे कोई ॥ अपनो दादौ पिता विचारे ॥ तिनको मरणौ उरमें धारे ॥ ८२ ॥ भाई ज्यों
 अबमें अनुरक्त ॥ त्योंहीं तेहू ते आशक्त ॥ तेतो प्रगट कालवश भये ॥ परवश भए छोडि
 सबगये ॥ ८३ ॥ मेरी यों ह्वै गति एसी ॥ भई बाप दादाकी जैसी ॥ अरु मेरे अब बालक
 जैसे ॥ हमहुं हुतै पिताके तैसे ॥ ८४ ॥ सकल अवस्था सो मम गई ॥ यहतो प्रगट औरही भई ॥
 याही विंधि जैसे सब देह ॥ तेसें छुटै पुत्र धनगेह ॥ ८५ ॥ यों उरमें बहुभांति विचारै ॥ अपने
 बंधन सकल निवारै ॥ देहादिक सब संगति तजै ॥ सदा निरंतर मोकों भजै ॥ ८६ ॥ बीज
 जन्म पाकेतें अंत ॥ खेती खेतमांहि वरतंत ॥ खेती करण हारसो न्यारा ॥ यों तन न्यारौ करै

विचारा ॥ ८७ ॥ कर्मबीज विस्तारे नाहीं ॥ दग्धकरे जेही तन मांही ॥ तिनतें न्यारी आपुहि
 जानै ॥ संग करेतें सुखःदुख मानै ॥ ८८ ॥ तातें तनकौ संग निवारै ॥ याविधि आपु आपुकौ
 तारै ॥ जो जन न्यारो आपुन जानै ॥ तन सुख हेत कर्म बहु ठानै ॥ ८९ ॥ तिनतें नाना देह
 नि पावे ॥ पुनि पुनि जन्मि जन्मि मरि जावे ॥ सातिकतें मुखे ऋषि होई ॥ राजस नरके
 दानव सोई ॥ ९० ॥ तामस पस्वादिकके भूत ॥ याविधि त्रिगुण जगत अदभूत ॥ जद्यपि
 आतम सदा अनीह ॥ कबहुं कछु न करे सनेह ॥ ९१ ॥ परित न करते करता होई ॥ संग
 दोष बंधतहै सोई ॥ जेसै नाचै गावै कोई ॥ तिनकौ दूजो दृष्टा होई ॥ ९२ ॥ त्यों त्यों आपहु
 बैठे करै ॥ तान ताल रागहि उरधरै ॥ त्यों माया गुण कर्मनि ठानै ॥ आतम करता आपुहि
 मानै ॥ ९३ ॥ तिनहीं कर्मनि बंधे आपू ॥ जो कछु करै होइसो पापू ॥ तिनकौ जानि तजै
 नहिं जोलौ ॥ जनम मरण दुखमिटे न तोलौ ॥ ९४ ॥ जलप्रवाह ढिग ठाढौ कोई ॥ तब
 वृक्षनि देखे चल सोई ॥ नयन भ्रमत ज्यों कोई देखे ॥ तब सब भ्रमती धरती लेखे ॥ ९५ ॥
 तेसैं यह आतम थिर जानौ ॥ और सकल चंचलकरि मानौ ॥ निश्चल मन करि देखे जबहीं ॥
 निश्चल ब्रह्मरूपहै तबहीं ॥ ९७ ॥ जेसैं स्वप्न मनोरथ मृषा ॥ यों सब जगत विषय
 सुख तृषा ॥ परि जद्यपि जग सत्य न कोई ॥ तोहुं कदे निवृत न होई ॥ ९७ ॥ जेसैं
 सुपन सत्य कछु नाहीं ॥ परि जोलौहे निद्रा मांही ॥ त्योंलगि सकल सत्यही जानै ॥ सुखदुख
 पावै उद्यम ठानै ॥ ९८ ॥ त्यों अज्ञान नींदबस जोलौ ॥ जनममरण भव मिटे न तोलौ ॥
 तातें उद्धव संबधम जानौ ॥ महा अनर्थ रूप करि मानौ ॥ ९९ ॥ विषयनिकौ उद्यम

छटिकावौ ॥ अरुजैहैं त सकल मिटावौ ॥ ज्यौलगि आपुहि समुझै नाहीं ॥ त्योंलगि हैं नाना भय
मांहीं ॥ १०० ॥ अरु आपुहि समुझै नहिं तोलों ॥ मम आधिन होई जोलों ॥ मम आधीन
निरंतर रहै ॥ जग उपहास सीस सब सहै ॥ १ ॥ केई एक करे अपमाना ॥ केई गहि बांधै
अज्ञाना ॥ केई मूतें थूतें तनमें ॥ डारैं धूरि भोषके अनमें ॥ २ ॥ एकै डहिकै मूढ डिगावैं ॥
एकै निदें चोट लगावैं ॥ एसैं बहुविधि दुख उपजावैं ॥ बहुविधि भयकै बैन सुनावैं ॥ ३ ॥
परि जो अपनो श्रेय बिचारै ॥ सो एको मनमें नहिं धारै ॥ बहु कष्टनितैं मन न डिगावै ॥
सो भव तजि मम चर्णनि आवै ॥ ४ ॥ मरे पंथ खडगकी धारा ॥ जो न डिगे सो उतरे पारा ॥
हरिके बैन निदुष्कर जानी ॥ उद्धव प्रणकरि भय मानी ॥ ५ ॥ ॥ उद्धव उवाच ॥
॥ चौपाई ॥ प्रभु तुम एसैं बैन सुनायै ॥ ते मेरे मन दुष्कर आयै ॥ जो असाथ बिन काज
धिकावै ॥ तातैं सहै कौन विधि जावै ॥ ६ ॥ मेरे हृदे ज्ञान ठहरावौ ॥ सहन उपाइ मोहि
समुझावौ ॥ जे सहनो उत्तम करि जानै ॥ अरु त्यों औराने पास बखानै ॥ ७ ॥ परि तं
आइ परें नहिं सहे ॥ अंत प्रकृतिके सब ह्वै रहे ॥ केवल जे तुमचर्ण अधारा ॥ तिनमें कोई
नहीं विकारा ॥ ८ ॥ ते नित निश्चल सीतलरूप ॥ नित आनंदित परम अनूप ॥ तिनको
रुदे लिपे कछु नाहिं ॥ सदाबसे तब चर्णनि मांहीं ॥ ९ ॥ औरे सकल प्रकृति आधीन ॥
सदा बिकारनि आगे दीन ॥ तातैं तुमहीं करुणा करौ ॥ ज्ञानादिक मम हृदये धरौ ॥ ११० ॥
दोहा ॥ एसीकीनी प्रण जब, उद्धव परमसुजान ॥ भाख्यौ सहन उपाय तब,

भवभंजक भगवान् ॥ इति श्रीभागवते महापुराणे एकादशस्कंधे श्रीभगवदुद्ध-
वसंवादे भाषायां द्वाविंशोऽध्यायः ॥ २२ ॥

दोहा ॥ तिरस्कार मन सहनता, संयम बुद्धिप्रकार ॥ कही ध्याय तेवीशमें,
भिक्षू गीत मझार ॥ १ ॥ दुष्टवचन शरतें बुरे, भले शत्रुके बान ॥ श्रीधर
जो नर सहत है, तामस साधु न आन ॥ २ ॥ ॥ श्रीभगवानुवाच ॥ ॥

चौपाई ॥ हेउद्धव ऐसो नहिं कोई ॥ दुर्जन वचन क्षुभित नहिं होई ॥ दुर्जनवचन बान जो
महै ॥ मन कम बचन क्षोभ नहिं लहै ॥ १ ॥ जो ऐसो सो साधु कहावै ॥ या बिन साधुपद
विन पावै ॥ पेंचि कसी सहने गहिबान ॥ अरुते भेदें मरम स्थान ॥ २ ॥ तौ तिनतैं दुष हो
इन ऐसौ ॥ दुष्ट वचन बाननतैं जैसौ ॥ परिमे तोहि उपाइ सुनाऊं ॥ सहन सीलता उर
उहराऊं ॥ ३ ॥ मोसों सुनो एक इतिहास ॥ जातैं होवे न्हदे प्रकास ॥ भिक्षुक एक ज्ञान
मय भाषी ॥ ताकी तोहि सुनाऊं साषी ॥ ४ ॥ कियौ असाधुनि बहु अपमाना ॥ तिरस्कार
ठान्यो विधि नाना ॥ तब ता भिक्षुक गाथा कही ॥ कुमति आपनी सगरी दही ॥ ५ ॥
सो अब सुनौ सुचित है मोसों ॥ निजजन जानि कहतहौं तोसों ॥ मालवदेश रहै घर जाको ॥
पेती वणिज जीविका ताको ॥ ६ ॥ क्रोधवंत लोभी अरु कामी ॥ विप्रनके अपजसकौ नामी ॥
जाके होइ द्रव्य अधिकाई ॥ अरु जो नहिं देही नहिं पाई ॥ ७ ॥ आपनकों पीडा उपजावै ॥
पुत्रादिक षानें नहिं पावै ॥ देवपितर अतिथी नहिं पोषे ॥ बैनहुकों न कदे संतोषे ॥ ८ ॥

सो कदरज एसे द्विज होई ॥ तातैं नीचौ और न कोई ॥ तातैं सो कदरज द्विज भयौ ॥ सब
 जगमें जिन अपजस लयौ ॥ ९ ॥ ज्ञाति अतिथि बंधव निज तनकों ॥ इनहीं हेत न परचै
 धनकों ॥ पुत्रादि कलपें दुष लहैं ॥ ज्ञाति भृत्य दुर्बैननि कहैं ॥ १० ॥ पुत्रकलत्ररु कन्या
 भाई ॥ जहां लगे सब बंध सगाई ॥ ते सब द्रोह निरंतर करें ॥ ताकों अप्रिय सब आचरैं ॥ ११ ॥
 ऐसो देषि पाप अति ताको ॥ जक्ष समान वित्तहै जाको ॥ धर्म काम दोनौ करि हीन ॥ दुहुं
 लोकके सुषतैं छीन ॥ १२ ॥ जिन हित पंचजज्ञ नित करें ॥ सकल गृहस्थ दंडकों भरें ॥ तिन
 तब कीयौ देवानि कोष ॥ तातैं भयो विप्रधनलोप ॥ १३ ॥ कछु द्रव्य ज्ञातिनि हरलयौ ॥ चोरी
 भएहुतैं कछु गयौ ॥ कछु अग्नि लागतैं जन्यौ ॥ कछु धरणी मांहीं बीसन्थौ ॥ १४ ॥ कछु
 राज विग्रहतैं गयौ ॥ यौ बहुभांति क्षीन सब भयौ ॥ जब ताको धन सब हरिलियौ ॥ तिर-
 स्कार तब सबहि न कियौ ॥ १५ ॥ बहुत कष्टकरि धन उपजायौ ॥ सो नहिं दियौ न आपु
 न पायौ ॥ तातैं उपजी चिंताचित्त ॥ निशिदिन बस्यौ न्हदेमें वित्त ॥ १६ ॥ होवै तप्त षेदकों
 पावै ॥ असू कंठ बहुत विधि ध्यावै ॥ ऐसी विधि उपज्यौ वैराग ॥ जातैं सकल दुखनिकौ
 त्याग ॥ १७ ॥ तबसो विप्रवचन उचारै ॥ बहुत भांति आपुहि धिकारै ॥ अहो वृथामें कष्ट
 उपायौ ॥ आप आपकों दुख उपजायौ ॥ १८ ॥ बहुतैं श्रम उपजायौ द्रव्य ॥ सुपन समान
 भयो सो सर्व ॥ नामें परचौ नामें पायौ ॥ नामें एकहु अंग लगायौ ॥ १९ ॥ द्रव्य कदरजको
 है कछु जे तो ॥ एकहु अर्थ न आयौ ते तो ॥ ना यह लोक नहीं परलोक ॥ केवल दुःखबडे
 भय सोक ॥ २० ॥ बहुत कष्ट सहि इहां उपायौ ॥ पुनि परलोक नरकयैं जायौ ॥ परम जस-

स्विनको जस सुद्ध ॥ अरु जे पंडित ज्ञानप्रबुद्ध ॥ २१ ॥ सकल गुणिनके हैं गुण जे ते ॥ लोभ
 लेशतें नासैं ते ते ॥ जेसैं रूपवंत आति कोई ॥ केहू अंगहीन नहिं होई ॥ २२ ॥ सेत कुष्टको
 छटिको एक ॥ मेटे गुण अरु रूप अनेक ॥ यों थोरोहूं होवे लोभ ॥ मेटे सकल रूप गुणसोभ ॥ २३ ॥
 जबते धनकौ साधन करै ॥ वृद्धिहेत उद्यम विस्तै ॥ तब ते त्रास शोक भय लहै ॥ चिंता अग्नि निरंतर
 दहै ॥ २४ ॥ सिद्ध भये अरु रक्षित भोग ॥ नाश लगे नहिं सुख संजोग ॥ चोरी हिंसा मिथ्या दंभ ॥ काम
 क्रोधविशमर्णा थंभ ॥ २५ ॥ वैरु गर्भस परधा भेद ॥ अप्रतीति चिंता भय खेद ॥ ए पंद्रह जब
 होइ अनर्थ ॥ तब तिनहूतैं होवे अर्थ ॥ २६ ॥ तातैं परम अनर्थ कहावै ॥ भलोचहे सो दूरि
 बहावै ॥ अर्थनाम सुनि भूले लोक ॥ बिन बिचार पावैं भयसोक ॥ २७ ॥ पुत्रकलत्र बंधु अरु
 भाई ॥ मातपिता हित सजन सहाई ॥ द्रव्यहेत सबकरैं विरुद्ध ॥ आपु आपुमें ठानैं जुद्ध ॥ २८ ॥
 द्रव्य काज अतिक्रोधहि करैं ॥ तिनकौं मारैं आपुनि मरैं ॥ धनहित प्रीय प्राण छटिकावैं ॥
 आपुहि मूढ नरकमें जावैं ॥ २९ ॥ जाकों देव बहुत विधि ध्यावैं ॥ परि ऐसो नरदेह न
 पावैं ॥ सो नर तन तामैं द्विजदेह ॥ करुणामय हरिजीको गेह ॥ ३० ॥ ताकों पाइ अर्थ नहिं
 साधौ ॥ सब तजि हरिकौं नहिं आराधै ॥ महा अनर्थ अर्थकौं गहै ॥ सो भवसिंधु आपुतें वहै
 ॥ ३१ ॥ तातै दूजो नहिं मतिमंद ॥ परै दुःखमें तजि आनंद ॥ देवपितर ऋषि भूत सहाई ॥
 पुत्रकलत्र आपुहित भाई ॥ ३२ ॥ धनहि पाइ जो इनहि न पौषै ॥ औरनकों नहिं संतोषै ॥ सो
 सब त्यागि नरकमें जावै ॥ तहां मूढ नानादुख पावै ॥ ३३ ॥ सो तन धनमें ब्रथा गमायौ ॥
 भवदुष्टतें नहिं आप बचायौ ॥ जाहि पाइ बुधि ऐसी करै ॥ जातैं बहुरि न जनमें मरै ॥ ३४ ॥

सो नर तनमें ब्रथा गमायौ ॥ छांढ्यौ अर्थ अनर्थ उपायौ ॥ वय बल आयु सकल मम गए ॥
 नषशिख वृद्ध अंग सब भए ॥ ३५ ॥ अबमें अर्थ कौनविधि साधौ ॥ दुराराध्य हरिकौ
 आराधौ ॥ भईजे अनर्थ सब जानै ॥ तेऊ क्यों आरंभनि ठाँनै ॥ ३६ ॥ छोडे अर्थ अनर्थ उपावै ॥
 क्यों सब आपु आपु दुखपावै ॥ परिण कोई नहिं स्वतंत्र ॥ सकल देखियत हैं परतंत्र ॥ ३७ ॥
 ते जाकी मायाकरि मोहे ॥ नट बाजीके सम सब सोहे ॥ भईसो प्रभुबडो वरिष्ठ ॥ ब्रह्माआदि
 सकलकौ इष्ट ॥ ३८ ॥ जे धन अरु जे धनके दाता ॥ जे कादम अरु कामविख्याता ॥ अरु बहु
 धर्म कर्महैं जे ते ॥ मातपिता सुषदाई ते ते ॥ ३९ ॥ कहो कहाँतें हित आचरै ॥ मृत्यु प्रस्ततें
 नहिं परिहरै ॥ कालरूप शत्रुहै जाकौ ॥ कहौ कहाँको सुषहै ताकौ ॥ ४० ॥ परिजे दीनबंधु भगवान ॥
 करुणासागर परमनिधान ॥ तिनहीं मोकों करुणाकरी ॥ जातें मम उर ऐसी धरी ॥ ४१ ॥
 भवसागरतें तारै जाकौ ॥ दे वैराग नावही ताकौ ॥ तातें मोहि दियो वैराग ॥ मेरे प्रगटे
 पूरण भाग ॥ ४२ ॥ अब जो आयु होई कलु मेरौ ॥ ताकरि भजन करौ हरिकेरौ ॥ यातनके
 गुण सकल निवारौ ॥ मनतैं सकल कामना टारौ ॥ ४३ ॥ सकल साधु अनुमोदन करैं ॥
 तथा अस्तुयौ कहि उच्चैरै ॥ जदपि आयु थोरोहै मेरौ ॥ तोहूं हरिकौ पद अतिनेरौ ॥ ४४ ॥
 नृपटांगज बहि हरिध्यायौ ॥ एक मुहूर्तमें हरिपायौ ॥ तातें प्रभुसम कोई नाहीं ॥ जनकौ
 प्रगट होत फल मांहीं ॥ ४५ ॥ मन बच क्रम अब ताकौ भजौ ॥ दूजी सकल कामना तजौ ॥
 ऐसो निश्चय मनमें धन्यौ ॥ भिक्षुक भयो सकल परिहन्यौ ॥ ४६ ॥ सीतल हृदय ब्रथा सब
 त्यागी ॥ निश्चल भयो विप्र बडभागी ॥ अहंकार ममता कलु नाहीं ॥ एकाकी बिचरै भुव

मांहीं ॥ ४७ ॥ इंद्रिय प्राण वचन मन गह्यौ ॥ अंतर बाहिर संगहि दह्यौ ॥ आपुहि काहु कौ
 न लखावै ॥ भिक्षाहेत ग्रहनमें आवै ॥ ४८ ॥ संस्कार नहिं तनकौ जाकौ ॥ जीरण वख दूक
 तन ताकौ ॥ भिक्षुक वृद्धविप्रकौ जेवैं ॥ तब बहु दुष्ट घातकी होवैं ॥ ४९ ॥ केई ताकौ दंड
 छुडावैं ॥ केई पात्र षोशले जावैं ॥ केई लहै कमंडलु करतैं ॥ केई निकशन देइ न घरतैं ॥ ५० ॥
 केई धूलि भीखमें डारैं ॥ केई मूढ क्रोधकरि मारैं ॥ केई आसनकौ ले भागैं ॥ उरधहिकर केई
 पग लागैं ॥ ५१ ॥ केई कंथा कौ परिहरैं ॥ मारु मारु बानी उच्चरैं ॥ केई खोशलेइ जपमाला ॥
 केई वख जाहिले बाला ॥ ५२ ॥ केई आनि आनि कए देवैं ॥ केई खोंसि खोंसि पुनि लेंवैं ॥ केई
 भीख अन्नले जाहीं ॥ भोजन करणें पावे नाहीं ॥ ५३ ॥ केई तनमें थूकें मूतें ॥ केई निंदाकरें
 बहुतें ॥ केई कानानि लागि पुकारैं ॥ केई सीस धूलि जल डारैं ॥ ५४ ॥ केई मौन छुडाइ
 बुलावैं ॥ केई बोलत मौन गहावैं ॥ केई ताहि बांधि करि राखैं ॥ जान न पावै केई भाखैं
 ॥ ५५ ॥ केई करें बहुत अपमान ॥ निंदें बहुविधि मूढ अजान ॥ यहहै चोर जान नहिं पावै ॥
 दिन देखे निशिचोरी आवै ॥ ५६ ॥ याकौ छीन भयो है वित्त ॥ तातैं यहहै व्याकुल वित्त ॥
 सकल कुटुंब याहि परिहयौ ॥ जीवन काज भेष यह धन्यौ ॥ ५७ ॥ देखो यह केसो है मोटो ॥
 महाप्रबल अंतरको खोटो ॥ देखो हम पविहारे केते ॥ परियाके भेद नहिं ते ते ॥ ५८ ॥ धीर
 जवंत अडिग यह एसौ ॥ पवन प्रचंड मेरु गिरि जेसो ॥ याके जानि न मह कलु कह्यौ ॥ बक
 ज्यों ध्यान मौन गहिरह्यौ ॥ ५९ ॥ योंकरि क्रोध बंधले डारैं ॥ काठ मांहिदे उपर मारैं ॥ हांसी
 सहित बीनती करैं ॥ हिततें विष बैननि उच्चरैं ॥ ६० ॥ एभौतिक दुख भाषे जेसैं ॥ दैवात्मक

पुनि पावैं तैसैं ॥ सीत उष्ण वरषादिक दैविक ॥ जरा रोग आदिक जे दैहिक ॥ ६१ ॥ ऐसैं
 बहुविधि पावे दुःख ॥ कदे न आवे तिनकों सुख ॥ परिसो कदे न मनमें आनै ॥ अपने करे
 कर्म सब जानै ॥ ६२ ॥ तब तिन भाषी गाथा एक ॥ हृदये धान्यौ परम विवेक ॥ भिक्षुक
 कहे वचन तब जेई ॥ में तोसों भाषतहों तेई ॥ ६३ ॥ ॥ भिक्षुक उवाच ॥ ॥ चौपाई ॥ सुख दुख दा-
 यक लोग न एते ॥ अरु नहिं देह नहीं सुर जेते ॥ नार्हीं ग्रह नहिं कर्म न काल ॥ ए समस्त
 हैं मनके ख्याल ॥ ६४ ॥ जात चक्रमें मनहि फिरोवै ॥ जीव महादुख मन कर पावै ॥ मनहीं
 करै विषयनिकौ भोग ॥ तातैं होई कर्म संयोग ॥ ६५ ॥ होवे सत रज तम विस्तार ॥ जातैं
 जोनी विविध प्रकार ॥ तातैं दुःख निरंतर लहै ॥ देह जोगतें निसदिन दहै ॥ ६६ ॥ तातैं दुख
 दायक मन एक ॥ संत कहें यह परम विवेक ॥ आप आतमा सदा अनीह ॥ परिसो मनकरि
 करे समीह ॥ ६७ ॥ मनसों बंध अविद्या माहीं ॥ जातैं बंधन जाने नार्हीं ॥ विष समान विषय
 निकों खावै ॥ ताके संग जीव दुष पावै ॥ ६८ ॥ यहहै जीव ब्रह्मको अंग ॥ याकों संसृति मनके
 संग ॥ मनकरि रहित ब्रह्म सुखरासी ॥ सदा एक रस परमप्रकासी ॥ ६९ ॥ तातैं बंधन मनहीं
 करैं ॥ संग आतमा जनमै मरैं ॥ जब मन रहित जीव यह होई ॥ तब शिव जीव भेद नहिं
 कोई ॥ ७० ॥ तातैं जिन अपनो मन गह्यौ ॥ ताही कलु करणो नहिं रह्यौ ॥ अरु जो मन
 बशकीनो नार्हीं ॥ तो श्रम सकल वृथार्हीं जाहीं ॥ ७१ ॥ सुवर्णादि देवे बहुदाना ॥ एकादशि
 आदी व्रत नाना ॥ अपने अपने धर्मनि करै ॥ सम दम जप नियमानि विस्तै ॥ ७२ ॥ विद्या
 वेद पढ़े उच्चै ॥ औरै सकल धर्म विस्तै ॥ परि जो नार्हि वश मन एक ॥ तो मिथ्या आचरण

ए. भा.
॥७६॥

अ. २३

अनेक ॥ ७३ ॥ मनवस काज कहे सब ते ते ॥ विधि आचरण वेदमें जे ते ॥ मननिग्रह सो
 उत्तम ज्ञाना ॥ मननिग्रह बिन सब अज्ञाना ॥ ७४ ॥ तातैं मन जो निग्रह करै ॥ सो विधि
 काहेकौं बिस्तैर ॥ तातैं विधिहूतैं कलु नहीं ॥ सब विधिहै नमनिग्रह माहीं ॥ ७५ ॥ अरु जो
 बस नहीं मनएक ॥ तो विधि कीने वृथा अनेक ॥ सब इनको फल मनवस करणो ॥ मनवश
 काज सकल आचरणो ॥ ७६ ॥ मनकौं बसहि करे जो कोई ॥ इंद्रिय गण आपैं वसहोई ॥ मन
 वश बिन इंद्रिय वशनाहीं ॥ करि करि जतन बहुत मरिजाहीं ॥ ७७ ॥ मन वश भए सकल
 बसदेवा ॥ तीनोभवत करैता सेवा ॥ सकल बलिनतें मन बलवंत ॥ मारिके सवाहेनकौं
 अंत ॥ ७८ ॥ मनकौं कोई जीते न शकै ॥ बहुत उगाय करि करि थकै ॥ ऐसैं मनकौं जीतै
 कोई ॥ सबहिन माहि प्रबलहै सोई ॥ ७९ ॥ सो दुर्जय मन बस नहि करै ॥ बाहिर जुद्धादिक
 बिस्तैर ॥ वैरी मित्र बहुत बिधि ठानै ॥ अनहित अरु हित तिनतैं जानै ॥ ८० ॥ ते अतिमू-
 सुषी नहिं होवैं ॥ मनजीते बिन जुग जुग रोवैं ॥ दुःखरूप जड मिथ्या तनकौं ॥ आपमानि
 करि बांध्यौ मनकौं ॥ ८१ ॥ तब बहु क्रिये देह संबंधी ॥ तिनसौं मूरख ममता बंधी ॥ यहमें ए
 समस्तहैं मेरे ॥ मित्र शत्रु ठानै बहुतरै ॥ ८२ ॥ तातैं मूढ महादुष पावै ॥ उपजि उपजि पुनि
 मरि मरि जावै ॥ तातैं दुषकौं मनहीं कारण ॥ आतमकौं भव जलमें डारण ॥ ८३ ॥ अरुजो सुख
 दुख दाता एते ॥ मोकौं दुख देतेहैं ते ते ॥ ते सब सुखदुख मोकौं नाहीं ॥ देह एक सब आपुन मांहीं
 ॥ ८४ ॥ ते सुखदुख देहहि सब पावै ॥ आतमके कहु निकटन आवै ॥ अरु जद्यपि मनके संजोग ॥
 करे जीव ए सुखदुख भोग ॥ ८५ ॥ ताहमें दुख देवौ काकौ ॥ रूप सकल मम देखों जाकौ ॥

॥७६॥

आप आपको क्यों दुख दीजें ॥ अपनी अहित अप क्यों कीजें ॥ ८६ ॥ या तन में मेही दुख
 पावें ॥ अरु तिनहीं मैं क्यों उपजावौ ॥ दंतनि भूलि जीभ काटीजें ॥ तो फिर तिनहि कहा
 दुष दीजें ॥ ८७ ॥ दंतनि अरु जिभहीं दुख देई ॥ सो तो सकल आपको लेई ॥ इंद्रिय अधिपति
 दैवत जे ते ॥ जो दुखदानि होइ सब ते ते ॥ ८८ ॥ तोहूं आपको पक्यों कीजें ॥ पर उपाधि
 क्यों सिरपर लीजें ॥ कर दीजें सुख मांहि असनसौं ॥ तो सुख काटे करहि दसनसौं ॥ ८९ ॥
 तो पावक अरु वासव जानें ॥ राग दोष भावे त्यों ठाँवें ॥ यों सब इंद्रियके जो देवा ॥ करें
 आपमें दुख अरु सेवा ॥ ९० ॥ ते ते सब जानें त्यों करें ॥ ज्ञानी अपने मन नहीं धरें ॥ अरु
 जो सुखदुख दाता आप ॥ दुजैकों कलु नाहि हैं पाप ॥ ९१ ॥ तो यह सब आपनौ स्वभाव ॥
 अरु किनको आनियें अभाव ॥ अरु आत्ममें सुखदुख नाहीं ॥ उपजें ज्ञान सकल मिट जाहीं
 ॥ ९२ ॥ आप भूलि सुखदुख करि लीनै ॥ सब मिटि जाइ आपको चीनै ॥ ताँ दोष कौनको
 धरियें ॥ जो अपनो मनबश नहीं करियें ॥ ९३ ॥ अरु जो ग्रह सुखदुखके दाता ॥ लोकवेद
 कहियें विष्णुता ॥ तो आपन क्यों कांधहि कीजें ॥ परको दुःख आप क्यों लीजें ॥ ९४ ॥
 ग्रह आकाश माहि हैं जे ते ॥ द्वादश रासि बसैं सब ते ते ॥ रागद्वेष आपनमें करें ॥ तिनको
 सुखदुख नितहीं पैं ॥ ९५ ॥ जां जां रासि जन्मजे पावें ॥ तिनकी संगति सुखदुख आवें ॥
 ताँ आत्म सदा अजनमा ॥ वार वार देहानि को जनमा ॥ ९६ ॥ ताँ सुखदुख तनहीं पावें ॥
 निकट आत्माके नहीं आवें ॥ अरु जद्यपि संगत दुषपैं ॥ आपु क्रोध तो कांसों करै ॥
 ॥ ९७ ॥ करणहार ते ग्रहही जानें ॥ राग दोष भावे त्यों ठाँवें ॥ अरु दुषदानि होइ जो कर्म ॥

ते तो सकल आपही भर्म ॥ ९८ ॥ यह जडदेह कर्मता माहीं ॥ आतम निकट देहहीं नाहीं ॥
 आतम चेतन ज्ञान स्वरूप ॥ परे सकलतें परम अनूप ॥ ९९ ॥ तातें क्रोध कौनको करों ॥
 काको दोष हृदमें धरों ॥ अरु जो दुःख कालतें कहियें ॥ तो आपनमें कदेन लहियें ॥ १०० ॥
 तनहीं कालहुतें दुषपावै ॥ ते आतमके निकट न आवै ॥ काल आतमा ब्रह्मस्वरूप ॥ देह
 विलक्षण सकल अनूप ॥ १०१ ॥ तातें कालहुतें दुष नाहीं ॥ कालभयानक देहहि माहीं ॥
 ज्यों ले अग्नि अग्निमें डारै ॥ सो वह अग्नि न अग्निहि जारै ॥ १०२ ॥ अरु जौहि मही
 कौकन लीजें ॥ ले बहुतें हेमहिमे दीजै ॥ ताहिम अंस सीतभय नाहीं ॥ जद्यपि रहै स दाता
 माहीं ॥ १०३ ॥ यौहि एक आतमा अकाल ॥ सुखदुखादि देहनिके प्याल ॥ आतम
 सबतें सदा अतीत ॥ इच्छारहित अनीह अभीत ॥ १०४ ॥ अरु आतमा परेतें परै ॥ द्रंद्र
 जहां लौं ते सब उरै ॥ कोई आतमकों नहिं जानै ॥ सुखदुख कौन कौनकों ठानै ॥ १०५ ॥
 सुष अरु दुःष जहांलौं जे ते ॥ एक प्रकृतीके सब ते ते ॥ सो प्रकृति आप जडरूप ॥ चेतन
 आतम ब्रह्मस्वरूप ॥ १०६ ॥ केवल मानिलियौ संसार ॥ सुष दुष तन मन सकल असार ॥
 मोह निशातें जागे जे ते ॥ निरभय भए सकलही ते ते ॥ १०७ ॥ तातें अबमें भय नहिं आनौं ॥
 आपहि परै सकलतें जानौं ॥ हरिचरणानि की सेवाकरों ॥ एसी विधि भवसागर तरौं ॥ १०८ ॥
 जेइ जे आए हरिशरण ॥ तिनहीं तिन पाए हरिचरण ॥ तातें मैं हरिचरणानि भजौं ॥ मन
 क्रम वचन आन सब तजौं ॥ १०९ ॥ श्रीभगवानुवाच ॥ ॥ उद्धव यौ द्विभजयौ विरक्त ॥ तन-
 हूंमें न रह्यौ अनुरक्त ॥ बहुत असाधुनि बहुत डिगायौ ॥ परिसो कछु न मनमें ल्यौ ॥ ११० ॥

ए भाष अष्टा दश श्लोक ॥ करि विचार मेख्यौ भयशोक ॥ तातैं उद्धव सुषदुष दायक ॥ आत-
 मकों कोई नहिं लायक ॥ १११ ॥ सुष दुष दाता नाहीं कोई ॥ जो तो कहूं द्वैत कलु होई ॥
 सुषदुष भ्रमतैं जानैं सकल ॥ आतम एक अजन्मा अकल ॥ ११२ ॥ भ्रम छूटे दृजाको नाहीं ॥
 मेरो रूपमिले मो मांहीं ॥ जब सुषदुष मिथ्याकरि मानै ॥ मान अमान हृदे नहिं आनै ॥ ११३ ॥
 धीरज धरि ममचरणनि भजै ॥ देहादिककी आसा तजै ॥ तब भवसागरकों तरि जावै ॥
 मेरो निजानंद पद पावै ॥ ११४ ॥ तातैं उद्धव मन वच कर्म ॥ सकल द्वैतकों जानौ भर्म ॥
 सबतैं मनकौ निग्रह करौ ॥ निश्चलकरि ममचरणनि धरौ ॥ ११५ ॥ याहीकों कहियउहे जोग ॥
 जाकरि होवे मम संजोग ॥ अरु जो या गाथाकों धारै ॥ सुने सुनावै सदा विचारै ॥ ११६ ॥
 तिनकै निकट द्वंद्व नहिं आवै ॥ अंतकाल ममचरणनि पावै ॥ तातैं याकौ सदा विचारै ॥
 मेरो बल अंतरगत धारै ॥ ११७ ॥ दोहा ॥ यह उद्धव तोसों कह्यो, मन संजम दृढ
 ज्ञान ॥ अब भाषतहौ सांष्यकौ, सुनत मिटे ज्यों आन ॥ ११८ ॥
 ॥ इति श्रीभागवतेमहापुराणेएकादशस्कंधेश्रीभगवदुद्धवसंवादेभाषायांत्रयो
 विंशोऽध्यायः ॥ २३ ॥ ॥ ॥ ॥ ॥
 दोहा ॥ ॥ सांष्य योग करिकै कह्यो, मनको मोह सुदहन ॥ चिंतातैं सब
 योनिमैं, आतम आवा गवन ॥ १ ॥ भेदभाव जिनके हृदय, श्रीधर भेद
 मिटाय ॥ कृष्णकह्यो, उद्धव प्रती चौबीसैं अध्याय ॥ २ ॥ श्रीभगवानुवाच ॥

चौपाई ॥ उद्धव तो सौं सांष्यहि कहौं ॥ दैत भर्म श्रमही विन दहौं ॥ जाके सुनतहि छूटे दैत ॥
 देखै एक ब्रह्म अदैत ॥ १ ॥ प्रथमहि महापुरुष जे भये ॥ ते यह सांष्य प्रगट करि गये ॥ मुक्ति सांष्य
 जानतहीं होई ॥ सांष्य विना नहिं छूटे कोई ॥ २ ॥ सोई सांष्य कहौं में तोसौं ॥ निश्चल मन हैं सुनियो
 मोसौं ॥ उद्धव प्रथमहु तोमें एक ॥ मोबिन कछूनहु तौ अनेक ॥ ३ ॥ तबमें प्रकृति आपतें
 करी ॥ जड चेतन द्वे विध विस्तरि ॥ तिन दोनोंतें उपज्यौ पुत्र ॥ महत्तत्त्व कहियतुहे सूत्र ॥
 ॥ ४ ॥ एक प्रकृतितें गुण त्रय कीने ॥ लक्षण भिन्न तिहुंकों दीने ॥ सूत्रहुतें त्रय विधहंकार ॥
 भरमावनकौ बडो विकार ॥ ५ ॥ पंचभूत जे पृथिवी आदी ॥ पंचो तन्मात्रा शब्दादी ॥
 तामस अहंकारतें एते ॥ राजसतें इंद्रिय सब ते ते ॥ ६ ॥ सातिकतें मन अरु सबदेवा ॥ जिनकों
 पाइ भए बहुभेवा ॥ तब सबहिनमें प्रेरि मिलायौ ॥ तिन सबहिन मिलि अंड उपायौ ॥ ७ ॥
 अंड सलिलमांही थिर कन्यौ ॥ तामें में निजअंशही धन्यौ ॥ आदिपुरुष सो मेरो रूप ॥
 त्रिगुण नियंता ज्ञान स्वरूप ॥ ८ ॥ तास नाभतें उपज्यो पद्म ॥ तामें सकल भुवनको सद्म ॥
 पद्महुतें तब ब्रह्मा भयो ॥ वरले मौसों जग निमयो ॥ ९ ॥ राजस अधिपति भयौ विरंच ॥ तातें
 प्रगट्यौ सकल प्रपंच ॥ लोकपाल लोकनसौं सारे ॥ तीनोलोक त्रिविध विस्तारे ॥ १० ॥
 स्वर्गलोके देवनिकों दियौ ॥ अंतरिक्ष भूतनि ग्रह कियौ ॥ भूमिलोकमें मानव राषे ॥ असुर
 अहिनकों नीचे भाषे ॥ ११ ॥ मै हरलोक जन तप सतलोक ॥ चान्यौं में सिद्धनके ओक ॥
 जे त्रिगुण कर्मनिकों करै ॥ ते तीनो लोकनिमें फिरै ॥ १२ ॥ तप अरु जोग तथा संन्यास ॥
 इनतें तिन चारोंमें वास ॥ भक्तिहुतें जावै वैकुण्ठ ॥ जो सबहिन करि सदा अकुण्ठ ॥ १३ ॥

प्रबल कालरूपहै मेरा ॥ जगताहि सकल भक्ष्य तिनकेरो ॥ सत्यलोकहूं मैं जो जावै ॥ काल
 तहांऊ ताकों खावै ॥ १४ ॥ कबहु जाइ कष्टकरि ऊंचै ॥ कबहुं काल दहावत नीचै ॥ ऐसी विधि
 सब भरमत रहैं ॥ जन्में मरें बहुत दुषसहैं ॥ १५ ॥ उत्तम मध्यम नीचे जे ते ॥ छोटे बड़े बहुत
 विधि के ते ॥ जे कछु जहां लगें आकार ॥ ते सब प्रकृति पुरुष विस्तार ॥ १६ ॥ प्रकृति पुरुष
 विन और न कोई ॥ इंद्रिय मन गोचर है जोई ॥ प्रथमहि निराकारमें एक ॥ तातैं भौं
 आकार अनेक ॥ १७ ॥ अरु पुनिमें हिरहोंहों अंत ॥ तातैं अग्रहूं मेरे वरतंत ॥ जाकी आदि
 अंतहै जोई ॥ ताके मध्यहुमें पुनि सोई ॥ १८ ॥ ज्यों माटी ते बहु घटभये ॥ अंत फूटि माटी
 मिलि गये ॥ माटि आदि माटीहै अंत ॥ त्यों माटी मय घव वरतंत ॥ १९ ॥ ज्यों काचनकै
 बहु आभरना ॥ आदि अंत एकही सुवरना ॥ त्योंही मध्य और कछु नाहीं ॥ नामरूप मिथ्या
 हुइ जाहीं ॥ २० ॥ त्यों जब देषें तजि व्यवहार ॥ तबमेंहीहो सब विस्तार ॥ आदिरु अंत मध्य
 में एक ॥ मिथ्या नामरु रूप अनेक ॥ २१ ॥ मायातें महत तहंकार ॥ तिनतें होई सकल
 विस्तार ॥ बहुरौ नास सकलकौ होई ॥ महदादिक निरहैं नहिं कोई ॥ २२ ॥ प्रकृतिमूल्यों
 पुरुष अधार ॥ अरु जो काल सकल करतार ॥ मेरीशक्ति तनियों जानौ ॥ मोतें दैत कदै
 मतमानौ ॥ २३ ॥ याविधि चलयौ जाइ विस्तार ॥ नदीप्रवाह तुल्य संसार ॥ परमात्मकी
 इच्छा जौलौ ॥ वरतें सकल निरंतर तोलौ ॥ २४ ॥ बहुरौ प्रलय सकलकौ होई ॥ सूक्ष्म थूल
 रहै नहिं कोई ॥ महाबलिष्ठ शक्ति ममकाल ॥ ताकौ सकल जगत यह ख्याल ॥ २५ ॥ काल
 विनाशे सकल ब्रह्मंड ॥ कितहुं कछून शेषे खंड ॥ अनावृष्टि होवै शतवर्ष ॥ तातें देहनिको

आकर्ष ॥ २६ ॥ छोटे बड़े देहहैं जे ते ॥ लीन अन्नमें होवे ते ते ॥ अन्न भूमिमें होवै लीन ॥
 भूमि गंधमिलि होवै छीन ॥ २७ ॥ गंधलीन होवै जल माहीं ॥ जल सूक्ष्म रसमांहि समाहीं ॥ रस
 तब तेजमाहि मिलिजाई ॥ तेज रूपमें जाइ समाई ॥ २८ ॥ रूप पवन मांही मिलिरहै ॥
 पवनहि तब स्पर्श गुणगौहै ॥ स्पर्श लीन होई तब गगन ॥ गगन शब्दमें होवे मगन ॥ २९ ॥
 शब्दमिलै तामस हंकारा ॥ सो अरु इंद्रिय दश परकारा ॥ ते सबामिलि राजस हंकार ॥ मिलि
 करि सकलहोई संहार ॥ ३० ॥ अहंकार महत्तत्त्वहि मिलै ॥ प्रकृतितबै महत्तत्त्वहि गलै ॥ देवरु मन
 सात्विक हंकार ॥ मिलिकरि सकलहोइ संधार ॥ ३१ ॥ प्रकृतिकालमें होवै लीन ॥ कालपुरुष
 मिलि होवे छीन ॥ पुरुषमिले पुरुषोत्तम मांहीं ॥ पुरुषोत्तम कहुजावै नाहीं ॥ ३२ ॥ भेदाभेद
 गहित तब एक ॥ नित्यानंद द्वैत वितरेक ॥ चेतन निर्मल ज्ञानस्वरूप ॥ पूरण अक्षय परमअनूप
 ॥ ३३ ॥ तातैं उद्धव मिथ्या द्वैत ॥ आदिरु अंतमध्य अद्वैत ॥ जल बुदबुद सम सब आकार ॥
 उत्तम मध्यम विविध प्रकार ॥ ३४ ॥ एसैं सदा विचारे कोई ॥ ताको कौनभाति भ्रम होई ॥
 रवि उद्योतरहै तम कैसें ॥ नदी मध्य दावानल जेसैं ॥ ३५ ॥ यहमें भाष्यो सांख्यप्रकार ॥ सक-
 ल द्वैत उत्पति संहार ॥ जाके ज्ञान न संसेरहै ॥ अहंकार दृढ ग्रंथिहिदहै ॥ ३६ ॥ छोडेरूप अ-
 रूप समावै ॥ जातैं बहुरिनि दुखकौं पावै ॥ तातैं याकौ सदा विचारौ ॥ मोकौं जानि आपकौ
 तारौ ॥ ३७ ॥ दोहा ॥ उद्धव यह तोकौं कहौं, सांख्यज्ञान विचार ॥ अब
 गुणवृत्तिनको कहौं, भिन्न भिन्न परकार ॥ ३८ ॥ इति श्रीभागवतेमहापुराणेएका-
 दशस्कंधे श्रीभगवदुद्धवसंवादे भाषायांचतुर्विंशोऽध्यायः ॥ २४ ॥ ॥

॥ दोहा ॥ पचबीसै अध्यायमें, निर्गुणता सुविवेक ॥ चितमें वरतै तीन गुण, गुण
 की वृत्ति अनेक ॥ १ ॥ ॥ श्रीभगवानुवाच ॥ ॥ चौपाई ॥ उद्धव अब भाषों गुणवृत्ती ॥
 जिनकों जानै लहै निवृत्ती ॥ जागुणतें जो लक्षणहोई ॥ भिन्नभिन्न भाषों सो सोई ॥ १ ॥
 सम दम क्षमा विवेक स्वधर्म ॥ लज्जा मान न करै विकर्म ॥ सत्य दया नहिं भूलै शुद्धी ॥
 उत्तम मार्गमें थिर बुद्धी ॥ २ ॥ जस अरु सोभा धीरजवंत ॥ परउपकार सदावरतंत ॥ बुद्धी
 आस्तिक नित निहसंग ॥ संतोषी अरु दान अभंग ॥ ३ ॥ कोमल विनय दीन चतुराई ॥
 सीतल हृदय सकल सुषदाई ॥ एसी भांति बहुत संपत्ती ॥ सात्त्विक गुणकी जानो वृत्ती ॥ ४ ॥
 आतम इन सबनीतें न्यारा ॥ चेतनकरि वस्तावनहारा ॥ भोगशक्ति हृदे बहुकाम ॥ धन
 अभिलाषा जस अभिराम ॥ ५ ॥ तृष्णा हास गर्व बलवंत ॥ रिपुभिन्नादिक भेद अनंत ॥
 करि कामना भजे सबदेव ॥ परमार्थको लहै न भेव ॥ ६ ॥ बहु आरंभनिमें उत्साह ॥ हृदय
 कठोर सदा अतिचाह ॥ बहुत वृत्ति राजसकी एसी ॥ ए तुमसौं भाषीमें जेसी ॥ ७ ॥ हिंसा
 क्रोध लोभ अधिकाई ॥ जहँ तहँ दीनरु दंड झुगई ॥ श्रम अरु कलह सोक अरु मोह ॥ निद्रा
 आलस भय परद्रोह ॥ ८ ॥ निशिदिन चिंता उद्यमहीन ॥ हृदये आशा भइ न छीन ॥ ऐसी
 बहु तामसकी वृत्ती ॥ जिनतें कदै न लहै निवृत्ती ॥ ९ ॥ उपजै ममता अरु हंकार ॥ तातें करै
 विविधव्यवहार ॥ ते सब मिलित गुणनिकी वृत्ती ॥ जिनतें बाढे बहुत प्रवृत्ती ॥ १० ॥ धर्मरु
 अर्थ काम अनुरक्ती ॥ श्रद्धा लोभ तथा आसक्ती ॥ धर्म प्रवृत्त परायण जे ते ॥ बहुत भांति

विस्तारे ते ते ॥ ११ ॥ वरते अपनै अपनै धर्म ॥ प्रिय ग्रहके सुख अरु ग्रहकर्म ॥ ए सब मिलित
 गुणनिकी वृत्ती ॥ जिनते बहुविधि होइ प्रवृत्ती ॥ १२ ॥ सम दम आदि जुक्त नर जोई ॥
 सात्त्विक लक्षण कहियें सोई ॥ राजस कामादिक अधिकार ॥ तामस क्रोधादिक विकार ॥ १३ ॥ जब
 स्वधर्मसों मो कौ भजै ॥ दुज्जी सकल कामना तजै ॥ तिया पुरुष भावे सो होई ॥ सात्त्विक
 प्रकृति कहीजें सोई ॥ १४ ॥ जब कामना हृदै धरिलेवै ॥ अपने कर्मनि मोकौ सेवै ॥ यह
 स्वभाव राजसको कहियें ॥ मुक्तिहेत कबहुं नहिं गहियें ॥ १५ ॥ जब हिंसा हृदयमें आनै ॥
 तिनकर्मनि ममसेवा ठानै ॥ सो वह तामस प्रकृति कहावै ॥ तातें मम सुष कदै न पावै ॥ १६ ॥
 सत रज तम तीनौ गुण जेहैं ॥ जीवनिकों बंधन सब तेहैं ॥ ते गुण मेरी आग्या करैं ॥ हातें
 मोहि भजे ते तरैं ॥ १७ ॥ चितहुंते ऊजें ए सकल ॥ इनको तजै आत्मा अकल ॥ इनको
 छोडि रहै मोमांही ॥ बहुन्यो उपजे विनसे नाहीं ॥ १८ ॥ करि साधन रज तम परिहरै ॥
 सात्त्विक गुणकी वृद्धिहि करै ॥ सात्त्विक मूरजवत परकास ॥ अतिभीतलज्यौं चंद विगाम
 ॥ १९ ॥ सब कल्याण मूल सुषकारी ॥ निश्चल करण सकल दुषहारी ॥ तातें धर्म ज्ञान
 सुष लहैं ॥ चिंता सोक मोह भयदहै ॥ २० ॥ जब सात्त्विक तामस नहिं रहै ॥ राजस आइ बसेरा
 गहै ॥ राजस रूप संग बल भेद ॥ तातें मान कर्म भय पेद ॥ २१ ॥ जब सत रज ए छूटै दोई ॥
 केवल एक तेमागुण होइ ॥ तबहि विवेक नाम आवरना ॥ उद्यम रहितरु जडता करना ॥ २२ ॥
 तातें सोक मोहको वासा ॥ निद्रा आलस निशिदिन आसा ॥ जबछूटै इंद्रियकी वृत्ती ॥ हृदये
 नहिं ईहा उतपत्ती ॥ २३ ॥ चित्त प्रसन्न सकल निहसंग ॥ सो सात्त्विक मम यहहै अंग ॥ जब

इंद्रिय तन मन अरु बुद्धि ॥ स्थिर नहीं रहै लहै नहीं सुद्धी ॥ २४ ॥ ठानै विविध कमर विस्तार ॥
 सो जानौ राजस अधिकार ॥ जब विकार मन बहुविधि गहै ॥ आसाबंध निरंतर रहै ॥ २५ ॥
 सोक विषाद चेतनाहीन ॥ सो तामस उद्यम बलछीन ॥ जब उपजै सात्विककौ भाव ॥ तब
 सब होवें देव सुभाव ॥ २६ ॥ राजसने असुरनकी वृत्ती ॥ भूतगणनिकी तम उत्पत्ती ॥
 सात्विकतें जागरणाहि होई ॥ राजस पावै सुपना सोई ॥ २७ ॥ तामसहुँतें सुषपति लहै ॥
 ब्रह्मरीय निरंतर रहै ॥ सात्विक ऊर्ध्व लोकनी जावै ॥ राजस नर आदिक तन पावै ॥ २८ ॥
 तामस नीचै थावर आदी ॥ याविधि भरमें जीव आनदी ॥ सात्विक बुद्धमान जो होई ॥
 तामें मरण लहै नर कोई ॥ २९ ॥ सो देवनिके लोकाहि जावै ॥ राजसतें मरि नरतन पावै ॥
 तामसतें मरि नरकनि लहै ॥ तानों गुण तजि मोमें रहै ॥ ३० ॥ मेरेहेत कर्म जो करै ॥ तामें
 दूजो फल नहीं धरै ॥ सो वह सात्विक कर्म कहावै ॥ तातें जीव महासुष पावै ॥ ३१ ॥ फल
 निमित्त मम कर्मनि ठानै ॥ ताकौ राजस कर्म बषानै ॥ हिंसाहेत करे ममकर्म ॥ सो तामसहै
 बडो अधर्म ॥ ३२ ॥ भेदरहित वह सात्विक ज्ञान ॥ देहभेद सो राजस जान ॥ बालक मूक
 तुल्य जो होई ॥ तामस ज्ञान कहीजैं सोई ॥ ३३ ॥ आतम देहरहित जो एक ॥ सोहै मेरो
 ज्ञानविवेक ॥ होई विरक्त वसे एकंत ॥ सात्विक कहै सो संत ॥ ३४ ॥ ग्रहमें कहिये राजस वास ॥
 तामस द्युतादिक आवास ॥ थावर चल मम मूर्ति जहां ॥ निर्गुण वास कहीजैं तहां ॥ ३५ ॥
 सात्विक कर्त्ता जो निहसंगी ॥ राजस कर्त्ता जो फलसंगी ॥ विधिकरि रहित तामसी कर्त्ता ॥
 आसा लागि कर्म विस्तरता ॥ ३६ ॥ आपहि मेटि रहै मम शरणा ॥ ताकौ सब निर्गुण आचरणा ॥

सो जन निगुण कर्ता कहियें ॥ ताके संग परमद लहियें ॥ ३७ ॥ जो निहकर्म आतमा
 जानै ॥ सकल जतनकी श्रद्धा ठनै ॥ सकल त्यागि निश्चल जो होई ॥ सात्विक श्रद्धा कहिये
 सोई ॥ ३८ ॥ राजस श्रद्धा ठनै कर्म ॥ तामस श्रद्धा करे विकर्म ॥ निर्गुण श्रद्धा मेरी भक्ती ॥
 जातें मिटे सकल आशक्ती ॥ ३९ ॥ पंथ पवित्र विना श्रम आवै ॥ जामें अपनो धर्म न जावै ॥
 जातें उपजै नहीं विकार ॥ सो कहिये सात्विक आहार ॥ ४० ॥ षाट मीठा तीषा षारा ॥
 दुषदाइक राजस अहारा ॥ जो असुद्ध हिंसातो आवै ॥ सो तामस आहार कहावै ॥ ४१ ॥
 ममजन अरु मेरो उच्चिष्ट ॥ सो निर्गुण भोजन अतिसिष्ट ॥ इंद्रिय सुष तृष्णादिक दहै ॥ तजि
 आरंभानि थिर ह्वै रहै ॥ ४२ ॥ आतमते उपजे सुष जोई ॥ सात्विक सुष कहियतुहै सोई ॥
 इंद्रिय सुष राजसई गहिऐ ॥ निद्रा आलस तामस कहिए ॥ ४३ ॥ मेरे प्रेमभाक्ति सुष जोई ॥
 निर्गुण सुष कहियतुहै सोई ॥ द्रव्य देश फलकालरु ज्ञान ॥ कर्ता कर्म अवस्था दान ॥ ४४ ॥
 श्रद्धा निष्ठा अरु आकार ॥ तिनौ गुण निर्मित विस्तार ॥ जो कछु कहौ सुनौ अरु देखौ ॥
 मन अरु बुद्धि जहां लगि पेषौ ॥ ४५ ॥ सो सब प्रकृतिपुरुष विस्तारा ॥ त्रयगुणानि निर्मित
 सकल पसारा ॥ इनतैं जीव लहे संसार ॥ त्रिगुण कर्ममय वारंवार ॥ ४६ ॥ जो इनतीनों गुण
 नि निवारै ॥ चित्त आपनौ मोमें धारै ॥ सो मेरो निर्गुण पदपावै ॥ बहुरौ या भवमें नहिं आवै
 ॥ ४७ ॥ यातैं यह ऐसी नरदेह ॥ जाकरि मिटें सकल संदेह ॥ होवै प्रगट ज्ञान विज्ञान ॥ पावै
 मोहि मिटै सब आन ॥ ४८ ॥ तातैं पंडित सकल तिवारै ॥ मोकों सेइ आपको तारै ॥ या
 विन सकल अपंडित जानौ ॥ ते ते आतमघाती मानौ ॥ ४९ ॥ सबहुतैं होवे निहसंग ॥

सावधान पलपरै न भंग ॥ इंद्रिय देह प्राण मन जीतै ॥ मम चरचा दिनरन वितीतै ॥ ५० ॥
 सकल सात्विकी संगति करै ॥ राजस अरु तामस परिहरै ॥ देहादिकतें निस्पृह होई ॥ आगे
 इच्छा करे न कोई ॥ ५१ ॥ मोमें धारे निश्चलबुद्धि ॥ तब पावै अंतरगत शुद्धि ॥ या विधिसात्वि
 कहु छटिकावै ॥ तातें लिंग शरीर मिटावै ॥ ५२ ॥ लिंग शरीर मिटे भव तजै ॥ निर्मलरूप आप
 नौ भजै ॥ ऐसें होइ मोहिकों जानै ॥ बाहिर भीतर द्वैत न मानै ॥ ५३ ॥ मोमें मिलि मौहींमें
 रहै ॥ बहुरो काल अग्नि नहिं दहै ॥ रहै निरंतर मेरे संग ॥ तातें कदे न होवै भंग ॥ ५४ ॥
 ॥ दोहा ॥ ए उद्धव तोंसो कही, तीनोगुणकी वृत्ति ॥ अब औरै ज्ञानहि कहौ
 जातें होइ निवृत्ति ॥ ५५ ॥ इति श्रीभाग० म० एकादशस्कंधेश्रीभगवदुद्धवसं-
 वादेभाषायांपंचविंशोऽध्यायः ॥ २५ ॥

दोहा ॥ योगभ्रंश योगीनकों, होत कुसंगति पाय ॥ कहै सुसंगतिकारणे
 छब्बीसैं अध्याय ॥ १ ॥ जाय जोषिता संगतें, योगधारणा ध्यान ॥
 श्रीधर सदाविचारिये, एलगीत आप्यान ॥ २ ॥ ॥ श्रीभगवानुवाच ॥ ॥
 चौपाई ॥ उद्धव यह नरतनहै ऐसो ॥ सकल सृष्टिमें नहिं जैसो ॥ या तनकरि ममज्ञानहि पावै ॥
 तातें भवतजि मोमें आवैं ॥ १ ॥ तातें ऐसै तनकों पाई ॥ मो मिलनेको करे उपाई ॥ अंतरमांही
 मोहि विचारै ॥ औरै सकल वासना ठारै ॥ २ ॥ मम भक्तनकै लक्षण जानै ॥ त्यों त्यों आपु
 आपुमें ठानै ॥ अनायास तब मोकों पावै ॥ काल व्याल बहुरौ नहिं पावै ॥ ३ ॥ तब माया गुण

मिथ्या जानै ॥ मेरो ज्ञान पाइकरि भानै ॥ यों है रहै देहहुमांहीं ॥ तोहूं फेरलिपैं कहुं नाहीं ॥४॥
 परि जद्यपि होवै ऐसोहूं ॥ करे असाधु संग नहिं तोहूं ॥ शिश्ररु उदर परायण जे ते ॥ मन
 क्रम वचन त्यागिये ते ते ॥ ५ ॥ करै असाधु एककौ संग ॥ तोहूं ज्ञान ध्यानकौ भंग ॥ असत
 संग नर जबहीं करै ॥ ताके संग नरकमें परै ॥ ६ ॥ जैसैं अंध अंधके संग ॥ कूपपरै होवै सुषभंग ॥
 याकी गाथा भाषौं एक ॥ जातैं उपजै परमविवेक ॥ ७ ॥ जब उर्वसी बिरह तनदह्यौ ॥ सोक
 मोह सागरमें बह्यौ ॥ तब पुरुरवा भाषी जोई ॥ तोसों भाषौं गाथा सोई ॥ ८ ॥ राजा पुरुरवा
 चक्रवर्ती ॥ ताकी आन जहांलौं धर्ती ॥ श्रापहुतें उतरी उरबसी ॥ सो मिलिकैं नृपके उरबसी ॥ ९ ॥
 बहुन्यो श्राप मुक्ति जब भई ॥ तब तजि नृपहिं उर्वसी गई ॥ नृपति बिलाप करै बहु रोवै ॥
 परिसो नृपकी और न जोवै ॥ १० ॥ राजा नमदेह सुध नाहीं ॥ बानी बिकल दीनता मांहीं ॥
 लज्जारहित मंदमति जैसैं ॥ चल्यौ उर्वसी पीछे तैसैं ॥ ११ ॥ अहो प्रिया तुम ठाढ़ी होवो ॥ मेरी
 और कृपाकरि जोवो ॥ मोकों मार कहां तुम जावो ॥ कृपाकरो मेरे ग्रह आवो ॥ १२ ॥ मिलि
 उर्वसी संग सुषपायौ ॥ सो सो सकलदुःख है आयौ ॥ त्रप्तन भयो भोगवत भोग ॥ पाई उर्वसी
 को संजोग ॥ १३ ॥ ता उर्वसी ज्ञान आकर्ष्यो ॥ तातैं भलोमानके हर्ष्यो ॥ तन मन हृदय कछू
 नहिं आन्यौ ॥ निशिदिन मास बरषनहिं जान्यौ ॥ १४ ॥ तब ता नृपके पूरणभाग ॥ जातैं
 प्रगट भयो वैराग ॥ तब नृप वचन बषानै जेई ॥ तोसों में भाषतहों तेई ॥ १५ ॥ ॥ पुरुरवा
 उवाच ॥ ॥ चौपाई ॥ अहो एक दोषो मम मोह ॥ आपुहि कियो आपुनो दोह ॥ गार्हियों कंठ
 देवकी माया ॥ जिन मेरो सब आयु गमाया ॥ १६ ॥ इन मोकों डहिक्यौ बहुतेरो ॥ सर्वसु आयु

लियों हरि मेरौ ॥ में दिनरात न जान्यौ जात ॥ अमृतकरि मान्यौ विषात ॥ १७ ॥ वर्ष समूह
 गए मम बीत ॥ सकल विकारनि लीनो जीत ॥ देशो में केसो डहिकाहो ॥ इस्त्रीके कर आप
 बिकायौ ॥ १८ ॥ जो में राजा चक्रवर्ती ॥ जीति समस्त करि वस धर्ती ॥ सकल भूप ममचरणनि
 सेवै ॥ तन मन धन सब मोको देवै ॥ १९ ॥ सोइ बिकानो में स्त्रीहाथ ॥ ज्यौ वानर बाजीगर
 साथ ॥ ज्यौ ज्यौ इस्त्री मोहि नचायौ ॥ त्यों त्यों में मूरख सुषपायौ ॥ २० ॥ तो परि
 राजसहित तजि मोह ॥ त्रण समान करि चलि बिछोह ॥ नम भयो में पीछै धायौ ॥
 ज्यौ उन्मत्त आप विशरायौ ॥ २१ ॥ कौन भांति ताकौ बलहोई ॥ तेज प्रताप
 रहै नहिं कोई ॥ जो होवै इस्त्री आधीन ॥ जेसै परी संग परदीन ॥ २२ ॥ विद्या मौन
 तपस्या त्याग ॥ बनमें वासरु दृढवैराग ॥ ए समस्त कीनें कलु नहीं ॥ ज्यौ लगि त्रिया बसै
 मनमांहीं ॥ २३ ॥ यह उर्वसी जबहितें पाई ॥ काम अग्नि बहुभांति जगाई ॥ परि यह अग्नि
 न सीतल भई ॥ अधिक अधिक नित बढ़तागई ॥ २४ ॥ जैसै अग्नि प्रज्वलित होई ॥ तामें
 इंधन डारै कोई ॥ सो त्यों अधिक अधिक प्रज्वरै ॥ पलकहु नहिं सीतलता करै ॥ २५ ॥ में
 अपनौ नहिं जान्यौ अर्थ ॥ आपु आपुकौ कियो अनर्थ ॥ मूरख आपहि पंडित मान्यो ॥
 पड्यौ मृत्युमुष अमृत जान्यो ॥ २६ ॥ जोमें ईस सकल भुक्केरो ॥ सो है रह्यौ तियाकौ चरो ॥
 में मूरख ताकौ धिक्कार ॥ जिन न कियो कलुज्ञान बिचार ॥ २७ ॥ इस्त्रीकरि जाकौ चितहन्त्यौ ॥
 ज्ञान विचार सकल पहिन्त्यौ ॥ ताकौ हरि बिन कौन छुडावै ॥ दूजो आपन छूट न पावै ॥ २८
 तातें में हरिसरणनि गहौ ॥ सकल त्यागि हरिको हे रहौ ॥ जद्यपि देवी मोहि बुझायौ ॥ त्रिया

प्रीति दुख कहि समुझायौ ॥ २९ ॥ तोहूँ मैं मूरष नहिँ जान्यौ ॥ काम अंध सुखही करि
मान्यौ ॥ तातैं ताकौ नहिँ अपराध ॥ यह मेरो मम बडौ असाध ॥ ३० ॥ जोहै नरक स्वर्गमय
देख्यौ ॥ दुख मांहीं मे सुखकरि लेख्यौ ॥ गुणमें साप जान दुख पावै ॥ अग्नि पतंग परै मरिजावै
॥ ३१ ॥ तो तिनकौ अपराध न कोई ॥ आप दुःख करि लेंवै सोई ॥ तातैं तिनकौ एहि सुभाव ॥
मैं मनमें क्यों धरौ अभाव ॥ ३२ ॥ जो मैं आप अग्निमें परौ ॥ तो उरदुःख कवनकौ धरौ ॥
देहहि मलिन महादुर्गंध ॥ सो करि जान्यौ विमल सुगंध ॥ ३३ ॥ सोई अपनि अविद्या
कन्यो ॥ निजानंद आतम वीसन्यौ ॥ यह तन तो बहुतनिकौ कहियैं ॥ तामें ममता गहि
क्यों रहियैं ॥ ३४ ॥ मातापिता अपनौ करि कहैं ॥ इस्त्री एकमेक मिलिरहैं ॥ के यह तन
कहिये राजाकौ ॥ के पाबक भक्षणहै ताकौ ॥ ३५ ॥ के भूको के स्वान शृगाल ॥ के आपनो
मित्रके काल ॥ यह तन कहियैं किन किनकौ ॥ प्रगटहि दीसतहै तिन तिनकौ ॥ ३६ ॥
महा अशुद्ध देह यह एसो ॥ प्रगटहि नरक खानिहै जेसो ॥ तासैं मन बांधे मतिमंद ॥
इस्त्री नाम कालकौ फंद ॥ ३७ ॥ त्वचारु रुधिर मांस अरु अंत ॥ मज्जा मेद रोम नष दंत ॥
विष्ठा मूत्र रेत कृमि हाड ॥ इस्त्री प्रगट नरक पीषाड ॥ ३८ ॥ तातैं इस्त्री अरु ता संगी ॥ ताकौ
कदे न होय प्रसंगी ॥ ताकैं दर्श क्षुभित मस होई ॥ दैषे बिना न बिचरे कोइ ॥ ३९ ॥ तातैं
तिन दर्शन जो करियैं ॥ आपहि आप नरकमें परियैं ॥ जो यह इंद्रिय अर्थ निवारै ॥ मन
क्रम वचन संगति न टारै ॥ ४० ॥ तब यह मन सहजहि थिर होई ॥ कदे विकार न परसै
कोई ॥ ताते जे इस्त्रीनिकौ भजै ॥ अरु इस्त्री तिनकौ बुध तजै ॥ ४१ ॥ दर्श पर्श

अरु श्रवण निवास ॥ सब भावनितें मानै त्रास ॥ इंद्रियाकौ विश्वास न करै ॥ ज्ञानवंत
 नितही परिहरै ॥ ४२ ॥ महापुरुष जे जीवन्मुक्ता ॥ तिनकों यह संग अजुक्ता ॥ तोतें
 जगते छूटै चहैं ॥ ते हमसें क्यों संगति गहैं ॥ ४३ ॥ तातें में संग निवारों ॥ श्रीपतिचरण
 समल उरधारों ॥ दीनबंधु करुणामय स्वामी ॥ कृपाकरी यह अंतरमाजी ॥ ४४ ॥ श्रीभगवा-
 नुवाच ॥ ॥ चौपाई ॥ या विधि वचन कहै नरराज ॥ तजि उर्वसी लोक सबसाज ॥ ज्ञानलह्यौ
 सब संशय टाच्यौ ॥ मन निश्चल करि मोमें धायौ ॥ ४५ ॥ तातें उद्धव यह पुरुषार्थ ॥ नर तन
 पायौ तबही स्वार्थ ॥ जब समस्तकी संगति तजै ॥ सत संगति गहि मोकों भजै ॥ ४६ ॥ संत
 बतावें हित उपदेश ॥ जिनतें संशय रहे न लेश ॥ मनकी सब आसक्ति निवारै ॥ संत महा
 भवसागर तारै ॥ ४७ ॥ निस्पृह निरारंभ सम दरसै ॥ संग्रह रहित द्वंद्व नहिं परसै ॥ अहंकार ममता
 नहिं आनै ॥ मोहि भजै दूजो नहिं जानै ॥ ४८ ॥ मेरी कथा श्रवण जे करै ॥ ते सब पापनितें निस्तारै ॥
 सुनै कहै अंतरगत ध्यावै ॥ अति आतुर सों प्रीति बढावै ॥ ४९ ॥ सो जद्यपि उपदेश न
 देवै ॥ तोहूं मोहि चहेतें सेवै ॥ तहां कथा मेरी नित होवै ॥ तेई अघ संदेहानि होवै ॥ ५० ॥
 ते सहजहीं लहै ममभक्ति ॥ सहजहि होवै सकल विरक्ती ॥ मेरी भक्ति लहे नर जबहीं ॥
 पूरण काम भयो सो तबहीं ॥ ५१ ॥ तातें कछु न करणो रहै ॥ ज्ञानानंद रूब मम लहै ॥ सीत
 निशा होवै कहु कोई ॥ तहां अभिपर जारै सोई ॥ ५२ ॥ तम तुषार भय सहजहि जावै ॥ त्यों साधु
 सब दोष मिठावै ॥ यह अपार सागर संसार ॥ जामें बूढ़े जीव अपार ॥ ५३ ॥ तिनको नाव
 प्रगट इक एह ॥ संतरूप प्रगटहि मम देह ॥ ज्यों प्राणनि राखै आहार ॥ मेरी शरण दुःखसंहार

॥ ५४ ॥ ज्यों परलोक धर्म धन जानौ ॥ त्यों भव तारक साधू मानौ ॥ जिनके हृदय प्रगट
ममचरण ॥ तिन बिन और न या भवशरण ॥ ५५ ॥ ज्यों बाहिरहै सूरजएक ॥ यों उर धरै नेन
अनेक ॥ संतहि मातापिता हितकारी ॥ संतदेव बंधू दुखहारी ॥ ५६ ॥ तातैं संग नित करणौ ॥
और उपाय न हृदये धरणौ ॥ तिनतैं अनायास भवतै ॥ अनायास मोकों अनुसरै ॥ ५७ ॥
तब पुरूषा ऐसो क्यौ ॥ सहित उर्वसी लोक परिह्यौ ॥ सब तजि भयौ आतमाराम ॥
विच्यौ भूमैं है निहकाम ॥ ५८ ॥ तातैं असत संग पहिरै ॥ साधू संत निरंतर करै ॥ साधूजन
सुषहीं भवतौ ॥ सुखहीं ममचरणनि चित्तधारै ॥ ५९ ॥ दोहा ॥ ऐसो साधु असाधुकौ,
मुनि हरिजीसों संग ॥ तब उद्धवजन पूछियौ, कर्म जोग परसंग ॥ ६० ॥
इति श्रीभागवतेमहापुराणेएकादशस्कंधेश्रीभगवदुद्धवसंवादेभाषायांऐलगी-
तायांपडाविंशोध्यायः ॥ २६ ॥

दोहा ॥ श्रीधर पूजनविधि सबै, मूरति अष्टप्रकार ॥ सत्तावीशैं ध्यायमैं
चित्तशुद्ध निजसार ॥ १ ॥ रागादिक जाचितविषै, सोक्यों होइ असंग ॥ ति
नहित पूछत कृष्णसौ उद्धव पाइ प्रसंग ॥ २ ॥ ॥ उद्धव उवाच ॥ ॥ चौपाई ॥
हे प्रभु कृपाकरो अब ऐसी ॥ भाषौ क्रिया जोग विधि जैसी ॥ जाकै करत होई सतसंग ॥ पावै
ज्ञान होइ निहसंग ॥ १ ॥ यह जो तुम प्रतिमाकी पूजा ॥ तातैं श्रेय कहै नहिं दूजा ॥ याकों
कहैं व्यास अरु नारद ॥ गुरु बृहस्पति परमविशराद ॥ २ ॥ औरौ सकल मुनीस्वर जे ते ॥

परम श्रेय यह भाषें ते ते ॥ कल्प आदि तुम विधिसों कह्यौ ॥ सो दृढकरि विधि हृदय ग्राह्यौ
 ॥ ३ ॥ तिन भृगवादी सुतानि सुनायौ ॥ शंभूहुतैं भवानी पायौ ॥ जे ते सकल वर्ण अरु
 आश्रम ॥ इस्त्री शूद्रहु सबकौ धर्म ॥ ४ ॥ याविधि और धर्महै जे ते ॥ याही काज कहै सब ते
 ते ॥ याबिनु और धर्म जे करै ॥ तो तिनतैं फिरि बंधन परैं ॥ ५ ॥ यह सब धर्मानि कौहै धर्म ॥
 याहीहुतैं कटै सब कर्म ॥ तातैं पूजाविधि विस्तारौ ॥ क्रियाकरौ जीवन निस्तारौ ॥ ६ ॥ तुम
 दयाल सबके हितकारी ॥ सुमरत सकल दुःखभय दारी ॥ शुनिकैं परउपकारी बैन ॥ बोले हरषि
 कमलदलनैन ॥ ७ ॥ श्रीभगवानुवाच ॥ चौपाई ॥ उद्धव याकौ अंत न पार ॥ ममपूजा
 बहुविधि विस्तार ॥ परितोकूं संक्षेप सुनाऊं ॥ तामें तत्त्व सकलकौ ल्याऊं ॥ ८ ॥ पूजाविधि
 हे तीन प्रकार ॥ वैदिक तांत्रिक मिश्रित सार ॥ वेदमंत्र अरु वैदिक अंग ॥ सो कहिए
 वैदिक परसंग ॥ ९ ॥ योंहीं तांत्रिक मिश्रित जानै ॥ भावै तासों पूजा ठानै ॥ विप्ररु क्षत्री
 वैश्य त्रिवर्णा ॥ इनकौ याविधि पूजा करना ॥ १० ॥ सो समस्त विधि तुमहि सुनाऊं ॥
 जीवनिकौ कल्याण उपाऊं ॥ प्रतिमा भूमि अग्नि जलवाई ॥ द्विज अरु आप अर्क अरु
 गाई ॥ ११ ॥ अरु सब हिनमें मोकौ जानै ॥ जथा जोग सब पूजा ठानै ॥ गुरु अरु मोमें
 भेद न राखे ॥ मानुष बुद्धिदूरि करि नाखे ॥ १२ ॥ शुद्धहोइ जलमाटी संग ॥ अस्नानादि
 सकल ए अंग ॥ जे जे प्रगट वेद अरु तंत्र ॥ ते ते सकल पढ़ै मम मंत्र ॥ १३ ॥ संध्योपासन
 आदिजु कर्म ॥ प्रगटहि तिहूं वर्ण कै धर्म ॥ तिन तिनसों नित मोकौ भजै ॥ होई निषेघ
 सकलसौ तजै ॥ १४ ॥ जाहीकरि मम सुमरण होई ॥ काटै सब कर्मनिकौ सोई ॥ सोई सो

कहियै ममधर्म ॥ ममसुमरण विन बंधन कर्म ॥ १५ ॥ अब भाषौं प्रतिमाके भेद ॥ सेवत
जिनाहि मिटै भवखेह ॥ एक शिलाकी कहियैं मूरति ॥ एक काष्ठकी त्यों ममसूरति ॥
॥ १६ ॥ एक लेप चंदनकी करियें ॥ एक चित्र पुस्तक लिखिधरियें ॥ प्रतिमा एक सुवर्ण
सवारि ॥ एक मनोमय मनमें धारि ॥ १७ ॥ एक मृत्तीका कीले कीनी ॥ एकरत्न मणिकी
करि लीनी ॥ ए मम प्रतिमा अष्टप्रकार ॥ जानै मम मंदिर निजसार ॥ १८ ॥ तिनमें होवै
निश्चल जेती ॥ सयनादिकन करावे तेती ॥ सालिगराम आदि हे जेती ॥ मेरौ तनजानै नित
तेति ॥ १९ ॥ और सबनिकौं पूजाकाल ॥ किंवा जानै नित गोपाल ॥ लिपिलिखी कामार्ज
नकरै ॥ औरै स्नानादिक विस्तै ॥ २० ॥ उत्तम सामग्रीसों सेवै ॥ तन मन धन सब मोकों
देवै ॥ जो निहकाम कपट बिन होई ॥ करे भाववस मोकों सोई ॥ २१ ॥ उत्तम वस्तुनि मन
करि ल्यावै ॥ प्रेमसाहित सब मोहि चढावै ॥ उत्तमविधि अस्नान करावै ॥ वस्त्राभर्णादिक पहि
रावै ॥ २२ ॥ अग्नि घृतादिक होमहि करै ॥ थरणी रवि अस्तुति विस्तै ॥ जलकों पूजे जल
फलफूल ॥ जानै मोहि सकलकौ मूल ॥ २३ ॥ भक्तिसहित जो अर्पे तोई ॥ ताहुंमें मोकों
सुखहोई ॥ तोजे धूप दीप नैवेद ॥ मोकों बहुविधि करै निबेद ॥ २४ ॥ ताकी महिमा कहा
बखानौ ॥ ज्योंहै त्यों मेंही पहिचानौ ॥ तातैं में नितप्रीति अधीन ॥ तोषन मानौ प्रीति
बिही ॥ २५ ॥ अबभाषौं पूजाविधि तोसों ॥ सावधान है मुनियो मोसों ॥ होइ पवित्र करै
अस्नान ॥ मनमें राखै मेरो ध्यान ॥ २६ ॥ पूजा साज प्रथम सबलेई ॥ फिरि उटबैकों रहन न
देई ॥ बैठे उत्तरके पुरवमुख ॥ निश्चल प्रतिमा केवल सन्मुख ॥ २७ ॥ दर्शनिको निज आसन

करै ॥ अंगनिकै न्यासहि बिस्तारै ॥ न्यासकरै मम मूरति अंग ॥ तब ठानै अस्नान प्रसंग ॥ २८ ॥
 उत्तम कलस तोयसौं भरै ॥ दूजे जलके पात्रहि धरै ॥ जलमें बहुत सुगंध मिलवै ॥ तासौं
 मोही स्नान करावै ॥ २९ ॥ अर्घपाद अरु विष्टर करै ॥ तीन पात्र तातें जल भरै ॥ गंध पुष्प
 तामें बहुधरै ॥ गायत्री अभिमंत्रनि करै ॥ ३० ॥ तब आपनों करे तन शुद्ध ॥ कोऊ द्वार न
 होइ अशुद्ध ॥ हृदयमांहि ममरूपहि ध्यावै ॥ ख ॐकार जहांतें आवै ॥ ३१ ॥ जैसें गृहमें
 दीपप्रकास ॥ यों ध्यावै तनमांहि उजास ॥ पूजे प्रेम सुतनमय होई ॥ पुनि मूरतिमें थापै सोई
 ॥ ३२ ॥ सांगोपांग करै तनपूजा ॥ कोई भावन उपजै दूजा ॥ देवे अर्घपाद आचमन ॥ रचे
 अष्टदल पंकज भवन ॥ ३३ ॥ तापर थापे ले धर्मादी ॥ सकलशक्ति रवि शशि अग्न्यादी ॥
 शंखरु चक्र गदा असि अस्त्र ॥ धनुष बान मूसल हल शस्त्र ॥ ३४ ॥ ए आठो आठेदिशि आ-
 नै ॥ वनमाला लत्ता उर जानै ॥ नंद सुनंद पहाबल चंड ॥ कुमुदेक्षण बल कुहुद प्रचंड ॥ ३५ ॥
 अष्टदिशा पार्षदहि समग्र ॥ ठाढ़ौ गरुड जोरिअग्र ॥ विष्वक्सेन व्यास गुरुदेव ॥ गणपति
 दुर्गा अरु सबदेव ॥ ३६ ॥ करजोरें हरि सन्मुख टाढे ॥ हरषत बदन प्रेम अतिबाढे ॥ सबहिनको
 पूजे अर्घादी ॥ विनय नम्रता बंदन आदी ॥ ३७ ॥ चंदन अरु कपूर उशीर ॥ कुंकुम अगर
 सुगंधित नीर ॥ प्रथमाहि कल्लु मधुपर्क चढावै ॥ निर्मल जल आचमन करावै ॥ ३८ ॥ पुनि सु-
 गंध जलसौं अस्नान ॥ मंत्र वंदन मन क्रम नहिं आन ॥ पुंडरीकलोचन भव भावन ॥ आदि
 पुरुष सबके उपजावन ॥ ३९ ॥ जय जय ब्रह्म सकल आधार ॥ नमो नमस्ते वारंवार ॥ ऐसैं
 तंत्र मंत्र उच्चारै ॥ सहस्रशीर्षा श्रुति बिस्तारै ॥ ४० ॥ वस्त्र जनेऊ अरु आभरना ॥ अंग अंग

तिलकादिक करना ॥ उत्तम माला बहुत सुगंधा ॥ प्रेम सहित मोसें मन बंधा ॥ ४१ ॥ बालभोग
 आचमन करावै ॥ कुसुम सुगंधहि धूप बनावै ॥ बहुत भांति आरती उतारै ॥ नानाविधि नैवेद
 सवारै ॥ ४२ ॥ बीरषांड घृत दधी लापसी ॥ लाडू पुवा चूरमा सुरसी ॥ व्यंजन करै और बहुतेरे ॥
 भोगलगावै बहुहिन मेरे ॥ ४३ ॥ नित दातुन ऊवटनौ तेल ॥ करे स्नान पंचामृत मेल ॥ अलंकार
 दर्शन आदर्श ॥ गीत नृत्य वाजंत्र सुपर्श ॥ ४४ ॥ बहुत भांति नैवेद सवारै ॥ नित नाहीतौ
 पर्व न टारै ॥ बहुरि करै पावकमें पूजा ॥ मो बिन ताहि न जाने दूजा ॥ ४५ ॥ अमिकुंडमें
 अमिहि धरै ॥ समिध घृतादिक होमहि करै ॥ होमकरै पढि पढि मम मंत्र ॥ जिनको कहैं बेद
 अरु तंत्र ॥ ४६ ॥ करी होम आचमन करावै ॥ ताको मेरो रूपहि ध्यावै ॥ तप्तसुवर्ण तुल्यछवि
 अंग ॥ चारु चतुर्भुज आयुध संग ॥ ४७ ॥ पीतवसन कुंडल बनमाला ॥ सीसमुकुट कटिमूत्र
 विशाला ॥ भृगुलत्ता अरु लक्ष्मी आदी ॥ बहुविधि ध्यावै रूप अनादी ॥ ४८ ॥ पुनि नंदादि
 पारषद जे ते ॥ बलि विधान सो पूजे ते ते ॥ जपै मूलमंत्र बहुवार ॥ जा विधि बढे प्रेम
 अधिकार ॥ ४९ ॥ पीछै ता परसादहि लैवै ॥ लेकरी मम भक्तनको देवै ॥ आग्या पाई आप
 तब पावै ॥ प्रीति सहित जेतो जिय भावै ॥ ५० ॥ पुनि अर्पे सुगंध तांबूल ॥ उत्तममाला उत्तम
 फूल ॥ मेरै गुण ऊंचैसुर गावै ॥ नामनि भाषै प्रेम बढावै ॥ ५१ ॥ मेरे गुण अरु कर्म सराहै ॥
 पूरणप्रेम सिंधु अवगाहै ॥ कथा नित्य मम सुने सुनावै ॥ मो बिन कहूं न पल ठहराहै ॥ ५२ ॥
 चरण पलोटै सयल कराई ॥ मुषतें नाम न भूलीजाई ॥ प्राकृत संस्कृत स्तोत्ररु वेद ॥ जेई जे
 अस्तुतिके भेद ॥ ५३ ॥ तिन तिनसौ मम अस्तुति करै ॥ वाखार चरणनिमें परै ॥ पीछै धार

जोरकर दोई ॥ करे दीन है बीनति सोई ॥ ५४ ॥ हेप्रभु भवसागरतें तारौ ॥ काल मृत्यु भय
 शोक निवारौ ॥ तुम बिन मे रै और न कोई ॥ पाऊं चरणनि कीजै सोई ॥ ५५ ॥ हृदयसु
 जोति जोतिमें धारै ॥ मूरतिकों सज्या विस्तारै ॥ यौं आकार जहांलों दे बै ॥ ते समस्त मम
 मूरति लैपै ॥ ५६ ॥ करे जथाविधि सबमें पूजा ॥ मौकों छांडि न जानै दूजा ॥ याविधि
 क्रिया जोग मन लावै ॥ सो नर भुक्तिमुक्ति फल पावै ॥ ५७ ॥ ममहित उत्तम ग्रह संवरावै ॥
 तामें मम प्रतिमा पधरावै ॥ मोकों करै बाग फुलवाई ॥ जन्म महोत्सवकी अधिकाई
 ॥ ५८ ॥ ममहित सदाव्रतादिक देवै ॥ बहुत भांति मम भक्तनि सेवै ॥ ममपूजा प्रवाहकै हेत ॥
 देय गाम पुरि हाटरु पेत ॥ ५९ ॥ सो मम सम ईश्वरता पावै ॥ तिहूं लोककौ ईश कहावै ॥
 जो मम प्रतिमा थापन करै ॥ सो सब भूपति है अवतरे ॥ ६० ॥ जो भेरो मंदीर संवरावै ॥
 तिहूं लोककी प्रभुता पावै ॥ पूजादिकनि ब्रह्मको लोक ॥ जहां नहीं नाना भय शोक ॥ ६१ ॥
 तीनों किये लहै वैकुण्ठ ॥ कालादिक सबहुतें अकुण्ठ ॥ जो यौं सेवे है निहकाम ॥ सो ममभक्ति
 लहै सुषधाम ॥ ६२ ॥ निहकामी भावे त्यों सेवै ॥ जौ तन मन धन मौकों देवै ॥ सो पावे
 मेरो निजज्ञान ॥ लहैं मोहि छूटै सब आन ॥ ६३ ॥ वृत्ति मुरनि अरु विप्रनि केरी ॥ अरु जो
 करि होए कलु मेरी ॥ दई औरकी किंवा आपू ॥ ताकों हरेकन्यौ सब पापू ॥ ६४ ॥ सो होवै
 कृमि विष्ठा माहीं ॥ बर्षकोटि कहु निकसे नाहीं ॥ कर्त्ता प्रेरक तथा सहाई ॥ अनुमोदक जिन
 रुचि उपजाई ॥ ६५ ॥ सबहिनकों फल होइ समान ॥ भावै उत्तम भावै आन ॥ तातें ममहित
 कर्मनि करै ॥ सो बहुतानि ले भवजल तरै ॥ ६६ ॥ ॥ दोहा ॥ या विधि पूजाकों करै,

ताकों उपजै ज्ञान ॥ जातैं मेरो पद लहै, ताकों करौ वषान ॥ ६७ ॥ ॥
इति श्रीभागवतेमहापुराणेएकादशस्कंधे श्रीभगवदुद्धवसंवादेभाषायांसप्त
विंशोऽध्यायः ॥ २७ ॥ ॥

दोहा ॥ अष्टाविंशति ध्यायमें, ज्ञान योग पुनि सार ॥ श्रीधर श्रीउद्धव प्रती,
वर्णत नंदकुमार ॥ १ ॥ पूर्व कहे विस्तारसों, ज्ञानयोग हरिजोई ॥ सारसबै
संक्षेप कर, पुनि बरनत प्रभुसोई ॥ २ ॥ श्रीभगवानुवाच ॥ चौपाई॥उद्धव ताकैं
भाषैं ज्ञान ॥ जातैं लहै मोहि तजि आन ॥ उत्तम मध्यम कर्म सुभाव ॥ जे सब जगके नाना
भाव ॥ १ ॥ तिन तिनकी निंदा नहिं करै ॥ अरु कछु नहिं अस्तुति विस्तै ॥ प्रकृति पुरुष
निर्मित सब जानै ॥ एक जानि सबभेदहि मानै ॥ २ ॥ ब्रह्माआदि कीट परजंत ॥ एकरूप देषे
मम संत ॥ जे जे बहुविधि कर्म सुभाव ॥ तिनकों आनौ भाव अभाव ॥ ३ ॥ तासों होई अर्थतें
भ्रष्ट ॥ माया मोह चित्त आकृष्ट ॥ मिथ्या मांहि चित्तको धरै ॥ तातें मूरख जनमें मरै ॥ ४ ॥ लीन
होई जब इंद्रिय देह ॥ स्वप्न लहै तब आतम एह ॥ जहँ मनलग्यौ तहां तहँ जावै ॥ बहुत भांतिके
सुखदुख पापै ॥ ५ ॥ पुनि सुषुप्तिमें होवै लीन ॥ मरणो कहैं अहं मम हीन ॥ यौ सुषुप्ति अरुदेखत
सुपना ॥ जन्म मरण बहु सुषुदुष उपना ॥ ६ ॥ ज्यों लागि सो बैत्यों लागि पावे ॥ जागे कछु ए नहीं
रहावै ॥ त्यों यह सुख दुख पापरु पुन्य ॥ जन्म मरण सब मानो शुन्य ॥ ७ ॥ जापैं यह सब द्वैत

असत्य ॥ मो बिन ओर कछु नहिं सत्य ॥ दषन कह न सुननमें आवै ॥ मन अरु बुद्धि जहा लागि
 जावै ॥ ८८ ॥ ते समस्त जो कछुवै नाहीं ॥ तो शुभ अशुभ कहैका मांहीं ॥ जद्यपिहै मिथ्या संसार ॥
 तोहूं दुषकौ वार न पार ॥ ९ ॥ ज्यों लागि देहबुद्धि नहिं छै ॥ त्यों लागि भव भय पलक
 न टूटै ॥ जैसे अपने ध्वनिकी जाई ॥ अरु प्रतिबिंब सिंहकी न्याई ॥ १० ॥ सीप रूप
 जेवरिमें साप ॥ अरु मृग तृष्णा मांहीं आप है नाहीं परिहै सो जाने ॥ तिनतें सुखदुख
 बहुविधि माने ॥ ११ ॥ ज्यों लागि मिथ्या जाने नाहीं ॥ त्यों लागि सकल अनर्थ न जाहीं ॥
 ब्रह्मरूप हय सब संसार ॥ जहां लगे कछुहै आकार ॥ १२ ॥ ब्रह्मरूप ब्रह्माहि उपजावै ॥
 ब्रम्ह ब्रह्म आधार रहावै ॥ ब्रह्माहि करे ब्रह्मप्रतिपाल ॥ ब्रह्मस्वरूप ब्रह्मको काल ॥ १३ ॥ जै
 सैं जल बूद्बुद जल मांहीं ॥ जलकौछोडि दैत कछु नाहीं ॥ त्योंही ब्रह्मरूप सब एक ॥ दैषै भ्रमतें
 जीव अनेक ॥ १४ ॥ परि यह सब जानौ निर्मूल ॥ ज्यों मृगवारि गगनमें फूल ॥ त्रिगुण रचित
 सब यह जगजानौ ॥ ते गुण मायाकेही मानौ ॥ १५ ॥ जो या बिधि सब मिथ्या जानै ॥ ब्रह्म
 मावना हृदये आनै ॥ परि जद्यपि सौ जगमें रहै ॥ तो रवि त्यों गुण दोष न गहै ॥ १६ ॥
 या जगमें शुभ अशुभ न दैषै ॥ मिथ्या जोनि भर्मकरि लेषै ॥ ज्यों प्रत्यक्ष घटादिक दैषै ॥ उप-
 जत विन सत मिथ्या लेषै ॥ १७ ॥ धरनी आदि काल त्रय सत्य ॥ नाम रूपते लकल असत्य
 त्योंही ब्रह्मसत्य तिहुंकाल ॥ नामरूप मिथ्या जंजाल ॥ १८ ॥ अरु त्यों करि दैषै अनुमान ॥
 भाई यह जड तन मन प्रान ॥ शक्ति कौनकी चेतन रहै ॥ अपनै अपनै अर्थाने गहै ॥ १९ ॥
 निराकारतें चेतन होई ॥ सब आकार जहांलों जोई ॥ तातें सब मिथ्या आकार ॥ चेतन ब्रह्म

सकल आधार ॥ २० ॥ अरु श्रुतिको परमाण विचारै ॥ नेति नति कहि वेदपुकारै ॥ अरु त्यों
 देषैं अनुभव माहीं ॥ नाम रूप यह कछुहे नहीं ॥ २१ ॥ अंत नरहै हुतै नहि आदी ॥ आतम
 निश्चल ब्रह्म अनादी ॥ ऐसो बहुविधिको विस्तार ॥ मिथ्या जानै वरणाकार ॥ २२ ॥ मन
 क्रम वचन होइ निहसंग ॥ ब्रह्मविचारहि करै अभंग ॥ ऐसैं बचन कहे भगवान ॥ तब उद्धव
 पूछ्यौ निज ज्ञान ॥ २३ ॥ ॥ उद्धव उवाच ॥ चौपाई ॥ ॥ हेप्रभु यह आतम अ-
 विनासी ॥ चेतन रूप स्वयं प्रकासी ॥ निर्गुण निराकार नित सुद्ध ॥ सदा अनावृत सदा
 प्रबुद्ध ॥ २४ ॥ ईहा रहित सदाआनंद ॥ सकल प्रकास कलिपै न दुंद ॥ अरुहै देह शक्तिकरि
 हीन ॥ जड अशुद्ध है जावै लीन ॥ २५ ॥ तातैं तिनको संन न कोई ॥ महाविशेष परस्पर
 होई ॥ कछु इच्छा नहि आतम माहीं ॥ अरु तनसों कछु हंवै नाहीं ॥ २६ ॥ आतमकों
 बंधन नहि कोई ॥ अरु आतम आवर न होई ॥ यह संसार लहै सो कौन ॥ आतम शुद्ध
 सदा सुषमौन ॥ २७ ॥ यह करि कृपा मोहि समुझावौ ॥ मेरे प्रभु संदेह मिटावौ ॥ ऐसैं उद्धव
 पूछ्यौ ज्ञान ॥ तब बोले भवपति भगवान ॥ २८ ॥ ॥ श्री भगवानुवाच ॥ ॥ चौपाई ॥ आतमकों
 नाहीं संसार ॥ अरु तिनको नाहीं आकार ॥ तिन दोनोंते जो अविशेक ॥ ताहींकों भवदुःख
 अनेक ॥ २९ ॥ इंद्रिय प्राण देह मन बंध ॥ इनसों जो आतम संबंध ॥ तातैं आभासै संसार ॥
 महादुःख नाना परकार ॥ ३० ॥ ज्यों लगिलों इनिसों संबंध ॥ त्यों लगि आतम जाने बंध ॥
 सो अज्ञान कज्यो सब जानौ ॥ नाहीं कछु सकल करि मानौ ॥ ३१ ॥ जद्यपि है मिथ्या संसार ॥
 परितोहूं कहु वारन पार ॥ सदाजीव दुःखहिमें रहैं ॥ वार वार तनछोडे गहैं ॥ ३२ ॥ ज्यों

सुपना कलुहोवै नार्हीं ॥ परि सब साचे निद्रा मांहीं ॥ यों जे सुखदुख मनमें ध्यावै ॥ सो सो
 सकल सुपनमें आवै ॥ ३३ ॥ है नहिं परिहे सो जानै ॥ नानाविधिकै सुखदुखमानै ॥ जागेतें
 कलु दीसत नार्हीं ॥ सब व्यवहार वृथा व्है जाहीं ॥ ३४ ॥ हर्ष शोक भय सौचरु लोभ ॥
 इच्छा क्रोध असोभरु सोभ ॥ जन्मरु मरण विकार जहांलौं ॥ अहंकार के सकल तहांलौं
 ॥ ३५ ॥ अतम सदा एक रस रहै ॥ अहंकार संगति दुष सहै ॥ इंद्रिय देह बुद्धि मन प्राण ॥
 सूत्ररु महत्तत्त्व अभिमान ॥ ३६ ॥ इनिसौं मिलि करि आतम एक ॥ याकै सुखदुख गहै
 अनेक ॥ तिन तिनके हित कर्मनि करै ॥ कर्मनिके वश जनमें मरै ॥ ३७ ॥ लिंगबद्ध देहनिमें
 जावै ॥ तिनकै संग महादुष पावै ॥ बुद्धि वचन मन प्राण समीर ॥ महतत इंद्रिय कर्म शरीर
 ॥ ३८ ॥ सुख अरु दुख ममता हंकार ॥ तिनकौ नानाविधि संसार ॥ सो निर्मूल सकलही
 जानै ॥ ज्यों जेवरी साप त्यों मानै ॥ ३९ ॥ ज्ञान खड्ग भजि योहि उपावै ॥ गुरुसेवासो
 सान धरावै ॥ तासौं काटी व्है निहसंग ॥ विचरे सब देखत मम अंग ॥ ४० ॥ गुरुकै वचन
 हृदयमें धारै ॥ आदि अंतलौं श्रुती विचारै ॥ जन्ममरण देखे प्रत्यक्ष ॥ ताजि अज्ञानसु होवै
 दक्ष ॥ ४१ ॥ साधन धर्म माहि थितहोई ॥ आतम देह विचारे दोई ॥ जो या जगके
 आदिरु अंत ॥ सोई मध्य विचारै संत ॥ ४२ ॥ आदिरु अंत मध्यमें एक ॥ नामरूप भ्रमरूप
 अनेक ॥ हेम एक जौं आदिरु अंत ॥ मध्यकिये आभर्ण अनंत ॥ ४३ ॥ तो कलु हेम
 छोडि नहिं आन ॥ जो विचार करि देखे ज्ञान ॥ मिथ्या सकल नाम आकार ॥ हेम काल
 त्रय करे विचार ॥ ४४ ॥ त्यों जग आदि मध्य अरु अंत ॥ मोहि अरूप विचारै संत ॥ आदि

अंतमें एक अरूप ॥ सोई मध्य वृथा सब रूप ॥ ४५ ॥ जाग्रत सुपन सुषुप्ति आवस्था ॥
 आदिरु अंत मध्यमा स्वस्था ॥ इनके नाश भए जो रहै ॥ सकल छोडि ताको बुध गहै ॥
 ॥ ४६ ॥ इंद्रिय वपु इंद्रियके देव ॥ इंद्रिय विषयानिके बहु भेव ॥ ते सब याहि एक बिन नाहीं ॥
 सत्य ब्रह्म खोजो उरमांहीं ॥ ४७ ॥ जाहि प्रकासत सकल प्रकासैं ॥ जाकी शक्ति सत्यसे भासैं ॥
 मुखको मुख कर्णनिको कर्ण ॥ करको कर चरणनिको चर्ण ॥ ४८ ॥ नासा नास नैनको
 नैन ॥ जिह्वा जीभ वैनको बैन ॥ याबिधि सकल प्रकासक एक ॥ ताविन मिथ्या सकल
 अनेक ॥ ४९ ॥ एजे नाम रूप विस्तार ॥ जिनसौं पूरण सब संसार ॥ ते सब आदिहुते कछु
 नाहीं ॥ अरु नहिं रहियै अंतहु मांहीं ॥ ५० ॥ तातैं अबहुं मिथ्या मानै ॥ कारण ब्रह्म निरंतर
 जानै ॥ नामधान्यौ सो सकल विकार ॥ तिहुं कालमें माटी सार ॥ ५१ ॥ यह जो कछु सो ब्रह्म
 समस्त ॥ आदि मध्य अरु सबके अस्त ॥ ऐसैं बहु विधि वेद बखाने ॥ ब्रह्मबताय द्वैत सब
 भाने ॥ ५२ ॥ आदि समस्तहुतौ कछुनाहीं ॥ अब आभा सत है मघमाहीं ॥ यातैं परे ब्रह्म मम
 रूप ॥ सकल प्रकासक आप अनूप ॥ ५३ ॥ बहुविचित्रतामें आभासैं ॥ ताकी शक्ती शक्ति
 प्रकासैं ॥ तातैं सकल ब्रह्महिं लेखौ ॥ तजिकरि रूप अरूपहि देखौ ॥ ५४ ॥ इनतैं परे रूप मम
 जानौ ॥ अरु ए सब मम रूपहि मानौ ॥ द्वैतछोडि निश्चल है रहौ ॥ जानि ब्रह्म ता ब्रह्महि
 लहौ ॥ ५५ ॥ ऐसो जो नितकरै विचार ॥ मिथ्या जानै सब आकार ॥ गुरु सेवा करि ज्ञान
 बढावै ॥ चेतन मोहि अखंडित ध्यावै ॥ ५६ ॥ यह जो तनसो आतम नाहीं ॥ तन घटरूप
 विचारो मांहीं ॥ अरु इंद्रिय ते दीप समान ॥ इनहि प्रकासक आतम ज्ञान ॥ ५७ ॥ अरु त्यों

देव पवन मन बुद्धी ॥ आतमकी नहिं जाने सुद्धी ॥ क्षिति जल तेज पवन आकास ॥ अहं-
 कार गुण चित्त प्रकास ॥ ५८ ॥ स्याम प्रकृति तन मात्रा पंच ॥ इनहीसों सब द्वैत प्रपंच ॥ ते
 जड आतमकों नहिं जाँन ॥ आतम शक्ति इहासो ठानै ॥ ५९ ॥ सकल प्रकाशक आतम
 एक ॥ ए जड जान न सकें अनेक ॥ याविधि जो ममरूप विचारै ॥ सकल उपाधि उरैकी
 टारै ॥ ६० ॥ सो बनरहै इंद्रियनि थंभै ॥ किंवा पुरुष विषय आरंभै ॥ तोहूँ ताकों नहिं गुणदोष ॥
 जीवतहीं जिन पायौ मोष ॥ ६१ ॥ जैसें घन रवि आडे आए ॥ तो तिनसों कछु रवि न
 छिपाए ॥ अरु जो मेघ दूरि ह्वै गये ॥ तो कछु रवि न प्रकाशत भये ॥ ६२ ॥ रविहै परे उरै
 घनवृंद ॥ जाँनै लिप्त लोकमति मंद ॥ जैसें प्रगट पवन घन तोई ॥ धूम धूल अरु दामनि
 होई ॥ ६३ ॥ ऋतुकै गुणजु सीत उष्णादी ॥ उपजत बिनसत रहै अनादी ॥ परि नहिं लिप्त
 अलिप्त अकास ॥ त्यों आतमा परम परकास ॥ ६४ ॥ परितोहूँ संगति नहिं करै ॥ माया गुणानि दुरि
 परिहरै ॥ ज्यो लौं करि न दृढ ममभक्ति ॥ छूटि नहीं रज तम आशक्ति ॥ ६५ ॥ द्वैत भेद नहिं भूलै
 तौलौं ॥ मम जन संगकरै नहिं जौलौं ॥ जैसें रोगहोई तन मांहीं ॥ दृढकरि मुल उखाँयौ नाहीं ॥ ६६ ॥
 तजि औषधसु अपथ्याहि करै ॥ तासों रोग बहुरि विस्तरै ॥ त्यों हंकार रोग भवमूल ॥ सो न
 भयो जबलग निर्मूल ॥ ६७ ॥ त्यों लगि संग अपथ्यजु करे ॥ तो बहुरौ जगमें अवतरे ॥ बंधु
 कुटुंब शिष्य बहुतेरे ॥ आवैं सकल सुरनके प्रेरे ॥ ६८ ॥ ते ते अंतराय सबकरैं ॥ जोगीकों
 कर्मनि विस्तरैं ॥ सो तिनतैं पावै अवतार ॥ बहुन्यौं करै भक्ति विस्तार ॥ ६९ ॥ कर्मपंथमें भूलै
 नाहीं ॥ मैं प्रेरक ताके उर मांहीं ॥ याविधि पाइ ज्ञान विज्ञान ॥ देखे मोहि मिटावे आन ॥ ७० ॥

तब ताकौ तन कर्मनि करै ॥ लैन देंन भोजन बिस्तै ॥ पूख संस्कार करवावै ॥ विधिको
 लिख्यौ न मिथ्या जावै ॥ ७१ ॥ सो मुनि मग्न ब्रह्मसुषमाहीं ॥ ताँते कर्त्ता जानै नाहीं ॥ जो
 बैठो अरु ठाढो होई ॥ आवै जाइ कहंजे सोई ॥ ७२ ॥ अन्न खाइ जलपीवैसोवै ॥ जो व्यवहार
 देहको होवै ॥ सो सो कछु न जानै योगी ॥ निश्चल रहै ब्रह्मरस भोगी ॥ ७३ ॥ जो कबहुं
 देखै संसार ॥ इंद्रिय गोचर विविध प्रकार ॥ ते ते कछु सत्य नहिं जानै ॥ स्वप्नहिं सम ज्यौं जागे
 मानै ॥ ७४ ॥ प्रथम आतमाहु तो अबंध ॥ आपहि भयौ प्रकृतिसौ बंध ॥ बहुन्यो
 मोसों विद्या पावै ॥ तब दुख जानी प्रकृति मिटावै ॥ ७५ ॥ तब बहुन्यौ ताकों नहिं गहै ॥
 मोहि जानि मोहिमें रहै ॥ प्रथमहि जब मोकों नहिं जान्यौ ॥ तब माया सुख उत्तम मान्यौ
 ॥ ७६ ॥ बहुरि जब ममसरणहि आवै ॥ मम प्रसाद अज्ञान मिटावै ॥ तब मायाकों दुखमय
 जानै ॥ परमानंद रूप मुहिमानै ॥ ७७ ॥ ताँते आपहि गही उपाधी ॥ ताकौ तजै जानि
 करिव्याधी ॥ सदा निरंतर मोमें रहै ॥ बहुन्यौ भवसागर नहिं बहै ॥ ७८ ॥ ज्यौं रवि अंश
 सकलही अक्ष ॥ परि रवि विना न लखै प्रतक्ष ॥ रविसंयोग बहुरि जब होई ॥ तब समस्त देखे
 सो सोई ॥ ७९ ॥ रविबिन अंधकार तब होवै ॥ ताँते कोइ नैन नहिं जोवै ॥ रविसंयोग
 प्रकाशहि पावै ॥ तब सब देखे तमहि मिटावै ॥ ८० ॥ परिते नयन त्रिकाल अलेप ॥ अंधकारसों
 होय न लेप ॥ ते त्यों केत्यों तमहीं माहीं ॥ परि रवि बिनु कछु देखें नाहीं ॥ ८१ ॥ रवितें तम
 उपाधि परिहरै ॥ पाइ प्रकाश प्रकाशहि करै ॥ त्यों यह आतम मेरो रूप ॥ स्वयंप्रकाशरु परम
 अनूप ॥ ८२ ॥ जन्ममरण मर्यादारहित ॥ काहूकरि कबहुं न ग्रहित ॥ दूजै रहित आतमा

एक ॥ ताही करिए देह आनेक ॥ ८३ ॥ महानुभव सकल अनुभाव ॥ जायें कदै न कर्म स्वभाव ॥
 नित्यानंद सदा अतिशुद्ध ॥ सदा निरीहरु सदाप्रबुद्ध ॥ ८४ ॥ जाकरि इंद्रिय तन मन प्राना ॥
 चेतन है वरतें विधि नाना ॥ जो लों मन अरु वचन न जावै ॥ और कौन विधिताकौ पावै
 ॥ ८५ ॥ परि जब मोतौ रहितजु भयौ ॥ तब ताकौ सब बल मिटिसायौ ॥ अंधकार आयौ
 अज्ञान ॥ जातें दूरि भयौमें भान ॥ ८६ ॥ जब बहुरौ ममशरणहि आवै ॥ तब सो ज्ञानप्र
 कासहि पावै ॥ तातें छोडै सकल उपाधी ॥ जो मोबिन करलीनी व्याधी ॥ ८७ ॥ ताकौ अबहुं
 परसे नाही ॥ परि मोबिना तजी नहिं जाहीं ॥ मोको पाइ सकल परिहरै ॥ मेरे चरणनिकौ
 अनुसरै ॥ ८८ ॥ रविप्रकास मिटै तम जैसे ॥ ममप्रकास द्वैत भ्रम ऐसे ॥ सो पुनि मोकौ नहिं
 विसरावै ॥ मोहि सेइ मोमांहिं समावै ॥ ८९ ॥ मोमेंहुते न माया ल्यावै ॥ ऐसो मायामें नहिं
 आवै ॥ तातें नित्यहि मोमें रहै ॥ मौमिलि परमानंदहि लहै ॥ ९० ॥ उंछव इतनोहिं अज्ञाना ॥
 जो केबलमें जानै नाना ॥ ब्रह्म विना कछु दूजो नाही ॥ जैसे साप जेवरी मांहीं ॥ ९१ ॥
 द्वैत देह जड मिथ्या जानै ॥ चेतन एक ब्रह्म थिरमानै ॥ अरु यह पंचवरन विस्तार ॥ उपजै
 विनसे वांखार ॥ ९२ ॥ जाकौ मिथ्या बेदबखानै ॥ अरु त्योंहीं गुरु साधू मानै ॥ पुनि अनु-
 भवतें त्योंहीं देखै ॥ जागे सुपन जगत त्यों लेखै ॥ ९३ ॥ ऐसो जगत सत्यते जानै ॥
 पुष्पितबानी बेद बखानै ॥ अंत न श्रुतिके वचन विचारै ॥ उरै कहे तेई उर धारै ॥ ९४ ॥ तातें
 कर्म काम बहु कहैं ॥ ते मूर्ख या भवमें बहैं ॥ कर्म विक्षेपित तिनकी बुद्धी ॥ तातें कदे न पावें
 सुद्धी ॥ ९५ ॥ तातें तिनकौ लगै न ज्ञान ॥ मूर्ख आपाहि जानें जान ॥ तातें विषयी जीव समस्त ॥

तिनहि भ्रमाय करें ते अस्त ॥ ९६ ॥ तातैं उद्धव एही ज्ञान ॥ ब्रह्मजानि करि छोडे आन ॥ मेरो
 भजन निरंतर करै ॥ जास प्रकाश द्वैत परिहरै ॥ ९७ ॥ अरु उद्धव जो योग कहावै ॥ अष्ट अंगको
 वेद बतावै ॥ सो ज्यों और विधि त्यों जानौं ॥ भव मोचक कबहुं मतिमानौ ॥ ९८ ॥ जब याकै
 तन प्रबल विकार ॥ करि न सकै भक्ती अधिकार ॥ तातैं बहुविध विधि विस्तारै ॥ मम
 विश्वास पाइ परिहरै ॥ ९९ ॥ प्रथमहि योग धारणा करै ॥ सीत उष्णसो गहि परिहरै ॥ एसें
 करि तप पाप निवारै ॥ मंत्रनिग्रह बाधादिक टारै ॥ १०० ॥ भोजन क्षुधा औषधी रोग ॥
 यों तन जतन एकहै योग ॥ कामादिक मानसजु विकार ॥ जीतै मम सुमरण आधार ॥ १०१ ॥
 मम भक्तनकी सेवा करै ॥ ता परि दंभादिक परिहरै ॥ याविधि विघ्न समस्त निवारै ॥ मेरो
 भजन हृदेमें धारै ॥ १०२ ॥ अरु एके सूदनके राजा ॥ साधें योग देहके काजा ॥ जो यह देह
 मिटाई चाहियैं ॥ देहमिटे मेरो पद लहियैं ॥ १०३ ॥ मेरो अंश आत्मा एह ॥ याकौं दुष दाता
 यह देह ॥ ता देह हि जो राख्यौं चहैं ॥ ते आपुहि या भवमें वहै ॥ १०४ ॥ तनके रोग जरा-
 दिक टारै ॥ स्वास जीति करि मृत्यु निवारै ॥ अंत मृत्यु होवै कल्पंत ॥ बहुन्यो
 पावै देह अनंत ॥ १०५ ॥ तातैं वृथा करै श्रम मूढ ॥ मेरो भजन न पावै गूढ ॥ तातैं मैं हौं
 संतनि मांहीं ॥ तिनकौ कबहुं आदर नाहीं ॥ १०६ ॥ अरु प्रथमहि जो योगहि करै ॥ विघ्न
 निवारि भक्ति विस्तारै ॥ ताकौ तन जो निश्चल होई ॥ तोहुं आदर करें न कोई ॥ १०७ ॥
 छोडै योग समाधि समेत ॥ गहि ममचरण बढावे हेत ॥ योग मांहि बाँटे हंकार ॥ तातैं नहिं
 छूटे संसार ॥ १०८ ॥ तातैं सब तजि मोकौं भजै ॥ मम अधीन है आपो तजै ॥ मम प्रसाद

तें मोकौ पावै ॥ बहुरौ शवदुषमें नहिं आवै ॥ १०९ ॥ जो होवै मेरै आधीन ॥ आपहि मानै
 सब बलहीन ॥ मैं आधीन होइ ता जनकै ॥ ज्यों आधीन देह या मनकै ॥ ११० ॥ केवल जो
 ममसरणहि आवै ॥ ताहीकी सब इच्छा जावै ॥ तातैं विघ्न न आवै कोई ॥ विघ्न तहां जहँ
 इच्छा होई ॥ १११ ॥ मम आनंद रहै आनंदित ॥ सब देवनको होवे वंदित ॥ तातैं उद्धव एहि
 करनौ ॥ मेरो भजन हृदयमें धरनौ ॥ ११२ ॥ जग अरु आप ब्रह्ममय जानै ॥ द्वैत भाव कबहुं
 नहिं आनै ॥ ब्रह्मभावतैं ब्रह्महि पावै ॥ जन्ममरणके दुख विसरावै ॥ ११३ ॥ ब्रह्म भावनहिं
 उपजै जोलौं ॥ जन्ममरण दुखमिटे न तोलौं ॥ तातैं ब्रह्मभावकौं करो ॥ दूजो सकल यत्न
 परिहरो ॥ ११४ ॥ ॥ दोहा ॥ ॥ एसो सुनि श्रीकृष्णसौं, अतिहीं दुष्करज्ञान
 ॥ पृच्छ्यो सुगम उपाय तब, उद्धव परमसुजान ॥ ११५ ॥ इति श्रीभागवते
 महापुराणे एकादशस्कंधे श्रीभगवदुद्धवसंवादे भाषायां अष्टाविंशोऽध्यायः ॥ २८ ॥
 ॥ दोहा ॥ उनतीसैं अध्यायमें, आगैको विष्टार ॥ श्रीधर भक्ती योग पुनि,
 कहै भक्त हित धार ॥ १ ॥ अती क्लेशवत जानिहिय, संपति योग असंग ॥
 सुखोपाय पुनि कृष्णसौं, पृच्छ्यो उद्धव अंग ॥ २ ॥ उद्धव उवाच ॥
 चौपाई ॥ हे प्रभु तुम यह ज्ञान बषान्यौ ॥ सोतो में अति दुष्कर जान्यौ ॥ बशनाहीं इंद्रिय मन
 जिनकौ ॥ कैसें काज होय प्रभु तिनकौ ॥ १ ॥ जेहें परमहंस दृढचित्त ॥ तिनकौं ब्रह्मदृष्टिहै निता ॥
 और जे जे योगि विचारैं ॥ षेचि षेचि या मनकौं धारैं ॥ २ ॥ तिनकौं मन बशहोइ न ज्यों ज्यों ॥

ए. भा.
॥१२॥

प्र. २९

महाकलेश लहें ते त्यों त्यों ॥ तिनको मनबस होइ न क्योंही ॥ श्रमकरि जन्म गमावैं योंही ॥ ३ ॥
तव पद परमानंद समुद्र ॥ ताको भेद न जानें क्षुद्र ॥ करै योग यज्ञादिक कर्म ॥ तिनतें कदे
न छूटै भर्म ॥ ४ ॥ यातें गर्व बढे जो करैं ॥ तातें युग युग जनमें मरैं ॥ केवल भक्त तुमारे जे
ते ॥ परमानंद लहैं सब ते ते ॥ ५ ॥ जबहीं तें तव सरणहि आवैं ॥ तबहीं ते तव चरणनि पावैं ॥
तबहीते पूरणसुख पावैं ॥ माया निकट न तिनको आवैं ॥ ६ ॥ तातें सहजही जगत मिटावै ॥ तुम चर्ण-
निमें सहज समावैं ॥ तुम ब्रह्मादि सकलके नायक ॥ सब इनको प्रभुताके दायक ॥ ७ ॥ तिनके चरण
गहै जे दीन ॥ तुम तिनको होवो आधीन ॥ अरु यह कहा अचंभा स्वामी ॥ तुम सबके प्रभु
अंतर्यामी ॥ ८ ॥ तिनको सब ताजि सेवै जोई ॥ करै आपवश तुमको सोई ॥ सीस मुकुटधारीहैं जे
ते ॥ तव पद मुक्ति विचारैं ते ते ॥ ९ ॥ रामरूप तुम भए मुरारी ॥ तिन कीनै वानर अधिकारी ॥ वानर
सकल सषा तुम करे ॥ सबहिनके सबहित आचरे ॥ १० ॥ तातें जो तव कृतहि विचारै ॥ सो
क्यों पल तुम भजन निवारै ॥ तुमहीं नष शिष देह सँवारी ॥ चेतन शक्ति तुमहि पुनिधारी
॥ ११ ॥ सदा रहे तुमरे आधार ॥ तुमहीं तिन प्रतिपालनहार ॥ तो परि जीव तुमहि नहि जानै ॥
कर्त्ता भर्त्ता औरनि मानै ॥ १२ ॥ तोहं तुम अवगुण नहि आनौ ॥ बहुविधि जहँ तहँ रक्षा
ठानौ ॥ पुनि जबहीं तव सरणहीं आवै ॥ तब तुमसौं चारों फल पावैं ॥ १३ ॥ परि तथापि सो
अति अज्ञान ॥ तुमको सेई लेइ जो आन ॥ चारपदारथ सेवक ताकै ॥ तुमरि भक्ति
विराजै जाकै ॥ १४ ॥ एक जहां नहि तुमरो भजनौ ॥ नरक जानि सोई सो तजनौ ॥ तातें
जो होवै सर्वज्ञ ॥ तुमरे उपकारनिको तज्ञ ॥ १५ ॥ अरु विधि सम आयुर्बल पावै ॥ बहुविधि

॥१२॥

प्रत्युपकार बतावै ॥ तोहूँ तब अनृणि नहिं होई ॥ ब्रह्माआदि जहांलों जोई ॥ १६ ॥ जो तुम
 बाहिर सतगुरु रूप ॥ भीतर चेतन शक्ति अनूप ॥ यों जीवनि कै पाप निवारौ ॥ आपहि दे
 भव संकट टारौ ॥ १७ ॥ तातें भाषे भजनानंद ॥ सहज मिलौ तब छूटै फंद ॥ ए सुनि प्रिय
 उद्धव के बयन ॥ बोले कृष्ण कृपा के अयन ॥ १८ ॥ श्रीभगवानुवाच ॥ चौपाई ॥ धन्य धन्य
 उद्धव ममभक्त ॥ सब जीवन के हित अनुरक्त ॥ तोसौ कहौ आपनौ धर्म ॥ जातें मिटै सहज
 सब कर्म ॥ १९ ॥ करते सुख आगे सुखपावै ॥ छोडि भवभय मोमें आवै ॥ उद्धव कर्मकरे नर
 जे ते ॥ मेरे हेत करै सब ते ते ॥ २० ॥ कर्मनिमें भाषै मम नाम ॥ मेरे करि गणै धनधाम ॥
 मोमें अरपै मनकी वृत्ति ॥ तातें सब आचरणनि वृत्ति ॥ २१ ॥ मेरी प्रीतिकरै जो करै ॥ मेरी
 प्रीति रहित परिहरे ॥ जिन देसनिमें मेरे भक्त ॥ तिनकरि बास होइ अनुरक्त ॥ २२ ॥ सुर
 अरु असुर नरनिमें जे ते ॥ मेरे भक्त भयहैं के ते ॥ तिन तिनके आचरणनि जानै ॥ त्योंही
 त्यों आपै नित ठानै ॥ २३ ॥ मेरे यज्ञ महोत्सव करै ॥ पर्वणिमें मिलाय विस्तरै ॥ मेरी जहँ जहँ
 यात्रा होई ॥ ताहां ताहां चलिजावै सोई ॥ २४ ॥ गीत नृत्य वाजंत्र करावै ॥ छत्र चमर
 आदिक अधिकावै ॥ अति उदारता करि सब ठानै ॥ ममहित लगै भलो सो जानै ॥ २५ ॥
 सब भुतनिमें मोको देषै ॥ अंतर बाहिर एकाहि लेपै ॥ आप आदि जग मोमें जानै ॥ ज्यों
 आकाश आनावृत्त मानै ॥ २६ ॥ यों सबमें जानै ममभाव ॥ त्यागे सकल प्रवृत्ति सुभाव ॥
 सबहिनकों सतकारहि करै ॥ ज्ञान दृष्टि भेदहि परिहरै ॥ २७ ॥ एके विप्र वेद अधिकारी ॥
 एके अंतज महाविकारी ॥ एके विप्रनिके धनहरता ॥ अरु एके धनकै विस्तरता ॥ २८ ॥

एके तेजहीन बहु देखे ॥ तेजवंत एकै बहु पेलै ॥ एकै क्रूर सकल दुखदाई ॥ एके सात्विक
 सकल सहाई ॥ २९ ॥ इत्यादिक नाना विधिदेखै ॥ परि जो भेद कहूं नहिं लेखै ॥ मेरी दृष्टि
 सबनिमें आनै ॥ मम जन पंडित ताहि बखानै ॥ ३० ॥ या विधि सबमें मोकौं जानै ॥ देह
 भेद कछु वेनाहिं आनै ॥ थौरे कालमांहि ता जनकै ॥ सब विकार मिटजावै मनकै ॥ ३१ ॥
 स्पर्धा तिरस्कार हंकार ॥ सकलमिटै कछु लगै न वार ॥ तातैं देह दृष्टि नहिं धौ ॥ लोक कुटुं-
 ब लाज परिहरै ॥ ३२ ॥ हासीकरैं सकल ही लोक ॥ परिसो आनै हर्ष न शोक ॥ तिनकी
 कछु मनमें नहिं आनै ॥ सब जीवनमें मोकौं जानै ॥ ३३ ॥ पर पचर चाडालनि अंत ॥ जा
 लौ मेरि श्रष्टि अनंत ॥ नमस्कार तिन तिनकौं करै ॥ दंड समान धरनिमें परै ॥ ३४ ॥ जा
 लागि थावर जंगम मांहि ॥ मेरो भाव होइ थिरनाहिं ॥ त्यों लागि मन बचन काय समेत ॥ यों
 सबमें ठानै ममहेत ॥ ३५ ॥ या विधि करत रहे नर जोई ॥ ताकौं सकल ब्रह्ममय होई ॥ मिटै
 अविद्या विद्या पावै ॥ तातैं बंधन सकल मिटावै ॥ ३६ ॥ उद्धव सकल मतेहें जे ते ॥ ममरूपहि
 जानै सब ते ते ॥ उद्धव इसो धर्महै मेरो ॥ कथा प्रभाव कहों तिनकेरो ॥ ३७ ॥ मन क्रम वचन
 जहांलों जे ते ॥ वेदमध्यमें भाषे ते ते ॥ तिनमें एह मतो ममसार ॥ जाते वेगि मिटै संसार
 ॥ ३८ ॥ अणुरूप प्रगट जो होई ॥ क्योंहीं बहुरि मिटे नहिं सोई ॥ जहां लगे गुणनिर्मित वस्तू ॥
 तहांलगे सब होवै अस्तू ॥ ३९ ॥ मै निर्गुण सबगुणानि प्रकासी ॥ तातैं ममधर्महि अविनासी
 मेरो नास कदे नहिं क्योंहीं ॥ ममधर्मसु थोरोहूं त्योंहीं ॥ ४० ॥ अरु उद्धव यह कहा कहीजै ॥
 मेरो धर्म कदै नहिं छीजै ॥ उद्धव जो लौकिक व्यवहार ॥ राजस तामस विविध प्रकार ॥

॥ ४१ ॥ जिनतें केवल होइ अनर्थ ॥ प्रवृत्तिहुंको मिटे न अर्थ ॥ नरकनि मांहीं डारनहार ॥
 काम क्रोध द्वेषादि विकार ॥ ४२ ॥ जे तेऊने मोमें करै ॥ तोहुं मोहि लहै भवतारै ॥ जेसैं कंस
 मरण भयकच्यौ ॥ मेरो धर्म नहीं आचर्यौ ॥ ४३ ॥ परिसो भयहि करी मोमांहीं ॥ ममपद
 पहुंच्यौ भवमें नाहीं ॥ अरु गोपीनि किये व्यभिचार ॥ लंघे वेद तजै भरतार ॥ ४४ ॥ परि बि
 भिचारसु मोमें कच्यौ ॥ तोहु तिन भवसागर तन्यौ ॥ अरु जो द्वेषकियो शिशुपाल ॥ जातें जीवन
 ग्रासै काल ॥ ४५ ॥ परिसोऊ मोमें करि दोष ॥ भवजल तजि करि पहुंच्यौ मोष ॥ योविष रूप
 विकारहि जे ते ॥ मोमें ए अमृत भए ते ते ॥ ४६ ॥ तातें यहि विवेक चतुराई ॥ यही
 बुद्धि दृजी नहिं काई ॥ जो जूठे सों साचहि लीजैं ॥ पूरणकाज आपनौ कीजैं ॥ ४७ ॥ यह
 जूठे क्षणभंगुर देह ॥ सकल विकारनिको है गेह ॥ ताकरि पड़्यैं हरि अविनासी ॥ निर्वि-
 कार पूर्ण सुखरासी ॥ ४८ ॥ यह सब ब्रह्मज्ञानको सार ॥ जातें मिटै सहज संसार ॥ मै संक्षेप
 मांहि सब कह्यौ ॥ जातें सार न कहिवे रह्यौ ॥ ४९ ॥ यह नर तन अरु यह ममज्ञान ॥ देव-
 निकों दुर्लभहीं जान ॥ जद्यपि जीवलहै नरदेह ॥ तोहुं ज्ञान न पावै एह ॥ ५० ॥ तातें में
 भाष्यौ निजज्ञान ॥ यातें मोहि लहै तजि आन ॥ उद्धव प्रश्न करी तुम जेती ॥ उत्तर सहित
 कहीमें तेती ॥ ५१ ॥ ते सब तत्त्व बेदको जानौ ॥ मेरो परमरूप करि मानौ ॥ यह तुमरो
 मेरो संवाद ॥ अध्यातम परमातम वाद ॥ ५२ ॥ ताको सुनी हृदयमें धारै ॥ पावै मोहि
 आपको तारै ॥ जो यह मेरो पूरणज्ञान ॥ मेरे भक्तनि देवै दान ॥ ५३ ॥ सो कहिय तुहै मेरो
 दाता ॥ जहा तहा कहियत विख्याता ॥ जो जो देइ लहै सो सोई ॥ लोक बेद भाषतहै दोई

॥ ५४ ॥ तातें दान देइजो मेरो ॥ में आधीन होइ तिनकेरो ॥ मोहि देइ सो मोकों पावै ॥
 तिनकों ले मोमांहि समावै ॥ ५५ ॥ जो जन याकों नितहीं पढे ॥ ता जनको मोसों हित बढे ॥
 सो जनमेरो अतिप्रिय होई ॥ ताके सम दूजो नहिं कोई ॥ ५६ ॥ जो यह सुनै नितहिं करि
 सादर ॥ और सकलकौ करै अनादर ॥ सो कर्मनिसौं लिप्त न होई ॥ मेरी भक्ति लहै दृढ सोई ॥ ५७ ॥
 में यह परमज्ञान उच्चाण्यौ ॥ उद्धव तुम कछु हृदये धार्यौ ॥ शोक मोह भय भयो निवर्त ॥
 निश्चल भयो हृदय आवर्त्त ॥ ५८ ॥ उद्धव यह मेरो है ज्ञान ॥ सो मतिजानौ मोतें आन ॥ तातें
 दंभसहित जो होई ॥ नास्तिक कलह कुवासा सोई ॥ ५९ ॥ प्रीति न जानै नहिं ममभक्ती ॥
 दुर्विनीत विषयनि आशक्ती ॥ तिनकों ज्ञान न दैनौ एह ॥ ज्यों कल्लर भूबजिरु मेह ॥ ६० ॥
 इन दोषनि करि होई विहीन ॥ मेरो भक्त प्रीति दृढदीन ॥ इच्छी सूद्र इसो जो होई ॥ तिनहीसों
 अंतर नहिं कोई ॥ ६१ ॥ ऐसी विधि सुज्ञान हिकहियें ॥ तो तिन सहित परमपद लहियें ॥
 जो यह मेरो जानै ज्ञान ॥ ताहि जानवो रह्यो न आन ॥ ६२ ॥ ज्यों कोई पीवे पीयूष ॥
 ताकै दुजी रहै न भूष ॥ ज्ञानरु कर्म जोग अष्टांग ॥ कृषि वाणिज्य नीति सब अंग ॥ ६३ ॥
 अर्थरु धर्म मोष अरु काम ॥ इन सबहिंनको मोमें धाम ॥ तातें आवै मोमें जोई ॥ इन सबहि-
 नकों पावै सोई ॥ ६४ ॥ मेरो जन कछु न लेवै ॥ सकल त्याग करि मोकों सेवै ॥ तातें साध्यरु
 साधन जे ते ॥ ममजन देषे मोमें ते ते ॥ ६५ ॥ सब ताजि जब चरणानि मम सेवै ॥ आपनि
 वेदै कछु नहिं लेवै ॥ ताकै समदूजो पिय नाहीं ॥ सो नित मोमें में तामाहीं ॥ ६६ ॥ जब सुनि एसैं हरि-
 कै बैन ॥ उद्धव अशु कुलाकुल नैन ॥ आगे ठाढ़ौ अंजुलि बंध ॥ प्रेममगन तन मन दृढ संघ ॥ ६७ ॥

बैनहुतें बोल्यौ नहिं जावैं ॥ कंठहु तैं गदगद सुरु आवैं ॥ तातैं उद्धव चुगकरि रहै ॥ कछु बेर
 कछु बैन न कहै ॥ ६८ ॥ बहुन्यौ जित्थंभ करि धीरज ॥ पूरण प्रेम भयौ अब कीरज ॥ नि-
 श्रल आपुकृता रथ मान्यौ ॥ सब संदेह हृदेतें भान्यौ ॥ ६९ ॥ हरिके चरणनि माथे धान्यौ ॥
 उद्धव भक्त वचन उच्चान्यौ ॥ जिनतें हरि सो वाढे प्रेम ॥ जिनसौं कहि सुनि उपजै क्षेम ॥ ७० ॥
 उद्धव उवाच ॥ चौपाई ॥ ॥ नाथ अजन्मा अरु अविनासी ॥ परमानंद परम परकासी ॥
 में तव सन्निधान जब आयौ ॥ तबहीं सब अज्ञान मिटायौ ॥ ७१ ॥ सन्निधान पावकके जावैं ॥
 सहज हितम भयसीत गमावैं ॥ अरु तापरतुम परम दयालू ॥ मो निजजनपर भये कृपालू
 ॥ ७२ ॥ यह विज्ञानदीप मुहि दीनौ ॥ जातें सकल शुभाशुभ चीनौ ॥ तुमरै चरण सरण
 भुवमांहीं ॥ दुजो ठौर कदे सुख नाहीं ॥ ७३ ॥ जो कोई तुम कृतकों जानै ॥ अरु तो परि
 भवकों दुखमानै ॥ जो तुम चरण सरण नहिं आवैं ॥ तो दूजै कहँते सुख पावैं ॥ ७४ ॥ प्रभुजी
 तुम अतिकरुणा करी ॥ मम माया फासी परिहरी ॥ सकल जादवनिमांहिस्तेह ॥ अरु जुवत
 सुत वित ग्रह देह ॥ ७५ ॥ ए सब मेरे मनतें टरै ॥ अपने चरणकमलचित धरै ॥ तुम विस्तार
 अपानी माया ॥ जिन यह सकल जगत भरमाया ॥ ७६ ॥ सो तुम ज्ञान षड्सौं छेदी ॥ व्है
 कृपाल निजप्रीति निवेदी ॥ नमोनमस्ते ज्ञान प्रकासी ॥ योगेस्वर ईस्वर अविनासी ॥ ७७ ॥
 दीजैं मोहि एकवर देवा ॥ निश्रल हृदय तुमारी सेवा ॥ तुमहि छोडि दूजो नहिं जानौं ॥ परि
 सेवक ह्वै सेवा ठानौं ॥ ७८ ॥ मोहि प्रसाद दीजिये एह ॥ तुमसौं निश्रल बढै सनेह ॥ यों करि
 विनति उद्धव भक्त ॥ बोलैं हरिजी व्है अनुरक्त ॥ ७९ ॥ ॥ श्रीभगवानुवाच ॥ चौपाई ॥

तथा अस्तु उद्धव ममभक्त ॥ ममचरणानि निश्चल आसक्त ॥ अब तुम उद्धव ऐसी करौ ॥
 लोकनिकौ शिक्षा विस्तरौ ॥ ८० ॥ बदरिपंड आश्रम है मेरौ ॥ अति पुनीत दर्शन तिनकरौ
 ॥ तहँ तीरथ ममचर्णनिकौ जल ॥ दरसपरस अस्नान हरेमल ॥ ८१ ॥ नाम अलक नंदा सो
 गंगा ॥ निर्मल करै दरस सब अंगा ॥ जहां जाइ तुम वासा करौ ॥ फल भच्छान तन बलकल
 धरौ ॥ ८२ ॥ द्वंद्वसीत उष्णादिक सहौ ॥ विनयादिक सुभलक्षण गहौ ॥ इंद्रियके अर्थनि परि-
 हरौ ॥ यह विज्ञान ज्ञान उरधरौ ॥ ८३ ॥ मोतें सिखे ज्ञान तुम जोई ॥ बैठि एकांत विचारो
 सोई ॥ बचन चित्त सब मोमें धरौ ॥ मेरो धर्म सदा विस्तरौ ॥ ८४ ॥ तब गुण
 तीनोकों परिहरि हौ ॥ मम निर्गुण पदकों अनुसरिहौ ॥ यह उद्धव प्रतिज्ञा मेरी ॥
 फिरि उत्पत्ति न व्है है तेरी ॥ ८५ ॥ याविधि कृष्ण वचन उचारे ॥ ते उद्धवले मस्तक
 धारे ॥ चरणानि परि प्रदक्षिणा दीनी ॥ तब चलवेकी इच्छाकीनी ॥ ८६ ॥ जद्यपि
 द्वंद्व हूँ नहिं आवै ॥ तोहूँ हरिजी तजे न जावै ॥ अश्रुकंठ अति आतुर बुद्धी ॥ तन्मय भयौ
 न तनकी सुद्धी ॥ ८७ ॥ कृष्णवियोगनि क्यों करिसहै ॥ वाखार चलि फिरि फिरिहै ॥ तब
 अंतर जामी गोपाल ॥ जनकों जानै प्रेम विहाल ॥ ८८ ॥ निकट बुलाइ मिले दे अंग ॥ ज्ञान
 रूप कीने सर्वग ॥ तब आपनी पावरी दीनी ॥ ते उद्धव जन माथे लीनी ॥ ८९ ॥ तोहू प्रमथहि
 कृष्णपधारै ॥ जादव ले परभास सिधारै ॥ तबहि तहां उद्धव चलि आये ॥ कृष्ण एकही बैठे
 पाये ॥ ९० ॥ पुनि भैत्रेय पधारै तहां ॥ कृष्णदेव बैठे थे जहां ॥ दुहं कियो हरिकौं परनाम ॥
 दर्शन पायौ अति अभिराम ॥ ९१ ॥ ठठे भए जोरि कर दोई ॥ प्रेममग्न कछु कहै न कोई ॥

तब तिनकों हरिभाष्यौ ज्ञान ॥ जैसैं अंधकारकों भान ॥ ९२ ॥ मैत्रेयकों दीनों आदेस ॥
 विदुरहि कहियौ यह उपदेस ॥ आग्यादीनी उद्धव जनकों ॥ अपनी शक्ति कियो थिर मनकों
 ॥ ९३ ॥ तब उद्धव हरिचरणनि परै ॥ हरिहृदये निश्चल करि धरै ॥ पुनि उद्धवजन पहुचे
 तहां ॥ नरनारायण प्रगटे जहां ॥ ९४ ॥ तहां जाइ कीने आचरण ॥ जे जे हरिभाषे ते करण ॥
 बलकल अंबर फल आहार ॥ प्रेममग्न नित ब्रह्मविचार ॥ ९५ ॥ तब त्रय गुण बिस्तार मिटायौ ॥
 उद्धव ब्रह्म निरंजन पायौ ॥ यह हरि उद्धवको संवाद ॥ हरिजीको है परम प्रसाद ॥ ९६ ॥
 जाकों कृपाकरै सो पावै ॥ तजि भवसिंधु ब्रह्ममें जावै ॥ जबतैं याकों भाषै सुनै ॥ प्रेमसहित
 हृदयेमें गुनै ॥ ९७ ॥ तबतैं पावे परमानंद ॥ श्रमही विना मिटै दुषद्वंद ॥ यह स्वयमेव आप
 हरिकह्यौ ॥ जामें कलु संदेह न रह्यौ ॥ ९८ ॥ यामें एसो कृष्ण प्रभाव ॥ मिटे जगत उपजै हरिभाव ॥
 जिन हरि प्रगट अमृत दै करे ॥ भक्तिनि पाइ सकल दुषहरे ॥ ९९ ॥ एक जलधितैं अमृत उपा-
 यौ ॥ निजाधीर देवनिकों पायौ ॥ जरा रोग आदिक दुषहरै ॥ बल उपजाइ विगत भयकरै
 ॥ १०० ॥ अरु दूजो यह अमृत एक ॥ वेद सिंधुतैं ब्रह्मविवेक ॥ सो आपनैं जन निकों पायरौ ॥
 जन्म मरण भव भयहि मिटायौ ॥ १०१ ॥ ऐसैं आदिपुरुष अविनासी ॥ सुनत मिटे जिनही
 भवफासी ॥ कृष्णराम लीनौ अवतार ॥ तिनकों वंदन वारंवार ॥ १०२ ॥ ॥
 दोहा ॥ एसौ शुनि शुकदेवसौं, परम तत्त्व उपदेश ॥ कृष्णकथाके प्रेमसौं,
 कीनौ प्रश्न नरेस ॥ १०३ ॥ इति श्रीभागवतेमहापुराणेएकादशस्कंधे श्रीभ-

गवदुद्धवसंवादेभाषायांउद्धवमुक्तिनिरूपणंनामएकोनत्रिशतितमोऽध्यायः ॥

॥ २९ ॥ ॥ इतिभगवदुद्धवसंवादसंपूर्णं ॥

दोहा ॥ ॥ इच्छाहै निजधामकी, मूशल छलकौ धार ॥ कहत तीसवै ध्यायमें,
यदुकुलको संहार ॥ १ ॥ प्रथम सुनी संक्षेपजो, अबपूछीं बिस्तार ॥ श्रीधर
कथाऽवसानमें नृपप्रति श्रीशुकसार ॥ २ ॥ ॥ राजोवाच ॥ ॥ चौपाई ॥ हेप्रभु
हरिकी कथा सुनावो ॥ कर्णपूट अमृत यह पावो ॥ हरि उपदेश उद्धवहि दीनौ ॥ पीछे आप
कहा तिन कीनौ ॥ १ ॥ यादव कुलकों प्रगटौ श्राप ॥ हरिजी कहाक्यौ तब आप ॥ ईश्वरकौ
बाधा नहिं कोई ॥ अरु द्विजशाप न मिथ्या होई ॥ २ ॥ सबके तन मन मोहन देह ॥ परमानंद
सुधाको गेह ॥ जो नारी हरि दर्शन पावै ॥ तिनसौं नैन न षेचे जावै ॥ ३ ॥ अरु जे हरिके
रूपहि गावै ॥ बानी सहित मानते पावै ॥ अरु जे सुनिकरि हृदये धरै ॥ ते पलको नहिं छोड़े
पारै ॥ ४ ॥ भारतमें अर्जुन रथमांहीं ॥ बैठे दर्श लहै जा जाहीं ॥ तिन तिन हरिकी समता
पाई ॥ सब संसृति ततकाल गमाई ॥ ५ ॥ ऐसो तन हरि त्याग्यौ कैसें ॥ कोई हरै नागमणि
जैसें ॥ ऐसें वचन कहे नर देव ॥ उत्तर दीनौ श्रीशुकदेव ॥ ६ ॥ ॥ श्रीशुक उवाच ॥ ॥
॥ चौपाई ॥ द्वारावति ऊठे उत्पात ॥ तिनकौ देषि कही हरिबात ॥ उग्रसेन आदिक सबलोक ॥
सभा सुधर्मा हर्ष न सोक ॥ ७ ॥ तिनसौं कृष्णवचन उचारे ॥ हरिको मर्म न लषे विचारे ॥
निजमायासों मोहित करे ॥ ज्ञान विवेक सबानके हरे ॥ ८ ॥ ॥ श्रीभगवानुवाच ॥
॥ चौपाई ॥ हेयादवो सुनो मम बात ॥ द्वारावती बहुत उत्पात ॥ ए उत्पातहि मृत्यु निसा

ना ॥ तातैं तजिये यह अस्थाना ॥ ९ ॥ युवती बाल वृद्ध सब जे ते ॥ संखोद्धार पैठैये ते ते ॥
 औरो सकल प्रभासाहि जैये ॥ तहँ पश्चिम सरस्वति अहैये ॥ १० ॥ करी स्नान तन निर्मल
 करिये ॥ सुद्ध हृदय तीरथ वृत्तधरिये ॥ जे जे बहुत पितृ अरु देवा ॥ तिनकी करिये पूजा सेवा
 ॥ ११ ॥ अरु विप्रनकी पूजा कीजै ॥ करि सन्मान दान बहू दीजै ॥ गाइ भूमि सोसों वस्त्रादी ॥
 हय हाथी रथ अन्न गृहादी ॥ १२ ॥ आशीर्वाद द्विजनको लीजै ॥ जातैं विघ्न सकल हू
 छीजै ॥ देवरु विप्र गाइकी पूजा ॥ पापहरण विधि धर्म न दृजा ॥ १३ ॥ ऐसी सुनि हरि-
 जीकी बानी ॥ सब यादवनि भलीकरि मानी ॥ नावनि बैठि सिंधुतें उतरै ॥ चढि करि रथनि
 प्रयाणौ करै ॥ १४ ॥ ज्यों हरि तिनको आग्यादीनी ॥ त्यों बसनि सबै विधिकीनी ॥ करि अस्नान
 धर्म बहुठानै ॥ मध्य प्रभास आप बहूमानै ॥ १५ ॥ तब तिनकीयौ मदिरा पान ॥ जातैं भूलिगयेसब
 ज्ञान ॥ तबते मत्त सकलहीं भये ॥ हरि माया विवेक हरिलये ॥ १६ ॥ तिनमें कलह भयौ उत्पन्न ॥ सब-
 में प्रगटे हरि प्रछन्न ॥ तब तिनकी ता सभा मझारी ॥ सात्याकि वीर गिराउचारी ॥ १७ ॥ कृत-
 वर्माको करि अपमान ॥ सात्यकि छोडे बाणीबान ॥ भाई जो क्षत्रिय तनधारी ॥ अरु बहुमें कहिये
 अधिकारी ॥ १८ ॥ सो ऐसी क्यों करै ॥ सोबत बालनिकै सिंहरै ॥ यह प्रद्युम्नवचन सत
 काच्यौ ॥ कृतवर्माको अति धिक्काच्यौ ॥ १९ ॥ तब कृतवर्मा कीनौ क्रुद्ध ॥ वाणीबाण प्रकास्यौ
 जूद्ध ॥ अरे करे क्षत्रियको ऐसी ॥ व्याध कूरतै कीनी जैसी ॥ २० ॥ भूरीश्रवा निरायुध
 भयौ ॥ जाकौ बाहु जुलग कटि गयौ ॥ ताकौ वधतैं कीको एसै ॥ व्याध कसाइ
 करै नहिं जैसै ॥ २१ ॥ तब सात्यकि उठि बोलै बानी ॥ सूनोसूनोहे सारंगपानी ॥

इनको यश अरु आयु सरायौ ॥ तारैं इसौ मतो है आयौ ॥ २२ ॥ एकहि वचन
 षड्ग तिनकाढ्यौ ॥ कृतवर्माकौ मस्तक बाढ्यौ ॥ यद्यपि सबमिलि बहुत निवान्यौ ॥ तोंहं
 सात्यकि क्रोध न टान्यौ ॥ २३ ॥ तारैं सकल भये ते क्रुद्ध ॥ सात्यकिहीसो ठान्यौ युद्ध ॥ तारैं
 सकल भए द्वे ओर ॥ युद्ध रण्यौ सागरतट घोर ॥ २४ ॥ केई धनुष बानसौं लरैं ॥ केई षड्गहें
 संहरैं ॥ केई फरसी गदा कुठार ॥ केई ले हसि हाथप्रहार ॥ २५ ॥ केई गुरंज गोफना केई ॥ वृक्षादिकनि
 लरैं ते तेई ॥ हरषित सबै करैं संग्राम ॥ बैठे देखैं कृष्णरु राम ॥ २६ ॥ हायसों हयहाथीसो हाथी ॥
 रथसो रथ साथीसों साथी ॥ खरसों खर ऊंठै ऊंठैनिसौं ॥ महिषरु महिष बैल बैलनिसौं ॥ २७ ॥
 षचरसौं षचरमिलि लरैं ॥ नरसो नरसौं नरमिलि युद्धहि करैं ॥ महामत्त है लरहिं ऐसै ॥ युद्ध
 करै बनमें गज जैसैं ॥ २८ ॥ सांब प्रद्युम्न न ठान्यो युद्ध ॥ त्यों अक्रूर भोज अतिक्रुद्ध ॥ अरु
 संग्राम जीत सुभद्र ॥ करैं युद्ध वीरनकौ भद्र ॥ २९ ॥ गदसे नाम कृष्णको भ्राता ॥ नामसु
 चारु पुत्र विख्याता ॥ त्यों सात्यकिसौं मिलि अनिरुद्ध ॥ सुरथ सुमित्र करैं मिलियुद्ध ॥ ३० ॥
 उल्मुकनि सठ सहस्र सतजीत ॥ जोधा भानु आदि अमीत ॥ आपु आपुमें युद्धहि ठानैं ॥
 हरिकरि मोहित कलु नहिं जानैं ॥ ३१ ॥ वृष्णिवंश दाशारहवंश ॥ सात्वत अंधक भोजवतंश ॥
 अर्बुद सूरसेन मधुमाथुर ॥ देश विसर्जन कुंतय कूकुर ॥ ३२ ॥ आपु आपुमिलि युद्धहि ठान्यौ ॥
 सबनि परस्पर सुहृदय भान्यौ ॥ पुत्र पिता भाई अरु भाई ॥ मामा अरु भानेज लराई ॥ ३३ ॥
 काके भतिजे नाती नाना ॥ मित्र मित्रमिलि युद्धहि ठाना ॥ सुहृद सुहृद ज्ञातिनिसौं ज्ञाती ॥
 सबामिलि भए परस्पर घाती ॥ ३४ ॥ तब सरक्षीण भए सब तिनके ॥ दूटै धनुष तथा सब जिनके ॥

आयुध सकल छोन जब भए ॥ तब तिन करनि ऐस्कालए ॥ ३५ ॥ भइ मूसल चूरणतैं जेतैं ॥
 वज्रसमान सिंधुतट ते ते ॥ सकल करनि करिलोनै ॥ हरिसौं युद्ध कोधहीं कीनै
 ॥ ३६ ॥ रामकृष्ण बहुभांति निवौर ॥ परिते मुख कछु न विचारै ॥ रामकृष्णकों रिपु-
 रि जानै ॥ युद्ध बुद्धि अंतर्गत आनै ॥ ३७ ॥ तब आपहुं कियौ तिनकोप ॥ कन्यौ चहैं सबहिन-
 को लोप ॥ तब ऐरका करनि तिनलिये ॥ थोरै मांहि प्रलय सबकीये ॥ ३८ ॥ विप्रशाप आच्छा-
 दित करै ॥ हरिमाया विचार सबहरै ॥ प्रकटक्रोध अग्निक तहँ भयो ॥ वांसविपिन कुलजरि मरि
 गयौ ॥ ३९ ॥ तब कुल सकल नष्ट हरि देख्यौ ॥ भृको भार उताग्यौ लेख्यौ ॥ जाकारण लीनौ
 अवतार ॥ सो परिहग्यौ धरणिको भार ॥ ४० ॥ तब समुद्रतटमें बलिभद्र ॥ कीनौ ब्रह्मध्यान
 अतिभद्र ॥ आपुहि ब्रह्ममांहि लेख्यौ ॥ मानव देह दूरिकरि नाख्यौ ॥ ४१ ॥ रामप्रयाण
 लख्यौ हरि जबहीं ॥ लघुपिप्पलतलि बैठे तबहीं ॥ निर्मलरूप चतुरभुज धान्यौ ॥ दशहु दि-
 शाको तिमिर निवान्यौ ॥ ४२ ॥ ज्यौं बिनधूम अनल परकासा ॥ ऐसो प्रगटहि भयो उजासा ॥
 पीतवसन नूतन घनस्याम ॥ तसहेम सोभा अभिराम ॥ ४३ ॥ सुंदरहाससहित मुखपद्म ॥
 कमलनयन सोभाके सझ ॥ कर्णनि कुंडल मकराकार ॥ शीसमुकुट सोभा अधिकार ॥ ४४ ॥
 रुचिर नील शिरकेश विसाल ॥ उर भृगुलता मणी बनमाल ॥ गलकौस्तुभ कटिसूत्र विराजे ॥
 छुद्रघंटिका नूपर राजै ॥ ४५ ॥ बहु आभूषण भूषण अंग ॥ देखत मोहे अमित अनंग ॥
 आयुध मूरतिवंत समस्त ॥ तजि नहि होई भय अस्त ॥ ४६ ॥ उत्तम चरणकमल सुमरि
 आरक्त ॥ जिनकों उर ध्यावै नितभक्त ॥ दक्षिण जंघानीचै कन्यौ ॥ वाम चरण ता उपर

धन्यौ ॥ ४७ ॥ यौ निश्चल है बैठे कृष्ण ॥ सुमर तजि नहि मिटै भव तृष्ण ॥ अतिलघु मूशल
 षंडजु रह्यौ ॥ जलमें डान्यौ मच्छहि गह्यौ ॥ ४८ ॥ सो वह मच्छ जालमें आयौ ॥ ताकै उदर
 लोहसो पायौ ॥ जरा व्याध भलकासो कीनौ ॥ लेकरि शरके आगै दीनौ ॥ ४९ ॥ सो वह
 व्याधहुतो बनमांहीं ॥ हरिको पद तिन जान्यो नाहीं ॥ हरिको चरण दृढ जब पच्यौ ॥ मृग
 मुष जाति घात तिन कच्यौ ॥ ५० ॥ सोई बाण लगायो चरण ॥ विप्रवचन नहिं मिथ्या करण ॥
 सो वह अधिक निकट चलि आयौ ॥ रूप चतुर्भुज दर्शन पायौ ॥ ५१ ॥ चरणलग्यौ तब
 देष्यौ बान ॥ जराभयो तब मृतक समान ॥ चरणानि परि बोल्यो भयभीत ॥ कंपत अंग
 लग्यो ज्यौ सीत ॥ ५२ ॥ हेप्रभु मैं कीनौ अपराध ॥ तुमहि न जान्यौ मूख व्याध ॥ यह में
 कीनौ सकल अजानै ॥ बान चलायौ मृगमुष जानै ॥ ५३ ॥ यह अपराध तुमहिप्रभुटारौ ॥ जे तुम नाम
 लियेतें तारौ ॥ तुम सुमरण सब पाप विनासै ॥ मिटि अज्ञानहि ज्ञान प्रकासै ॥ ५४ ॥ ब्रह्मआदि
 करें आराध ॥ तिनको में कीनौ अपराध ॥ तातैं प्रभुजि बिलंब न करौ ॥ मो पापीके प्राणनि हरौ ॥ ५५ ॥
 जातैं बहुरों करौ न ऐसो ॥ यह अपराध कच्यौ में जैसो ॥ जिनकी मायाकौ विस्तार ॥ ब्रह्मा
 शिव सनकादि कुमार ॥ ५६ ॥ औरौ श्रुति दृष्टाहैं जे ते ॥ क्योंही जानिसकैं नहिं ते ते ॥
 मोहित सकल तुमारी माया ॥ तातैं किन्हूं पार न पाया ॥ ५७ ॥ तिनकौ पापयोनि हम जे
 ते ॥ कौन भांतिकरि जानै ते ते ॥ तातैं अब दूजीन विचारौ ॥ बेगी मो पापीकौ मारौ ॥ ५८ ॥
 ऐसी जरा अधिककी बानी ॥ सुनि निहकपटहि सारंगपानी ॥ तब प्रभु आप वचन उच्चार्यौ ॥
 ताकौ सकल सोकभय टाच्यौ ॥ ५९ ॥ श्रीभगवानुवाच ॥ चौपाई ॥ उठ उठ जराभयहि मति

आनौ ॥ अपनो कन्यौ पाप मति जानौ ॥ यह समस्त लीलाहै मेरी ॥ यामें कहा शक्तिहै तेरी ॥ ६० ॥ मेरी कृपा जाई तूं स्वर्ग ॥ जहां महासुष नहिं उपवर्ग ॥ ऐसैं बचन कहै हरि जबहीं ॥
 द्यौ विमान स्वर्गतें तबहीं ॥ ६१ ॥ तीन परीक्रम अरु परनाम ॥ करिकें बधिक गयो सुरधाम ॥
 चढि विमान स्वरलोकही गयौ ॥ जय जय शब्द जहां तहं भयौ ॥ ६२ ॥ तब रथ लिये सारथी
 देषै ॥ परि हरिजीकों कहूं न पेसै ॥ तुलसी गंध पवन जब पायौ ॥ ताकों भोज कृष्णपें आयौ
 ॥ ६३ ॥ पिप्पलमूल कियो हे आसन ॥ प्रभा मनहू शशिमूरहुताशन ॥ आयुध आगे
 मूर्तिवंत ॥ यो देषेनिजपति भगवंत ॥ ६४ ॥ तब दारुक धीरज नहिं कन्यौ ॥ रथ तजि
 विव्हल चरणनि पन्यौ ॥ उमग्यौ हृदय नैनजल छाये ॥ प्रेममगन सुषेन न आये ॥ ६५ ॥
 तबकरि धीरज आंसु निवारै ॥ करुणासहित वचन उचारै ॥ हेप्रभु में तुमचरण न देषे ॥ ते
 पल पलक कलपकरि लेषे ॥ ६६ ॥ जबतें नष्ट दृष्टमें भयौ ॥ सबदुष एकवार अनुभयौ ॥ भूलि
 दिशान कहूं सुषपायौ ॥ ज्यौ उडुपति निसिमांहि छिपायौ ॥ ६७ ॥ तुम बिनमें ज्यौ तनबिन
 प्रान ॥ जैसे नैन अंधबिन भान ॥ ऐसैं वचन कहतही मूत ॥ देष्यौ एकचरित
 अदभूत ॥ ६८ ॥ गगनहुतैं उत्तम रथआयौ ॥ हयनि सहित अरु गरुड सुहायौ ॥ मूर्तिवंत
 हरि आयुध जे ते ॥ रथमें जाइ चढै सब ते ते ॥ ६९ ॥ यह चरित्र दारुक जब देष्यौ ॥ विस्मय
 भयौ अचंभा लेष्यौ ॥ तब हरि मूतहि बचन सुनाए ॥ करि सन्मान दुःख विसराए ॥ ७० ॥
 श्रीभगवानुवाच ॥ ॥ चौपाई ॥ मूत द्वारिकाकों तुम जावौ ॥ समाचारं सब जाइ सुनावौ ॥
 सबकौ मरण राम निर्याणो ॥ अरु मैहुं अब करत प्रयाणो ॥ ७१ ॥ द्वारावती रहो मतिकोई ॥

तनके धारि जहालौ जोई ॥ यह नरलोक तजौ में जबहीं ॥ सिंधु द्वारिका बोरै तबहीं ॥ ७२ ॥ हमरै मातपितादिक जेई ॥ ले अपनै लोकनि ते तेई ॥ दिली जईयौ अर्जुन संग ॥ रहे द्वारिका व्है हौ भंगा ॥ ७३ ॥ तिनको यह संदेश सुनावौ ॥ अरु तुम मम धर्मनि मन लावौ ॥ मम माया रचना जानौ ॥ नाम रूप सब मिथ्यामानौ ॥ ७४ ॥ क्षणभंगुर सब नाना रूप ॥ निश्चल जानौ मोहि अनूप ॥ जहँ तहँ व्यापक मोको जानौ ॥ नाम रूप मम मायामानौ ॥ ७५ ॥ मेरे चरण निरंतर भजौ ॥ दूजी सकल वासना तजौ ॥ ऐसैं हैं आवो मोमांहीं ॥ जातें फिरि दुष पावौ नाहीं ॥ ७६ ॥ यह सुनि सूत कृष्णसों ज्ञान ॥ छोडे सोक मोह भय आन ॥ नमस्कार करि वारंवार ॥ प्रदक्षिणादे विविध प्रकार ॥ ७७ ॥ हरि बियोगतें अतिदुष पायौ ॥ ज्ञानविचार चित्त ठहरायौ ॥ हरिके चरणकमल चितधरै ॥ तब दारुक द्वारिका पधारै ॥ ७८ ॥ दोहा ॥ यह नृपमैं तुमसों कह्यौ, यदुकुलकौ संहार ॥ अब भाषौ हरिको गमन, अरु हरिजन उद्धार ॥ ७९ ॥ इति श्रीभागवते महापुराणे एकादशस्कंधे श्रीशुकपरीक्षितसंवादे भाषायां बलदेवनिर्याणो नाम त्रिंशतितमोऽध्यायः ॥ ३० ॥ ॥ ॥ दोहा ॥ ॥ कृष्णपधारे धामकौ, एकतीसवैं अध्याय ॥ तिनके पीछै प्रीति तें, वसुदेवादिक जाय ॥ १ ॥ हरिभजनके हेतकौ, लीला विग्रहरूप ॥ श्रीधरभजै सुभावतें, तजै अंध भवकूप ॥ २ ॥ श्रीभगवानुवाच ॥ ॥ चौपाई ॥ तब ब्रह्मा सनकादिनि लिये ॥ भृग्वादिकनि तथा संगक्रिये ॥ सहित भवानी शंकरदेव ॥ इंद्रादिक अरु

सुर उपदेव ॥ १ ॥ विद्याधर किन्नर गंधर्व ॥ पितर महोरग चारण सर्व ॥ गरुड लोक पंक्षी अरु
 सिद्ध ॥ हरिके दर्श कामनाविद्ध ॥ २ ॥ सबमिलि हरिदर्शनकौ आए ॥ सब मिलि हरिके दर्शन
 पाए ॥ हरिके जन्म कर्म गुन गावैं ॥ सबमिलि जय जय शब्द सुनावैं ॥ ३ ॥ सकल विमान-
 नि छाँयौ गगन ॥ वरषे पुष्प प्रेमकरि मगन ॥ वारंवार करें परनाम ॥ सुषते भाषे हरिको नाम
 ॥ ४ ॥ ब्रह्मादिक सब कृष्णाविभूती ॥ कृष्णाहि करि तिनकी उदभूती ॥ ते समस्त देवै भग-
 वान ॥ नैन मुंदित बठान्यौ ध्यान ॥ ५ ॥ ब्रह्मरु आप एककरि ध्यायौ ॥ द्वैतभाव सब दूरि
 बहायौ ॥ निजतन लोकनिकौ अभिराम ॥ ध्यान धारणा मंगलधाम ॥ ६ ॥ ताकौ अग्नि
 धारणा करि ॥ अग्निउपाय भस्मसो करि ॥ तब हरिजी वैकुंठ सिधारे ॥ याविधि सबकै कारज सारे
 ॥ ७ ॥ तब डुंडुभि बाजै सुरलोक ॥ उपज्यौ हर्ष मिट्यो भयशोक ॥ सत्यरु कीरति धीरज
 धर्म ॥ सोभा अरु जे उत्तमकर्म ॥ ८ ॥ ते सब गए संग जगदीश ॥ जातें हरि सबहिनके ईश ॥
 तातें जहांकथाहरिजीकी ॥ पूजाध्यानधारणानीकी ॥ ९ ॥ तहांसमस्तरहैंतेईते ॥ इत्यादिक सब
 विधि जेईते ॥ ब्रह्मा आदि सकल सुरजेते ॥ हरिकी गती न जानैं ते ते ॥ १० ॥ हरि
 वैकुंठ प्रयाणो कन्यौ ॥ सो किनहुंको जान न पन्यौ ॥ कहूं नहीं तिन हरिकों देख्यौ ॥
 बडौ अंचभा सबहि न लख्यौ ॥ ११ ॥ जेसैं मेघ होइ आकाश ॥ अरु दामनी प्रगट घनपाश ॥
 है करि प्रगट गुप्त है जावैं ॥ ताको षोज न कोई पावै ॥ १२ ॥ त्यों हरिकियो प्रयाणो जबहीं ॥
 काहू तिनहीं न देख्यौ तबहीं ॥ भूमें प्रगट हुते तब देखे ॥ गुप्त भए किनहुं नहिं पेखे ॥ १३ ॥
 हे नृप एह अंचभा नाहीं ॥ शक्ति अनंत सदा हरिमांहीं ॥ यदुकुलमें हरिको अवतार ॥ अरु

करिवौ नाना व्यवहार ॥ १४ ॥ सो समस्त माया करि जानौ ॥ हरिकी शक्ति होत सब मानौ ॥
 हरिजी सदा एक रस रहै ॥ कर्म न करै जन्म नहिं गहै ॥ १५ ॥ औरै कर्म करत सह जानै ॥
 जन्मलियौ हरिजीको मानै ॥ ए सब देहनिके व्यवहार ॥ हरिजी इन सबहिनके पार ॥ १६ ॥
 जैसैं नटबाजी विस्तारे ॥ बहुन्यौ आपहि सकल निवारै ॥ बाजीगरहि सकलतै न्यारा ॥
 यौ हरि कर्म अरु अवतारा ॥ १७ ॥ जिन हरि रच्यौ त्रिगुण संसारा ॥ नानाभांति प्रगट आकारा ॥
 आप प्रवेश कियौ तिन तिनमें ॥ सब बरताइ बिनासै छिनमें ॥ १८ ॥ अंत आपकै आप
 हि रहैं ॥ त्यौहीइन अवतारनि गहै ॥ गुरुको मृतक पुत्र जिन आन्यौ ॥ काल मृत्यु
 को गर्वही भान्यौ ॥ १९ ॥ ब्रह्मशस्त्रतै तुमहिं बचायो ॥ बधिकहि स्वर्ग सदेह पठायो
 तेजो अपनी रक्षाकरते ॥ तो तिनकोँ काहे परि हरते ॥ २० ॥ सब जगकी उत्पत्ति
 प्रतिपाल ॥ नासकरै जिनकै बलकाल ॥ ऐसैं सकल शक्तिमय देवा ॥ ब्रह्मा आदिकरै जा
 सेवा ॥ २१ ॥ हरिवेकोँ धरनिको भार ॥ धन्यो हु तौ मानुष अवतार ॥ तासों भूको भार उतान्यो ॥
 पीछैउहै दूरिकरि डान्यौ ॥ २२ ॥ ज्यों कांटो लाटो पगमांहीं ॥ सो काटे बिन निकसे नाहीं
 कांटे कांटो काढ्यो जबहीं ॥ सोऊ डारिदियो पुनि तबहीं ॥ २३ ॥ त्यौ हरि मृतक देह क्यों
 राषै ॥ निजानंद पदसों नाषै ॥ अरु एके अतिही अज्ञान ॥ तिनकोँ प्रगट दिषायौ ज्ञान ॥ २४ ॥
 योग साधिकरि राषे देह ॥ पुरुषारथ करि मानै एह ॥ सकल विकारनिको आगार ॥
 ताकोँ राषितजै सुख सार ॥ २५ ॥ तातैं तिनको मोह मिटायौ ॥ देह तजे तें ब्रह्म बतायौ ॥
 ऐसैं तनको कियो अनादर ॥ तातें कोई करै नहिं आदर ॥ २६ ॥ तातैं हरि वैकुण्ठ पधारै ॥

बाजी ज्यों देहादि निवारै ॥ ब्रह्मा हर इंद्रादिक जे ते ॥ देषि प्रयाणौ हरिको तेते ॥ २७ ॥ विस्म-
 य भए कृष्ण गुणगर्वै ॥ अपने अपने लोकनि जावै ॥ जो हरिचरित पढ़ै उठि प्रात ॥ कृष्णदे-
 वका निर्मल बात ॥ २८ ॥ सो दृढभक्ति कृष्णकी पावै ॥ जातैं कृष्णलोकमें जावै ॥ हरि दारुक
 द्वारिका पाठ्यौ ॥ सो वसुदेव नृपतिपैं आयौ ॥ २९ ॥ भयो वियोग विकल अतिचित्त ॥
 जेसै कृष्ण गएतें वित्त ॥ आंसु प्रवाह चले नैननितैं ॥ अति व्याकुल अटपट बैननितैं ॥ ३० ॥
 सब यदुकुलको नास सुनायो ॥ अरु बलको निर्याण जनायो ॥ तिन दोनोंके चरणनि परे ॥
 तब सारथी वचन उचरे ॥ ३१ ॥ यों सुनिलोक तस सब भये ॥ करत विलाप प्रभासहि
 गये ॥ तहां जाइ हरिजी नहिं देषे ॥ तब वैकुण्ठ गए करि लेषे ॥ ३२ ॥ तब रोहिणि देवकि
 वसुदेव ॥ उग्रसेन राजा नरदेव ॥ हरि विजोगतैं उपज्यौ सोक ॥ तातैं चहुं तज्यौ नरलोक
 ॥ ३३ ॥ रामकृष्णको इसो विजोग ॥ जातैं मिथ्यौ देह संजोग ॥ बल युवती सब ले बलदेह ॥
 अग्नि प्रवेश कियो अतिनेह ॥ ३४ ॥ वसुदेवहि ले षोडश नारी ॥ किय सह गमन चिता संवारी ॥
 प्रद्युम्नहि जहांलों जे ते ॥ तिनकी त्रियनि लिये सब तेते ॥ ३५ ॥ सबहिनकै अति कृष्णविजोग ॥
 जातैं क्यौ अग्नि संजोग ॥ हरिकी बधू जहांलों जेती ॥ रुक्मानि आदि सकल मिलि तेती
 ॥ ३६ ॥ हरिकौ रूप हृदमें धन्यौ ॥ अग्नि प्रवेश सकल मिलि क्यौ ॥ अर्जुन परमसखा
 हरिजीकौ ॥ कृष्णवियोग प्रहारकजीकौ ॥ ३७ ॥ तातैं अर्जुन अति दुखपायौ ॥ कृष्णज्ञान
 तब हृदये आयौ ॥ गीता मांहि कह्यौ हरिज्ञान ॥ मिथ्या देह सत्य भगवान ॥ ३८ ॥ ऐसे
 बहुविधि ज्ञान विचार्यौ ॥ कृष्णवियोग शोक सबटार्यौ ॥ आप आपमें मारे जे ते ॥

अपनै बंधु ज्ञाति प्रिय ते ते ॥ ३९ ॥ तिनकों जो पिंडादिक दाना ॥ मृतक क्रिया जेती विधि
नाना ॥ सोई सों अर्जुन सब करि ॥ कृष्ण प्रीतितें नहिं परिहरि ॥ ४० ॥ तब द्वास्त्रिका
कृष्णविनु भई ॥ सायर बोरि पलकमें लई ॥ केवल हरिजीके ग्रह जे ते ॥ त्योंहि रहै
सकलही ते ते ॥ ४१ ॥ नितबिहार जहां हरिजीकों ॥ सुमस्त सुतन उधारणजीकौ ॥ मंगल
सकल मंगलनि केरौ ॥ त्रिभुवन सुखहोवै नितचरौ ॥ ४२ ॥ स्त्री बाल वृद्ध सब जेते ॥
मस्त मस्त उबरे केते ॥ ते अर्जुनहि दिली ले आए ॥ समाचार पांडवनि सुनाए ॥ ४३ ॥
तुमरे सकल पितामह जेते ॥ कृष्ण प्रयाणो सुनिकरि ते ते ॥ तुमहि वंशधर राजाकियौ ॥
मथुरा तिलक वज्रकों दियौ ॥ ४४ ॥ ते सब तजि उत्तरादिशि गए ॥ कृष्णाहि सेइ कृष्णमय भए ॥
जो यह हरिजीको अवतार ॥ जामें कर्मरु गुणविस्तार ॥ ४५ ॥ तिनकों कहैं सुने नित जोई ॥
सब पापनिहैं छूटे सोई ॥ याविधि हरिजीके अवतार ॥ बालपनतें कर्म अपार ॥ ४६ ॥
लोकबेदमें प्रगटहि जेते ॥ गावैं सुनैविचारै तेते ॥ तब ते लहैं परम आनंद ॥ मिलै कृष्ण छूटै
भवफंद ॥ ४७ ॥ ॥ दोहा ॥ ॥ यह हरिको अवतारमैं, तुमसों कह्यौ सुनाइ ॥ याकों
कहि सुनि सुमरि नर, नारायण मिलि जाइ ॥ ४८ ॥ ॥ चौपाई ॥ ब्रह्म निरीह निरंजन
स्वामी ॥ सकल लोकके अंतरजामी ॥ भक्तानि हेतधरे अवतार ॥ नाना भांति करै उद्धार ॥ ४९ ॥
तिनमें कृष्ण स्वयं भगवान ॥ ज्ञान क्रिया सब शक्ति प्रधान ॥ जिनकै गुणनि कहै शुकदेव ॥
सुनत हि त्यों परिश्रित देव ॥ ५० ॥ जिनको नामलिये भवनाहीं ॥ लेकर राखै निजपद मांहीं ॥

ऐसे कृष्ण संतकौवित्त ॥ नमस्कार नित प्रभुकों नित्त ॥ ५१ ॥ तें अब संतदाससें नाम ॥ देह-
 री जीवनके काम ॥ कृपानिधान भक्तिकरवावै ॥ अपनी शक्ति हृदयमें ल्यावै ॥ ५२ ॥ ऐसी
 विधि भवदुःख मिटावै ॥ अपने परमहि पद पहुंचावै ॥ कृष्णरूप तिन ज्ञान सुनायौ ॥
 उद्धवजन निजपद पहुंचायौ ॥ ५३ ॥ सो ले कह्यौ संस्कृत व्यास ॥ तातें होइन अर्थ
 प्रकास ॥ जो पंडित तिहिजानें सोई ॥ दूजो कदे न जानै कोई ॥ ५४ ॥ तातें तिन अब क-
 रुणा कीनी ॥ मो सेवकों आग्यादीनी ॥ सब लोकनिके हित मनधारी ॥ मम उर है भाषा
 विस्तारी ॥ ५५ ॥ याकों वाचे मुनै सुनावै ॥ ध्यानकरै उंचै स्वर्गावै ॥ ते ते लहै ज्ञान
 वैराग ॥ प्रेम भक्ति हरिकौ अनुराग ॥ ५६ ॥ प्रेम प्रवाह मगन नितरहैं ॥ भव दावानल कदे
 न दहैं ॥ ऐसें है करि ब्रह्मसमावै ॥ तजि आनंद जगत नहिं आवै ॥ ५७ ॥ कबहुं करै कामना
 कोई ॥ यातें लहै सकल सो सोई ॥ तातें जे जे होइ सकाम ॥ अरु जे बड़भागी निहकाम
 ॥ ५८ ॥ तिन सबनीकों भाषा एह ॥ भुक्ति अरु मुक्तीको गेह ॥ तातें यासों कीजै प्रीति ॥ यह
 है सब संतनकी रीति ॥ ५९ ॥ संवत सोलह शत बाणवा ॥ ज्येष्ठशुक्ल षष्ठी कुजदिवा ॥ संत
 दास गुरु आज्ञादीनी ॥ चतुरदास यह भाषाकीनी ॥ ६० ॥ दोहा ॥ परमज्ञान परगट
 कियौ, ममघट है निजदेव ॥ ते मेरे उर नितवसें, संतदास गुरुदेव ॥ ६१ ॥
 ॥ कुंडलिया ॥ चतुरदास कृत ग्रंथ यह ॥ सोध्यो श्रीधरसाम ॥ अब चम्यक सोधन कियो

ए. भा

॥१०२॥

पीताबरसें नाम ॥ पीताबरसें नाम रामको मार्ग देख्यौ ॥ लघु गुरु अच्छर सोधि बोधिकें छंदसु
पेख्यो ॥ अपभ्रंश जे शब्द शुद्ध संस्कृत कियसतुर ॥ जाहि पेखि है लोक गोप शब्दनिमें चतुर ॥ १ ॥

अ. ३१

इति श्रीमद्भागवतेमहापुराणेएकादशस्कंधेश्रीशुकपरीक्षितसंवा-
देभाषायांश्रीकृष्णप्रयाणोनाम एकत्रिंशतमोऽध्यायः

॥ ३१ ॥ श्रीकृष्णार्पणमस्तु ॥ ॥

हरिप्रसाद भगीरथजीने नेट्वि ओपिनियन प्रेसमें छपवाकर प्रसिद्ध किया.

हरिप्रसाद भगीरथजी,

कालकादेवीरोड-रामवाडी

मुंबई.

Printed by Vinayak Balkrishna Paranjpe at the Native Opinion Press No. 2, Angria's Wadi,
Girgaon, Bombay and published by VrajaValabha Hariprasad Bhagianthaji,
House No- 331, Kalkadevi Road, Bombay No. 2.

॥१०२॥

महाभारतभाषा ।

सबलसिंह-चौहानकृ-१८-पर्व.

भगवान् वेदव्यासप्रणीत विश्वविख्यात श्रीमहाभारतका पाठकोंको परिचय दिलाना जगत्साक्षी श्रीसूर्यनारायणको दीपककी सहायतासे दूसरोंको दिखानेकी चेष्टाके समान ही हास्यास्पद नहीं, बरन्, उससेभी बहुत बढ़कर है, अतएव वैसा न करके केवल इतना कहे बिना भी हमसे रहा नहीं जाता कि इतिहासके नामसे अथवा पञ्चम वेद कहकर पुकारा जानेवाला यही विराट् ग्रन्थ हमारा सच्चा इतिहास और हमारी उच्चताका सच्चा नमूना है : कि जिसके गर्भमें भगवद्गीताके समान अनेक अनन्त अनुपम रत्न भरे हुए हैं । हमारी ऐसी गिरी दशार्में भी जबतक हमारे ऐसे ग्रन्थ जगतीमें जाग्रत् हैं तबतक हमसे आगे जानेकी कौन कहे, हमारी बराबरी करनेको भी किसीको साहस नहीं होसकता । यद्यपि हमने अपना मार्ग छोड़ दिया है और इधर उधर भटक रहे हैं तथापि अनेक खाई खन्दकोंमें बेरबेर ठोकें खाते रहने पर भी हमें अबतक अपने घरका रास्ता नहीं मिला, इससे हम बेहद बरबाद ही नहीं हो चुके हैं; प्रत्युत दिनवदिन बरबाद ही होते जा रहे हैं; तथापि हम तबतक बिलकुल निराश नहीं हैं, जबतक हमारा सच्चा पथदर्शक महाभारत महीमण्डलमें विद्यमान है । शोक है कि उस देववाणीसे हम बहुत दूर हैं कि जिसकी बदौलत हमारे पास दैवी संपत्तिका भण्डार भरा हुआ था और हम देव कह कर पुकारे जाते थे । इसीसे महाभारतरूपी कल्पतरुकी छायामें बैठे रहनेपर भी उसके प्रभावको न जानकर आज हम दरिद्रजनित असह्य कष्टसह रहे हैं । हमारी आशाको किसी अंशमें पूरी करनेके लियेही श्रीमान् सबलसिंह चौहानने तुलसीकृत रामायणके ढँगपर दोहा चौपाइयोंमें संक्षेपसे संपूर्ण महाभारतका ऐसे ढँगपर अनुवाद किया है कि जिससे सर्व साधारण महाभारतके असाधारण गूढ़ रहस्योंको समझलेनेमें समर्थ होसकेंगे । इस महत्त्वपूर्ण ग्रन्थके यद्यपि अन्यत्र भी अनेक संस्करण हुए हैं तथापि यह उन सबसे विलक्षण है यह बात विचक्षण पाठकगण सहजमें जान सकेंगे । इसकी विलक्षणताके कारण इसकी शुद्धता, छपाईकी सफाई, टाइपकी बड़ाई व निकाई और जिल्दकी सुघराई आदि अनेक होनेपर भी आदिमें दिया हुआ वक्ता व्यास देव और लेखक गणेशदेवका इस रंगीला रंगीन चित्र विशेष चित्ताकर्षक है कि जिसके देखते ही दर्शकके हृदयमें एक विशेष भावका अद्भुत उदय होता है । की. रु. ३॥ डा. -॥- तथा रफ कागद की. रु. ३ डा. -॥-

पुस्तक मिलनेका ठिकाण.

हरिप्रसाद भगीरथजी, कालकादेवी रामवाडी-मुंबई.

इति श्रीमद्भागवतएकादशस्कंधभाषा

